



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



BX

6195

G88

1622

138: 260-73

100 23.92

Capit. X VII
S^c 3

VS
DIAE
INIS
præ-
yeniē

C.
frifici
ma
fis,

arque



ob signi

Parsons
Van Stock.
5-20-25
11751



HOLLANDIÆ,

V V E S T F R I S I Æ

VICINARVMQVE NA-
tionum rectoribus superioris at-
que inferioris gradus, populoque
omni

HUGO GROTIUS SALVTEM.



ETVS hoc dictum à maioribus
nostris ad nos devēnit : menda-
dadium utcūque celeres cur-
sus habeat, tandem tamen à veritate de-
prehendi: cui consentit illa Græcorum sen-
tentia, veritatem Temporis esse filiam.
Quamobrem nihil est quod miretur quis-
quam, si defensio innocentia nostra quar-
to demum anno prodit post mutatam apud

à ij

nos rempublicam, nosque per iniuriam condemnatos. Iure proditum est, impedito tempora causis fatalia non labi. Ego quo minus iusta mea in lucem proferrem impeditus varie fui: primum Haga per menses novem, dum omni hominum aditu intercludor: deinde Lupesteinensi custodia, quæ ut dominantibus libitum intendebatur, etiam supra quam aut sententia ferebat, aut federatorum procerum decreta. Postquam his vinculis divina me beneficentia exsolvit, tempore opus fuit ad ea conquirenda quorum subsidio causa non tam mea, cuius nihil nisi ministerium fuerat, quam eorum quorum sub potestate fueram, indigebat. Adde iam quod quæ vitia efficiunt ut acta & sententia ipso iure nulla sint, atque ea præsertim quæ iuri publico adversantur (cuius generis multa admodum indicabuntur) quovis tempore, dum tricesimum intra annum, detegi possunt, ita ut nec provocatio desideretur, sed ea satis sit ad eorum, quorum interest, notitiam per-

duci: quod factum videmus in causa Vuil-
helmi Arausionensium Principis, Comi-
tumque Egmondani & Hornani. Iam
vero & hoc apparet ademtam nobis fuis-
se provocandi libertatem, quando iudi-
ces dati sunt in nos ab iis quibus dandi ius
non fuit & quorum res agebatur. Pras-
criptio fori qua remitti postulabamus aut
ad Procures Hollandie & Vvestfrisiae,
ut summās nostras potestates, aut ad
propriis cuiusque iudices secundum patriæ
oppidorumque leges, admissa non fuit:
sed & inanis erat reddita, deiectis con-
tra leges illis, quibus nos actuum nostro-
rum rationem reddere & ius & æquum
fuerat. illæ igitur viæ cum nobis sine facto
nostro obseptæ sint, restat hac quam ini-
mus unica ad veritatem iis omnibus ape-
riendam qui sub affectibus animū non ha-
bent, etiam post futuris. Ea vero hac est.
Inter doctores eius religionis qua Reformata
nomen obtinet, tum apud nos tum
alibi sententiarum quadam varietas fuit,

super prædestinatione divina, gratia am-
plitudine atque efficacia modo & de per-
severandi certitudine, quod editis libris
manifestum fit. Eorum numerus qui præ-
destinationem certa sub lege, Gratiā
universitati hominum expositā, effica-
ciam non ineluctabilem, & perseverandi
certitudinem non sine conditione aliqua
statuunt, cum aliqui pridem fuissent Tra-
iecti, Goudæ, Hornæ, atque alibi, inqui-
rendi studio sumpsit incrementa: his oppo-
suerunt se alij prædicantes eam opinionem
cum verbo Dei & consensus formulis pu-
gnare, atque illos pastorali munere deice-
re, aliisque censura Ecclesiastica notis inu-
rere aggressi sunt. tum qui accusabantur,
premebanturque verbis se defendere. Hol-
landiæ & Vvestfrisiæ procures secuti con-
siliū, primū superioris iudicij apud se
confessus, deinde etiam Britannia Regis,
ore enuntiātum perscriptumque, cum satis
appareret, siquā super illis controversus ex
plurium pastorum sententia definitio fieret,

*non abituram rem sine divertio, corpus ipsum Reformatæ religionis ipsamque rem publicam non modice afflicturo, multosque magistratum, ut iam de civibus privatis compluribus virtutis & patriæ amanti-
bus nihil dicam, animo esse ita propenso in eam quæ accusabatur sententiam, ut eius damnationem salva religione neque probare possent, neque ei potestatis suæ vim accommodare, optimum factu iudicarunt edicere pastoribus, ut in iis controversiis alter alterum ferrent, neque tractarent id argumentum nisi temperatè & quatenus ad pietatem conduceret, manente fraternæ caritatis inter ipsos vinculo. Utque abrupta omnia illarum quæstionum vitarentur, neque novis pateret aditus, alia atque alia deinceps facta sunt decreta, quæ viris pie doctis, domi forisque compluribus placuere. Sed enim pastorum aliqui cum certam ex definitione victoriam animo præcepissent, neque ad eam via legitima pervenire possent, intercedentibus de-*

* 138 260.0275

138 21.22

Capit. XVIII
509

VS

IAE

NIS

præ-

venit

C.
rifici
is,

arque



ob signi

barneveldium *Hollandia* assessorem (advocatum vocat) florentissima pridem apud conventum auctoritatis, à quo olim cum induciæ fierent, dissenserat, magis magisque concitatur : Simul de forma reipublicæ, cui minus se immiscuerat hætenus restrictus negotiis militaribus ea docetur quæ neque cum legibus, neque cum moribus congruebant. Tandem igitur quæ pro ferenda sententiarum diversitate ab *Hollandia* proceribus decreta erant, improbare incipit, desertisque templis publicis aggregare se iis qui secesserant : Etiam proceribus *Hollandia* ignaris præcepta dedit ordinariis militibus ne se moverent in negotiis quæ ex eis controversus orirentur, cum aliter sentirent *Hollandia* proceres, suis nimirum decretis obsequium à milite debere & tutelam oppidorum rectoribus, locisque publicis adversus vim qualemcunque ac seditionem. Ea re moti magistratus nonnulli oppidorum ubi aut nulla, aut suspecta rectoribus, ob ea quæ dixi, præsidia erant,

ex decreto procerum Hollandiae custodias oppidi sui auxere atque ordinavere, quo iure & antehac usi saepius fuerant nihil contradicentibus proceribus Federatis aut praefecto qui idem ordinariorum militum est magister. Fecerunt idem in sua terra proceres Traiectini: tamque hi quam illi professi sunt habituros se hunc militem suis impendiis extra communia rei bellicae onera. Sub idem tempus duo iudicum, ad quos ab oppidis provocatio est, confessus, incipiunt contra decreta procerum Hollandiae decernere ius literis quibus quos visum in ius vocabant. id vero Hollandiae proceres non iure factum & iudicariae potestatis terminos excedi, pronuntiant, ut & ante haec tempora saepius. Nationes nonnullae à Principe Mauritio aliisque impelluntur ut communem Synodum quam nationalem vocari diximus conventus Fœderatorum nomine indicant, & militares oppidorum custodias dissolvant. Opponunt se huic molitioni tum Hollandi, tum Tra-

ieclini proceres , testati non licere Federatis ex maioris partis sententia sese intercedentibus iis in rebus quicquam constituere. Pergunt illi Synodum indicere, vocatis etiam aliarum gentium Theologis, nec alius tamen quam quos constaret accedere illis placitis quibus victoria destinabatur. Reiectæ conditiones quas Hollandi aliique ferebant ad res placide trāsfigendas. Atque interim Princeps Mauritius cum nonnullis ex conventu federatorum legatis Traiectum proficiscitur, invitisque eius nationis primoribus custodiam exarmat : quod ne fieret, legati ab Hollandia frustra laboraverant quibus à suis proceribus iniunctum erat , ut Traiectinis primoribus pro virili adessent, & si res exigeret , ordinarium militem sibi merentem monerent nequid invitis proceribus Traiectinis per vim attentaret in rebus ad internum eius nationis regimen eiusque securitatem pertinentibus ut quæ nationes seorsum singulæ penes se retinuissent. Rex

Galliae intellectis amicorum diffidiis, Boss-
zium ad ipsos allegat, qui consequenter his
quæ per Maurerium eiusdem Regis ordi-
narium legatum acta hæctenus fuerāt, au-
ctor esset omnium quæ ad concordiam spe-
ctabant: eiusque spe adducti oppidorum in
Hollandia rectores, ut custodias dimitte-
rent. Vix id factum erat cum octo homi-
nes procerum Federatorum nomine assum-
to à quibus mādatum ad eam rem non ha-
bebant, capi iubent Oldenbarneveldium
(quem Hollandiæ proceres non multo an-
te in tutela suæ fidem receperant) Hoger-
betiumque & me. Adversum id Hollan-
diæ proceres & nostrorum oppidorum re-
ctores querelas exponunt. Cum diu detenti
in carcere & interrogati subinde essemus,
tandem nomine Federatorum procerū iu-
dices in nos dantur. neq; profuit nobis ex
patriis legibus moribusq; docere nullā Fe-
deratis primoribus in eos esse iurisdictionē,
ipsoq; iudices multis de causis suspectos esse.
Pergitur in proposito, neq; data nobis re-

cognoscendi quæ in quaestione perscripta
erant, neque iusta nostra patefaciendi, ne-
que probandi facta ad defensionem perti-
nentia, neque testes refellendi, neque alio-
rum consilio utendi potestate, fertur sen-
tentia mortis quidem in Oldenbarnevel-
dium, perpetui vero carceris in nos, in uni-
versos bonorum publicationis. Anno post,
inauditis nobis, secuta est sententia inter-
pretatio qua in Maiestatem peccasse pro-
nuntiamur. Vere profiteri possum in sen-
tentia contra me multa posita extra ve-
rum, multa quæ disertè à me negata sunt,
quædam quorum plane ignarus eram, quæ-
dam de quibus nec interrogatus sum, tan-
tum abest ut auditus me defenderim. Et
hoc & alia multa liquidò apparerent, si
quæ ad interrogationes singulas in quaestio-
ne respondi ea integra atque sincera in lu-
cem proferrentur, quod ut fiat obnixè po-
stulo. Ante nos captos Traiecti nobiles vr-
bisque rectores, dum capti detinemur per
Hollandiam decuriones, consules, oppidani

*iudices tempore non suo destituuntur, suffe-
fectis aliis contra leges sanctissimas ipsi
quondam Hollandiæ Comitibus iuratas
& per multa secula piè cultas. Antequam
haberetur damq; habetur Synodus quam
Nationalem vocabant, multi pastores qui
Prædestinationem docebāt conditione sub-
nixam (Remonstrantes appellari mos erat)
munere suo deiciuntur. Ex iisdem alij ad
Synodum vocati iubentur causam dicere
apud adversarios qui iam ante secessione,
declamationibus in templo, Synodoque, li-
bris etiam scriptis ipsos prædemnaverant,
neque tamen permittitur ipsis suam tueri
& contrariam sententiam oppugnare am-
plius quam Synodo, id est adversariis,
æquum videretur. Eiecti Synodo dam-
nantur. sequitur edictorum sævitia adver-
sum damnata iam sententia cætus, stipif-
que collectionem ad alendos pastores qui
patria expulsi aut relegati si redeant, per-
petuo carceri mancipantur, illectis per
præmia delatoribus. Discutiuntur cætus*

inclementius etiam quam ferunt edicta, vi-
sape non incruentâ, magno cum dolore in-
gentis numeri optimorum virorum Chri-
stianæ pietatis patriæque amantium. Ita
se habet res gesta. profiteor nunc ego non
posse à me probari spretam ferendi se mu-
tuo æquitatem procerum Hollandiæ decre-
tis definitam, pastorumque condemnatio-
nem & quæ eam sequuntur. Quæ omnia
æquis agendi rationibus præverti arbitror
fuisse rectius, cum illa utilia publico Prin-
cipique Mauritio esse non possint, quorum
salus ac gloria, in fallor, in prona civium
voluntate consistit, eorum maxime qui
Patriæ devoti addictique sunt, quales esse
iudico eos qui magistratu sunt demoti,
multaque millia triumphatæ nunc senten-
tiæ. Attamen in omnibus eis quorum ac-
cusor nihil actum à me est privato studio,
sed iussu tum Hollandiæ procerum, tum
rectorum oppidi Rotterodami, quibus ego,
non Federatis proceribus, non alijs morta-
lium cuiquam sacramentum dixeram:

Quibus

Quibus proinde cum parui nulla à me læ-
sa est Maiestas, sed summis inferioribus-
que potestatibus id tributum quod natura
& muneris necessitas exigebant. Si quis
habere se putabat quod de eis quæ ut alio-
rum minister feceram quereretur, non ego
eram conveniendus, sed quibus in me erat
imperium: Quod si etiam fecissem aliquid
privato ausu (quod ita non est) tamen non
ab adversariis eram iudicandus, neque à
conquisitis in me iudicibus, nec à quoquam
qui à Federatis proceribus accepisset iudi-
candi potestatem, sed à perpetuis meisque
iudicibus ut iubent communes patriæ &
oppidorum propria leges pro quibus arma
olim sumimus. Animum meum quod at-
tinet, coram Deo & humano genere testor
non alium eum fuisse, quam legitimam rei-
publicæ formam sub qua natus educatus-
que eram tueri, & Ecclesiæ unitatem pro-
curare amica, & cum præceptis divinis non
pugnante compositione, quam ad rem mul-
ta à me sunt proposita, multa etiam tum in

parato habita cùm in carcerem abducerer.
Qui de proposito meo secus iudicant, iniuri-
am mihi faciunt, neque ulla iusta ratione
nituntur. Vita mea labe notaque caruit.
Qui mea functionis tempore oppido Rot-
terodamo praefuerunt, sciunt quam pro eius
oppidi salute & commodis laboraverim.
Curatores fisci testari possunt quam acri-
ter & sine gratia ac metu rem fiscalem de-
fenderim. Confessibus iudicum Hollandiae
nota est integritas mea in persequendis de-
lictis. Qui me in conventu procerum Hol-
landiae & in confesso curatorum reipubli-
cae Hollandicae videre, meminisse possunt
quis labor meus fuerit ut per parsimoniam
& vectigalium augmenta arario succur-
reretur. Neque ignorat Princeps Mauri-
tius quam ipsius desideriis satisfecerim in
privatis negotiis quae mihi committenda
iudicavit. Etiam qui in Federatorum con-
ventu mecum unâ fuere rogantur animo
repetant quam à me collata sint omnia
quae pertinere poterant ad collocandam in

tuto rem contra vim hostium, ad prove-
henda commercia per Indiam, Americam-
que, ad amicitiam recte colendam cum re-
gibus aliisque sociis ac federatis. Quam
cordi mihi fuerit gloria reipublicæ & eo-
rum quæ pro republica fortiter sunt facta,
peculiariter etiam Principis Mauritij laus
atque fama, testari possunt libri partim à
me vulgati, partim quos necdum editos
amicis videre contigit. Pro his officiis si
præmium expectassem, fuerat id quidem
non sine exemplo. Sed nunquam eo respe-
xi, contentus meo salario & honesti nomi-
nis mercede. Quæ vero mihi gratia repen-
sa est? Quod per menses novem cum mor-
bis gravissimis tenerer in arctissima custo-
dia habitus sum ita ut nec coniugem, nec
amicos semel conspiciere liceret: Quod rei
habitu in id auditorium deductus sum in
quo iuris publici dignitas me tuente stete-
rat. Quod uni deinde cubiculo inclusus &
militum copiis circumseptus sum etiam
uxori crepta interdum procedendi liberta-

te: Quod facultates exigua, & si vlla cuiusquam in omni populo honestè partæ mihi & quinque liberis ademptæ sunt: Quibus cunctis unum est gravius quod popularium exterorumque aures impletæ sunt falso rumore, quasi prava adversus patriam consilia suscepissem, quia plerique adduci non possunt, ut credant ita quenquam tractari qui quæ egit, bona fide egerit. Neque intra me stat iniuria: sed ad propinquos atque affines immeriti odij ac calumnie pars redundat, qui tanquam hostes publici ac proditores non uno in loco dictis ac factis impetuntur. Contra hæc omnia solatium mihi in Deo positum est & in bona conscientia, & in exemplo plurimum optimorum civium qui nullius peccati, sed solide virtutis ergo similia pertulerunt. Prodiit nuper incogniti scriptoris Latinus liber qui ait me ob acceptas iniurias si non corpore at animo cum Rege Hispaniæ futurum. Longe id à vero abest. scio omnem ultionis cupiditatem Christia-

nis interdictam. Regi Hispania nec debeo
quicquam, nec debere desidero. Corpore in
Gallia ago: atque dum ibi agam fidem Regi
atque obedientiã ut par est, præstabo: patria
interim, quæ Regis amicitia præcipuè opus
habet, servabo eum quem antehac ani-
mum, sollicitum pro ipsius salute, libertate
atque commodis, paratumque operam ei
navare si qua futura sit utilis. Pro quo
affectu nihil expeto, nisi ut vos omnes, qui-
qui estis cuiuscunq; ordinis ac gradus (ne-
que enim ignoro etiam in rectoribus multos
esse quibus vera eorum quæ in causa nostra
gesta sunt, notitia prævis aliorum artibus
subducta est) exutis præiudiciis de meis
aliorumque factis ita iudicetis, ut de ve-
stris iudicari ipsi velletis: Eamque ob rem
Deum supplex veneror, ut mentem vobis
illustret, quo veritatem conspiciatis, &
singuli pro suis partibus id faciatis quod
ius & æquum postulant, præsertim verò
ut rationes inveniatis concordia, quæ,
si unquam, hoc tempore maxime necessa-

ria est. Eos vero qui aliter quam ego & mihi imposita potestates senserunt antehac, amicè oro atque obsecro quæ à me dicentur ne in suam iniuriam dicta interpretentur (quem animum à me abesse aperte testatum cupio) sed tanquam partem necessariam defensionis quam à me res ipsa extorquet. Quos intra fines tam anxie me continui, ut multa nec levis momenti neque, lucem exiguam huic causæ allatura in tempus præsens omiserim, quod ea proferri non possent, nisi quidam qui cæteris multum exstant designatius tangerentur.

CAPITA LIBRI.

DE summo imperio quod penes quamque^{I.}
nationem est in Belgicogermania. pag. 1.

Quod ius summis potestatibus circa sacra com-^{II.}
petit id in Belgicogermania esse penes nationis
cuiusque procures. pag. 23.

Qualem sacrorum reformationem tueri pro-^{III.}
positum fuerit proceribus Hollandia & Vvestfri-
sia. pag. 50.

An mutuo se ferre in controversiis de prade-^{III.}
stinatione dissidentes fas fuerit, siue id ipsum
potuerit & an ex usu fuerit. pag. 64.

Convocationem Synodi ad definiendas contro-^{V.}
versias non modo illegitimam fuisse, sed & tran-
quillitati procuranda inidoneam. pag. 88

Quibus modis Hollandia & Vvestfrisia vi-^{VI.}
cinarumque nationum procures componenda cen-
suerint Ecclesia dissidia & qua consilia in eam
rem sint data. pag. 98

De usu legis Ecclesiastica anni CIO IO XCI^{VII.}
pag. 136

De iure maioris partis in conventu Hollan-^{VIII.}
dia. pag. 155

De his quae acta sunt contra pacem mutuam^{IX.}
in Ecclesia eiusque suadores ut ad mutandum
reipublica regimen perveniretur. pag. 163

- x. *De oppidorum custodiis.* pag. 191
- xi. *De sacratissimo ducum & militum qui continentur in Notitia militari Federatorum.* pa. 211
- xii. *De his controversiis quæ cum iudicum confessionibus intiderunt.* pag. 226
- xiii. *De his quæ vitio aut inique gesta sunt circa nostri capturam.* pag. 240
- xiiii. *De his quæ vitio aut inique gesta sunt post nos captos ante datos indices.* pag. 253
- xv. *De his quæ vitio aut inique acta sunt in damnis iudicibus.* pag. 259
- xvi. *De his quæ vitio aut inique sunt acta post datos indices.* pag. 282
- xvii. *De his quæ vitio aut inique gesta sunt circa ipsam sententiam.* pag. 292
- xviii. *De his quæ vitio aut inique in nos acta sunt post sententiam.* pag. 297
- xix. *Nota ad sententiam in me pronuntiatam cum indicatione multorum quæ ibi dicta contra veritatem.* pag. 310
- xx. *De mea notitia cum aliis pariter damnatis.* 515

APOLOGETICVS



APOLOGETICVS

EORVM QVI HOLLANDIÆ
VVESTFRISIÆQVE ET VICINIS
quibusdam nationibus ex legibus
præfuerunt ante mutationem quæ
evenit anno GID 100XVIII.

CAPVT I.

*De summo imperio quod penes quamque
nationem est in Belgicogermania.*



Vi res novare instituunt ad
consilij exitum pervenire
non possunt, nisi a motis civi-
bus qui præsentem statum
tuentur: quod ipsum specio-
sè fieri nequit, nisi aliquid ipsis obiectetur;
at verò quoties vita eorum civium probro
caret (quod genus ferme præsentibus ma-
xime contentum est) quod ipsis obijciatur
reperiri haud facile potest extra ea quæ in

republica acta sunt: quæ ipsa criminis colorem ut recipiant, asserendum est alium fuisse civitatis statum quam revera fuit. Ita Hispani, & eorum clientes cum Belgico-germaniam externo dominatu vellent opprimere, persuasum ibant hominibus, antiquitus ea loca fuisse sub libero & incustodito unius imperio, cum contra Principum potestas inibi devincta semper fuisset legibus, & procerum potestate. Atque hoc falso obtentu peractum est, ut legum defensores per delegatos iudices (qui exinde sanguinarii confessus nomen accipere) damnarentur Maiestatis. Falli sæpè hac in re multos haud mirum est adeo, cum ad pernoscendum civitatis cuiusque statum, penitus opus sit eius populi iura ac mores tenere. Polybius summi iudicii scriptor tradidit sua ætate Græcis aliisque gentibus externis creditum Romæ summam fuisse Senatus potestatem, quod apud Senatum audirentur legati, atque ab eo responsum acciperet. Quare mirandum non est, si nunc ab extraneis quibusdam creditur Belgico-germaniæ nationibus legatos nationum, quibus Federatorum procerum nomen est, summo iure præesse quod in eo Federatorum conventu audiuntur legati, responsaque accipiunt: quodque nomine Fe-

qui Hollandia præfuerunt. 3

deratorum maxime ad Reges, Principes, atque civitates literæ perscribuntur. Sed quemadmodum Polybius ostendit penes populum, non penes Senatum fuisse summam imperij Romæ, ita apud nos vere dicitur summum imperium non penes illos esse legatos nationum qui Federati proceres dicuntur, sed penes cuiusque nationis primores, quæ quidem nationes ad opem mutuam federe connectuntur; ita ut in Federatorum procerum potestate ea sint omnia quæ ad communem defensionem pertinent, aut quæ nominatim ex federis formula, aut consensu peculiari ad eum conventum deferuntur : manentibus rebus cæteris penes singularum nationum primores. Multi de Helvetiis putarunt omnes sub vno imperio contineri: itidem de Rhetis. Sed rerum gnari Bodinus, Simple-
rus atque alij nos docent cuique pago ius Bod. lib 1.
in se summum esse, sed ipsos inter se pagos c. 3.
arcto federe devinciri. Atque hoc discrimen vnus civitatis quæ multas sub se partes complectitur, ut Gallia Normanniam, Britanniam Armoricam, Campaniam, aliasque, & plurium civitatum inter se federatarum, ut apprimè necessarium ad diiudicandum imperij cuiusque statum, nobis commendatur ab iis omnibus qui de

republica scripserunt. Exemplo sint ma-
 gnæ vrbes Græciæ, puta Athenæ, Thebæ,
 Corinthus : iis singulis in se plenum erat
 imperium : neque tamen eo minus aduer-
 sus vim Persarum inter se colligabantur :

Sig. de antiq. jur. Ital. lib. 1. c. 1. li. III. c. 114.
 atque ad communia federis negotia insti-
 tutus erat Amphictyonum conventus. Ita-
 que plerique Italiæ populi Regum Roma-
 norum ævo jus in se summum habebant :
 sed inter se atque cum populo Romano
 federe erant devincti. Neque aliter rem se
 habuisse apud nostros populos tum Prin-
 cipum tempore, tum post sumpta pro li-
 bertate arma, & credidi semper, & iam an-
 ni sunt duodecim cum publice sum pro-
 fessus in libro cui nomen feci de antiqui-
 tate reipublicæ Bataviæ, pro quo Hollan-
 diæ procures eo tempore gratias mihi ha-
 buerunt, addito & munere: neque Federa-
 ti primores ullum offensi animi signum de-
 dēre. Quanquam verò totus is quem dixi
 liber id quod dixi me sensisse apertissimè
 testatur, vnum tamen locum præ cæteris
 insignem apponam : *Ordinum autem federa-
 torum conventus cum senatu, per quos, salva
 cuiusque populi maiestate, ea quæ ex federe sunt
 communia explicantur, Amphictyónico conven-
 tui ad amussim respondet.* Verè testari & hoc
 possum, quandiu conventui Hollandiæ

qui Hollandiæ præfuerunt. 5

interfui, semper poni extra controversiam
audivisse me ius summum cuiusque na-
tionis, nulla inter eius conventus membra
hac super re orta dissensione, nisi mense
vno aut altero priusquam nos caperemur,
quo tempore delegati nonnulli oppido-
rum Hollandiæ, & Vestfrisiæ, postquam
clam & iniussu eorum à quibus delegati
erant cum aliis nationibus coierant, ab illa
vetere sententia nonnihil discesserunt.
Argumenta quæ me aliósque impulerunt,
ut plane ita quemadmodum dixi sentire-
mus, ista sunt.

Principio notum est, nationes quæ nunc in
vno sunt federe, antiquitus non sub vnius
Principis fuisse imperio, nisi quod Hollan-
dia & Zelandia eosdem semper Principes
habuere. Nam Geldria suos habuit Tutores
primum, deinde Comites, postremo Du-
ces: quorum ius, controversum tamen, à
Carolo Burgundo emptum cum esset, non
mansit penes eius posteros, sed tandem
multorum iura certa que possessio ad Ca-
rolum Imperatorem eius nominis quin-
tum pervenerunt. Idem ab Episcopis Traie-
ctinis indeptus est civile regimen Traie-
ctinæ & Transsalanæ, Frisij tum qui intra
Lavicam, tum qui ultra Lavicam sunt, libe-
ram olim rempublicam sine Principe ha-

buere: donec illi Saxonem præfecti hæreditarij vocabulo, hi Comites primū Transamasiæ, deinde Geldrum, Principes accepere, quorum ius idem ille Carolus Quintus vt sibi trāscriberetur effecit: tamque ipse, quàm filius eius Philippus apud nationes singulas solemniter in principatus possessionem introducti sunt, & in leges cuiusque nationis iurarunt, & à singulis vicissim obsequij sacramentum accepere. Ipse Carolus Imperator cum anno c10 10 LV principatu abiret in allocutione ad nationum legatos dixit: *Quamquam ea essent diversa atque separata* (hæc ipsa sunt verba) *ab ijs tamen unum constitui corpus, atque eius corporis membra debere opem inter se ferre mutuam. Nam absque tali concordia atque conspiratione partium, promptum hostibus fore ipsas invadere; quod si manerent inter se colligata, & alia alijs auxilio, experimentis compertum quid possent in externa vi repellenda.* Acta publica & annales nos docēt circa annum c10 ccccxli ab Hollandis adversus civitates ad mare Balticum proprium susceptum esse bellum, cum interea Brabanti, Flandri, atque alij eisdem Principibus domus Burgundicę parentes populi cum ijsdem illis civitatibus pacem haberent.

Neque mutavit res ex quo pro libertate

qui Hollandiæ præfuerunt. 7

parentes nostri arma ceperunt. Neque enim initio sumpta sunt ea arma decreto omnium Belgicogermaniæ nationum in conventu communi, sed Hollandorum ac Zelandorum, quibus pauci ex vicinis socios se addiderant, cum Geldri interim, Traiectina, Frisia cis Lavicam, Transisalana, Frisia trans Lavicam manerent sub præfectis Hispanicis. Hollandiæ autem & Zelandiæ primores, cum anno CIO IO LXXIII scriberent ad primores Belgicogermaniæ totius non aliter quàm amicos atque fratres eos salutant. Ac sub idem tempus in literis ad Regem Hispaniæ disertè scribunt : *Nationes hæc, cum olim diversis Principibus regerentur, matrimonijs, pactis, hereditatibus venisse sub domum Burgundicam primum, deinde per nuptias Austriacæ familia, ac potentissimo Hispaniarum regno connexas : sed dicta semper lege ut quæque natio sua iura, legeq; & proprium regimen ita uti antiquitus retinerent.* Post anno CIO IO LXXVI Hollandiæ Zelandiæque primores & eorum socij, quo tempore cum primoribus aliarum Belgicogermaniæ nationum fedus inibant, cui nomen est paci Gandavenfi: caverunt ut *Vilhelmus Princeps Aragonensis Hollandiæ Zelandiæque & sociorum terris imperaret uti imperabat, id est ne subef-*

ria est. Eos vero qui aliter quam ego ex
mihi impositæ potestates senserunt ante-
hac, amicè oro atque obsecro quæ à me
dicentur ne in suam iniuriam dicta in-
terpretentur (quem animum à me abesse
aperte testatum cupio) sed tanquam par-
tem necessariam defensionis quam à me
res ipsa extorquet. Quos intra fines tam
anxie me continui, ut multa nec levis mo-
menti neque, lucem exiguam huic causæ
allatura in tempus præsens omiserim, quod
ea proferri non possent, nisi quidam qui
ceteris multum exstant designatiùs tan-
gerentur.

CAPITA LIBRI.

DE summo imperio quod penes quamque^{I.}
nationem est in Belgicogermania. pag. 1.

Quod ius summis potestatibus circa sacra com-^{II.}
petit id in Belgicogermania esse penes nationis
tuasque procures. pag. 23.

Qualem sacrorum reformationem iuri pro-^{III.}
positum fuerit proceribus Hollandia & Vestfri-
sia. pag. 50.

An mutuo se ferre in controversis de prade-^{III.}
stinatione dissidentes fas fuerit, si erime id ipsum
potuerit & an ex usu fuerit. pag. 64.

Convocationem Synodi ad definiendas contro-^{V.}
versas non modo illegitimam fuisse, sed & tran-
quillitati procurande inidoneam. pag. 88

Quibus modis Hollandia & Vestfrisia vi-^{VI.}
cinarumque nationum procures componenda cen-
suerint Ecclesia dissidia & qua consilia in eam
rem sint data. pag. 98

De usu legis Ecclesiastica anni CIO LXXCI^{VII.}
pag. 136

De iure maioris partis in conventu Hollan-^{VIII.}
dia. pag. 155

De his quae acta sunt contra pacem mutuum^{IX.}
in Ecclesia eiusque fautores ut ad mutandum
reipublica regimen perveniretur. pag. 163

ria est. Eos vero qui aliter quam ego &
mihi impositæ potestates senserunt ante-
hac, amicè oro atque obsecro quæ à me
dicentur ne in suam iniuriam dicta in-
terpretentur (quem animum à me abesse
aperte testatum cupio) sed tanquam par-
tem necessariam defensionis quam à me
res ipsa extorquet. Quos intra fines tam
anxie me continui, ut multa nec levis mo-
menti neque, lucem exiguam huic causæ
allatura in tempus præsens omiserim, quod
ea proferri non possent, nisi quidam qui
ceteris multum exstant designatius tan-
gerentur.

CAPITA LIBRI.

DE summo imperio quod penes quamque^{I.}
nationem est in Belgicogermania. pag. 1.

Quod ius summis potestatibus circa sacra om-^{II.}
petis id in Belgicogermania esse penes nationis
cuiusque procures. pag. 23.

Qualem sacrorum reformationem tueri pro-^{III.}
positum fuerit proceribus Hollandiae & Vvestfri-
siae. pag. 50.

An mutuo se ferre in controversiis de prae-^{III.}
destinatione disidentes fas fuerit, fieri id ipsum
potuerit & an ex usu fuerit. pag. 64.

Convocationem Synodi ad definiendas contro-^{V.}
versas non modo illegitimam fuisse, sed & tran-
quillitati procuranda inidoneam. pag. 88

Quibus modis Hollandiae & Vvestfrisae vi-^{VI.}
cinarumque nationum procures componenda cen-
suerint Ecclesiae dissidia & qua consilia in eam
rem sint data. pag. 98

De usu legis Ecclesiasticae anni CIO IO XCI^{VII.}
pag. 136

De iure maioris partis in conventu Hollan-^{VIII.}
diae. pag. 155

De his quae acta sunt contra pacem mutuum^{IX.}
in Ecclesia eiusque suadores ut ad mutandum
reipublica regimen perveniretur. pag. 183

summi imperij potestate, quæ & olim, & nunc quoque penes ipsos esset : orationes quoque eodem tempore multas habuere iuris nationum singularum tuendi ergo, de quibus infra agendi erit copia : Quin & federis primores in oratione quâ xxx Augusti anni cto 10 LXXXVII ad Comitum Licestrium habuerunt, aiunt ita sibi videri *utendum sigillis federatorum procerum in rebus ad nationes universas pertinentibus : in ijs vero quæ singularum essent propria, utendum nomine & sigillis nationis cuiusque.* Post Licestrii abitum, vsurpatum semper ut qui conventum Hollandiæ ingrediuntur, iurent se iura, libertatem, leges, morésque Hollandiæ defensores, imperijs atque decretis procerum Hollandiæ pro viribus parituros. Sic & quæsitores, & iudices sacramentum dicunt Comitatu Hollandiæ, nulla federatorum procerum adiecta mentione. Oppidani quoque magistratus & corporati armigeri, cæterique municipes in verba iurant procerum Hollandiæ & Vestfrisiæ. Exemplo sint quadraginta viri (id curatoribus oppidi nomen est) Lugdunenses : *Iurant ei fidem se servaturos Comitatu, summoque magistratu Hollandiæ Zelandiæ & Vestfrisiæ, eidemque nationibus atque oppido suo, eidem Comitatu, summo magistratu, nationibus atque oppido sese*

parituros. Sunt oppida alia, vbi adduntur hæc verba, & *cæteris qui cum ipsis fedus habent*: Sed id accessionis vim habet, postquam proceres Hollandiæ atque Zelandiæ suis nominibus speciatim primo loco sunt nuncupati. Insignia etiam Hollandiæ procerum, vt & aliarum nationum corona ornantur, qualis esse solet neminem superiorem se agnoscentium. Quod si animo repetere libeat partes omnes atque indicia summæ potestatis quæ statuunt rerum civilium periti, videbimus ea quoque penes singulas reperiri nationes.

Principio enim à proceribus nationis cuiusque, leges conduntur & edicta super omni negotio civili, inconsultis primoribus Federatis, quod innumeris exemplis liquet. At contra quæ leges à Federatis procedunt, ad nationum singularum primores diriguntur nō iure imperij, sed cum rogatu vt eas publicari sinant. Si quid nuper aliter fieri ceptatum est, vt scilicet præcepta aliqua aut tributorum postulata, omissis primoribus populi cuiusque, ad oppida mitterentur, novum id sane est, & inter novatæ reipublicæ argumēta habendū.

Ad iudicia vt veniam, olim ante Caroli Burgundi tempora, suprema iudicia intra vnquamquamque erant nationem, post con-

sensu nationum institutus est Machliniensis iudicum confessus, ad quem perferri lites civiles solebant ex aliis populis per appellationem, ex aliis vero via supplicationis, prout singuli pepigerant. Post sumpta verò arma, etiam post pacem Gandavensem ius eius confessus per Hollandiam Zelandiamque, desuit. atque eius in locum successus est confessus magni nomine, qui iudicia ultima per Hollandiam & Zelandiam regit. Eius confessus iudices, ut & iudices antiquioris confessus qui nunc sub illo magno est, sed itidem per omnem Hollandiam Zelandiamque ius dicit, iuramentum dicunt proceribus Hollandiæ ac Zelandiæ, mandatisque iubentur eorundem edictis atque præceptis parere, in quibus mandatis federatorum procerum nulla mentio exstat. At Geldri, Traiectini, Frisij Cislavicani, Transisalani, & Translavicani suprema iudicia seorsim quique penes se habent, ac si qui rebus iudicatis læsum se putat primoribus nationis suæ supplicat: neque ullus hactenus communis inter federatos confessus iudicum fuit constitutus. Iidem illi iudices ius reddunt nomine ac vice summæ potestatis, non nationum univ ersarum, sed eius nationis nationumve à qua quibusve constituti sunt, quod

qui Hollandiæ præfuerunt. 15

certum signum est, proceres federatos ab
eis ut summam potestatem non agnosci.

Criminum indulgentiæ, & quæ alia beneficiorum nomine veniunt à nationis cuiusque primoribus dantur, aut à præfectis, sed nomine primorum & potestate ab eis concessa.

Tum verò Hollandiæ Vvestfrisiæque primores fiscum habent peculiarem, cuius procuratio est penes Rationales qui Comitatus Hollandiæ soli iureiurando obligantur. Par usus apud ceteras nationes. Sic & nummi cudendi penes singulas ius.

Accedit nominis indicium. nam Federatæ nationes vocantur. in qua appellatione primum illud intelligitur plures esse reipsa nationes, non vnam in partes multas distributam : federatarum verò vox indicat arcto federe eas inter se nexas: quomodo & Germaniæ federati Principes dicuntur. Proinde in pactis quoque induciarum continetur, haberi ab Archiducibus Federatas nationes pro liberis nationibus atque proceribus. Libertatis autem nomine certum est designari ius imperandi summum. Nunc quoque primores nationum singularum ubi ad Federis primores scribunt, socios se vocant, non autem subditos, ut solent oppidani magistratus, quoties nationis sue re-

ſtoribus ſcribunt. Vltima Meteranorum
 annalium editione, quæ anno c10 10 cxiv
 prodijt, relectâq; , & aucta eſt ab ijs qui nûc
 eminentem in republica locum obtinent,
 hæc apparent verba: Quod ius ſummum Im-
perij in comune attinet, id nationes ſingula penes
ſe retinuerunt tû in negotijs civilibus, tum in iure-
dicendo, ſalvis etiam legibus, moribus, ac libertate.

Quamquam vero poſt eam quæ anno c10
 10cxviii contigit, mutationem reipubli-
 cæ; qui mutationis eius fuere auctores,
 domi foriſquerem aliter credi voluerunt
 quam ipſa ſe habet, ita ſe tamen implici-
 tos in hac cauſa ſentiunt, vt libere profari
 non audeant. Nam in oratione quam pro-
 cærum Federatorum legatus iuſſu ipſorum
 habuit ad Galliæ Regem de ijsdem fede-
 ratis proceribus agens, ait eos aut eſſe, aut
 ab eis referri ſummam poteſtatem: quæ
 anceps locutio ſatis oſtendit prius illud,
 ipſos ſcilicet federis primores ſupremam
 eſſe poteſtatem, vero conſentaneum non
 eſſe. Sed verum eſt eos qui ad conuentum
 federatorum legantur vicem ſuſtinere eo-
 rum à quibus legati ſunt, idque dunta-
 xat in rebus quæ ex federis formula,
 aut conſenſione ſpeciali communi con-
 uentui attribuuntur. Cancellario Pec-
 quio anno c10 10 cxxi menſe Martio, à
 Federatis

Federatis proceribus pro responso datum est, summum imperium ac potestatem Federatarum nationum extra cōtroversiam esse penes ipsos Federatos proceres, & penes proceres cuiusq; nationis. Sicut verò iuris notissimi est non posse duos eiusdem rei dominos esse in solidū, ita & hoc constat iisdē in locis plures siue homines seorsim sumtros, siue cētus non posse habere ius imperij summum, quia ea summi natura est vt nihil illud non modo superet, sed & exæquet. Quare si imperium supremum est penes proceres nationis cuiusque, faciente ipso Federatorum conventu, non potest idem imperium propriè esse penes Federatos proceres: sed, tantum ius vt diximus ordinandi res, quæ ex federis formula aut consensione speciali communi conventui attribuuntur: ita vt quæcunque illis attributa nominatim non reperiuntur in iis ius summum maneat penes nationes singulas iure ipso civili quod nunquam mutationem profacta habet ni probetur, præsertim in iis quæ regalia vocantur circa quæ verba quantumvis generalia effectū carent nisi specialis nominatio accesserit, omniaque ea recepta intelliguntur quæ non apparent translata.

Ad id quod à nonnullis dici audio, firmiorem fore rempublicam, si nationes vni summo imperio subessent : responsum in promptu est, de summa potestate iudicandum, non ex eo quod privatus quisque utilissimum iudicat, quia super re sæpe discrepant hominum sententiæ, sed ex legibus moribusque. Nusquam verò quisquam reperiet à nationum singularum apud nos primoribus, ius imperij summum aut abdicatum, aut cum aliis communicatum. Quod si etiam id utile videretur (quia super re multa tum in quæstione iuris ipsius, tum ex prudentiæ regulis essent considerata) faciendum certè id esset libero consensu, non per vim oppressis iis qui præsentem statum ut bonos cives decet, tuentur, eique obedientiam exhibent.

Prudentiæ auctores nos docent non statim mutandas leges, præsertim quæ de imperio sunt, etiamsi in melius itura sit mutatio, quia ut post Aristotelem & Thucydidem apud Dionem Augustus monet, non tantum prodesse correctio potest, quantum nocet innouatio auctoritatem detrahens, quæ ævo radices agit. *Consuetudinis mutatio*, inquit Augustinus, *quantum utilitate adiuvat, tantum novitate perturbat.*

Sunt qui putant utile futurum si totus

orbis, præsertim Christianus, vni potestati pareat. Sed ridentur ab aliis talia commenta. Nam perfectum in re quaque intelligi debet, non nuda contemplatione, sed inspecto quid materia ferat, aut recuset. Plato cum vnum ei in quaque re optimum videretur, omnia voluit efficere communia : sed reprehendit eum Aristoteles, ostenditque vnum illud ab ipso ultra modum intendi. Carolus Imperator, princeps adeo præpotens, operam dedit (vt nonnulli narrant) quo tota Belgicogermania in vnam imperij formam coiret etiam sub iisdem legibus, nummis, mensuris, ponderibus, rebusque aliiseiusmodi: quale erat quod olim Aratus in diversis Græciæ urbibus effecerat. Sed hic diversitas situs, ingenii, aliæque circumstantiæ id vetabant. Certè nec ille, nec filius eius Philippus (qui Albanicæ præfecturæ temporibus idem egisse dicitur) ad exitum perducere id consilium potuerunt : ac proinde dubitare licet, an conantibus rem tantorum Regum viribus superiorem, negotium melius sit successurum. Etiam Isthmum, siue Achaicum, siue Arabicum perfodere res præclara videbatur, sed qui aggressi id sunt in conatu suo defecere. Natura vim sibi inferri non patitur. In

civilibus negotiis optima est magistra experientia. Ea docuit imperio manente penes nationes singulas, & belli arbitrio penes Federatos, nationes sibi tuendis sufficere. Si qua inter nationes cōtroversa exoriuntur, multæ sunt componēdi rationes sive judiciis ordinariis eius nationis vnde petitur, sive compromisso facto in nationes quas negotium non tangit, aut in præfectos quoties ipsi quoque partes nō fecerūt, sive in cōmunes amicos atque socios quorum refert rempublicam salvam esse.

Instituta verò hæc mutatio sine maximo damno Hollandiæ & Zelandiæ abire non potest, quæ magnitudine terrarum, oppidorum, atque hominum numero, & tributorum modo cæteras vniversas æquant: imò superant: quamobrem æquum semper visum est, vt in his quæ communicata sunt, nationi Hollandicæ semper jus aliquod eximium daretur. Nam in Federis Senatu habet hæc natio tres senatores, præter quod & curator ærarij & quæstor hætenus indidem fuerunt: cū alię nationes habeant binos, aliæ singulos. Ad res maritimas regendas habent Hollandi tres confessus, Zelandi & Frisii singulos, alii populi nullos. In rerum Indicanarum dispositu Hollandia habet tria

qui Hollandiæ præfuerunt. 21

Collegia : Zelandia vnum duntaxat. Par Hollandiæ privilegium datum est in societate Americana. Compara jam quam iniqua futura sit proportio in summo imperio si id Federatorum conventui permittatur. Hollandia & Vvestfrisia, quæ multo plus dimidio in commune conferunt, ibi sententiam vnam duntaxat dicent iuxta nationes minimas etiam illas quæ sanguine atque opibus Hollandicis ad fedus reductæ sunt. Vt igitur ad conventum talem alia deferantur, quam quæ ad tutandos communiter fines spectant, ab omni æquitate abit. Qui divitijs polent apud nos si cum pauperibus nuptias faciant, non sine pactis ad eas veniunt, ne scilicet Hollandici mores bonorum introducant communionem. Sic ergo Hollandi quoque fuerant facturi, si cum nationibus cæteris regiminis inire voluissent societatem. Atque vel hinc facile est animadversu, quo animo erga Hollandiam sint affecti, qui cū nati sint extranei, Hollandos de possessione dejecerunt, ut se pro Hollandis venditarent.

Neque tamen aliæ nationes quærum hoc commento gratia captatur, blandiri sibi debent quasi longum ex hac mutatione commodum ipsas manere. Non

eo tendunt istorum hominum studia. sed legitimis magistratibus ius suum eripi oportuit, ut deinde nationi eriperetur. Sic & nationes singulæ jure suo spoliandæ fuerunt, ut res quæ in federatorum conventu tractari solebant, ad paucos pertraheretur, & sæpe eos ad quos ex legibus id minimè pertinebat, qui in ciues optimos Principis animum exasperantes, cuncta sibi vindicant, ignaris sæpe proceribus Federatis, proceribus nationû, & magistratibus. Diu ne id mansurum sit scit Deus. sed tale regimen nostris nõ congruere ingeniis. anno CIO IO LXXXVI & anno CIO IO LXXXVIII solidis argumentis à proceribus demonstratum est.

Hoc defendere, non est fedus disrumpere, sed fedus religiosè observare. Videant an fedus non disrumpant illi qui non stant federis legibus, quas inter prima est nationum singularum ius tueri, in quo iure præcipuum est summum arbitrium in res cuiusque nationis. Non est initum fedus ut iura confunderentur: sed ut inviolata melius defenderentur communi auxilio. Hollandi veteres dicere solebant cuique suum ad pacis tutelam esse optimum: & iniquo commercio amicitias dissolvi.

C A P V T II.

*Quod jus summis potestatibus circa sacra
competit, id in Belgicogermania esse pe-
nes nationis cuiusque procures.*

Q Vi de republica scripserunt omnes, sacrorum arbitrium inter præcipuas partes numerant supremæ potestatis. Quare cum probatum sit summum imperandi jus penes vnamquamque esse nostrarum nationum, sequitur penes easdem seorsum esse jus de religione publica statuendi, ut quæ pars non sit communis defensionis: quippe cum innumera existent exempla Principum ac civitatum, quos ad mutuam opem fedus iunxerit, cum opinionibus ac ritibus sacrorum dissiderent: quomodo & nunc fedus est inter Venetos, & nostras federatas nationes univasas. Quanquam ergo probandi onus non nos spectat qui id asserimus quod communis ratio iuris exigit, sed eos qui contrarium defendunt, tamen ut cumulati satisfiat legentium desiderio, probabimus verum esse id quod nos dicimus.

Hollandiæ & Zelandiæ procures sum-

tis pro libertate armis, simul templa publica aperuerunt his qui religionē sequebantur, quæ Reformatæ nomen obtinet: Atque adeo in Federe quod inter ipsos initum est anno c10 10 LXXV perscripserunt, vt Princeps Vvilhelmus tanquam earum nationum præfectus, *ius haberet de consensu procerum super vsu religionis statuendi id quod pro temporum ratione oppiditumque ingenio ad tranquillitatem publicam & populi commoda optimum iudicaret, sine diuini nominis detrimento.*

Post pacem Gandavensem idem ille Princeps Vvilhelmus rogatus à nationibus alijs vt in Hollandia Zelandiaque in Romanensium gratiam aliquid constitueret, respondit semper nihil se eius rei posse nisi volentibus Hollandiæ & Zelandiæ proceribus. Sic & vniversæ Belgico-germanicæ proceres in literis ad Atrebatenses & Hainauios scriptis circa annum c10 10 LXXIX plus semel professi sunt nihil ad se pertinere, quam sacris legem Atrebatenses & Hainauij intra fines suos ponerent.

Iam verò quid federe Traiectino anno c10 10 LXXIX hac de re cautum sit, satis vulgo notum est; verba sic habent, *De religione Hollandi & Zelandi id faciunt quod ipsis videbitur. Ceteris nationibus liberum esto*

qui Hollandiæ præfuerunt. 25

sequi pacem religionis, uti antehac concepta est, aut ita constituere seorsim aut universim ut ad quietem ac salutem nationum, oppidorum, partiumque singularum, & tutelam iuris eius quod cuique tum sacerdotum tum aliorum competit, pertinere arbitrabuntur: neque alijs nationibus alias hac in re impedire fas esto: hac tamen lege ut privatis singulis maneat religionis sue libertas: neque in quēquem eo nomine inquisitio accusatiove sit, prout pace Gandavensi constitutum est. Manifesta sunt verba quæ Hollandis Zelandisque liberrimum de religione arbitrium, neque aliarum nationum voluntati obnoxium addicunt.

Qui ad hæc dicunt, quanquam verba ita sunt concepta, mentem tamen fuisse cavendi Reformatæ religioni tantum, iniuriam faciunt eis qui federi concipiendo adfuerunt, quasi minus ex fide actum ab eis esset. Neque verum esse quod aiunt, vel hinc liquidò apparet, quod post fedus factū Federati peculiari interpretatione, quæ scripta est Calēdis Februarij anni 1610 LXXIX testati sunt etiā illis nationibus federiliberū esse adscribi, quæ solā Romanensem tutari vellēt religionē, & quidem hac adhibita ratione: *Quia nunquam cemens sit paciscentium, ut nationi oppidove alterius sit se immiscere negotio ac sacris alterius, quo*

*scilicet major concordia inter nationes servetur,
& præcipua auferatur dissidiorum materia.*

Quo argumento apparet quicquid post id tempus à nationibus in causa sacrorum est constitutum, id non profectum esse ex alicuius antecedentis obligationis necessitate, sed ex liberrimo ipsarum jure.

Quod ipsum docetur federe post id tempus inito cum Duce Andino, cuius caput XII. ita Imperat. *Spondeat Dux sacra, pacemque religionis habiturum se quo nunc sunt statu, aut ita quomodo posthac cuiusque nationis proceres constituturi sunt.*

Sunt qui cavillantur intelligenda hæc de iure totius religionis alicuius puta Romanensis, aut reformatæ recipiendæ, non de iure constituendi super controversiis in hac vel illa religione orituris: quod plane absurdum est, cum non possit non ius in partes habere, cui in rem totā ius competit: neque ratio patiatur quod minus est ei negari, cui quod maius est perimitur.

Dicunt alii post fedus Trajectinum mutationem hac in re factam. At prompta est responsio, non doceri quidquam ea in re novatum à nationum proceribus: sine quorum speciali consensu nemo nationes potuit obstringere. Quam ad rem &

qui Hollandiæ præfuerunt. 27

illud pertinet, ne omnia quidem federis Trajectini capita cenferi vim habere obligandi, sed ea demum quæ à nationū proceribus sunt approbata: vt inter cætera appareat exemplo capitis quinti de paribus oneribus vbique fufcipiendis: quod obferuatum nunquam eft.

Contra verò nunquam difceffiffe nationes à libero facrorum arbitrio, tam clarè, vt nihil vel in speciem poffit contradici, apparere mihi videtur ex mandatis fub quibus Principi Mauritio anno c10 10 xc præfectura Traiectenfis declarata eft, quarum initium ita habet. *Primum Princeps per oppida agrosque Traiectinos defendito, defendique curato veram Chriftianam Evangelicam religionem, fecundum leges quas proceres Traiectini fecerant, facturive funt: quando ea eft procerum fententia, arbitrium facrorum ex decimotertio federis Traiectini capite ad fe pertinere. Ita tamen ne in cuiusquam animum inquiratur, neve fcrutari domos liceat, nifi gnaris volentibusque proferibus, aut eorum delegatis: neve fua dere facrorum perfuafionis ergo (fiquidem Dei ea dono conceditur) cuiquam injuria moleftiæ inferatur. Data funt hæc mandata confciis approbantibusque proceribus federatis, atque etiam peculiariter Hollandiæ primoribus, addita*

promissione proceres Traiectinos eis in rebus tutandi : vnde apparet omnes eos, ipsumque Principem ita tum sensisse ad id tempus , ad annum scilicet c10 10 xc, ius sacrorum ex federe mansisse penes nationis cuiusque proceres , quo ipso corruant necesse est argumenta omnia quæ petuntur ex actis gestisque ante annum c10 10 xc : vt quæ , iudicibus proceribus federatis, proceribus Hollandiæ & Traiectinis eam vim habere nequeant vt de eo quod dixi nationum iure quicquam imminuerint.

Quin anno quoque c10 10 xcv, cum proceres nationum partis Hispanicæ Lissfeldium & Masium misissent, sciscitatu-
ros in quas leges cum Federatis nationibus conveniri posset, responsum eis est per Principem Mauritium. Ius de sacris statuendi mansurum penes nationes singulas, ita vt alia se ei negotio non ingererent, quod repetitum est in literis quas Federati proceres anno c10 10 cii scripsere.

Pastoribus in quaque natione annuæ mercedes solvuntur ex ærario suæ nationis, non ex communi ærario federatorum; in Zelandia etiam obedientiam iuramento promittunt primoribus Zelandiæ.

Adde quod de Ecclesiis, & Ecclesiarum

negotiis leges ferre eorum sit, qui religionis publicæ habeant arbitrium, cum alterum ex altero pendeat, atque ab eadem potestate originem ducat. Hollandiæ proceres non consultis nationibus aliis pridem mandata dederunt conscribendi leges Ecclesiasticas: quæ cura renovata est anno CIO IO XCI. Etiam Traiectini proceres eius argumenti leges concepêre. In Zelandia anno CIO IO XCI leges eiusmodi plane confectæ publicatæque sunt, pugnantes (quod notandum est maximè) in rebus non paucis cum canonibus Synodi communis ex terris Federatorum quæ Hagæ coierat, nationalis nomine. Etiam Translavitici primores anno CIO IO XCV eadem de materia leges ediderunt, quæ facta sunt omnia ne consultis quidem nationibus cæteris.

Anno CIO IO XCVII pleræque nationes in communis Synodi evocationem consenserant; sed cum nationes nonnullæ, ac postremo Traiectini soli dissentirent, ne tentatum quidem est discernere quicquam ex maioris partis sententia, quia scilicet hæc res in earum esset numero quæ ad commune fœderis non pertinerent, nisi ex speciali

nationum consensu, quomodo res omnes quas nationes sibi receperunt, ad communem deliberationem referri possunt sine ullo juris detrimento. De statu publico religionis inter procures federatos, aliud quam quod jam dixi consultatum, didicisse non memini. Id certum habeo nullum posse adferri exemplum decreti antehac facti in negotiis eius generis ex sententia partis majoris. Proinde dicere non potest conventus federatorum se jus aliquod his in rebus velut possidere, cum per ea quæ liberè fiunt, nemini possessio acquiratur, quod iuris est minimè controversi.

Amstelodamenses, & aliorum aliquot oppidorum in Hollandia rectores, quibus sæpe cum nobilitate, & aliis Hollandiæ rectoribus disconveniebat: super ordinandis hisce Ecclesiæ controversiis, nunquam tamen in Hollandiæ conventu dixerunt hanc rem non ad Hollandiam, sed ad commune federis spectare ante postrema tempora, cum ab hominibus illis qui ex his controversiis quæstum facere & voluerunt, & fecerunt, & facere ne nunc quidem desinunt, quæsi sunt colores ad pingendum novum hoc, neque auditum antehac commentum.

qui Hollandia præfuerunt. 31

Ex oppido Amstelodamo delecti aliquot ad præscribenda ea quæ consideranda viderentur super oratione apud ipsos habita mandatu procerum Hollandiæ, disputant an summis potestatibus in negotio religionis imperare aliquid liceat sine pastorum consensu: ac proinde controversiam movent generalem super iure summarum potestatum, non definitam, an proceres Hollandiæ hac in re ius summarum potestatum obtinerent. Non motam ab Amstelodamensibus eo tempore proceribus Hollandiæ controversiam de sacrorum arbitrio, certum indicium est, quod dilecti illi in eo scripto ajunt, ea regula prius posita (de iure scilicet summarum potestatum) videre se facile vix villo colore oppugnari posse decreta, quæ de rebus Ecclesiasticis aut essent facta aut posthac possent fieri. Si tunc id sensissent Amstelodamenses, arbitrium sacrorum penes nationes esse vniversas, certè etiam illa regula concessa rectè potuerant decretis contradicere, vt factis ab iis qui in ea re summum imperium non haberent.

Ex quo fuere qui rem hanc aliò voluerunt deflectere, adferri eam in rem capit primum caput deliberationis Iunio anni CIO. 15. LXXXIII. perscriptum ab aliquot

32. *Apologeticus eorum*

nationum legatis, quo proponitur an non ex usu sit decimumtertium Federis Traiectini caput ita mutare, ut nationes habeant perstendum in Evangelica Reformatà religione, nec mutandum in ea quicquam nisi de communi Federatorum consensu. Ex quo capite id primum apparet, ex formula Traiectini federis licuisse nationibus singulis etiam citra sociorum consensum mutare aliquid in negotio religionis: & eo quidem magis, quia dicitur in eo capite deliberationis *verba federis ita concepta, ut quæ tum nationes Romana sacra sectabatur jus haberent ab eis discedendi, si id ipse re sua esse arbitrarentur.* Ipsæ inquam, non aliæ: jus autem quod ipsæ habebant, id aliis denegare non poterant, cum fedus illud sit æquale. Additur super hac deliberatione factum à proceribus Hollandiæ decretum. Sed principio, non hoc decreto dicitur omnino approbatum quod proponebatur: sed hoc tantum: *ut Evangelica Reformatà religio, cuius publicè usus erat permissus receptusque & quæ tum publicè in usu erat, ubique intra Federatorum fines defenderetur, neque publicè docendi aut sacra faciendi secundum religionem aliam ius permetteretur: tum verò ut etiam aliter sentientes adscribi federi possent, uti verba habebant capituli propositi.*

Sed

Sed nationes aliæ super hac re sæpius ampliarunt, ita vt constitutum nihil sit. Proinde non potest hæc ab Hollandis dicta sententia ipsos obligare, cum nihil super eo contractum sit. Atqui, instant nonnulli, quæ tum mens Hollandorum fuerit apparet. At mens sua neminem obstringit, & ob iustas rationes rectè mutatur. Olim menses fuit Hollandiæ proceribus manere in sola religione Romanensi: non tamen devinxerunt se ne inde abscedere liceret. Adde quod multum differt habere animum religionem aliquam tutandi ope communi, & animum habere iudicium omne atque arbitrium super ea religione aut abdicandi, aut cum alijs communicandi. Nam quomodo id cuiquam fiat probabile, proceres Hollandiæ qui hoc ipso tempore iudicabant in fedus recipiendas nationes non Reformatæ religionis, ademtum sibi jus voluisse quod alijs concedebant? Quatenus autem mens primorum Hollandiæ fuerit Reformatam religionem defendere, infra dissertandi erit locus.

Adfertur & consilium perscriptum de novo Senatu instituendo, quo contineatur vt is qui tum erat instituendus senatus *iraret ut Federata nationes manerent, atque continerentur in mutua consensione atque ami-*

citiatum in iis quæ federibus ante factis continebantur, tam in rebus aliis: imprimis verò nequid concordie noxium oriretur in negotio Reformatæ Evangelicæ religionis à nationibus singulis receptæ: atque ea in re nequid senatui imperare liceret, aut imperari novarive aliquid permittere. Additur placuisse hoc proceribus Federatis. Sed primò notandum est, dici hîc Reformatam religionem à nationibus singulis receptam, quæ vox distribuentis significationis satis ostendit nihil ea in re communiter factum, sed ex proprio cuiusque iure: deinde cum proceres Federati ad id certè tempus nihil pro potestatis suæ iure ea in re possent decernere, quicquid eius à Federatis approbatum est, non alio animo esse approbatum, quam si & nationes auctores fierent. Iam verò nationes neque id consilium, neque eum senatum ratum habuerunt: ac proinde totum hoc mansit effectum vacuum. Plane autem à iuris ratione abhorret vim tribuere accessioni, cum principale non subsistit. Fac etiam vim habuisse, fuisset tamen hoc mandatum à nationibus consentientibus senatui datum: non contractus inter nationes: cui consequens est id mandatum non diutius vim obligandi fuisse habiturum quam mandanti-

bus placeret, quæ omnium mandatorum natura est. Neque vero senatui ius permittitur imperandi nationibus: imo iure imperandi ipsis adempto sola cura atque inspectio ipsis permittitur, quæ hortando, consulendo, suadendo, sine ullo imperij maioris iure expediri potest.

Hoc consilium cum evanuisset, consultatum est de senatu instituendo trium nationum Hollandiæ Zelandiæ & Traiectinæ in cuius senatus mandatis, caput etiam de religione factum est, in quo illud de singulis nationibus repetitum est, neque tamē hoc caput tam latè patet quàm illud de quo iam egimus. Ait enim *dandā à senatu operam ut in negotio Evāgelica Reformatione religionis concordia retineretur.* Solvendo huic argumento & hoc facit, cum ipso senatu extincta esse mandata ut quæ dissoluto eo cœtu subsistere nequirent: atque in eius locum subrogatum esse eum qui nunc quoque est senatus: cuius mandata post graves turbas Licestrianorum temporum concepta sunt relectis diligenter mandatis veteribus, ac de industria omissum est negotium religionis, quia nationes singulæ senatui commune federis referenti arbitrium ea de re nollent permittere illud quoque repetitū volo quod

paulo ante dixi, etiam si mansisset iscœtus, tamen mandatis cœtui datis non constri-ctos mādatores nequid immutarent: cum nihil sit certius quam multa confessuum mandata multis in partibus immutata: deinde curam etiam ei commendari posse, cui nullum concedatur imperium.

Etiam hoc adfertur, post initum fedus Traiectinū, Reformatam religionē concorditer admissam. sed hoc ad rem non facit. Multi enim qui summum in terris suis imperium latos aut angustos intra fines obtinēt, possunt eiusdem esse religionis, sine vlla tamen obligatione quæ impedimento sit quominus super sacrorum re seorsim sine aliorum cōsensu quod visum est, constituent. Quotquot Reges Reformata sacra amplexi sunt antē Romanæ religionis fuere, mutarunt tamen sacra sine consensu eorum qui eiusdem Romanę erant religionis. Elector Palatinus, ac post cum Brandenburgicus, alijque plures cum antea idem sensissent, quod alij qui Augustana dogmata profitētur, propiorem quæ dicitur reformationem in terras suas induxerē. Protestantes Germaniæ Principes qui se eiusdem dicunt religionis, singuli tamen vt visum ipsis, edūt professionis suę formulas. Etiā Helueticorū pagi Protestā-

tes vnius sunt religionis. neq; tamē eo minus Bernates super cōtroversia prædestinationis ex vsu suo statuerunt. Quod si isti argumento vis aliqua esset, sequeretur Regi Magnæ Britanniæ aliisque Principibus qui reformati habentur, jus non esse in religione immutandi quicquam sine consensu Federatorum procerum Belgicogermaniæ, Helvetiorum, Genevensium, atque aliorum.

In formula quæ concepta est anno MDLXXXIII pactiois cum Andino renovandæ insertum fuit, à Duce stipulandum, ne ipse, neve qui in ipsius essent ministerio quicquam innovarent in re religionis, quod ipsum trāslatum est in pacta quæ anno MDLXXXIV concepta erant, vt fierent cum Galliæ rege: sed hinc inferri non potest à nationibus ius aliquod communi federis tributum, imo contra cenferi debet id fuisse consilium, potestatem hanc, atque libertatem penes eos relinquere, penes quos fuerat hætenus.

In federe cum Anglia (quod & ipsum à nōnullis in hanc rem adduci memini) nulla inveniuntur verba quæ aut Federatos proceres, aut nationes singulas aliquaten⁹ obstringant: sed hoc cavetur vt Anglicani auxilij præfectus esset Reformatæ reli-

gionis: vt præsidiorū rectores iurarent verā Christianam religionem se defensuros: vt Angli qui pars futuri essent senatus Federatorum, veræ Christianæ essent religionis, per quæ omnia ius aliquod proceribus Federatis in Anglos quæsitum est, non alijs in proceres Federatos, aut nationum singularum primores. Imo contra ibi dicitur neque præfecto neque senatui jus fore mutandi quicquam in fraudem Christianæ religionis, aut juris, legum, morum ac constitutionum quas proceres aut singularum nationum aut vniuersarum facturi essent: vnde liquet summum imperium in religionem, non minus quam in rempublicam mansisse vbi fuisset, ac proinde penes nationes singulas.

Quæ pacta ac federa facta sunt cū principibus externis de ope mutua: si quis religionis ergo vim perpeteretur (nam & hoc argumento vsos quosdam memini) nemini cōtrahentium arbitrium sacrorum adiungunt, imo verò tenetur Princeps quisque sibi seruare hoc ius, quod ne priuati quidem abdicare aut transferre possunt, acceptandi semper veritatem quæ ipsi ex diuinis oraculis demonstrari possit. Germaniæ Principes Protestantes tam Smalcaldico quam Naumburgico federe inter

se colligati sunt:attamen imperium de facris sibi quisque retinuit. Nunc quoque Euangelici Germaniæ Principes cū proceribus patriæ nostræ Federatis societate certam inierunt. Sed quis est eorum Principum qui concessurus sit liberum se non esse in negotio religionis, sed obstrictum nequid ea in re faciat nolentibus proceribus Federatis Belgicogermaniæ?

Quod in iuramento præfectorum aliorumque militari potestate fungētium positum est, fidem vt præstent communibus proceribus penes fedus & tutelam veræ Christianæ religionis (aut vt aliæ formulæ habent reformatæ) manentibus, eo spectat vt in voce communium procerum ambiguitas vitaretur, quia id nomen sibi præscriberent, qui Hispanicarum erant partium, qui nullo certiore signo dignosci poterāt, quam publicæ religionis, quæ hic atque illic in vsu erat, quatenus scilicet Reformata religio conspectu ipso à Romana discerni poterāt, puta eo quod imaginibus aliisque multis cæremoniis careat. At sub cuius imperio sit publicus religionis status, ac cui ius sit interpretari, quæ dogmata ad religionem reformatam pertineant, hinc certè colligi non potest.

Neque cum his quæ defēdimus pugnat,

quod bello superatis oppidis nōnullis imposita est necessitas acceptandi Reformatam religionem: quippe id non aliunde est profectum quam ex belli iure quo validior quisque aliis quas vult leges præscribit. Quanquam vero capta quoque loca postea in partem venerunt publicæ libertatis, notum tamen est in ipsa pactione imponi ipsis potuisse condiciones quæ ab aliis exigi, neque ius, neque ratio pateretur. Et iusta hac in re Hollandis querendi data est occasio, quod ipsi qui in aliis ad fedus retrahendis præcipui fuerunt, ita retractis æquiparantur.

Omnia verò quæ iam adferri in contrarium diximus argumenta non earum esse virium ut probent nationibus summum ius in religionem non competere, ipsi Zelandi agnoverunt. Nam cum in causa Conradi Vorstij ad Hollandiæ primores literas scriberent, testabantur non esse sibi propositum quicquam ipsis præscribere, aut se ingerere in alienam rempublicam, sed amicis amicū consilium dare. Deinde verò oratione ea quæ ipsorum nomine est habita mense Maio anni CIO IO CXVII, qua legati ipsorum dicūt toto animo optatum ab ipsis, ut primores Hollandiæ mutua inter se consensione rationes invenis-

sent componendorum Ecclesiæ motuum: testantes iterum nolle se curiosos esse in vicinorum republica, sed eam permittere sapientiæ ac prudentiæ procerum Hollandiæ: sed quòd facerent, id à se fieri tanquam ab amicis consultoribus, Adferbant etiam peculiaria federa inter Hollandos Zelandosque inita quæ omnino neque nationes ceteras, neque ius Federatorum contingebant; nullam mentionem facientes federis Traiectini, aut vllius iuris Federatorum. Neque verò proceres Federati vnquam contradixerunt tot decretis quæ ab anno MDC XCIIII ad annum MDC XXVII Hollandiæ proceres fecerunt: neque constitutioni quam proceres Traiectini ex Synodi sui cõsilio fecerunt, neque edicto publicato à primoribus Traiectinorum, neque interdicto facto in Geldria. Imò tantum id abest, vt cum Noviomagenses conquestum venissent, apud proceres Federatos de his quæ in rebus Ecclesiæ apud se non rectè, neque ordine facta essent, Geldriæ legati qui in conventu erant Federatorum, dixerint negotium hoc ad suam nationem pertinere: quo dicto remissionem negotij obtinuerunt. Noranthæc omnia Zelandi, ac propterea ante indictionem Synodi communis nuper

habitæ, proceribus Hollandiæ obtulerunt cautionem eam rem iuri ipsorum fraudi nō fore. Princeps Mauritijs, Comes Vvilhelmus, & nationum legati idem à se intelligi satis ostenderunt, cum etiam post Synodum indictam commendarunt nationibus recognitionem Federis Traiectini, atque in eo capitis decimitemtertij ad religionem spectantis. Quicum & illud convenit, quod legati nationum complures indictmentem Synodi non ex jure suo defenderunt, sed à necessitate quæsiwerunt patrociniū : quæ tamen imaginaria necessitas facile alijs legitimis & benignis rationibus evitari potuit, ut infrà patefiet.

Reperi sunt homines tam improvidi qui hoc non dixere tantum, sed tanquam firmum argumentum protulerunt, fædus Trajectinum fundari in religione plane contra XIII caput, & secutam eius interpretationem, cuius ante meminimus. Aliiter longe loquebantur Hollandiæ proceres anno MDIO LXXVI cum Amstelodamensibus scriberent : *in religione quidem inter nos, vosque aliquid est discriminis : sed non eius momenti hæc res est, ut propterea de re summa quæ regimen, jura, libertatem, leges, salutemque publicam complectitur, dissidere debeamus : eoque minus cum professi simus, semper atque*

qui Hollandiæ præfuerunt. 43

etiamnum profiteamur arma à nobis religionis causa sumpta non esse. Atque post id tempus, rectores Lugduni Batavorum in oratione perscripta anno **CIO IO LXXXII** : *non in hoc inter se devinctas nationes ut unam certam religionem solam foverent.* Quæ belli causa est, ea sit necesse est & federis causa, cum non in aliud initum sit fedus, quàm ut communi ope id defenderetur cuius ergo susceptum erat bellum. Bello autem quæ sita fuit tutela regiminis Belgicogermanici iuxta leges moresque avitos aduersus novum dominatum Hispanicum ; simulque liberum ius Deum colendi ex animi sententia , in quo. haud dubiè præcipue comprehenditur religionis Reformatæ libertas. Verum hoc esse apparet ex supplicatione nobilium , apologetico Principis Vvilhelmi aduersus accusationē procuratoris regij qui prodijt anno **CIO IO LXVIII**, edicto Principis eiusdē. explicante causas ob quas arma sumisset, mādatis quæ idem multis hominibus dedit ad opem sollicitandam , apologetico eiusdem pro expeditione anni **CIO IO LXXII** , decreto procerum Hollandiæ facto mense Iulio anni eiusdem ad arcendam vim Albani , literis quas proceres eidem anno **CIO IO LXXIII** proceribus Federatis scripsere, & literis al-

teris quas dicti Princeps & proceres ad Regem Hispaniæ misere, postulatis eorundem procerum, Zelandorumque, & Principis in colloquio Bredano anni c10 10 LXXV, pace Gandavenfi, apologetico quo Regina Angliæ defendit auxilia à se lata Belgicogermanis anno c10 10 LXXVII, pace religionis constituta anno c10 10 LXVIII, consilio Senatus dato XIII Ianuarij anni c10 10 LXXIX, apologetico dicti Principis anni c10 10 LXXX, edicto anni c10 10 LXXXI quo Rex Hispaniæ pronuntiatur iure in Belgicogermaniam excidisse: altero apologetico qui à Regina editus est anno c10 10 LXXXV, responso quod proceres Federati dedere Archiduci Ernesto anno c10 10 XCIV multisque alijs actis, decretis, literis, quæ memorare longum foret: quæ nimis disertè causam armorum nos docet, ac proinde & initi federis, quam ut aliud hominibus rerum intelligentibus possit persuaderi: quod tamen nunc sunt qui conantur homines alioqui vitæ tenore ac moribus satis patefacientes, quam parum ipsis cordi sit religio, id est Dei reverentia & Christiani hominis officium: conantur autem maximo reipublicæ malo: nam id cum dicunt, quid dicunt aliud quam ingentem terras nostras habitantium partem, ut

qui Hollandiæ præfuerunt. 45

pōte alienam à receptis in publicum ritibus, nulla de causa ferre onera quæ ferenda sunt, neque eorum quicquam interesse salvam esse rempublicam.

Instatur tamen, firmum esse vinculum religionis unitatem: sed præterquam quod iam ante diximus regendam rempublicam non ex cuiusque opinionibus de eo quod optimum atque utilissimum videatur, sed ex legibus publicis, notandum & hoc est, in vita humana ad id quod optimum est, sæpe non posse perveniri. Optimum haud dubiè foret non in Belgicogermania tantum, sed in vniuerso orbe vnā duntaxat esse religionem, eam scilicet quam sospitator noster de cœlo detulit: Sed humana infirmitas erroribus, consuetudine, affectibus abrepta facile hinc exorbitat: quod cum commonstrare alij volunt, cum superindicto ab initio sic non erat, eos tum differre vt rerum novarum studiosos, turbatores quietis publicæ, pestes populi, factu id quidem proclive est: sed supra quod iniqua est ea agendi ratio, à nostris damnata sapius, sæpe ad bonum publicum nihil ea via proficitur, quod experientia quidem abundè docuisse nos debet. Vir bonus ac sapiens Camerarius ait mendose dici diversas de rebus divinis sententias

turbamenta esse reipublicæ, cum ea inde potius nasci soleant, cum quis suæ sententiæ libertate non contentus alijs negotium faceffit. Vvilhelmus Princeps Araufionensis olim Frācisii Balduini Iurisconsulti nobilis opera libellum conscribi fecit, qui & rationibus & exemplis probat consistere posse quietem publicam etiam ubi sacra sunt diversa. Id verò nunc quæritur (vt jam seposita juris quæstione, quod utile est tantum spectemus) quoties sententiarum discrepantia inter magistros, plebemque exoritur (quod sæpe humana ope impediri nequit , sive quia vult Deus veritatem in lucem perducere , sive quia humana duritia monstratæ veritati cedere contumaciter recusat) potiusne tum sit nationes ubi orta est ea dissensio, omnino cogi se aptare ad normam nationum cæterarum, magno populi sui cum incommodo, cum labe cōmerciorum atque opificiorum, cum vulneratione animorum, an verò sit rectius procures cuiusque nationis (qui optime sciunt quā se calceus vrgear) quantum lex diuina permittit, quieti publicæ consulere, & ad oppidorum, locorumque ingenia jus temperare, vt jubēt mandata Principi Vvilhelmo data belli initio, & fedus factum sub idem tempus.

Eos qui supremo vtuntur imperio, quales sunt nationes Belgicogermaniæ singulæ, cum alijs pari jure vtētibus arbitrium rerum divinarum communicasse non reperio: illud contra reperio sæpe summorum potestatum beneficio minoribus potestatibus indultam sacrorum libertatem. Ita Romani populo Iudæo, Imperator Carolus V. cum Germaniæ conuentu Electoribus, Principibus, ac civitatibus liberis, Rex Galliæ oppidis nonnullis & nobilibus in vniversum, id iuris concessit.

Præterquam, verò quòd Belgicogermaniæ nationum singularum ob rem ipsam refert plurimum, vt arbitrium religionis penes se retineant eo animo, vt eo nihil minus præstent quod Deo debent obsequium, & socijs quam dederunt fidem: ita momentum hoc habet etiam ad aliam rerum consequentiam. Est enim summum imperium, quod coronæ comparari, eaque imagine depingi solet, eius naturæ, vt parte amissa substantiam suam amittat. De præcipiti loco qui cadit, non in medio hæret, sed subito de summo in infimum decidit. Rem autem hanc non esse sine consequentijs ipsæ minores nationes satis perviderunt. Nā cum novi Hollandiæ rectores mēse Novēb. anni c10 10 CXVIII,

ne plane ius patriæ proijcere viderentur, postularunt vt Hollandiæ legati qui ad communem nationum Synodum erāt ituri, ob ingentem numerum Ecclesiarum Hollandiæ (nam ad quingentas is exit,) ius haberent trium aut certè duarum sententiarum, recusatum id est à nationibus alijs propter exemplum, quia (sic habent acta) in negotiis ad conventum federatorum spectantibus, nationi cuique non nisi ius vnius sententiæ esset. Magna illis gratia debetur, qui olim, cū institueretur Senatus federis, confessus de rebus maritimis, alijsque, curam gesserunt vt Hollandiæ pro sua magnitudine ratio haberetur, neque se illo colore quem nunc adhibitum diximus, passi sunt eludi. Cui digitum concedis, sæpe manum attrahet.

Vltra dicitur, si libertas sacrorum vnicuique nationi permittatur multa inde incommoda sequi. Sed vetus, verumque verbum est: aliud esse incommoda ostendere, aliud refellere argumenta. Nam res humanæ ac præsertim publicæ eiusmodi sūt, vt vix quicquam statui possit, quod incommodis omni ex parte careat. Ex maioris partis sententia inter nationes constituere quicquam in religionis negotio, magnis hoc quoque incommodis non ca-

ret:

qui Hollandiæ præfuerunt. 49

ret : ut iam ante demonstratum est, & ipso rerum experimento certius fortè cōstabit.

At si relinquas libertatem, proceres nationis cuiusque etiamsi socijs obstricti non sint, non desinunt obstricti esse Dei verbo, rationi & vtilitati publicæ, sicut & in aliis rebus civilis imperij non sociis, sed legibus patriæ & bono publico obligantur.

Quin etsi nulla orta esset aut exspectari posset de religione controversia, tamen ad honorem spectat procerum cuiusque nationis ut quam tuentur religionem, eam noscantur tueri non aliorum imperio aut metu, sed sua sponte. Neque verò tanto functionis suæ tempore ita se gesserunt, ut aut pro contemtoribus pietatis, aut pro inimicis boni publici haberi mereantur. Etiam Licestrianis temporibus peregrini quidam præ se tulere ardentius studium religionis, quasi genuini legitimique rectores eam rem frigidius curarent : sed res docuit ambitionis & avaritiæ id fuisse obtentus. Suo contentum esse non exigua veræ pietatis pars est.

CAPVT III.

*Qualem sacrorum reformationem tueri
propositum fuerit proceribus Hollan-
diæ & Vvestfrisia.*

ET olim, & temporibus nostris vbique
ferme terrarum magnum discrimen
annotari potuit inter eos qui in republica,
& eos qui in sacris muneribus occupantur
circa controversias de rebus divinis. Nam
hi quidem magni eas omnes solent pen-
dere, vt in quibus ars ipsorum & quicquid
supra cæteros eximium habent, consistat.
Illi contra intēti in quietem civitatis, pu-
tant in rebus eius generis sæpe incolumi
lege divina, esse æquitati & concessioni
mutuæ locum, vnde sæpe accidit, vt à sa-
crorum professoribus magistratus tradu-
cantur tãquam quibus divina veritas non
fatis cordi sit : contra sacrorum magistri à
magistratibus tãquam duri, & intracta-
biles.

Hoc ipsum discrimen iam ab initio bel-
lorum in Hollandiã se aperuit. Princeps
Vvilhelmus & Hollandiæ rectores non

qui Hollandiæ præfuerunt. 51

tantum inquisitionem in hominum animos, & sanguinaria edicta exhorruerunt, sed cum iam ante centum pluresque annos pii doctique plures animadversis erroribus, quos longi temporis incuria in Christianitatem invexerat, reformationem desiderassent, id est emendationem, repositionemque rei in statum pristinum, & ipsi animo in id propenso fuere: sic tamen ut non arcte nimis se alligarent sententiis in quibus inter eos ipsos qui reformationem urgebant, disconveniebat. At pastores studio in præceptores suos quorum voce aut libris profecerant, annitebantur eorum dogmatis quantum possent auctoritatis circumdare. Hæc intentionis diversitas non parum augmenti inde accepit, quod rectorum plerique cognitionem errorum qui se in sacra insinuaverat, Erasmi Rotterodamensis scriptis debebat, qui ad pacem & æquitatem totus ferebatur. Pastores contra institutionem suam maximè hauserant è scriptis Calvini, & aliorum sua placita animosius defendentium. Huic rei id consequens fuit ut reformationis aut Reformatæ religionis vox aliter à reipublicæ moderatoribus, aliter à pastoribus Ecclesiæ sumeretur: nam hi quidem eo nomine intelligebant consensionem

cum magistris suis circa dogmata quævis: illi verò Dei cultum à mendis gravioribus purgatum, & in sensu super controversis placitis non nimis angustis finibus constrictum. Cui ambiguitati vitandæ sæpe reipublicæ rectores Christianam religionem aut Evangelicam dicere maluerunt, aut certè Reformatæ vocabulum addita voce Evangelicæ explicare, vt qui religionem alligare soli Evangelio, id est Christi dogmatibus vellent, non multis adscitiis interpretamentis. Ita videmus in federe quod Hollandi & Zelandi anno CIO IO LXXVI fecere agi de tuèdo vsu Reformatæ Evangelicæ religionis, & inhibendo vsu sacrorum Evangelio pugnantium, hac tamen lege ne cui ob animi sui sententiam, negotium exhiberetur. Idem conspicere est in legibus sub quibus Principi Vvilhelmo anno CIO IO LXXXI potestas quædam quasi dictatoria delata est. In federe quod cùm Anglia initum est anno CIO IO LXXXI mentio est veræ Christianæ religionis: quæ verba etiam in sacramento militis navalis reperiuntur: & in mandatis præfecturæ Hollandicæ datis Principi Mauritio.

Quantum Principi Vvilhelmo displicuerit pastorum quorundam nimius rigor,

qui *Hollandiæ præfuerunt.* 53

inter cætera intelligi potest ex literis quas Aldegon dius , inter Principis amicos id temporis gratia & consilio primus , belli primordio scripsit : ubi sic ait. *Princeps ceriè partim suo, partim Ordinum nomine mecum expostularit, quasi id agatur ut imperium Ecclesiastici sibi in conscientias arrogant, & suis legibus ac institutis subijcere sibi reliquos studeant, laudavitque dictum monachi qui nuper fuit, excipientis ad ea quæ tum sibi obijciebantur, haud aque nostrorum ollam calefactam fuisse, atque illorum quos tantopere incessemus: videre se plane antequam par seculorum labatur, parem utrobique imperij Ecclesiastici fore rationem. Idem ille Princeps cum annotasset ea quæ durè ac rigide acta erant in Synodo Middelburgensi anni 1510 LXXXI, & secutam inde animorum offensionem, Hollandiæ primoribus denuntiavit, ni in tempore obviam irent, prævidere se & religionis reformatæ & reipublicæ exitium, quæ ipsa verba inserta sunt primis mandatis quæ Hollandiæ proceres dederunt à se delegatis ad concipiendas leges super negotiis Ecclesiarum, in quibus & hoc additur : *Spectandum hoc in his legibus ut incolumis esset Christiana libertas, & ut decretis atque constitutionibus materia sa-**

*lumnia, ac dissidia tum in religione tum alibi
oriuntur.*

Princeps idem religionem ex formula Augustana, quæ Lutherana dici solet, eandem cū Reformata esse iudicavit, cū tamen inter utriusque doctores controversias esse non nesciret. Itaque tum in Apologetico, tum in aliis ab eo scriptis sæpe invenies, ubi profiteatur reformatæ se esse religionis, & rursum ubi dicat se eius esse religionis cuius pater fuerat, quem Augustanæ formulæ sectatorem fuisse constat. Rursum iam ipse Princeps, fraterque eius Ludovicus & Brederodius sæpe hortati sunt magistros familiæ Reformatæ, ut nomine ac titulo formulæ Augustanæ se commedarent. Etiam oppido Vvordano Princeps usum religionis publicum ex ea formula concessit. Etcum anno MD LXXVIII pax religionum constituta est, Romanensem tantum & Reformatam religionem admittens, Bruxellæ, Antuerpiæ, atque alibi data sunt templa formulam Augustanam sequentibus, tanquam qui & ipsi sub Reformato nomine comprehenderentur: sicut & in colloquio Agrippinensi postulata est libertas publica sacrorum non minus pro Augustanæ disciplinæ votibus, quam pro aliis Reformatos se vocantibus.

qui Hollandiæ præfuerunt. 55

Rectores Lugduni Batavorum in oratione quadam sua ad verba Synodi Middelburgensis, *Qui religionem Reformatam profitentur*, quærent an sub Reformatæ nomine intelligant religionem cum Synodi placitis in omnibus partibus consentientem: quæ mens si esset, aiunt se quidē graves habere causas, cur id admittere nō possēt.

In dicto iam federe cum Anglia, Christiana religio ita circumscribitur: *Quomodo nunc ea in Anglia, & terris Belgicogermaniæ Federatis in usu est*: cū tamen nemini ignotum esse possit Ecclesias Angliæ à Belgicogermaniæ Ecclesiis differre non ritibus tantū, & gubernandi modo, sed & opinionibus quibusdam, ut de descensu ad inferos. Vnde apparet manifestē, neutiquam eam mentem proceribus nostris fuisse, ut discrepantia sententiarum super quæstionibus inter eruditos controversis, aliam constitueret religionem.

Ut propius veniamus ad cōtroversias de Prædestinatione quā alij purā, alij cōditione subnixā volunt: primum hoc discrimen à Principe Vvilhelmo non magni nimis æstimatum ex eo apparet, quod cum conditiones proposuit in quas Reformati (qui distinctē sic appellantur) cum Lutheranis cōirent, ex omnes ad quæstionem de Eu-

charistia pertinebant, quasi ea composita nihil restaret, quod dissidio causam prebere posset, cum tamen satis constet à Lutheranis defendi prædestinationem conditione subnixam.

Quamquam verò pars maior pastorum patriæ nostræ ex magistrorum suorum institutione amplexi sunt dogma puræ Prædestinationis, certum tamen est ab ipso belli initio, pastorum nonnullos, magistratum multos, de plebe verò innumeros concessisse in alteram sententiam: Neque verò se res aliter habere poterat cum tanta esset his in locis auctoritas libris Erasmi, tanta gratia Decadibus Bulingeri, & locis communibus Melancthonis, item libello cui titulum Laicorum ductori fecit Anastasius Velvanus in ipso Reformationis initio quem librum Geldria proceribus dedicavit: sicut & proximè nostra tempora in Frisia Gellius Sneckanus libros nonnullos fecit, partim etiam Frisiz primoribus inscripsit, in quibus defendit dogma de Prædestinatione quæ conditionem in se contineat, non tantum Dei verbo esse consentaneum, sed novitatis accusari nullo iure posse: qui quidem libri nunquā à potestatibus publicis damnati sunt, neque scriptori aut iniusta Ec-

qui Hollandiæ præfuerunt. 57

clesiasticæ censuræ nota, aut aliud exhibitum negotium : qui omnes cum id quod dico defendant dogma Prædestinationis certa lege factæ, vel ex hoc vno satis intelligi potest, quàm malè eius dogmatis natales ad Iacobum Arminium referantur. Sunt qui de Melanchthone, & Bulingero negant eos istius fuisse sententiæ, sed id verè est contradicere rei omnibus qui sine affectu eorum libros legunt manifestissimè apparenti.

De mente procerum Hollandiæ in hac re testimonium illustre præbet oppidum Gouda, vbi perpetuo neque vnquam interrupto vsu viguit dogma de Prædestinatione conditionem in se continente: quod testari possunt & veteres magistratus, & plebs tota. Ac quanquam pastorum nonnulli impedire id aggressi sunt, tamen & pastores eius dogmatis ab oppidi magistratibus, & magistratus à proceribus Hollandiæ, & Principe V vilhelmo in hac causa defensi sunt, ita vt quod in Federe Hollandiæ & Zelandiæ, item in legibus quasi dictatoriæ potestatis dictum fuerat, de ordinandis rebus religionis pro oppidorum ingenio ad maximam tranquillitatem, id vsu interprete ita explicatum fuerit, vt extra publicam religionem exclu-

sum non fuerit dogma de Prædestinatione conditionem complectente.

In oppido Hornæ Clemens Martini filius discipulus Hardenbergij, qui Hardenbergius Melanchthonem habuerat præceptorem, & Cornelius Menardi publicè etiam scriptis editis testari sunt, adhærere se mollibus Bulingeri explicationibus, neque tam sublime scîpere se audere, quam scîperent alij : atque ita porrò sententiam suam explicarunt, vt quotquot Prædestinationem sub conditione docent, ei libenter sint subscripturi. Etiam hi in munere suo defensi sunt : quanquam à pastoribus vrgerentur satis inclementer, atque accusarentur.

Viguit sententia eadem Medemelacæ, atque ad eam formam docuit Taco Siibrandi: quem contra, cum rigidæ censuræ vis intenderetur, decreverunt Hollandiæ procures, ne Synodus ultra de eius ad pastorale munus vocatione controversiam moueret : vtque Ecclesia dum res plenius cognosceretur, quicquam aduersus Taconem agere abstineret.

In Lugdunensem Academiam ante Arminij tempora accitus fuit Holmannus rerum diuinarum interpres, plane Melanchthoni consentiens, quod omnes testan-

qui Hollandia præsuerunt. 59

tur qui cum noverunt, nec quisquam ad hoc tempus ausus est inficiari.

Sed & alijs in locis multis, pastores fuisse qui Prædestinationem docerent conditione suffultam volentibus magistratibus, sæpe affirmatum antehac fuit, & oblata probatio per testium turbas.

Quod de Hollandiæ proceribus dictum est, ad Trajectinos quoque porrigi debet: notum enim est in oppido Trajectino Hubertum fuisse qui iam ab anno c10 10 LXVII docuerit sub conditione factam Prædestinationem, atque ea in re contra Ecclesiæ censuram à minoribus majoribusque potestatibus defensus fuerit.

Plebs eum audiens (ita aiunt Trajectinæ vrbis rectores in litteris anni c10 10 LXXI ad Principem Vvillhelmum) magno erat numero & vrbis flos ipse. Dignum quoque notatu est dogma istud, cum in publico vsu fuisset, deiectum inde à Comite Liestrio eo ipso tempore quo vis ibi data est actis Synodi habitæ anno c10 10 LXXXVI, & civium potissimi de republica patriaque eiectione, cum Leoninus Geldriæ Cancellarius, non incommode dixit hoc agi à novis (id est ferventioribus) Protestantibus, vt veteres (id est moderatiores) expellerent. Post verò restituta se-

publica etiam dogma illud in vsum redijt: atque in vfu erat cum Principi Mauritio data est eius nationis præfectura cum ea lege quam iam ante diximus, *tutandi veram Christianam Evangelicam religionem* (ita verba habet nullo addito alio cognomento quo ea religio discriminetur) *secundum leges quas proceres Traiectini fecissent, facturi-ve essent*, quando ea esset procerum sententia arbitriam sacrorum ex decimotertio federis Traiectini capite ad se pertinere. Quæ lex præfecturæ addita directè cavebat ei libertati quæ Traiecti ab initio fuerat, & à Comite Licestrio concussa republica simul fuerat concussa. In eadem terra Traiectina pastorale munus obiit is quem dico Tacò ~~Silvandi~~, cui permissum est docere ex præscripto Helveticæ antiquioris, siue Tigurinae formulæ ad quam Remonstrantes (ita appellantur qui nunc docent Prædestinationem sub certa conditione) sæpe provocant.

Sed & hoc notatu dignum nunquam formulam illâ quæ professio vocatur Belgicogermanicarum Ecclesiarum publico imperio ab Hollandiæ primoribus approbatam: cuius rei ego non aliam puto reddi posse rationem, quàm quod viderent proceres id agi, vt post religionem ea for-

qui Hollandiæ præfuerunt. 61

mula circumscriptam, ipsa deinde formula angustius circumscriberetur interpretamentis, quæ res oneri erat futura multorum animis. Cui incommodo vitando Hollandiæ procures anno c10 10 xcvii ad-
senferunt in indictionem Synodi communis è nationibus ea lege, vt formula illa ibi revocaretur ad examen, videreturque quæ ratione optimè consuli posset vnitati Ecclesiarum. Sperabant enim procures in ea recognitione datum iri operam vt omnibus super eius formulæ sensu anxijis satisfaceret ea via quæ à definitionibus non necessarijs se temperaret. Post quod tempus & aliæ nationes in communem Synodum consenserunt lege eadem vt inibi illa formula, simulque institutio puerorum, quam Cathechesin vocant, relegeretur: cui legi adscriptæ pastores plerique se opposuere, qui ita aiebant in Synodo ea scripta recognosci non debere omnino, sed posse, atque ita demum si ipsi Synodo ita videretur: in quo mirari subit ab illis non concessum Federatis proceribus jus id imperandi quod licere nec ipsi negabant: Ex quibus actis aliisque pluribus apparuit quanto alia mens veteribus reipublicæ moderatoribus, alia non paucis Ecclesiæ pastoribus fuerit, cum hi semper ad defi-

nitionem contenderent, illi ad æquitatem, quæ præcipuè in ferendis placidè diffidentibus consistit: hi arctum facere velent in Ecclesiam aditum multis septis effatorum super rebus controversis: illi aperire Ecclesiam quantum fieri eis poterat, Christianis omnibus, quorum vita probro vacaret.

Adferuntur in contrarium notæ censoriæ in Casparem Colhasium, & Cornelium Vviggeri, additurque probatas eas ab Hollandiæ proceribus. Colhasium quod attinet, multa cum eo erant disputata ad hanc rem non pertinentia etiam de vitæ disciplina: Ac tamen quæ in eum sunt constituta, à proceribus Hollandiæ probata non sunt: sed id dictum est duntaxat, ut inspectores Ecclesiæ in censura ita pergerent, ut Dei verbo consentaneum esse existimarent: quod revera nihil erat aliud quam rem ipsorum religioni commendare. Quid verò tam Princeps Vvilhelmus, quam proceres Hollandiæ existimaverint de actis Synodi Middelburgensis anni 1610 LXXXI. (nam in ea Synodo res Colhasij tractata est) satis intelligi potest ex verbis quæ iam adduximus è mandatis delegatorum ad concipiendas leges de negotijs Ecclesiasticis. Etiã res Cornelij Vviggeri

exibat fines negotij quo de agimus: nam professores rerum divinarum in Academia Lugdunensi ei obiectabant, quod libertatem volendi doceret nulla addita divinæ opitulationis mentione: atque altera ex parte quod diceret plane extinctâ in homine divinitatis imaginem: quod ipsum, illis iudicibus, homini suppeditabat excusandi se materiam de omnibus delictis. Didericum verò Volqueri Cornhartium quantum attinet (cuius libri suppressi à proceribus Hollandiæ dicuntur pastorum instinctu) quod maximam ei invidiam concitabat, hoc erat quod originariam labem negare & omnes cætus Christianorum improbare diceretur. Quare ne hoc quidem exemplum subvertit id quod asseruimus, neutriquam proceribus id fuisse animi, religionem Reformatam tam arctis limitibus circumscribere, ut qui sub conditione Prædestinationem docent, ab ea arcerentur.

CAPVT III.

*An mutuo se ferre in controversiis de
Prædestinatione dissidentes fas fuerit,
fieri ne id ipsum potuerit, & an
ex usu fuerit.*

SVper controversiis exortis de Præde-
stinatione, & quæ ei cohærent, Hol-
landiæ & Vvestfrisiæ proceres aut omni-
bus aut pluribus sententiis eo semper pro-
penderunt, vt dissidentes ferrentur, non
sub eodem imperio tantùm, sed & in Ec-
clesia, ita scilicet vt relicta sic vel aliter
sentiendi libertate, & præscripta docendi
moderatè ratione quæ ad pietatem con-
duceret, vtriusque sententiæ tum pasto-
res, tum cæteri servarent Ecclesiæ pacem
sub earundem potestatum civilium tute-
la. At alij ad definitionem perducere ne-
gotium laborarunt, existimantes in omni-
bus quæstionibus eiusmodi certi aliquid
constituendum, sicut inter litigatores fer-
tur sententia cui stare pars vtraque tene-
tur sive rectè, sive perperam est iudica-
tum. Sed non respondet hæc comparatio,
nam

qui Hollandiæ præfuerunt. 65

nam sententiæ iudicum feruntur super rebus quæ nostri sunt dominij ac iuris, de quibus quod iudicatum est, ut maxime iniquum sit, ei tamen sine vlla officij prætermissione pareri potest de re sua cedendo: sed hoc non procedit ubi veritatis res agitur. Nam etiamsi de humanis tantum, non de divinis rebus ageretur, non posset quisquam obstructum se credere eorum dicto: quos falli posse autumat, aut ut contra credat quam se rei habet veritas, aut ut eam silentio plane sepeliat præsertim si eam utilem existimet humanæ universitati. Exemplum sume in quæstionibus de Medicina, de sapientia naturalium rerum, in arte mensuræ, numeri, ponderis. Et si talibus super rebus in quamvis specioso cœtu aliquid pronunciaretur, non ea tamen interfecta esset quæstio: sed quivis liberum sibi existimaret aut rationum ductum aut experimentis de veritate periculum facere, & repertam in lucem producere. Sed ne disceptationes eiusmodi agitentur cum conuitiis aut iniuria graviore obtineri id certè potest. Genevenses in anteloquio editi à se concentus formularum, Harmoniam confessionum vocant, Britanniarum Rex, in Epistola quam Cardinali Perronio scripsit per Isaacum Ca-

faubonum, pluresque alij censent quam
 paucissima esse definienda: quod ipsum
 eidem Britanniarum Regi placuerat in
 colloquio Hamptoniensi, cum postularēt
 nonnulli ut capita quædam de Prædesti-
 natione concepra Anglicano Symbolo
 annecterentur. Reperti sanè sunt homi-
 nes tam feri qui dicerent Ecclesiasticam
 unitatem retinere velle cum illis qui circa
 dogmata aliqua dissiderent, id verò esse
 Christum miscere Beliali. sed contra nos
 docet vox à Deo inspirata Rom. xiv. i.
 Philipp. ii. 4. iii. 5. i. Cor. ix. 19. xiii. 4.
 ii. Tim. ii. 22. & mos Christianorum per
 omnia tempora terrasque diffusus, nō om-
 ni dogmatum discrepantia communionis
 Ecclesiasticæ fedus abrumpi, sed eis de-
 mum quæ ad religionis fundamentum
 propriè pertinent, id est quibus divina
 constitutione æternum illud bonum ita
 annexum est, ut nemo nisi illis assentiens
 id possit adipisci. Augustini est: *Sunt in qui-
 bus inter se aliquando etiam doctissimi atque
 optimi regula Catholica defensores salva fidei
 cōpage non cōsonant.* Cui cōgruit illud Vin-
 centij Lirinensis: *Antiqua sanctorū Patrum
 consensio non in omnibus divina legis quæstion-
 culis, sed solum certè præcipuè, in fidei regula ma-
 gno nobis studio & investiganda est, & sequen-*

qui Hollandiæ præfuerunt. 67

da: Ita videmus Christianos veteres, neque idem sensisse neque docuisse super animarum origine ac statu post mortem antequam corpora resurgant, alijsque de rebus, non abrupto tamen ob hæc fraternitatis vinculo. Hanc mutuo se ferendi æquitatem non posse tantum, sed & debere servari docent Calvinus Institutione 4^o cap. 1. lect. 12. Perquinzius ad Galatas capite 1. commate secundo, & cap. III. commate 15. Etiam in symbolo suo Helvetij cum ita loquuntur: *Abundè pie venerati* satis erat mutuus ille in præcipuis fidei dogmatibus, inque sensu Orthodoxo, & charitate fraterna consensus. Elector quoque Palatinus cum elogio ultimo liberis suis mandat, *ut sibi quam diligentissimè à turbulentiæ tam Ecclesiarum, quam scholarum ministris caveant, qui nunc in religionis & fidei negotijs, & omnis generis contentiones, logomachias, ac vitiales condemnationes in pias Ecclesias & Scholas, quæ tamen in fundamento & præcipuis Christianæ religionis capitibus consentiunt, & salutem suam una nobiscum in unicam nostrum Servatorem Iesum Christum collocant, introducere conantur.* Ait insuper, *ex ea re & in Politia & in Ecclesiastica gubernatione distractiones sequi. & utriusque gubernationis perturbacionem: ideoque debere principes summopere à turbulentiis*

istis hominibus, & pacis ac tranquillitatis publicae inimicis sibi cavere. Docet id ipsum Paræus locis pluribus, capite ad primam ad Corinthios tertio commate duodecimo, & latius in libro de vnione Evangelicorum: Qui in fundamento conveniunt, ait, in bona conscientia coitionem facere possunt, & debent: quamvis in minus principalibus aliqui nimium scientiosi ab alijs rudioribus differenter sentiant. Si enim omnes per omnia consentire possent, quorū hortaretur Apostolos ut alij alios tolerent, ut firmi fide infirmos suscipiant, ut alij aliorum onera portent, ut si quis quid aliter sentit à Deo revelationem petat, & expectet? Optandus quidem erat plenus in omnibus consensus, verum in tanta rerum humanarum fragilitate, vix unquam Ecclesia datus fuit; vixque facienda videtur talis felicitas. Exemplo ad hanc rem nobis esse potest labor piorum Principum, atque pastorum insumtus ad recomponendos cum Lutheranis Reformatos alios quantumvis (in Eucharistiæ controuersia dissidentes, nam de Prædestinatione (quanquam etiā de ea cōtroversæ sunt inter ipsos) nulla facta est mētio; cum pro certo haberetur cāvnitati ipsorū impedimēto esse nō posse. Hæc cōglutinatio interlocutione illustriū viroꝝ confecta fuit anno eiꝰ 10 XXIX

qui Hollandiæ præfuerunt. 69

& CIO IOXXXVII inter ipsum Lutherum
& Helvetios pastores: postea anno CIO IO
LXX in conventu Sendomiriensi Polonię
inter sectatores formulę Augustanę Bo-
hemicę & Helveticę qui omnes polliciti
sunt, quanquam de Eucharistia sententiis
discreparent, habituros se invicem pro pijs
cœtibus & mutuam vnitatem servaturos
tam in audiendis sacris exhortationibus,
quam in sacrorum rituum participatione.
Factum idem anno CIO IO LXXV in Bo-
hemia inter Augustanę formulę profes-
sores, & eos qui Hussitę, quique Valden-
ses dicuntur. Eodem allaboratum est an-
no CIO IO LXXVII à legatis Reginę An-
glię, multorumque Principum qui tum
Francofurtum venerant, ab Ecclesijs Bel-
gicogermanicis libro quem ea de re edi-
derunt anno CIO IO LXXIX: à Synodo
Hollandiæ Austrinę anni CIO IO CV, ab
Electore Palatino qui nuper vixit literis
scriptis ad Palatinum Neoburgicum, &
aliis literis quas anno CIO IO CVII scripsit
ad regem Britanniarum, & primores no-
strę patrię Federatos: ab Electore Bran-
deburgico nuper editis in eam remedi-
ctis, ab Ursino, Ivello, Danzo, Vvithakero
in libris suis, à Molinæo in consilio quo-
dam quod Gallicè scripsit hoc de argu-

mento; à Paræo in eo quem iam laudavimus libro. Cui consequens est Ecclesiasticam unitatem & posse, & debere retineri cum ijs doctoribus qui super Eucharistia consentientes, cum Lutheranis commune tantum habent dogma de prædestinatione quæ conditionem in se habet. Semper enim quod majus est, in se continet id quod eo est minus.

Vt rem propius commonstremus, legatur præfatio Calvinii ad Gallicè à se verfos locos communes Melanchthonis, vbi Melanchthonem summis extollit laudibus, cum tamen fateatur se in Prædestinationis negotio ab eo discrepare. Perquinzius inter controversias quæ fundamentum salutis nostræ inuiolatum relinquunt, ponit dogma de Gratia universalis, & de libero arbitrio. Pareus etiam inter conclusiones quæ ad necessaria capita non pertinent, recenset eas quæ sunt de Prædestinatione, eius causis, atque effectibus, de liberi arbitrii natura: additque si Evangelici doctores attendere vellent ad hoc discrimen capitum, multo minus rixæ in Ecclesijs fore, & sanando vulnere, faciendæque paci remedia haud longè futura. Idem Regi Britanniarum visum est, qui cum legisset indiculum questionum, quæ de Præ-

destinatione , & annexis capitibus apud nos exortę erant, literis scriptis sexto Martij anni cio 13 cxiii. pronuntiavit , non ita inter se distare sententias , quin cum Christiana veritate & salute animarum possent consistere. Molinęus eo de quo loqui cępi consilio quęstionibus illis quas in communi symbolo concipiendo prætermitti posse existimat , ac sine quarum notitia hominem ait posse ad salutem perpetuam peruenire, accenset ea quę ab Arminio essent proposita de libero arbitrio, perseveratione piorum, & prædestinatione. Quę Arminij super his rebus sententia esset, notũ satis erat Amstelodami, cum inde dimitteretur in Academiam Lugdunensem iturus: neque eo minus Ecclesia Amstelodamensis discedenti Arminio dedit præclarum testimonium dogmatum ac vitę. In Academia cum aliquoties hac de re colloquia essent instituta, testati sunt Gomarus, Trelcatius, Arminius, Cuchlinus inter se nullas esse controversias ad fundamentum pertinentes. Superioris confessus in Hollandia iudices , qui cętus si vnquam tunc certę viros ingenij iudicii-que summi habuit , vt satis omnibus notum est, controversiis hisce apud se disceptatis , iudicarunt non aliud præsentius

esse remedium quam in se invicem ferendi æquitate. In eo colloquio quod coram Hollandiæ conventu habitum est anno c10 10 cvii collocutores se mutuò fratres salutarunt : neque contradixerunt quicquam procerum hortamentis pacem ipsis commendantium, imo multo post tēpore perstiterunt in Ecclesiastica communione, Quibusdam in locis vt Lugduni etiam pactiones ea de re sunt confectæ. Synodus Gallicarum in Belgicogermania Ecclesiarum anno c10 10 cxii & c10 10 cxiii testata ac pollicita est, quominus fraternitatis iura cum pastoribus sui corporis servarent controversias istas non obstituras. Etiam Plessæus, & alij viri sapientes non minus quam eruditi ad retinendam inter dissidentes pacem hortatores fuere.

Excipitur alias fuisse controversias quæ notis quinque capitibus non continerentur : & earum in numero nonnullas ad fundamenta religionis pertinentes. Sed respondeo, nullam esse causam ea de re conquerendi quando Hollandiæ proceres decreta de ferendis dissidentibus semper adstrinxerunt ad quinque illa capita, in cæteris nihil constituentes novi, vt videre est in decreto quod factum est vice-

simo mensis Maij anni c13 13 cx1, in eo quod factum est anno c13 13 cxiv, in alio facto die decimotertio Decembris anni c13 13 cxv, in alijs quæ facta sunt, alterum decimo octavo Martij, alterum vicesimo octavo Aprilis anni c13 13 cxvi: item in edicto quod procures eidem ediderunt quinto Augusti c13 13 cxvii, in responso dato legatis Zelandiæ, aliisque actis pluribus. Proinde si qui putabant extra quinque capita factum à quoquam quod alios meritò offenderet, eis liberum fuerit exserere aciem Ecclesiasticę censure. Sed instatur non potuisse adversus tales agi, quod Synodi non haberentur. sed rursus parata est responsio has causas non directè ad Synodum pertinuisse, sed primum ad Presbyteria loci, deinde ad conventus vicinales quos classes vocant? quod si ab ijs provocatum esset, tum demum tempus fuisse veniendi ad Synodum Hollâdicam, quam convocare Hollâdiæ procures parati semper fuere, dummodo super quinque capitibus decretis de pace colenda factis pareretur, ut videre est in eorum decreto quod factum est iv Decembris anni c13 13 cxix. Multi solent aggerere colloquium Delphis Batavorum habitum quasi in quo Remonstrantes, id est pastores qui sub condi-

tione prædestinationem docebant, recusassent mentis suæ sensa aperire de magni momenti rebus. Sed res est, obtulisse ipsos aperturos se sua sensa, modo prius alij deferendo in ipsis quinque capitibus dogmate professionem edidissent. Deinde semper apud nos etiam à proceribus, magistratibusque id iuris habitum est in causa religionis, accusatione, non inquisitione grassandum: probationes foris adferendas, non petendas de reo. Si præsto erant documenta culpe circa dogmata commissæ, cur filebat censura? Si non erant, quid attinebat in suspicionem vocare homines integræ famæ?

Objicitur ulterius in ipso argumento Prædestinationis, & eorum quæ inde pendunt eousque potuisse de via deflecti, ut læderentur fundamenta, atque ideo illicita esset pax mutua. Sed & hoc perfacile solvitur. Antiquitus enim ab ea parte quæ sub conditione Prædestinationem statuit, vnus tantum scopulus formidatus est: ea scilicet sententia quæ docet posse hominem aliquid boni salutaris perficere, aut certè incipere sine interna diuinæ bonitatis operatione, ac proinde talem opem homini non esse necessariam. legantur attentè omnia quæ in Concilio Carthaginien-

sibus, Milevitano, & Affricano contra Pelagium & eos qui Pelagij reliquæ dicebantur, constituta sunt, apparebit omnia in id quod dixi, redire. Atqui huic malo obviam itū est illorū quinque capitū capite 3. ita vt nemo qui illis capitibus assentitur, suspectus esse possit Pelagiani aut Semi-pelagiani erroris. Sed & proceres Hollandiæ decreto anni CIO IO CXIV huic periculo præcaverunt, iubentes doceri principium, progressum, & consummationem humanæ salutis, ipsamque salutiferam persuasionem non nativis hominum viribus aut factis, sed soli neque promeritæ Dei ob Iesum Christum Servatorem nostrum benignitati ascribi debere, contraque doceri vetantes id vnde quod his contrarium est sequeretur, hoc scopulo vitato, nihil ultra in dogmate de Prædestinatione, quæ conditionem sibi innexam habet, rebusque consectaneis cogitari potest, vnde metus sit ne fundamenta convellantur.

Ad id quod præterea dicitur non debuisse de ferenda discrepantia sententiarum decretum fieri nisi rebus bene exploratis: vnde porro inferunt nonnulli prius convocandam fuisse Synodum, considerandum est neque Synodos à proceribus Hollandiæ omnino fuisse reprobatas (vt

partim iam ostensum est, partim infra ostēdetur) sed eas demum quæ ad decisionem controversiarum ducerent. Tum verò potestas summa (cuius officium est non necessarijs Ecclesiæ scissuris intercedere) etiam absque Synodo instrui potest de natura controversiarum , hætenus saltem tolerabiles sint : ex partium scilicet contendentium confessione : quomodo hîc ex his quę vtrinque dicta erant in colloquio anno c10 10 cxi promptum erat colligere quæ inibi disceptata erant, non excedere terminos intra quos ferre alter alterum possent: aut etiam veteris Ecclesiæ iudicio, quæ certè minus ponderis apud nos habere non debet, quam nostrorum temporum Ecclesia : quomodo in hoc argumento Concilia habita adversus Pelagium & Pelagij reliquias satis ostendunt, totam tûc de Prædestinatione controversiam habitam esse tolerabilem, & quæ definitionis non egeret: quo & illa spectant Cælestini Romæ Episcopi hac de re scribentis verba : *Profundiores verò difficultioresque partes intercurrentium questionum sicut non audentus contemnere, ita non necesse habemus adstruere.* Conspicua etiam sunt in rem eandem exempla veteris Ecclesiæ. Neque enim negari potest dogma Prædestinatio-

qui Hollandiæ præfuerunt. 77

nis conditionem complectentis magno consensu & creditum fuisse, & traditum ab omnibus tractatoribus ante Augustini ætatem, & post id tempus à Græcis omnibus, qui tamen in eadem fuerunt communionē. Imo Hieronymus & Augustinus, qui eodem ævo vixere, & ambo Pelagium scriptis oppugnarūt, & communionis eiusdem fuerunt, deprehenduntur super his rebus sententiis dissidere, cum Hieronymus ubique etiam in libris novissimis Prædestinationem doceat sub conditione, quam sine conditione ab Augustino doceri plerique credunt.

Cum igitur probatum sit nefas non fuisse ferre se in vicem pastores in hisce controversiis, ita ut diximus circumscriptis, videndum restat, an id ipsum fieri etiam potuerit. Ad cuius quæstionis explicationem, primum rationes & argumenta pertinent iam ante prolata, quæ scilicet non hoc tantum docent fas esse, ut in his & similibus rebus feratur opinandi diversitas, sed etiam id ipsum fieri oportere; quicquid autem fieri oportet id prius tale sit necesse est, ut fieri possit. Pertinet eodē multarū Ecclesiarū exemplarū neque multū hic refert, sint ne ex pluribus, an pauciorib⁹ vitiis inquinatæ: quia id ipsum spectandum

esset si ab earum auctoritate duceretur argumentum, non ubi per exemplum duntaxat ostenditur quid fieri possit. Quis mos fuerit veteris Christianitatis tam in hisce quam in aliis controversiis, iam ante commonstratum est. In Romanensi Ecclesia quæstiones sunt plures centum, quæ salva unitate, inter eruditos disceptantur: inter quas est & illa de Prædestinatione, quanquam de libertate consensus humani, & piorum perseveratione idem inter se sentiunt. Etiam in Lutheranorum cætibz qui æquiores sunt super controversia, an ubique sit Christi corpus, ferunt alij alios. Habent & qui Reformati peculiariter dicuntur inter se controversias, manente tamen pace fraterna, qualis est quæstio de obedientia Christi quæ in agendo, quæque in perpetiundo consistit, vtra scilicet sit ob quam Deus nobis peccata condonet, ac pro innocentibus nos habeat, qua de re non tantum cum Piscatore actum est placide, sed & inter Tilenum & Molinæum interloquente Plessæo, atque aliis citra definitionem transactum est. De regimine Ecclesiæ, de sacris ritibus à Christo institutis, sunt quæ ventilantur quæstiones unitate incolumi. Ut propius ad negotium nostrum accedamus;

videmus, pridemque vidimus inter eos qui puram defendunt Prædestinationem, esse qui ponant eam ante spectatam Adami ruinam, esse qui eandem ruinam ei substernant, at ne hoc quidem vnitatem abrumpit. Dubitari tamen non immerito posset, an non illi alter ab altero tantum differant, quantum ab utrisque hi qui sub conditione, Prædestinationem tradunt. Verum quidem est, illos utrosque adversum tertios in eo consentire quod decretum de salute cuiusque hominis factum ponunt ante consideratam assensionem Evangelio præbitam: sed rursus tertius cum secundo ordine id commune est adversum primos, quod putant non decrevisse Deum hominis cuiusquam perniciem æternam, ac ne potuisse quidem decernere, nisi cum ut fontem intuerentur. Si fieri potest & sit re ipsa, ut isti alij alios ferant retinentes unitatis compagem, cur non & isti simul tertios ferre possent? Sed & hoc fieri posse iudicavit Hollandicæ Synodus Harlemi habita anno MDCLXXXII in qua deliberatum est quatenus tolerari possent, qui Prædestinationis dogma probare non possent.

Sunt qui putant hanc mutuo se ferentium pacem consistere non posse, nisi ubi

pars altera docet, altera quod sentit silentio premit, sed scripta, tum veterum, tum eorum qui nunc sunt in Romanensi Ecclesia, Lutheranorum quoque & Reformatorum contra nos docent sententias discrepantes & doceri, & defendi sine pacis ruptura. vetus dictum est, incolumi amicitia posse amicos seorsim sentire, & quod sentiant, modestè rationibus munire: quod non in divinis tantum, sed & in humanis rebus usu venit.

Alij posse id fieri existimant, si dissidentes in diversis sint locis, vthic illud, ibi aliud doceatur pace incolumi, non si in vno loco munere suo fungantur. Quæ subtilitas primum valde aliena est à natura Ecclesiæ Christianæ quæ ubique diffusa vnum corpus facit, ita vt dogmata quod attinet, nihil hic necessarium esse possit, quin simul ubique sit necessarium. Deinde libertas illa Prophetarum Apostolo memorata quæ in veteri Ecclesia Christiana viguit, satis ostendit posse in vna Ecclesia diversas sententias proponi illæsa fraternitatis concordia. Etiam testibus evincere possem ex eodem suggestu, nostris in terris sine offensa propositas fuisse sententias diversas, etiam de argumento cuius ante me mini pertinere ad causam ob quam Deus culpis

qui Hollandiæ præfuerunt. 81

culpæ nostris ignoscit : quod sunt quî putant maximi esse momenti. Imo in his ipsis de quibus agimus controversiis diu vidimus non vno in oppido sine ullis incommodis pacem cultam inter sententiis dissidentes , donec secessio de industria omnibus modis promota est. Et qui credibile est, cû Reformati Lutheranos invitarunt ad Ecclesiæ unitatem, id eos sensisse non posse concordiam retineri , vbi tum fit, tum illi essent in eodem oppido ? Imo contra recte etiam iisdem in locis manere posse inter diversâ sentientes fraternitatis consortium, docet adductum modo Poloniæ exemplum. Sed & eorum qui apud nos sæpe in vna Academia, aut Ecclesia alij Prædestinationem Adami culpæ præviam , alij eidem culpæ consecutaneam docuerunt.

Qua propter alij propius in rem intuentes aiunt non negandum quin fieri possit, ut diversæ sententiæ proponantur, dum id fiat æqua ac placida ratione : Sed vbi per illationum gradus alter alteri odiosa placita impingit, nō posse tum quietem & pacem retineri , quod sine accurata distinctione transmittendum non est. Nam in privata veri indagatione eam argumentandi rationem prohibere velle, qua osten-

ditur ex adversaria positione absurda sequi, id vero foret absurdissimum, cum omnes qui disputandi artem tradiderunt, nos doceant eam docendi rationem facillimam esse cōprehensu: non quod æquum sit quenquam onerare quasi omne id sentiat, quod ex ipsius sensu per legitimas consequentias deduci potest (sæpe enim accidit, ut is ipse eam consequentiarum necessitatem non videat, ac potius quam id quod inferitur concedat, effatum suum sit deserturus) sed ut horrore eius quod ipsius assertio secum trahit, connexionem rectè expensa, ab errore abducatur, quod ipsum tamen in colloquijs etiam privatis ita fieri debet, ut evitetur quicquid asperare animos potest, vereque appareat non ruborem alterius, sed emendationem quæri. Sed publicas allocutiones quod attinet, sapientissimum mihi videtur eorum consilium qui putant ea, quæ absurda cum sint, defensorem habent neminem, refelli quidem posse, sed ita ne simul significetur ea sequi ex sententia aliorum in eadem communione viventium, ut scilicet mos geratur plebis infirmitati quæ per orationem eiusmodi incendi animis divellique posset. Verum putate ideo unitatem retineri animo nequire, quia alter alterius senten-

tiam incommodis premat, extra rationem est, & exemplis refutatur. Reformati Lutheranis, hi illis vicissim multis in libris absurda multa sæpe, nec sine ludibrio obicere tanquam quod ex sententia ipsorum fluere: non eo minus Principes, doctoresque iam ante nominati, etiam Beza in Montipellicardesi Colloquio pacem fraternam Lutheranis obtulerunt. Qui apud nos Prædestinationem puram considerationi humani generis in crimen lapsi anteponunt, ab alijs qui eandem Prædestinationem super communi culpa ædificant, Deum aiunt statui improvidum. Hi contra aiunt ab illis Deo manifestam iniustitiam assignari: neque tamen ideo rumpitur vnitatis compages. Idem in Romanensi Ecclesia videre est inter diversa docentes de questione an citra originariam labem concepta sit, quæ futura erat Domini nostri mater, de Prædestinatione etiam, rebusque alijs. In disputationis certamine arripit quisque, & vrget quod sibi vsui putat: sed non ideo communionis nexus dissolvitur.

Ego verò semper existimavi in publicis allocutionibus facile eum posse modum reperiri qui non modò animos non exasperaret (quod multi ad tranquillitatem

plebis retinendam satis esse existimant, & extra controversiam exempla habet, tum in antiqua Christianitate, tum sæculo nostro) sed talis etiam esset, ut in docendo disparitas, aut esset nulla, aut non appareret. Et hac quidem in causa eo facilius, quia hi qui puram docent Prædestinationem, & Contraremonstrantes appellatur. (utinam ignota essent illa partium nomina) in Colloquio Hagienſi facti sæpe sunt quædam suorum dogmatum non nisi adductè & temperate proponi debere. Beza ipse in Montipellicardensi Colloquio dicebat incõsultum esse de iis quæ ipse tuebatur placitis apud populum certare, quod ea res plures offensura, quam instructura esset. De reiectione hominum Contraremonstrantes in eodem illo Hagienſi Colloquio, ne agerent, deprecati sunt invidiæ declinandę ergo. Multi eorum gregis & hoc dicunt; quoties ad usum res conferatur, dogma suum de Prædestinatione non esse proponendum nisi ab imo sursum, quæ docedi ratio plane eum Remonstrantium docendi ratione consentit, utrunque sententiæ discrepant. Legere memini inter Zanchium & Marbachium, qui pariter in Argentinensi schola iuventutem sacris disciplinis informabant, in eum modum

qui Hollandiæ præfuerunt. 85

conventionem factam. Quin & apud nos curatores reipublicę Geldriæ & Zutphaniz concordiz formulam in modum eundem conscripserant quæ mihi impensè placuit: vt & consilium ab eximijis Zelandiæ(ni fallor) pastoribus missum ad Principem Mauritium , quod mihi monstratum, vt ad publicam tranquillitatem valde faciens commendauit. Etiam in allocutione ad rectores oppidi Amstelodamensis quædam aperueram quę huc pertinere mihi videbantur, ac serius etiam ex libris partis vtriusque ea excerpseram in quibus quam proximè alij ad alios accedere videbantur, vt inde hauriri posset. benè temperata docendi præscriptio quę nullius animum læderet. Comperi & Rotterodami, cum ibi primum agitari cæperant controversiæ de proponendis dogmatibus initam conventionem, quæ & placidè observata est, dum ibi fuit Colonius. Postea quoque cum iam me rectores eius oppidi vterentur, à pastoribus publicis conditiones quædam latæ sunt his qui ab Ecclesia discesserant tam equæ, vt eas repudiandi causa me certè iudice, nulla esset. Neque aliorum spectant tot monita Hollandiæ procerum quę in omnibus ferme decretis apparent, vt de his capitibus doceretur ad plebis in-

stitutionem , ad Dei gloriam , ad salutem publicam , ad Ecclesiarum incrementum, vt fraterna & Christiana charitate se mutuò foverent , cunctaque dirigerent ad quietem & pacem, ad introducendam retinendamque charitatem, vt sacra scripta modestè explicarent, vt ad Christianum amorem, vnitatem, & bona exempla componerent sese, pluraque alia eius sensus quæ in ipsis decretis videre est, ad quæ accessit quod mense Februario anni CIO IO CXVII proceres Hollandiæ testati sunt sibi non displicere, *vt benignis suasionibus & peccatorum hominum consilio prorsus negotium expenderetur, concipereturque formula aliqua prauis ante decretorum interpretationibus vitandis, & regendo eorum vsui, secundum quam orationes ad populum à pastoribus dissentientibus animo non reluctante haberi possent ad pacem simul, emendationemque populi.* Sic & in Edicto quod evulgatum est mense Augusto CIO IO CXVII, aiunt proceres eidem *semper suam mentem fuisse, ne controversa placita nisi modesto & ad bonam plebis frugem tractarentur.* Si quid aduersus hæc peccatum fuisset, id omne imperio publico coerceri poterat si de re principali, hoc est de retinenda inter dissentientes vnitatem, conuenisset. Certo mihi constat penes nobiles & maiorem

oppidorum partem non stetisse quominus acerbitatibus cunctis obviam iretur.

Quod si fas erat, fierique poterat ut se ferrent mutuo dissidentes, certè quin id expedierit, vtiliusque fuerit quàm decidi controversias, puto neminem sani iudicij dubitaturum. Ita certè senserūt non Hollandiæ tantum proceres qui hoc nomine non rectè accusantur: sed & iudices superioris confessus. Quid decisio sibi præmiserit, quid post se traxerit videre est operepretium. Pij pastores magno numero finibus sunt expulsi cōtra proclamata semper à nostris animorum libertatem: dejecti sunt suis muneribus legitimi magistratus, suffecti alij extra ordinem, & contra leges, pro quibus legibus, & illa quam dixi animorum libertate sumpta, arma semper professi sumus: anxietate, ac mœrore premuntur multa civium millia qui studiosissimi semper fuerunt publicæ salutis: interim præsidia ad fines tuendos necessaria absumuntur in eorum iniuriam quorum sumtu sustentantur. Quæ verò plura adhuc sequi hinc possint mala, Deum quæso ut propitius avertat. Ex adverso recepta admonitione ferendi se invicem, primum disputandi libido, quæ initijs accerrima est, refrinxisset paulatim: res publica con-

cordibus animis fuisset gubernata, cives
vixissent in pace ac charitate mutua, recto-
rum amantes, ac reverentes. Hæc quæ ex-
spectanda erant hinc bona, mala inde non
à me tantum, sed & ab aliis mecum legatis
(quos inter fuit Hugo Musius quæsitör
Dordrechtanus) rectoribus oppidi Am-
stelodami accuratè satis commonstrata
fuerunt, quod si tum ipsis libuisset diligen-
tius ad rationes nostras attendere, & roga-
tu nostro venire ad colloquia propiora,
multa incommoda quæ Hollandiæ, ac
proinde & oppido Amstelodamo super-
venere iam, aut supervenire adhuc pos-
sunt, in tempore potuerant anteverri,

CAPVT V.

*Convocationem Synodi ad definiendas
controversias non modò illegitimam
fuisse, sed & tranquillitati publicæ
procurandæ inidoneam.*

EX eo quod demonstratum est hæte-
nus, nationis cuiusque Proceribus,
non autem Federatis communiter, deberi
arbitrium religionis, rerumque Ecclesiasti-

earum, evidenti necessitate sequitur non potuisse communem Synodum convocari nisi ex nationum omnium consensu, quando Synodos indicere summi est imperij, ut tum alibi ostenditur, tum in libro qui dicitur Recognitio Synodi Tridentinæ libro tertio, septimo capite. Quod cum viderent quidam, ius convocationis eius de qua controversia est, deducere voluerunt ex consensu quem Hollandia præbuit anno MD XCII. Sed cum is consensus adnexam haberet legem, ut in litteris indictorijs infereretur præceptum recognoscendæ formulæ quæ Confessio belgica appellatur, certè manifesti est iuris ea conditione cessante pro non concessio habendum, quod non nisi sub ea conditione concessum fuerat. Præterea notum est, omnes assensiones eiusmodi, quamdiu res est integra, neque in contractum itum est, revocari posse, præsertim mutata rerum causa, sicut in Hollandia per securam secessionem, multa que alia rem valde mutatam negari non potest. Iam verò hoc tempore Hollandiæ primores & nationes aliæ professæ sunt se hoc rerum statu in Synodi talis indictionem assentiri non posse.

Sed & hoc inquirendum, dicine possit indictio talis Synodi ad controversias definiendas

(vnde non poterat non sequi Ecclesiastici corporis divulgatio) facta ex sententia maioris partis nationum. Nam Hollandos & Traiectinos vsque ad mutatam rempublicam intercessisse nemo ignorat: Mandatum Geldriae legatis datum pertinebat ad vitandam scissionem: quam ob causam è legatis non pauci, quod vltiora mandata non haberent, dixerunt sibi non placere quicquam decerni ex maioris partis sententia. Quin post etiam, mense scilicet Martio anni MDIO CXVIII in conventu Geldriae constitutum est *suasione* *ibid* *agendum*, ut discrepantes nationes in conuocationem Synodi assensirentur. Transsalana verò natio quo tempore decreta fuit Synodi indictio, constituerat inductioni intercedere: quanquam postea inducta est ut consentiret, sed in has leges modumque: *Cum Princeps Arausionensis con-* *nixe postulauerit à nobilitate atque oppidis* *Transsalana*, ut indicenda Synodo assensum suum accommodarent: certo ipsis affirmans atque promittens non alio animo eam indici, neque alio tendere, quam ut placide componerentur Ecclesiastica dissidia, & religionis controversie ad pacem atque concordiam nationum, quod quidem futurum esset absque detrimento iuris, legum, atque imperij tam nationis cuiusque

qui Hollandiæ præfuerant. 91

tum eius partium, atque ita etiam ne religionis causa cuiquam noceretur: super qua & hoc à Principe affirmatum est, aquis rationibus ac persuasione nationes dissentientes eodem permotum iri, ut cuncta concorditer sine ulla nationum divisione peragantur: neque verò ratum habitum iri quod Synodus definisset, nisi nationes singula auctores fierent, sub his legibus ac pollicitatione Principis, nobilitas & oppida Transsylvanica assenserunt, ut cum in modum convocetur Synodus, ad pacem scilicet atque concordiam nationum, & placidam transactionem dissidiorum Ecclesiæ, & controversiarum in religione: hoc addito, ut capita perscripta antehac de modo atque ordine agendorum in Synodo communi consilio expendere, & emendarentur quoque, si ita opus esse iudicaretur.

At verò legatis nationum aliarum (legatos nomino quia de ipsis nationum proceribus idem affirmare non ausim cum sciam primoribus Zelandiæ semper visum divisioni Ecclesiæ omnibus æquis modis obviam eundum) sed ut dicere cæperam legatis aliarum nationum, id fuisse propositum, rem perducere ad controversiarum definitionem, apparet ex oratione legatorum Zelandiæ ad Hollandiæ primores anno 1610 CXVII, qua rogatur Hollandi (nam de iure decernendi quicquam ex

sententia maioris partis nationum nihil
 dum cuiquam in mentem venerat) *cum na-
 tionibus aliis quam citissimè indicere commu-
 nem legitimam Synodum, in qua ea qua erant
 controversa, expenderentur, atque definirentur.*
 Ac post iterum loquuntur *de expectanda
 decisione.* Sic & Frisiz cis & vls Lavicam
 legati ad eosdem Hollandiæ proceres aie-
 bant, *nullum se remedium invenire melius de-
 finitione per Synodum communem.* Ea mens
 apertius etiam inde detegitur, quod trium
 illarum nationum legati passi nunquam
 sunt in actis indicendæ Synodi mentio-
 nem fieri tolerandæ sententiarum diver-
 sitatis. Sed & eventū idem comprobatum
 est: nam ad componendas amicè contro-
 versias nihil actum in Synodo est, sed ad
 diffamandos, damnandosque Remonstran-
 tes instituta omnia.

Definitione tali nō potuisse pacari ani-
 mos satis inde intelligi poterat, quod ab iis
 fiebat definitio qui in hac causa partes
 fecerant. Nam indigenarum pastorum
 præcipui quique Remonstrantes qua vo-
 ce, qua scriptis prædemnaverant: partim
 & exemplo suo ad secessionem præiverāt,
 aut etiam de ea promovenda in arcano
 coièrant. Extranei autem quorum maxi-
 mus esse debuerat usus in pace concilian-

da & partium altera erant conquiriti. Neque enim Ecclesias tantum Augustanæ professionis quibus fraternitas toties oblata hac super re auditæ non sunt, sed & in alias Germaniæ Ecclesias inquisitum, an eius essent sententiæ cuius victoriæ studebatur, priusquam inde peterentur legati. Amplius constitutum fuisse ne quis cum Remonstrantibus sentiens in Synodum admitteretur, ex sententia in me lata apparet, quæ mihi vertit vitio quod operam dederim, ut ad Synodum venirent nonnulli, qui novis dogmatibus (ita Remonstrantium dogmata appellantur) nomen cōtrarij. Ipsa mandata externis data damnationem Remonstrantium præ se ferebant, ut & orationes habitæ ante causâ cognitam. Ad hoc sunt qui regerunt exceptionem hanc aduersus iudices alteri partium addictos in civilibus negotiis valere, non in Ecclesiasticis, quod satis mirari nequeo; cum origo eius exceptionis ex naturali æquitate descendat, quæ in negotiis omnibus valere debet. De Ecclesiasticis negotiis loquebatur Optatus Milevitanus, cum diceret: *non possumus facere quod non fecit Deus, qui in iudicio suo personas separare dignatus est, nec eundem voluit esse accusatorem, & iudicem.* Et alibi idem: *Quærendi*

sunt iudices , de utraque parte dari non possunt , quia studiis veritas impeditur. Ecclesiastica erant negotia de quibus agebat Conciliū Constantinopolitanū cū diceret natura nos doceri vitandos esse iudices suspectos. Athanasius, Cæsareensem, Maximus Patriarcha Hierosolymitanus, Antiochenam, Occidētis Episcopi, Smyrnensem, Paulinus, Mediolanensem recusarūt, quod qui eo mittebantur iniqui in ipsos essent: qua in re factum ipsorum communi sapientum iudicio probatur. Compara ea quæ à Protestantibus dicta sunt contra Synodum Tridentinam: **Dixerunt non modo Romanum Pontificem, sed omnes Episcopos ipsi parentes, eo quod in partibus essent iudices, esse non posse.** Vide recognitionem Concilij Tridentini libro primo, capite tertio, & quarto: addiderunt id eo esse iustius quod Pontifex ipsos iam prædamnasset. Inspice ad hanc rem scriptum Federis Smalcaldici, factum anno **CIO IO XXXVIII**, item dictam modò recognitionem libr. I. cap. 5.

*Quæ ineundæ sunt viæ quoties aperta sunt studia , imo iam rumpi vnitas cæpit, non imprudenter ostendit eiusdem recognitionis scriptor ita loquens: **veniendum ad aliquam viarum quas iam monstravimus?***

qui *Hollandia* præfuerunt. 95

nempe ut aut Christianæ potestatis indices dent partim ex civili, partim ex Ecclesiastico ordine pari numero de parte utraque, aut ut amica instituatur colatio cum pio pacis desiderio. Deinde porro agens de tali conventu non ad definiendas, sed ad componendas controversias, adiicit. Hæc libertas in eo quod convocatur concilio tum apprimè necessaria est cum magnus est numerus; sic atque aliter credentium, cumque iam in partes itum est, & sententia vindices habent gentes totas aut nationes: addit deinde, ita cum se res habent, censura ac damnatione partis alterius res non indiget: nam per illa nil profici exitus ostendit veniendum ad benigniora, ad colloquia amica, ad transactiones, & quæ ibi sequuntur plura. Rursum interrogans quis iudex sit futurus provectarum eousque controversiarum, non, ait, accusatores, nec qui accusantur: & quo se ei magis ingerunt, quo magis se reddant suspectos atque ejurabiles. Vnde intelligi satis potest, si quis in hac causa dicat ius possidendi stare ab hac aut illa parte; aut hanc illa esse validiorem, eo negotium non expediri. nam ubi de ijs quæ credenda sunt, agitur, possessionis vix vllum est privilegium: neque possunt qui pauciores sunt in hac re aliorum qui plures sunt, dominatu premi nisi per vim, ut multis ostenderunt Protestantes temporibus.

Synodi Tridentinæ.

Quod si etiam spectare libeat eum qui in Synodo propositus erat agendi modum, nihil boni inde sperari poterat. Nam nimium manifesto apparuit quæsitos obtentus quo ius sententiæ dicendæ adimeretur Remonstrantibus qui eius dicendæ ius habebant : cum tamen ut hi ipsi non nisi pauci esse possent, iam ante provisum fuisset ejectis per iniqua iudicia in Synodo cuiusque nationis quotquot ei ei poterant, & ubi qui superfuerant appposita illis æmula Ecclesia: deinde quo qui citati adventarent, è conventu eijcerentur, ne quis externorum (inter quos etiam nonnullis per litteras domo scriptas incussus est metus) eorum argumentum moveretur; atque hæc ita condemnatio iis abscribitur quorum res agebatur facilius procederet. Neque verò Remonstrantibus dum in Synodo fuere libertas concessa est, quam Protestantibus in Synoda Tridentina negatam non meminimus, proferendi citra impedimentum argumentis quibus sententiam contrariam oppugnamam colebant (quanquam in dictionis litteræ id continebant) sed tantum quatenus id Synodo, quæ ex adversa parte constabat, videretur: plane adversus æquitatem naturalem cum in disputando tam

ſam opponendi aliena quàm ſua tuendi
par eſſe libertas debeat : quippe etiam im-
pares cætera hac in parte pares ſe faciant
oportet quoties rationum pōderibus exa-
minanda eſt veritas. etiam præter iudicum
omnium morē qui nunquam litigatoribus
p̄ſcribunt quem ad modum ſive in oppu-
gnando, ſive defendendo cauſam ſuā actū-
ri ſint, quia argumenta in partium debent
eſſe libertate, non in arbitrio iudicis.

Iuſtam libertatem huic Synodo abſuiſſe
etiā apparet ex manus iniectione in Re-
monſtrantes paſtores facta Dordrecht,
tanto rigore vt in ſumma neceſſitate, nec
vxores, nec liberos adire ipsis licuerit.

Quæcunque definitiones vnquam factæ
ſunt rebus ita præſtructis ad obtinendam
maiorē ſententiarum partem, nullius vn-
quam bonæ frugis fuiſſe apparebit. Multa
huius rei exempla attulimus in oratione
habita Amſtelodami mandatu procerum
Hollandiæ.

Præterquam verò quod hæc Synodus
malis internis mederi non poterat, aliud
& ipſa malum attulit, cum ſpes omnis re-
deundi in vnum corpus cum illis qui Au-
guſtanam formulam ſequuntur per hanc
Synodum ſublata ſit, quia eius formulæ ſe-
ctatores planè exhorreſcunt quædam pla-

cita quæ huius Synodi definitionibus, tanquam communia Reformatarum Ecclesiarum dogmata, ostentantur.

Accedebat quod istud definiendi propositum ad mutationem rectorum contra leges spectabat ne scilicet bruta essent Synodi fulmina. Synodus communis nationum alia quæ celebrata est anno c10 10 LXXXVI apud Traiectinos similes effectus produxerat, quæ sola ratio sufficiebat ut civilium rerum gnari & præsentis status amantes, & rebus novis adversi à tali Synodo abhorrent.

C A P V T VI.

Quibus modis Hollandiæ & Westfrisiæ, vicinarumque nationum procures componenda censuerint Ecclesiæ dissidia, & quæ consilia in eam rem sint data.

CVM primum innotescere controversiæ cœperunt, atque Hollandiæ procures de earum natura colloquio præcipuorum è pastoribus edoceri voluerunt, peracto eo colloquio xx Maij anni c10 10 LXXI ipsorum decreto iniunctum est pasto-

qui *Hollandia* præfuerunt. 99

ribus, ut alij alios *Christiano* atque fraterno amore amplecterentur, resque cunctas ad pacem ac tranquillitatem dirigerent, atque eius rei ergo plebem quantum possent maxime de ipsorum procerum proposito commonefacerent, & in allocutionibus ad populum de hisce capitibus ita adductè temperateque agerēt quemadmodum pax & emendatio populi exigere, neque alij aliorum se victores aut crederent aut iactarent. Hic discernendi modus (quanquam calidos obrectatores habuit) plane convenit, cum eo consilio quod iam ante à superiore iudicum confesso datum fuerat, ita ut si proceres hoc suo decreto dicantur aluisse dissidia, idem de illis iudiciis dicendum sit. Reperiuntur in *Hollandia* antiqua exempla similium constitutionum. Nam anno *MDLXV* præfecta *Belgicogermaniæ* ad asceteria ita scribebat. *Carissimi nobis: plane compertum nobis est errores qui nunc plebem distinent, fluxisse ac fluere maxime ex inconsideratis tum ascetarum tum aliorum allocutionibus ad populum: cui rei ut eatur obviam visum nobis est ne quem posthac ad docendum populum mittatis, neve quem intra cætus vestros docere permittatis, nisi cui ad sit iudicium prudentia, & castigati mores, quique in docenda plebe rectè sit exercitatus: utque cum qui populum allocuturus est, pramoneatis, ut temperet offendere populum.*

fabulosis narrationibus, ut nimium saepe iam fatigatum est: neque verò aut Martini Lutheri meminerit, aut olim damnata dogmata recitet, addita comminatione si quis secus faxit in eum animadversum iri interdictione fungendi muneris ac re ipsa etiam delinquentibus adimatis ius plebis docendæ. Anno vero cio io xxxix confessus iudicum Hollandiæ (cui tum & in rempublicam mandata erat inspectio) ita scripsit magistratibus. *Carissimi nobis.* Cum ex diverso modo populum docendi, & quia ipsi qui docent sæpè difficilia atque ardua & populi captum effugientia argumenta tractant, nonnunquam etiam de suggestu alij in alios declamant, populus graviter commovetur: nos ei rei occurrere volentes, iubemus atque precipimus vobis Imperatoris nomine, ut interdicitis pastores omnibus, eorumque vicariis, & aliis qui, intra fines vestros populum compellant, caveant sibi ne imprudenter in suis allocutionibus tractet obscura argumenta, aut quibus offendi populus posset, aut unde materiam sumere posset obtrectandi magistratibus suis alijsve, sed ut assignatam sectionem Evangelij exponant secundum receptas doctorum interpretationes cum severa criminum insectatione: abstineant etiam alij in alios declamare: sed si quid à quibusdam dictum intellexerint quod à veris dogmatibus exorbitet, aut merito quenquam posset offendere eum solum:

qui *Hollandia præfuerunt.* 101

ea de re conveniant, aut quaſitori, noſtrove confeſſui inducium faciant, ut conſtituatur quod è re erit. Keckermannus, qui in *Systemate Politico*, regulas congeſſit laudatas à peritis rerù civilium, inter cætera ſic ait: *In diſſenſionibus de religione non patiatur Princeps certamina publica nimis invaleſcere præſertim pro ſuggeſtu & apud populum, ſed diſputationes de religione ſubtiliores. in eaſ proponi & diſputari in Academijs & Scholis inter viros doctos & intelligentes ac capaces ſubtilium controuerſiarum,* Episcopus Elienſis ante, nunc Vintonienſis inter ea quæ ad officium ſummæ poteſtatis pertinent ponit, obviam ire Eccleſiæ ſeceſſionibus. Neque aliò ſpectat conſilium quod Rex Britanniarum anno c 15 10 ex legatis Federatorum voce, anno autem c 15 10 cxiii *Hollandiæ proceribus ſcripto dedit: ut controuerſias publico imperio ſedarent, interdicientes paſtoribus ne eiufmodi diſputationes ad ſuggeſtum & populum perferrent, cum præcepto pacem colendi & ferendi placide diſſidentes, ſaltem donec percognita re propius aliquid imperio publico conſtitueretur.* Obiici ſolet conſilium hoc ab his qui inter nos erant præparatum ac poſtulatam fuiſſe. Fac ita eſſe. Tamen certo ſcio etiam ipſius Regis profeſſione, controuerſias ab ipſo diligenter expenſas, & quia eas ad

fundamentum religionis non pertinere compererat, ideo hoc consilium datum fuisse. In præfatione quæ actis Synodi Dordrechtanæ anteposita est, dicor ego composuisse indicem controversiarum Regi exhibitum, & Regi subrepisse, ut literas impetrarem. Falsum est utrumque. Nam indicem ne videram quidem antequam Regi is fuit traditus, qui & literas scripserat priusquam ego in Britanniam venirem, sine vlla mea ad hanc illamve rem opera. Non nego aliquot post annis ab eodem Rege diversum consilium datum esse super indicenda Synodo communi, sed & hoc certum est persuasum tunc Regi fuisse propositum esse Hollandiæ proceribus placita quædam tueri à receptis vniuersim dogmatibus aliena. An non etiam suspicio Regi injecta fuerit, in republica aliquid agitatum in ipsius iniuriam (cùm tamen res ita se non haberet) nolo nunc anxie inquirere. Non longè ab hac forma discedit interdictum factum à confessu iudicum Geldriæ & edictum procerum Transilalanorum.

Tendebant eodem exhortationes plurimæ quæ Regis Galliæ nomine tum à Maurerio legato perpetuo, tum à Bossizio extra ordinem missæ factæ sunt, & ad

qui Hollandiæ præfuerunt. 103

Federatos proceres, & ad proceres Hollandiæ. Item oratio quàm Scyttus legatus Regis Sueconum habuit in Hollandiæ conventu.

Eiusdem argumenti est, eodemque spectat decretum ab Hollandiæ proceribus factum atque editum anno CIO IO CXIV : tantum ad vitandam calumniam quasi sine fine omnia dogmata circa has quæstiones tolerare propositum esset, scopuli quidam vtrinque sunt indicati quos vitari oporteret. Mens enim Hollandiæ primorum neque erat, neque verò esse debebat, tolerare in Ecclesiis suis aut dogma quod gratuitam Dei opem abnegaret, aut illud quo Deus constitueretur peccandi causa, sed illam docendi rationem quæ ab istis præcipitiis sibi cavens quod in medio restaret discriminis super capitibus controversis id charitate velaret. Eum in finem memorato iam decreto hæc docendi ratio sufficere iudicatur. *A Deo Domino omnipotente ab aeterno placito suo quod quidem in servatore ac sospitatore nostro Iesu Christo fundatum esset, ad perpetuam salutem electos eos qui gratuito atque incommérito Dei beneficio & Spiritus sancti operatione in Dominum Iesum Christum fiduciam suam reponerent, atque in eius fiducia pervim similitis incommé-*

riti beneficij ad exitum usque perstarent reiectos vero ad damnationem qui Iesu Christo non confiderent, atque increduli permanerent. Quæ docendi forma illis verbis tradita, non est, ut quidam existimant, Remonstrantium propria, sed Remonstrantibus, Contraremonstrantibusque inter se communis. Fateretur enim pars utraque qui suo tempore Deo confidunt atque in eo perseverant eosdem ab æterno electos, incredulos vero reiectos esse. Præceptum de cauendis præcipitijs quod attinet, Remonstrantes nunquam recusarunt parere parti ad se maximè pertinenti, cavendum scilicet dogma quod secum ferret nativis hominum viribus aut factis æternam salutem parari. Sed & Contraremonstrantium non pauci paratos se ostenderunt vitare de quo ipsi monerentur. Quin & Dordrechtii rectores re cum pastoribus suis communicata decreti istius formulam receperunt, & eius oppidi quæstitor Hugo Musius Holitanus pariter mecum apud rectores Amstelodamenses eam formulam defendit. Sed pauci homines alios contra hoc decretum concitarunt proferentes res à ratione alienas & inter se pugnantes. Nunc enim clamabant Ecclesiam iniuria per eius decreti verba accusari : nunc vero

prohiberi decreto id doceri quod divinæ paginæ veritas testaretur.

Prius illud quod attinet, tantum abest ut procetes Ecclesias notare voluerint quasi culpæ talium præcipitiorum affines, ut etiam Contraremonstrantes qui pars tantum Ecclesiæ erant ab ea culpa immunes censuerint. Quid ergo attinebat, dicit aliquis, ista præcipitia indicari? quia scriptores nonnulli improvido certâdi calore in ultima quæque abrepti, aut eadem illa aut tantundem valentia defenderant, quod si opus sit, ostendi potest clarius sole meridiano. Sicut ergo monentur Remonstrantes ut à Pelagij veneno sibi caveant, ita Contraremonstrantes monentur vitare errorem eorum quos Prædestinatianos appellabat antiquitas. Neque illud firmitus est quod in alteram partem dicitur divinæ veritati illo decreto silentium imponi. Veritas enim divina etiam Heidelbergensi Catechesi testata hæc est, creatum à Deo hominem ut ipsi serviat & cum eo perpetuum vivat: item nolle Deum id quod perverse fit, neque aliunde quam ab homine esse hominis exitium, ut tradit etiam Belgicogermanicæ professionis formula, tum vero quos Deus ad felicitatem æternam invitat eos ab ipso serio invitari, quia

scilicet hominis obedientia ac salus ipsi placeant, neque ullum ab eo præiudicium factum sit adversus hominem sine culpæ intuitu. Multis locis colloquij Hagienſis demonstratum est hæc omnia à Contra-remonſtrantibus concedi. Quid igitur hic est quod ipsos oneret ? Aiunt quidam ita tamen exponi poſſe decreti verba, quasi ipſorum ſententia illis notetur. Certè in pravam ſenſum detorqueri omnia poſſunt, etiam ſacri codicis effata. Sed qui pacem amant, ad pacem interpretantur omnia. Prava eſt ſubtilitas, ſummarum po-teſtatum leges extra mentem ipſarum ad-verſus ſemet exponere, ut imperia earum detrectandi prætextus quærat. Alij probant rem decreto contentam, non decernendi modum, quia ea de re conſtitui oportuerit ex ſententia Eccleſiaſtici cœ-tus. Atqui in Traiectina terra id factum iam erat. Nam res eadem continetur regulis Synodi Traiectinæ quæ & conſenſu paſtorum & procerum imperio ſunt probatæ. Neque tamen id ſuffecit, ſed hoc quoque opus mutatis rectoribus everſum eſt. Tum verò ad hanc obiectionem reſponſum eſt in oratione quæ habita eſt Amſtelodami, requiri conventum Eccleſiaſticum, vel ut ſuppleatur quod iuri ſum-

qui *Hollandia præfuerunt.* 107

mæ potestatis deest, vel ut re plene cognita aliquid statuatur. De iure, omnium Protestantium perpetua est sententia iuris satis esse penes summam potestatem iubendi omnia quæ vero bono & æquo congruunt. Edoceri verò de eo quod faciendum esset, poterant procures non minus ex antiquis quam ex novis Synodis, tam ex Trajectina quam ex Hollandica Synodo, tam ex ipsorum in Hagienſi collatione collocutorum scriptis ac verbis, quam aliunde. Antequam editum est hoc decretum, opera Isaaci Casauboni Regi Britanniarum, & insignibus Theologis aliquot ostensum est: responsumque in hunc modum. *De edicto Illustrissimorum Ordinum, quod nuper misisti, egi accuratè cum Rege Serenissimo, cum D. Archiepiscopo, cum alijs præstantis doctrinæ Præsulibus. & Rex & omnes qui legerunt, consilium vehementer & probarunt & laudarunt. Interest enim religionis Christiana, & ad Protestantium existimationem vel maxime pertinet curiosis hominibus fibulam imponi, ut desinant tandem φρονιῶτες παρ' ὁδοῦ φρονεῖν, pacē Ecclesiarum turbare, & sua illaudabili πάλυτα γυμνάσιον infamiam ἀκαταστάτας & νωτιστοποίητας, apud veritatis hostes Reformationem profitentibus inurere. Summa igitur laude Illustrissimorum Ordinum*

prudencia digna est qua huius sui Edicti publicatione, & curiosas hominum mentes, Deo ceptis favente, in officio continebit, & sui Imperij Ecclesiis publicam reddet tranquillitatem. Faxit Dominus Iesus ille unicus Ecclesie auctor & conservator, ut quem boni sperant fructum ex hoc saluberrimo consilio, Illustrissimi Ordines percipiant, & nos pro stabilita inter Ecclesias vestras tranquillitate occasionem ipsis gratulandi brevi habeamus. Neque vero consilium duxerat Rex elector, & a ij viri gravissimi probarunt, sed & formulam quoque ipsam, iussu Ordinum conceptam. Apparet enim id esse actum, ut à duobus scopulis in hac doctrina aequè periculosis, hinc Manicheorum, inde Pelagianorum populi avertantur, & in ea doctrina confirmantur, qua salutis nostrae proram & puppim, principium inquam, progressum, & τελειωσιν uni Deo adscribens, contemptum tamen bonorum operum non inducit. XIII Kalendas Iunii cio
MD CXIV.

Sed ut vndique omnia amoverentur quæ offendere quenquam poterant, sæpe in conventu Hollandiæ lata est conditio, si quid in decreto esset praviæ interpretationi obnoxium, id ipsum commoda interpretatione ab eo periculo liberandi tandemque XXI Februarii die anni cio
MD CXVII pars maior placere sibi ostendit,

qui *Hollandia* praefuerunt. 109
congruenter ei consilio quod iam ante
protulimus ex recognitione Synodi Tri-
dentinae , Vt certo numero diligerentur viri
eruditi, placidi, & rerum sacrarum periti, tum
qui in civilibus, tum qui in Ecclesiasticis mune-
ribus versarentur, qui primum hortamentis ac
suasionibus adhibitis apud pastores qui collo-
quio interfuerant, aut quomodo idipsum
utilissime consieri posset, audito etiam si opus
esset aliorum aequorum hominum consilio da
toto negotio propius viderent, certamque re-
gulam conciperent, non tantum vitandis
decreti pravis interpretationibus, sed &
vsvicinus ordinando in certum modum, quem
pastores utriusque sententiae in allocutioni-
bus ad populum salva animi sui religione
ad pacem & tranquillitatem populi sequi
possent, cunctaque dogmata cum Reformatae
Ecclesiae placitis pugnantia rite arceri, quae
regula primum exhiberetur Principi. Mau-
ritio, & post eius sententiam intellectam re-
ferretur ad conventum *Hollandia*, ut re ex-
pensa id statueretur quod ad Dei honorem,
salutem populi, & prosperum Ecclesiae sta-
tum conduceret. Prima huius consilij mentio
facta erat ab Enchufanis: etiam à quibus-
dam Amstelodamensium, ego cum spe-
rare futurum, vt ipsorum oppida ei con-
silio acquiescerent, & nobis auxilio essent

ad res placidè componendas, eos qui opera mea utebantur, aliosque eodem laboravi perducere: rogatusque ab Oldenbarneveldio, conventus Hollandiæ adfessore (Advocatum vocant) scripto eam rem complexus sum. Optima fide profiteri possum huic consilio promovendo datam à me operam, quòd id imprimis utile iudicarem sanandis animis qui iam erant exulcerati, & procurandæ quieti quod vnum mihi propositum erat in hoc negotio. Si rectè memini oppidis, quæ à nobis dissenserant hætenus, concessum consueque est, ut cum numero essent perpauca, tamen in faciendâ ad hanc causam delegatione cum oppidis cæteris æquarentur, hac lege, ut à nobilibus suprâ numerum aliqui delegarentur, eo quòd dicerent nobiles nolle se haberi in partibus, ut qui nunquam huic aut illi de controversiis sententiæ accessissent, sed tantum ferendi se mutuo auctores utrisque fuisset. Etiam hoc additum erat, ut delegati rem hanc tractarent communicatis cum Principe Mauritio consiliis. Negari sanè non potest quin interventio virorum in civilibus imperiis versantium multum sæpè contulerit ad componendas Ecclesiæ controversias: eademque via pridem ini-

ta fuerat à proceribus Hollandiæ in causa Harmanni Herberti, Cornelij Vvigeri atque aliorum.

Synodos singulare esse remedium dissidiis sanandis nunquam intelligere potui, gnarus multis olim controversiis impostum finem aut colloquio, aut arbitrio publicarum potestatum bonis consiliis vtentium: quin & nostro sæculo à Regibus, Principibus atque aliis potestatibus colloquia instituta ad resarciendam Christianitatis concordiam (quod sæpè in Germania tentatum inter Romanenses & Protestantes, etiam in Gallia Possiaci, sæpè & à Reformatis oblatum Lutheranis tanquam optimum ad pacem reconciliandam) interim & à potestatibus vsurpatam in rebus eiusmodi vim imperij: neque tantum in recipienda Reformatione vniversa sed postea quoque in Palatinatu, in Hassia, Brandoburgica, Borussia, ac speciatim de controversiis super Prædestinatione apud Bernates. Attamen nequid intentatum relinqueretur, vnde spes pacis appareret, ne Synodos quidem omnino recusarunt Hollandiæ & Vvestfrisiæ primores: sed & huic consilio aptarunt sese (quanquam non exigua impedimēta

ob animum versabantur) verum hoc proposito vt negotium omne ad ferendam sententiarum diversitatem, non ad partium alteram damnandam dirigeretur, in quem finem omnia consilia, latæque ab ipsis conditiones spectabant.

Iam anno 613 10 CIX antequam super his controversiis certi aliquid decretum esset, postquam Gomarus & Arminius hac de re in conventu auditi fuerant, placuerat Hollandiæ & Vestfrisiæ proceribus certamen hoc deferri ad Hollandicam Synodum modis legitimis indicendam, atque congregandam. Causam curialis Synodi indictio non processerit, ipsi proceres in decreto diei quartæ Decembris hanc proferunt, quod conventus Ecclesiasticus tractus Alcmariani designatis pastoribus negotium facere cœperat quæstione super hisce capitibus instituta, hoc proposito, vt qui ab ipsis discrepare invenirentur eos pastoralis munere arcerent, quod causæ toti præiudicabat: quodque hac de re & ob postulatam novo more subsignationem symboli Belgicogermanici, & Catecheseos à proceribus admoniti, ab hac rerum innovatione (quæ pendente deliberatione super re principali attentari non debuerat) abstinere noluerant.

fuiſſent. Pollicebantur vero proceres decreto eodem indicturos ſe ex Hollandiâ Eccleſiaſticum cœtum ſimulatque conventus ille tractus Alcmariani paruiſſet, vt moris eſt antequam de re principali quicquam ſtatuatur imperare ea reſtitui quæ ſunt innovata, vt res partium in integro ſit.

Menſe Maio anni crio jccx ad conſilia convocandæ Hollandicæ Synodi reditum eſt. Procerum pars major, quo certius ad pacem negotium regeretur per homines æquos & extra ſtudia poſitos deligi à ſuo conventu optaverant eos qui ad Synodum mittendi eſſent, non ſine exemplo: nam & olim ab ipſo Constantino in cauſa Donatiſtarum dilecti erant arbitri: vt & à Bernatibus in hac ipſa Prædeſtinationis controverſia. Sed oppida nonnulla non quod hanc rem per ſe inconſultam ducerent, ſed quod metuerent ne id in offenſam paſtorum pateret, petierunt Synodo convocandæ ad tempus ſuperſederi. In hac deliberatione eam retinentes iuris publici Amſtelodamenſes fuere, vt cenſerēt ab Eccleſiaſticis conventibus tractus cuiuſque nominandos complures, vnde nonnulli ad Synodum ituri ab oppidis maioribus legerentur, & ab ipſo procerum

conventu acciperent rei agenda potestatem.

Cum de Synodo silentium aliquamdiu posthac fuisset, quia spes erat decretum aliquod in ipso procerum cœtu consensione vnanimi institui posse quod omnibus placeret (quo pertinuerant tot formulæ super ratione mutuo se ferendi partim ante à nobis commemoratæ) memoria recolo, cum ab Amstelodamensibus semper Synodum vrgeri animadverterem, cum eius oppidi legatis locutum me, vt intelligerem an propositum ipsis esset eo laborare in Synodo, vt dissidentes alij alios tolerarent. Cuius rei facta spe cum Pavone magistratuum eius oppidi assessore, Oldēbarneveldium adij, eique permultas rationes auctor fui vt repetito illo, quod iam aliquandiu quieverat, consilio rem ad Synodum perduceret: sed ita vt prius animi acceptando huic remedio rectè parerentur. Quod cum ipsi videretur non absconum à temporum ratione, in formula decreti concepta XXI Februarij anni c10 10 cxvii, cuius meminimus ante, quæque de viris ex ordine ciuili atque Ecclesiastico delegandis ad vitanda prava interpretamenta decreti alterius facti anno c10 10 cxiv agebat, adscriptum est: *sperari post*

qui Hollandiæ præfuerunt. 115

quam isto modo suspiciones amota, certamina imminuta, animi mitigati essent, & Ecclesia conventusque Ecclesiastici tractuum nunc divulsi ad unitatem rediissent, etiam eo negotium perducti posse ut cum spe bona frugis æqua & legitima Synodus convocaretur.

Sed cum conventus Hollandiæ partes concordare super deligendi modo non potuissent (instigatu maximè eorum pastorum qui æquitatem ferendi alteros adversabantur) eodem anno cio 10 cxvii alia lata est conditio de æqua & legitima Synodo indicenda, Hollandica scilicet ab ipsis proceribus gubernanda, hac lege ut prius quæ morbo leniendo erant, adhiberentur : quorsum concepta est epistola quæ à proceribus mittenda esset ad tractus cuiusque conventus Ecclesiastici continens pollicitationem Synodi, & pastoribus iniungens, *ut capita in colloquio Hagienſi tractata, quantum ferrent explicanda sacri codicis loca, devitarent, & si qua ea attingendi necessitas incumberet, facerent id prudenter, modeste, atque temperate, continentes se inter loquendi modos in divinis verbis usitatos, ac ne in alios super eisdem capitibus à se dissidentes acerbè aut contumeliosè invaderentur, sed cives qui reformatæ essent religionis salutaribus præceptis*

imbuerent hortarenturque, tum ad mutuam charitatem atque amicitiam & vitæ emendationem, tum ad obsequia & reuerentiam legitimis rectoribus debitam, quando præsentia tempora id vel maximè exigent. Nam ad eam formam ad conciliandas sententias in epistolæ modum mutatum atque mitigatum est quod ante conceptum erat vt edicti publicandi pars. Quod attinet fugam controversiarum quâ tum eius fieri posset, id congruebat cum consilio à Zelandis quibusdam pastoribus dato, cuius iam ante facta est à nobis mentio. Siqua vrgeret necessitas, ne alia tamen loquendi genera usurparètur, quam ex ipso sacro codice ad verbum deprompta, consilium Zanchij est, qui in quarti præcepti divini explicatione ait, quândiu libera Synodus haberi non potest, *debere Principem mādare, vt utraque pars contenta sit simplici locutione Christi: item ne altera pars alteram publicè damnes.* Quod interdictionem convitiandi & alios criminandi attinet, sæpe ad eam rem prolatum est exemplum insigne Casimiri qui Palatinum tentorio nomine rexit, atque inibi dissidentes de Eucharistia pastores prohibuit mutuo se insectari: quod nuper imitati sunt Bohemix proceres, & Elector Brandenburgicus, ita vt in hoc omni præpa-

qui Hollandiæ præfuerunt. 117

ramento nihil esset quod iuste à quoquam obrectari posset. quod vero proponebatur decernēdam primum Synodum Hollandicam, non vero simul communem omnium nationum, quod volebant alij, evidens erat eius consilij ratio. Nam simul decreta Synodo: communi, ex Hollandica nihil expectari poterat, cum hi qui condemnandi libidine tenebantur, certi esset per communem Synodum consequendi quod optabant, cum contra decreta tantum Hollandica Synodo spes esset auctoritate procerum, qui per legatos suos Synodum erant gubernaturi, facile rem perducī posse ad æquam transactionem, quæ deinde etiam communis Synodi iudicio potuerat approbari. Memini Lugdunū Batavorum colloqui me. cum viris eruditionis eximie inter Contraremonstrantes (erat inter illos & Fraxinus qui nunc obiit) atque vnanimem eorum fuisse sententiam à communi Synodo præter condemnationem nihil posse expectari, ex Hollandica vero componendi negotij spem dari aliquam. Iam olim anno cto 1619 in Hollandica Synodo tractatum est quousque tolerari possent pastores de Prædestinatione dissidentes: manifesto argumento in Synodo Hollandiæ solius disceptari

hoc negotium ritè posse. In ea epistola quam conceptam modò retulimus, id quoque affirmabatur, quod & alibi affirmatum fuerat sæpius, procerum mentem non esse vltèrius quam ad quinque capita proferre mutuam tolerationem: sed liberum Ecclesiis fore censura vti adversus eos qui quicquam proponerent vniversalibus dogmatibus contrarium: & si Ecclesiasticus cœtus maior quàm ex tractibus singulis Hollandiæ coïre solet, requireretur, ipsos proceres aut dilectos reipublicæ curatores ei rei provisuros. Formula edicti eodem tempore concepti præterea vetabat libellos, & scripta omnia aut dicta quæ ipsos proceres, Principem Mauritiū, magistratus aut iura ipsorum læderent. In conscribendo tam edicto quam epistola mea opera vsus fuit: vereque testari possum arbitratum me idoneam esse hanc rationem mitigandis animis atque ita muniendæ viæ ad placidam conventionem. Quid contradictum sit ab animosis quibusdam pastoribus & rectoribus oppidi Amstelodami sit traditum, videndi cuius copia est quando id publicatum exstat. Ego æquis omnibus iudicium permitto. Verum istis quæ ad præparamenta

Synodi suadebantur reiectis ab Amstelodamenſibus & aliis quibuſdam , tantum adhuc penes Hollandiæ proceres ſtudium pacis fuit, vt nihilominus de Synodo Hollandica cogitarent , hoc magis ſolliciti de dilectu eorum qui Synodo erant adfuturi, deque huius habendæ modo ac gubernatione , quod illis rebus repudiatis quæ ad leniendum morbum valituræ fuerant, difficilior facta eſſet ad pacem via. Cumque profeſſi sæpe eſſent Amſtelodamenſes paratos ſe in Synodo omne illud ius proceribus Hollandiæ tribuere quo maxima Chriſtianæ poteſtates vllæ vterentur, propoſitum eſt, vt ſecundum ea quæ à Marſilio Patavino , Evangelicis in Germania atque aliis ſcripta erant ſuper hoc argumento, magiſtratibus locorum injungeretur, ad eſſent dilectui mittendorum ad Synodum, operamque darent, vt qui placido eſſent ingenio eo mitterentur : (videat ad hanc rem, cui otium eſt, in recognitione Synodi Tridentinæ quæ leguntur libro tertio capite decimo.) Addebatur , vt ſi eos recusandi nulla eſſet iuſta ratio, ab ipſo procerum conventu , qui dilecti eſſent, ius poteſtatemque acciperent : alij inſuper viri eruditi atque iſtis negotiis tra-

standis idonei ab ipso conventu procerum adiungerentur cæteris: utque Synodi regimen ac principatus penes ipsos proceres esset, quo turbida & iniqua omnia rectius vitarentur. Obiectum est abire hæc à veteri more: sed responsum est quæ ante Licestrica tempora habitæ sunt Synodi, non imperio publico procerum, sed ipsis dissimulantibus celebratas: neque confirmata Synodorum acta: eam vero quæ sub Licestrio habitæ esset, communem Synodum proceribus extortam, qui & post habitam Synodum ostendissent eam sibi displicere. Sed enim præterquam quod oppida à cætero conventu dissentientia, de modo Synodi habendæ movebant controversiam, etiam in eo perstabant non decernendam Synodum Hollandicam, nisi communis nationum Synodus simul decerneretur, quæ via certo ducebat ad partis alterius condemnationem, cui vni maximoque periculo, si qua ratione occursum fuisset, nobiles atque oppidorum pars maior quantum poterant de modo habendæ Synodi cæteris concessissent, ut non semel testatum fecerunt.

Neque hac stetit procerum benignæ æquitas: sed fine anni c10 10. cxv propositum est, ut decerneretur *Hollandia & Vvest-*

qui *Hollandia* præfuerunt. 121

frisia Synodus in qua pio animo ad sensum divini codicis expenderentur, atque explorarentur quinque controversa capita, operaque daretur constituenda Christiana paci illaesa veritate salvaque unitate cum his qui eiusdem Reformata religionis participes essent: simulque ab *Hollandia* & *Vestfrisia* proceribus per litteras edocerentur vicinarum nationum proceres quo loco ac tempore, & quorsum *Hollandica* illa Synodus celebranda esset, & quo in ea Synodo cuncta cum consilio atque consensione pastorum ex vicinis nationibus transigi possent, rogarentur dicti proceres pios, eruditos, & pacis cupidos à suis pastores suorum Ecclesiasticorum conventuum bonum cum gratia ad Synodum mittere, qui ad pacem constituendam, opem, consilia, sententiamque contribuerent.

Sine vlllo certè periculo tentari hæc via poterat, præsertim cum constaret sæpe antehac vfitatum, ut ad vnius nationis Synodum vicini auxilio vocarentur. Mihi vero & hoc liquebat, hunc agēdi modum apud nationes nonnullas, tum civilis, tum Ecclesiastici ordinis præcipuis gratissimum fore. Sed calor pastorum qui per impenso ad eam rem labores Synodum communem, & quod per eam Synodum sperabant certo sibi pollicebantur (quod ipsum in litteris jactabant quæ in lucem pro-

dierunt.) tantillum æquitatis à se imperari passus non est. Ego verò cum vehementer perhorrescerem mala quæ rigor oppidorum quorundam apud nos, obfirmantibus iam cum maximè eorum animum legatis sociarum nationum, minabatur, animo revolvens quicquid ad sedamen pertineret, & repetens memoria ex literis Casauboni intellexisse me non displiciturum Regi Britanniarum vniuersalem è Reformatis conventum Ecclesiasticum indici, vbi & de reconciliandis Lutheranis ageretur, (quorsum spectabant Pâræi Irenicum, consilium Molinæi, Plessæi atque aliorum pridem labor, & eiusdem argumenti liber à Polonicis Ecclesiis editus anno c10 10 cx) persuadere mihi non potui externas Ecclesias benè edoctas de natura controversiarum, deque impensa ad pacem cōstituendam opera, rigidius quicquā definituras quam olim Pelagij tēporibus & statim post illa definitum fuerat (quod ipsum me iudice contendentibus apud nos partibus sufficere poterat, atque debebat) ac propterea suasi in conventu, vt primum per Hollandicam Synodum paci studeretur, quæ si contra quam sperandum videbat ur nō evenisset, vt definitio vniuersali Synodo servaretur, quippe multo vtilius sic fa-

cienda, quod rationibus & exemplis demonstrabatur: Interim vero post Hollandicam convocaretur communis Synodus è Federatis nationibus non vt ibi definiretur quicquã (apparebat enim non nisi iniquum iudicium fore) sed vt per colloquia res ad vniuersalem Synodum præpararentur. Iam ante huius consilii mentio aliqua facta fuerat in edicto quod Hollandiæ proceres euulgauerant mense Augusto anni MD CXVII vbi cum actum esset de Synodo Hollandica convocanda ad inveniendas pacis rationes additum fuit: *Si post eam Synodum deprehenderentur capita quædam decisionis agere id negotium per Synodum communem è Federatis nationibus ad vniuersalem deferretur, quæ non solum de veritate, sed & de necessitate eorũ capitum ex verbo Dei cognosceret: atque Hollandia proceres paratos esse eo conferre quicquid suæ esset opis.* Hoc consiliũ congruens cum iis quæ ipsi Contraremonstrantes in colloquio Hagiensi dixerat, salubre esse, ipsa etiam alterius sententiæ oppida fatebatur: sed rem aiebant in longum duci: cum tamẽ intra idem tempus nec maioribus impensis vniuersalis Synodus potuerit convocari intra quod tot legati ex tam diffitis terris petiti sũt. Id tantũ intererat, quod ad vniuersalem Synodum qui vëturi fuerant

mandata attulissent ab Ecclesiis & earum nomine dixissent sententiam. Sed qui hoc consilium defugerunt, considerabant id si fieret, primùm Ecclesiis patefacienda fuisse quæ acta erant ad id tempus, vnde credibile erat secutura ad pacem conciliandam mandata, deinde in Synodo quæ vniversalis titulum prætulisset Synodum è federatis nationibus constantem, vt partem vnā illius corporis faciliè aliorum sententiis superari potuisset, cum nunc Synodus è Federatis nationibus composita externis duntaxat adfidentibus totius cœtus pars esset maxima: quin etiam, prout res ferret, externorum sententiæ aut cœteris accenseri possent pari iurè definienti, aut duntaxat æstimari in vicem consilij dati ita vt planè, certus esset qui destinabatur eventus, condemnatio scilicet Remonstrantium, & sub ea latens reipublicæ mutatio.

Anno ciro 10 cxviii cùm diligenter apud animum expendissem quæ difficultates consensum vtrunque morarentur; quæsitis anxie rebus omnibus quæ ad conciliandas procerum sententias facere videbantur, per viros graves partim in publicis dignitatibus constitutos, partim pastores partis *Contraremonstrantium* Principi

qui *Hollandia præfuerunt.* 125

Mauritio & Comiti Vvilhelmo copiam feci consilij quod apud me excogitaveram : quod & perscriptum postea quo intelligeretur rectius ut Principi traderetur, effeci, id autem sic habet.

Ad præcidendas contentiones ulteriores testabantur proceres Hollandia nolle se extra controversias quinque capitibus comprehensas alias vllas moveri nisi in conventu omnium Reformatarum Ecclesiarum : sed cupere se ut pastores omnes in cæteris doceant convenienter iis quæ per Reformatas Ecclesias hactenus credita ac tradita fuere , atque apud nos consignata symbolo Belgicogermanico, & Catechesi Heidelbergensi. Contra si quis fecit , faxitve in eum agatur censuris Ecclesiasticis , etiam publici imperij potestate si res exigat: rogabunturq; proceres aliarum nationum ut idem de se testentur : ac proinde pro hoc tempore supersedebitur recognitioni eius symboli atque Catecheseos.

Quamprimum sub ductu procerum Hollandiæ & Westfrisiæ habebitur Synodus nationis eiusdem, cui adsidebunt interpretes sacrarum literarum qui sunt in Academia Lugdunenfi & bini rerum sacrarum magistri ex quaque nationum vicinarum.

Poterunt pastores etiam qui à tractus sui conventibus Ecclesiasticis dilecti non erunt accedere ad Synodum, & quæ videbantur aperire ac rationibus firmare.

Inibi amica institutione ex scriptis divinis dabitur opera, ut perveniri queat ad consensum super questionibus quinque capitum.

Id si non succedat, ex divina regula inquiretur quid insit illis questionibus ad fundamenta religionis pertinenti, quid non, & in iis quæ ad fundamenta non pertinere deprehendantur, quæ ratio ferendi se invicem, aut alioqui transigendi negotium cum bono Ecclesiarum iniri servarique possit.

Consilia aut consentientia, aut seorsim partis utriusque, perferentur ad communem Synodum ã nationibus Federatis.

Ei fini communis illa Synodus concordibus nationum sententijs decerneretur, confecta prius testatione nihil imminutum iri hoc facto summum cuiusque nationis ius in res Ecclesiasticas.

Ex nationibus singulis aliqui delegabuntur, qui modum habenda Synodi perscribant, quique videant de numero eorum qui ex quaque natione iuxta proportionis modum ad Synodum regendam constituendi sunt, de adsciscendis ad opem ferendam exteris, deque aliis negotiis ad Synodi conformationem pertinentibus.

In ea communi Federatorum Synodo dabitur opera per amicam ex verbis divinis institutionem ut ad consensum perveniasur super iis questionibus quæ in conventibus Ecclesiasticis nationis cuiusque controversa manserint.

qui *Hollandia* praefuerunt. 127

Quod si id nequeat obtineri, tum legentur, & ad divinam regulam expendentur meditationes tradita in Synodo nationis cuiusque de iis quae in quinque capitibus ad fundamenta pietatis aut pertinere, aut non pertinere iudicata fuerint, cum consiliis de modo ferendi se mutuo, aut aliter negotium transigendi, ut si fieri posset de communi sententia concorditer aliquid statuatur: Caterum ne citra communem consensum Synodo isti liceat definire quicquam, aut pro parte altera in ve partem alteram pronuntiare de questionibus quinque capitum.

Si vero in eo cœtu res ad consensum unanimem perducere nequeat, tum insinuat opera ad convocandam Synodum generalem Reformatarum Ecclesiarum, ubi omnia peragantur quae ad servandam inter eas Ecclesias in dogmatibus unitatem necessaria atque utilia censebuntur: atque etiam ex divina lege pronuntietur quanam quaestiones quinque capitibus involute habende sint ad fundamenta pietatis pertinere: & super his quae eo pertinere non iudicabuntur, quae transigendi via bono Ecclesiarum iniri servarique possit.

Atque ut interim animi ad pacem & quietem rectius parentur, edictum statim publicabitur, severeque observabitur adversus seditiosos & famosos libellos atque sermones etiam adversus scripta hac controversias tractantia.

Interim quoque res Ecclesie mancant quo sunt statu.

Serio monebantur pastores ne alter alterum probis proscindant, aut condemnent, aut odiosis consequentijs traducant, deque hisce controversijs, si loca divina pagina id omnino exegerint, loquantur non alio modo quam loquuntur ipsi libri divini, aut certe symbola Reformatarum Ecclesiarum.

Vbi dogmata Ecclesiarum per conventum è nationibus aut generalem, aut alio quovis modo ad concordiam perducta erunt, consultabitur de adijciendo ad Fœdus Trajectinum pacto de religione.

Quo factò auditis consilijs eruditorum civilis atque Ecclesiastici ordinis ex communi nationum consensu sub nomine procerum Federatarum concipietur, ac publicabitur communis lex super negotijs Ecclesiasticis, ut tollantur dissidia que de regimine Ecclesiarum suborta sunt.

Sed Princeps Mauritius, & Comes Vvilhelmus ab alijs, quibus nihil minus quam pax erat propositum, ut satis apparuit, averfi sunt à consilijs eiusmodi : ita ut nationum legati pergere voluerint in cœpta convocatione Synodi communis ad definitionem faciendam spreta intercessione Hollandiæ atque aliarum nationum. Quo tempore proceres Hollandiæ magno numore

qui *Hollandia* praefuerunt. 129

mero accedentes ad conventum *Federalium* ut eos ad aequiora perducerent, voce *Oldenbarneveldij* dixerunt: *Quantum* sibi constaret in dogmatibus non aliam esse controversiam quam de *Prædestinatione* & quæ eò coherent quinque notis capitibus comprehensæ: quando semper ipsi voluissent atque edixissent, nunc etiam vellent atque edixissent, ut in cæteris omnibus pastores plebem *Christianam* instituere congruenter sacris literis & ei formæ quæ hætenus in his terris recepta esset, summamque comprehenderetur *Symbolo Belgico-germanico* & *Heidelbergenſi Catecheſi*, tanquam concordia tesseris quas par esset iuxta divini codicis normam intelligi: atque ut qui contra facerent *Ecclesiastica censura*, & si opus esset publica animadversioni essent obnoxij. Præterea verò paratos se suo ductu convocare ac celebrari facere *Synodum Hollandicam* & *Westfriscam* intra menses tres proximos, & ad eam suis impensis rogare nationes vicinas, ut ex eis qui apud ipsas essent pastoribus, pios eruditos & pacis cupidos allegarent qui *Synodo* adessent, consilium darent; etiam sententiam dicerent pari cum cæteris iure. Quod si intra mensem aut sesquimestre tempus post inchoatum negotium res ad expectatam pacem, transactionem *Christianam*, aut mutuo se ferendi rationem, saltem per interdicti modum perducì nequeat,

tum commodum intra tempus ex Germania, Gallia, Britannia, & Helvetiis qua fieri optimè posset ratione ac modo vocarentur viri p̃j pacis amantes & rerum sacrarum scientes, ut eorum ope atque consilio instauraretur negotium, atque opera daretur constituende unitatis per modum fiendi se mutuo aut etiam transactionem: quod si id contra quam speraretur intra menses duos post inchoatum negotium nequiret ad exitum perducī, ab illis tum consilium peteretur an Reformata Christianitati expediret controversa illa definiri, & quomodo ritè atque utiliter perveniri, eo possit. Simul rogabantur nationum legati: equi consulerent hæc quæ proponebantur, ut ex conventu Ecclesiastico salutares fructus exspectari possent.

Sed ne hæc quidem placandis animis sufficere videbantur, adeo penitus illud federat nihil remittere de summo rigore. Itaque hæc mense Julio cum evenissent, mense Augusto nos capimur. Ego in custodia constitutus, quamdiu concessus mihi est vsus calami & chartæ, patriæ caritate vetus institutum meum persequens, tempus animumque impendi invenendis rationibus quibus Ecclesiasticæ controuersię componerentur, quorsum pertinuit libellus quem Latino sermone scripsi, & ad Principis manus venisse arbitror. Eisdem Principi per ministros domesticos

ostendi manere me in ea sententia: *Omni-
bus aqvis modis id agendum ne cogerentur Re-
monstrantes seorsim Ecclesiam facere.* Atque
ideo aiebam molliter habēdos qui in con-
troverſis capitibus de Prædeſtinatione &
rebus annexis conſenſum ſuum alijs ac-
commodare non poſſent, commemorans
ſimul quæ olim cum Hermanno Herber-
ti, cum Tacone Sibrandi, cum Clemente
Martini placide erant acta, atque addens
ſi quid conſtitueretur ſeverius, id ſpem
concordiæ cum Lutheranis præciſurum
magno malo federis Germanorum Prote-
ſtantium. Sed quantū ab hoc animo meo,
& eorum qui meo tempore Hollandiæ &
eius oppidis præfuere, diverſus fuerit alio-
rum animus qui, clam præſtructo pridem
negotio, nobis captis palam rempublicam
occuparunt, ſatis aperuit magiſtra rerum
plurimarum dies.

Ex tot latis conditionibus ad invenien-
dam pacem ſatis intelligi poteſt quantum
à vero abſit, quod priſtinis rectoribus ex-
probrari ſolet, propoſitum ſcilicet fuiſſe
iſtis paſtores Contraremonſtrantium ſen-
tentix opprimere & ob eam ſententiam
deijcere paſtorali munere. Contrarium
manifeſtè teſtantur omnia decreta, quibus
monentur pars utraque fraternitatem co-

lerè & factis testari : atque ita quidem vñ nemini (verba sunt decreti facti xv Novembris anni c10 10 cx1) quinque capitum sententia nolenti obtrudatur : nec quisquam huius aut illius opinionis ergo (verba sunt decreti facti xxviii die Aprilis anni c10 10 cx1) calumniam malumve patiatur. Edictum vulgatum ab Holladiæ Proceribus Augusto mense anni c10 10 cxvii disertè dicit neutiquam procerum mentem fuisse sententiam sublimiorem ab Ecclesijs excludere. Iam ante anno c10 10 cxvi vna cum cæteris Amstelodamum legatis nomine eorundem procerum atque eorum mandatu dixeram : *velle eos qui huius aut alterius essent sententia arcere à munere pastoralis, neque Christianum esse, neque exitum reperire. Christianum non esse quia Iesu Christi institutioplus æquitatis requirit, quam ut collata cuiquam dotes ingenij sterilitati damnanda sint, tantum ob diversitatem opinandi in rebus tam arduis & captum multorum fugientibus. Sed neque exitum reperire, quia major esset tum pastorum tum aliorum ita sentientium numerus quam ut fieri id possit sine reipublica incendio.* In Apologetico octo oppidorum dictum est : *Omnibus civibus atque incolis sine discrimine sue de sacris sententia securitatem deberi & vitæ & in sentiendo libertatis contra vim om-*

metropolitam vocant certamen dirimebat. Bulingerus libro secundo de Episcoporum ordinatione atque institutione sic loquitur: *Utrum totius Ecclesie comitijs, an paucorum suffragijs Episcopum designari melius sit, nulla potest certa præscribi omnibus Ecclesijs constitutio. Sunt enim alijs regionibus alia iura, alij ritus & instituta. Si qui abutuntur per tyrannidem, cogantur in ordinem à sancto magistratu, vel transferatur ab eis ius designandi ministros. satius enim est eligendi manere seniores aliquot ex Regis, vel magistratus iussu defungi, advocatis consultisque illis qui norunt qualis sit functio Episcopi, quæ eius populi aut Ecclesie ratio, cui aliquis præficiendus est, qui item possunt de ingenijs, eruditione, & moribus cuiusque iudicare.* Bucerus amplius ait, *formam electionis à pjs principibus præscriptam.* Qui historias temporum eorū ex quo Imperatores ac Reges Christo nomen dederunt cognitæ habent, non ignorant sepe à Principibus super hoc negotio non modo leges constitutas ex Synodorum cōsilio, aut etiam citra Synodos: sed & ab ipsis factas sæpe electiones, ita tamen ut explorandi electos atque probandi ius (quod manuum impositione significatur) penes inspectores esset Ecclesie & libertas obijciendi crimina, si qua ad impugnandā electionē valerēt penes populū. nā electiones

quæ eam libertatem non relinquunt, merito sunt antiquitus improbatæ. Ita Theodosius Nectarium elegit ad pontificium Constantinopolitanæ Ecclesiæ. Multaque alia exempla in eam rem tum ab alijs, tum à nobis quoque antehac sunt prolata. Nam in Occidentis partibus, puta Italia, Germania, Gallia, Anglia, Hispania, Hungaria tam ante quam post Caroli Magni tempora, tam sæpe id factitatum est, ut plena sint eius rei acta publica & annales. Ipsi Antistites apud Reges precibus monitisque contendunt eo iure ut rectè utantur. Pugnare hunc morem cum lege divina Episcopi illorum temporum non crediderunt: neque magis Marfilius Patavinus cum ita loquitur: *Non est lege divina prohibitus legislator aut Princeps ab officiorum Ecclesiasticorum institutione, collatione, seu distributione.* Interdum quoque Imperatores ac Reges satis habuerunt alijs permittere electionem, ita ut eius aut confirmandæ aut rescindendæ ius sibi retinerent. Notant annalium conditores ab Imperatoribus amissam partem imperij alteram postquam eo iure exciderunt. Thomas Bilsonus Vintoniensis Episcopus in libro quem de gubernatione Ecclesiæ scripsit, disertè ait: *Nullam eligendi formam divino iure præscriptam: quumque*

pleri alijs in locis: nam loco religionem non offendi apertissimum est. Qui Schonhoviz erant, iis liberum erat sacrorum causa convenire in ipso pomerio. Roterodamenses & qui agrum Scianum colunt in Delphorum portu, vico Transeiano, & Scidami, postea & Roterodami. Sed enim ad res novas eos spectasse qui cætus hos segreges sectabatur, vel inde apparet quod qui domi sacrorum usum habebant ex voto, vt Lugduni & Scidami, magnis catervis ad vicos agri Rhenani & Sciani veniebant, vt eiusmodi cœtibus interessent. Tum verò oppidorum rectores qui intra fines suos secessionem talem probare non poterant, semper dixerunt etiam illis qui secesserant paratos se præstare indulgentiã, dummodo aliquid in cõmune & vtrique parti æquum cõstituérètur: quanquã simul profitebantur nihil futurũ sibi gratius quã vt vtriusque opinionis cives in eadẽ manerent sacrorum cõmunitate. At qua fronte audet obloqui huic curæ insumptæ ad servandam pacẽ ferendo se invicem, cui Remonstrantes semper se aptaverat, quorum facto Remonstrantes, qui vt tolerarentur quid vellent, vnicè non obtinuerunt, adversariorũ iudiciis eiecti ex Ecclesia, privatos quoque extra tẽpla cœtus, quib⁹ religioni

animi sui satisfaciant, nullo in loco Feneratorum imperij habere permittuntur: sed pastores perpetuis addicuntur carceribus, interdicto vxorum quoque & liberum conspectu, cæteri vero vexantur acerbè sæpe etiam non citra sanguinem, idque eo in solo, vbi arma tam ab illis ipsis qui nunc tam duriter habentur, quam ab alijs sumpta sunt prolegibus & religionis libertate: sub qua ex sensu & more Christianorum omnium etiam sacrorum vsus comprehenditur?

CAPVT VII.

De vsu legis Ecclesiasticæ anni

CIC ID XCI.

INter controversias de religione, etiam alia exorta est de gubernatione Ecclesiæ, & nominatim de collatione Ecclesiasticorum munerum. Huius contentionis culpam sunt qui magistratibus assignent, quasi qui occasionem disputationum de dogmatibus arripuerint ad intendendam vim potentix suæ: alij vero illos de Ecclesiastico ordine accusant, qui postquam

qui Hollandia præfuerunt. 137

obtentu studij pro vero, ac repudiata ferendi se mutuo æquitate magistratuum concordiam ruperant, & reverentiam in eos exuerant, ius Ecclesię, quod vocant, ad excludendos ab ea cura Magistratus multo quam ante confidentius & asserere cæperunt, & in rem conferre. Nunc quid eius apud nos verum sit, videamus.

Pastores cum de hoc argumento agitur, provocare solent ad legem divinam: unde inferunt ius electionis ad Ecclesiastica munera deberi Ecclesiasticis hominibus, id est sibi & senioribus quos plerunque sibi addictos habent. Sed præter quod Seniorum illud genus in multis reformatis Ecclesijs vsitatum divinę legi ignotum est (quanquam non eo volo evincere ratione sua caruisse hanc institutionem, præsertim si prima Reformationis tempora inspiciantur) etiam præceptum nullum (ut à viris sacrorum peritis commonstratum est) reperitur, unde appareat penes quem talis electio esse debeat necessario atque incommutabili iure. Nam exempla aut consuetudines omnes in legem vertere iniquum sit, præsertim cum appareat in primæ ætatis Ecclesia, munera quædam fuisse (puta Diaconissarum) etiam mores qui nunc vix usquam observantur : ita ut regula unica

huius rei esse videatur, facienda omnia ritè atque ordine, & ut maximè expedit pro temporum ac locorum ratione. Proinde sentiunt veteres viventibus Apostolis plerunque collata munera Ecclesiastica iudicio Spiritus sancti. Absentibus illis aut mortuis videtur electio facta plerunque popularibus suffragijs, quomodo & ciuilia munera per Asiæ ac Græciæ civitates mandabantur. Sed hoc in desuetudinem multis postea in locis abiit, ac postremo interdictum est à Synodo Laodicensi quæ vniuersalis Synodi iudicio cōprobatà est. Igitur antequàm potestates Christianismum sunt professæ plerunque Episcopi Presbyteros delegerunt, sed ita ut eorum nomina proponerent, hortantes populum ut si quis quid haberet criminis probaret manifestis rebus, ut Lampridius in vita Alexandri Severi loquitur, cuius moris aperta apud Cyprianum indicia sunt. Circa electionem ad Episcopi dignitatem iridem discrepavit consuetudo. Nam quibusdam in locis electio facta est à Presbyteris & Diaconis (Diaconos intellige qui Ecclesiæ ministerio in omnem vitam se addixerant) alibi ab eisdem sed conscia plebe, aut de plebe præcipuis: quod si qua incideret controversia formè Episcopus vrbis matricis què

qui Hollandiæ præfuerunt. 1

nem externam internamque, nec libertatem animorum ad sola publicè recepta dogmata astringi. Scio contra adferri exempla eorum qui pastorali munere moti aut oppidis ejecti sunt: sed nunquam id factum est aut ob opinionem solam aut etiam ob eius prolationem. Imo vero manifestum est in omnibus Hollandiæ oppidis, etiam Rotterodami, Colonij tempore dogma Contraremonstrantium publicè fuisse permissum atque defensum. Sed quod eius factum est plane idem est ei quod in Palatinatu, Paræus iure ac merito Lutheranis quibusdam accidisse memorat, & quidem eo in libro in quo Lutheranos ad pacem invitat. Ad concionatores quod attinet, ait, turbulenti quidam stentores annis abhinc xxv in Palatinatu Electorali dimissi fuerunt quod mandato Principis pio & aqvisimo de non calumniando, sed de Evangelio ad edificationem prædicando, sine acerbitate deque controversijs modestè & absque virulentia ad populum tractandis obtemperare recusarent. Nihil tale Simoni Goulartio obijci poterat, cum Gallicanæ Ecclesiæ pastornu moveretur non alio obtentu quam quod contradixisset placito dicentiu quosdam Christianorum liberos intra infantia tempora morientes ad eterna supplicia reiectos esse: cum tamen para-

tum semper se ostēderet cū collegis pacem colere, quin & illud rogaret, si quid ipsi excidisset durius benigne ignosceretur: offerens etiam non aliter se docturum quam docuisset Melanchthon. Verum & hoc est, quibusdam in oppidis interdictos conventus segreges. Sed maius est quod factum olim est à Bernæ magistratibus cum cives quidam ob prædestinationis controversiam Genevam irent ad Eucharistiæ communionem: quod illi sub magnis pœnis vetuerunt, laudati eam ob rem à Beza.

- At illud vel maximè notandum est adjunctum semper à nostris magistratibus, paratos se ad publicum docendi ius admittere pastores sententiæ alterius qui cum Remonstrantibus fraternitatem colere vellet, quod Roterodami & Brilæ etiam publicatum est. Regerent fortè nonnulli libertati animorum hac re non factum satis, quod scilicet ipsis dictet animus fas non esse cū Remonstrantibus hanc inire societatem. Sed in promptu responsio est, haud facile credi id posse de ijs qui Lutheranis eandem sententiam tuentibus pacem fraternam semper obtulerūt. adde quod verba, scripta, facta illorum satis monstrabant aliquid in republica illos movere. Sed fac sola animi religione actos, poterat ea ex-

qui *Hollandiæ præfuerunt.* 141

Principes populi sui sint capita, & divino atque humano iure omnis externa & publica administrationis curam tam in sacris quam in civilibus causis creditam sibi habeant, hæc rationes necessario evincere electiones eorum fidei committi debere, saltem si onus illud in se suscipere voluerint. Eiusdem hæc sunt verba: Luce clarius apparet alios etiam Principes præter Romanos Imperatores à prima Christiana fidei professione non solum summam potestatem in electionibus Episcoporum habuisse: sed quos dignos eo honore indicant non expectatis populi aut cleri suffragiis propria auctoritate constituisse. Apparent & passim exempla Archimandritarum, pastorum, Diaconorum quos Principes, potestatesque alię constituerint: quæ non ideo adferimus, ut mos ille ubi receptus non est, introducatur, sed ut pateat semper ita fuisse iudicatum, liberum esse hac in re cuique genti arbitrium. Musculi effatum est: Pastorem Christianum de vocatione sua sollicitum esse non debere, neque ambigere quin Christiana ac legitima sua sit vocatio, ubi ad Evangelium predicandum à pio Magistratu aut Principe vocatus est. In Palatinatu curę pastorales conferuntur arbitrio Senatus, qui mandato & nomine Electoris Ecclesiis præsidet. In ditione Basileensi Ecclesiarum extra urbem in pastore eli-

gendo potestas nulla. quem magistratus urbis ad pascendum illas mittit etiam si docentem nunquam audierint, reverenter accipiunt.

In patria nostra Vvilhelmo Principi Arausionensium id videtur fuisse propositum, ut pastorum electiones omnino ad magistratus pertinerent, ut videre est in formula quadam legis ipsius iussu concepta & rationibus atque exemplis defensa. Eandem fuisse procerum sententiam docent nos mandata quæ ab ipsis ei quem diximus Principi super præfecturæ suæ administratione data fuerunt anno CIO IO LXXXV in quibus hoc est caput: *Ne ullis in oppidis, locisve instituantur collegia aut consistoria nisi de consilio nominatione, atque institutione aut conventus procerum aut Magistratum.* Longè alia mens non paucis eorum, qui in Ecclesiasticis muneribus versabatur. hi enim id semper egerunt ut ius hoc omne ad se pertraherent: quod conspiciere est tum in Synodis aliis, tum in illa communitionum Synodo quæ Hagæ celebrata est anno CIO IO LXXXVI temporibus Licestricis, ubi totum hoc negotium Ecclesiasticis hominibus permittitur, nulla re magistratibus relicta, nisi hoc solo, posse ab ipsis exquiri numquam iustam haberent cau-

sam contradicendi quæ electi vitam conversationemque spectaret. Quod quidem nihil amplius magistratibus concedere est quam minimo de plebe Quiriti debetur. Nam ei quoque liberum est adferre quod in electi vita culpandum existimat, quorsum spectat electorum prædicatio. Huic Synodico decreto proceres Hollædiæ decretum contrarium suo in conventu fecerunt anno eodem: *Tum sibi, tum nobilibus, atque oppidorum rectoribus saluum fore ius ac morem eligendi, destituendisque pastores, hac tamen cautione ne qui pastores reciperentur nisi qui post diligentem explorationem vite ac dogmatum inculpati in utroque reperirentur.* Eo verò iustius fuit hoc decretum, quod ante belli tempora Comites Hollandiæ, quorum ad ipsos ius devenerat, eo iure usi fuerant ut Episcopos nominarent, quemadmodum à cōfessu iudicum Hollandiæ annotatū est inter animadversa ad Conciliū Tridentinū, sicut & rectores oppidorū locorumque aliorum usi fuerant iure legendi pastores. Sed nec Zelædiæ proceribus placuit illud Synodi Hagiensis decretū. nam ipsi pro sua potestate anno c10 10 xci Synodū peculiare indixerūt, in qua constitutū est, ut magistratus rogarētur quosdā sui ordinis qui in Ecclesiæ publicæ cōmunionē esset legare

qui simul cum presbyterio consultarent de eligendo pastore.

Ad Hollandiam ut redeamus ibi, nedum hinc proceres & magistratus, inde Ecclesiastici ferram reciprocarent (quamquam non obscurum est equis hominibus utrius potius officium sit concedere ne in negotiis quas lex divina non definit) omnia conturbarentur, tantum de iure suo decesserunt proceres anno c10 10 xci, ut delegatis ex publico & sacro ordine viris primariis de gubernatione Ecclesie leges iusserint concipi, quæ leges ius electionis ita partiuntur, ut de magistratuum numero quatuor; de Ecclesia (id est de presbyterio in oppidis, de conventu vicinali per agros) totidem electionem peragerent eamque factam offerrent magistratibus ut probaretur: quod si illi eam probare defugerent, nova institueretur electio: qui agendi modus idem ferme est cum eo quæ præscribunt Romana iura quæ apud nos quoque auctoritatem habent quoties loci certa consuetudo non exstat. Iustinianus enim novellis quas vocant constitutionibus ius eligendi defert tum Ecclesiasticis, tum primoribus urbium. Concepta eo tempore formula utrique concessi iudicium per Hollandiam probata est: sed

sed quominus perrogaretur oppida quædam intercesserunt existimantia magistratibus non satis potestatis per eam tribui. Aiunt Amstelodamenses sibi fuisse mandatum non assentiri in eam legem nisi prius in Synodo legitima expensa fuisset ad legem divinam: quod ipsum tamen in actis non invenitur. Sed ut ita sit propria, vnius oppidi ea fuit sententia. Quamquam verò formula hæc ob ea quæ diximus impedimenta perrogata non fuit, ut vim habere posset legis publicæ cui parere omnes tenerentur, censendi tamen sūt & proceres & magistratus non dereliquisse possessionem iuris pristini in pastori-
bus instituendis, ut habet decretum anni
C10 10 LXXXVI: ac proinde etiam ius fuit magistratibus sequendi formulam anno
C10 10 XCI conceptam, ut quæ non magistratibus sed Ecclesiastici ordinis hominibus plus tribuat quam proceres, quorum erat leges dare, ante eum quem dixi annum C10 10 XCI deberi ipsis existimaverant. Cui consequens est, nullam cuiquam à proceribus factam iniuriam, nullum de sua possessione deiectum, cum anno C10 10 CXV & sequentibus pronuntiarent posse rectores oppidorum vicorumque quibus id ex usu videretur eam for-

mulam sequi atque ipsos in eo publico imperio tuendos. Præsertim cum & Harlemenses, & alij manifestum fecerint etiam post annum 1610 xci usurpatum à se ius maius quam ferret illa formula, nempe ut pastores ipsi eligerent de consilio presbyterij. Quod si etiam alicubi non in vim legis, sed consensu peculiari quicquam concessum foret, id cum meræ sit facultatis ad possessionem evincendam, præsertim adversas publicas potestates, valere non posset. Quòd ultra dicitur nihil hoc de negotio debuisse decerni antequam compositæ fuissent religionis controversiæ, speciem veri haberet, si ad componendas eas controversias per mutuo se ferendi æquitatem opera communiter data fuisset: & si interim Ecclesiastici ordinis homines non laborassent magistratus de iure suo deijcere. Nam sine eo cum quotidie multa munera Ecclesiæ vacua fierent, omnem de electionibus normam tenere in incerto, id verò nihil fuerat aliud quam summam inducere rerum confusionem. quod mihi tam clarum videtur, ut æquos omnes facile mihi assensuros non dubitem. Sunt qui dicant hac formula plus aliquanto tribui magistratibus quam Ecclesiastici

ordinis hominibus, ius scilicet electos recusandi. Sed observandum contra est Ecclesiastico ordini tātundem, aut plus etiam tribui per examen & impositionem manuum: deinde verò ius illud potestatum publicarum in recusando tam esse manifestum in vsu omnium gentium & ante & post institutam reformationē, vt de eo dubitare nullius sit, nisi qui dubiæ sit sanitatis.

Ab hoc iure quòd potestatibus publicis, qua tales sunt, competit, veniamus ad ius quod patronatus dici solet iis concessum initio qui ære suo ædificassent sacras domos. Pastorum quidam aduersus hoc ius libros scripsere, præcipuè apud Frisios Translavianos, vbi ius hoc in vsu viget. Sed vbi venit ad probationem, potestatem hanc scilicet quæ designationem solam continet eorum qui pastoralis muneri destinantur, in quos tamen, & Ecclesiastico ordini explorandi curam & dogmata. ius est & plebi causas adferendi ob quam recipi non debeant, hanc inquam potestatem cum lege divina pugnare, subducunt argumenta, vt ab Episcopo Vintoniensi late probatum est, vbi & hoc quaerit quæ ratio, quæ auctoritas nos cogat talem potestatem senioribus qui vocantur

id recusavit & ei iuri contradixit, unde lites & controversie multe orta sunt, quinetiam homicidium: quae res ad nostri & officiorum fraudem pertinent. Verba Philippi de Leidis qui in Hollandia natus iurisprudentiam in Gallia professus est quo tempore Vvिल्helmus & Adelbertus Baioarij Hollandiam regerant antehac in alio opere à nobis producta sunt. Inter iura Comitatus in rerum fiscalium inventario, invenitur notitia Ecclesiarum in quas Comes haberet jus patronatus. Anno ciro 10 xxiv Carolus Imperator vt Hollandie Comes edictum edidit, quo imperabat omnibus qui in Ecclesias ius aliquod conferendi sibi vindicaret, eius iuris documenta exhibere cum comminatione, ni id fieret, se in eas Ecclesias conferendi iure vsurum. Et cum filio Philippo principatum Belgicogermanie transcriberet inter caetera principatus iura commemoravit iura patronatus. Quinquaginta & amplius nobiles in Hollandia familiarum intra iurisdictionis suae terminos fidei iure in Investituris suis comprehenso gaudent: sicut & oppida multa id ius legibus Comitum sibi donatum obtinent. In istis quae ad Synodum Tridentinam ab antiquo confesso iudicum Hollandiae observata sunt, etiam locus quidam ex eius Sy-

modi actis obelo. notatur pugnant cum iure patronatus: atque eam maximè ob causam multarum nationes oppida atque Collegia eius Synodi actis publicandis interceserunt: quæ res Philippum Principem movit, ut publicari acta iuberet ascripta legene ius suum aut suorum subditorum eo deterius esset. Hoc ergo ius patronatus (quod in nonnullis reformationem profitentibus populis plenam suam vim obtinet) per formulam quam diximus anni c^{ro} 10 xci eum in modum constrictum est, ut Patronus qui dicitur non per se pastorem (ut olim) offerre possit, sed ad electionem peragendam quatuor viros deleget, quos alioqui quæsitores, & loci iudices delegaturi fuerant.

Amolendis scrupulis omnibus, cum formula iam sæpe memorata dicat generaliter à magistratibus, aut patronis delegandos viros quatuor quos idoneos iudicaverint, proceres Hollandiæ Amstelodamensibus dici iusserunt, atque etiam in edicto quod publicatum est mense Augusto anni c^{ro} 10 cxvii clarè testati sunt, eos idoneos maximè intelligi qui saluti Ecclesiæ quam optimè consultum vellēt. Iudicium iam cui libet permitto an iniquum fuerit interim dum certius aliquid constitueretur, regu-

lam adeo temperatam in exercendo magistratum & patronorum iure observari.

Quod verò ex eadem formula anni **cio** **io xci** tralatum est, licere magistratibus de suo numero mittere qui adessent Ecclesiasticis conventibus, novum non erat, quando antiquitus potestatum legati interfuere Synodis, neque vero inter Synodos & coetus minores Ecclesiasticos vlla ad substantiam rei pertinens differentia possit recitari. Adde quod Enchusæ & alijs nonnullis in locis à belli initio ita vsurpatum fuerat : & aliis vero magistratibus liberum fuerat idem facere, ita vt nulla contrarij iuris possessio adversum eos allegari posset. Neque vero hæc delegatorum præsentia eo pertinebat, vt Ecclesiastici ordinis hominibus ius censendi liberum adimeretur : sed nequid inibi tentaretur quo perturbari posset reipublicæ & oppidorum quies, quod vt caveretur iustas fuisse causas, inferius docebitur.

Si quis scire avert quid spectaverint qui æquum modum ne pro tempore quidem recipere voluerunt, non difficilis erit conjectura. Acronius librum conscripserat contra ius patronatus, Adrianus pastor Harlemi, Maznius in Geldria & alij scriptores librorum nomina non præferetium,

totidem Synodi anteaambulones, potestates publicas, vt profanas, ab inspectione Ecclesiæ, & electione ad munera Ecclesiastica arcebant penitus. Plus dicam. Harlemi secessio, cum de dogmatibus non dissentiretur, orta est ex eo tantum quod magistratus in electionis partem veniret, quâquâ eousque concesserant vt profiterentur à se delegatos suffragium laturus tanquam Ecclesiæ cives. Etiam coitiones scriptæ ac signatæ fuere de abstinendo ab eorum communione qui illam anni c10 10 xci formulam probarent, aut sequerentur, vt mox narrabitur. Bene hunc animum perspexerant Tráslavici proceres cū ad formulâ continentem mandata dāda delegatis qui ituri erāt ad Dordrechtanam Synodū dixerunt: *Non permissoiros se vt in Synodo illud examinaretur an iura patronatus & qua alia apud ipsos erant, divina legi essent consentanea nec ne:* quod ipsum in acta referri voluerūt. Qui antea quanquā sæpe admoniti hoc nō consideraverant, certè nūc saltē agnoscere id debēt conspectis canonibus quos Synodus Dordrechtana fecit de Ecclesiæ gubernatione, qui tales sunt, vt nō tantū complures viri eruditi è gētibus exteris eos sibi displicere ostēderint, sed & nationum pars maxima eosdem recuset approbare,

aut certè multa in ijs inueniat quod vt iuri
 summarum inferiorumque potestatum
 nocens mutationis egeat, quæ ipsa muta-
 tio alicubi sic facta est, vt re ipsa conue-
 niat cum illa formula anni cto io xci. Op-
 tem sane harum nationum proceres, sicut
 hac in re quod sui est officij faciunt, ita
 etiam propius intendant aciem, videant-
 que annon iidem illi qui potestatum ius
 multis in partibus læserunt, etiam Dei ho-
 norem alicubi violauerint, revocantes sibi
 in memoriam illam Reformatorum vo-
 cem ad Regem Hispaniæ tunc Hollandiæ
 Comitem : *Tuum est clementissime Domine,
 de negotio cognoscere ut te erroribus opponas,
 quantumvis multo ævo radices egerint, & pre-
 ces eorundem Reformatorum ad eos qui
 tum proceres erant, ne diutius ministri ef-
 sent, ac satellites iudiciorum & censura-
 rum Ecclesiastici ordinis, cum potestatum
 publicarum munus esset de istis rebus co-
 gnoscere : quibus hæc addebantur verba :
 Cum Deus Iosuem constitueret populi sui ducto-
 rem atque Principem, vetuit ne legis liber un-
 quam ab oculis manibusque eius discedat : vnde
 inferunt, iniquum esse potestates publicas
 ab vsu legis arceri qui in dijudicandis se-
 cundû legem dogmatibus consistit. Quod
 delegati procerum qui Synodo Dordre-*

qui Hollandiæ præfuerunt. 155

chtanz interfuerunt acta Synodi non probarunt, sed tantum quid se præsentibus gestum esset, testati sunt, haud equidem miror: sed illud magis, quod potestates adeo non certæ intra animum suum Synodi decreta divinis edictis congruere, super illis tamen decretis exstruunt edicta tam dura, quorum ius sæpe ad sanguinem quoque extenditur.

C A P V T V I I I.

*De iure maioris partis in conventu
Hollandiæ.*

NON mos tantum omnium gentium quæ sub civilibus institutis vivunt, sed & ipsa natura docet ubi penes cœtum est potestas aliqua, veniendum ad illud legitimum: hæc pars maior videtur: Nam neque rerum in deliberationem venientium difficultas, neque humanarum mentium varietas permittit, ut super re quaque eadem singulis placeant, tum verò res multæ nihil agendo fiunt deteriores: & ut pars maior minori cedat manifestam habet iniquitatem. Iurisperiti qui hoc argumentum pertractarunt, distinguunt inter

ea quæ communia sunt, vt singulis, quale est fundus cuius coheredes quatuor singuli quartam partem in dominio habēt, & ea quæ communia sunt vt vniuersis, quomodo basilica est civitatis. Itaque in prioris generis rebus negant ius aliquod præcipuū esse partis maioris, exceptis dūtaxat negotijs quibusdam in quibus lex civilis ius tale constituit: at in ijs quæ corporis alicuius sunt, sive vniuersitatis, majori parti idē esse ius quod toti vniuersitati, nisi si quod negotium lex civilis speciatim exceperit. Huc illud pertinet Plinianum: *Singulos integra re dissentire fas esse: peracta quod pluribus placuisset cunctis tuendum*; Et Livianum illud: *Dicendi aut suadendi quod quisque aut velit, aut optimum patet occasio est priusquam quicquam decernamus: ubi semel decretum erit, omnibus id, etiam quibus ante displicuerit, pro bono atque utili defendendum*. Quibus similia apud Demosthenem, Dionysium Halicarnassum & Dionem Cassium existant. Religionem quod attinet, certum est liberam electionem penes vnūquemque esse iure proprio. at arbitrium de sacrorum statu publico haud dubiè ad summam potestatem pertinet, sive ea est vnus homo, sive corpus aliquod ex iuris præscripto personę vicem sustinens. Proinde in procerū imper

rio penes procures id ius est, & quod sequitur, quod maiori parti placuit, sequendum est, cum alioqui nullus possit negotiorum exitus reperiri. Ita apud Helvetios atque alibi conspectum est sacra publica ordinari prout visum fuerat parti maiori. Quod si apud Venetos huius generis controversia aliqua oriretur, nihil posset constitui nisi ex parte maiore sententiarum. Apud nos notum est per Holladiam & Zeladiam, deinde & apud nationes alias mutatum esse religionis statum arbitrio partis maioris in quaque natione. Sic & in Zeladia & alibi leges de Ecclesie gubernatione conditæ sunt, ut visum parti maiori. Anno ciro 10 LXXXI in Holladiæ conventu lex scripta est de modo habendi conventus & rerum ibi agendarum hoc continens : *In negotijs omnibus decretum faciendum ex sententia partis maioris : ac proinde dinumerandas sententias ut antiquitus in omnibus deliberationibus ad rempublicam spectantibus : atque ita facto decreto vim suam fore in omnibus ; dempto quod maior pars minorem vincere non debeat in tributis & oneribus instituendis , in pace aut bello faciendo, in mutanda Reipublica forma. Teneri vero & nobiles & oppidorum maiorum minorumque rectores sequi & curare ut effecta reddantur, quod ad ipsos & sub regimine suo habitantes attinet , leges*

omnes atque decreta hoc modo ritè & consilio publico facta de omnibus quæ in consultationem venient negotiis sine ullo renisu seu directo, seu per obliquum. Iam vero ex iure notum est verba soni vniversalis vt illa in omnibus nihil excipere: tum vero additis exceptionibus (quales hic tres reperiuntur) hanc esse vim, vt in iis omnibus quæ excepta nō sunt, regulam confirment. Si quis dicat arbitrium religionis, ac sacrarum rerum non minoris esse momenti quam quæ excepta sunt ac proinde hoc quoque censeri debere positum extra ius partis maioris, obstabit ius illud quod docet à paritate quam quis mente sua concipit non esse confingendas exceptiones alias aduersus legem exceptiones disertè continentem. Sed nec procedit illa quæ fingitur paritas. nam tributa, pax, bellum, reipublicæ mutatio in vniversum decreta partes singulas communi subiiciunt necessitati, cum publicis sacris in hunc vel illum modum constitutis, quilibet tamen incolumem retinet libertatem alio modo Deum colendi, si id ad salutem suam referre existimet.

Illa vero obiectio, in conventu Hollandiæ pugnatum pro iure partis maioris, in Federatorum vero conventu ei iuri contradicendum, facillimè ab alicuius sensu ho-

mine solvi potest ex his quæ iam diximus. Non enim hoc quærebatur, an in Federatorum convëntu valere deberet quod parti maiori placuisset in negotijs quæ vniversitati Federatorum attributa sunt, (id enim omni controversia caret) sed an de sacris imperium Federatorum corpori delatum sit. Negamus id nos, & dicimus siquando in Federatorum cœtu actum ea de re est, id factum non ex iure antecedente, sed ex peculiari nationum omnium consensu, vt pote cum res ea non corporis illius, sed partium & quidem partium propria esset.

Alij, cum inter Hollandiæ membra non conveniret abstinere à decernendo debuisse, vt factum esset antehac aliquoties. Ego vero fateor conventum (etsi iure summo id facere non obligetur) rectè tamē facere si se partibus suis attemperet, & sustineat se in rebus moram ferentibus. Sed & in hoc negotio suasiones plurimæ, etiam legationes cum in finem decretæ sunt, vt concors sententia eliceretur. Sed cum ortæ essent de religione cōtroversie, abstinere procures non poterant quin modum eis ponerent non definiendo, sed pacem conciliando, quod potestatum summarum officium esse civilium rerum periti sciunt.

Similiter in tanto pastorum quorundam conatu ad deiiciendos magistratus de iure electionis ad munera Ecclesiastica, quiescere proceres non poterant quin magistratus infra se positos, præsertim id postulantibus, tuerentur in eo iure modo quodā benè temperato, saltem dum plenius aliquid statueretur: præsertim cùm omnes qui in conventum veniunt iurare soleant, curæ sibi fore ut iura leges moresque defendantur: primumque fedus factum inter Hollandos & Zelandos contineat magistratus alios alijs ope atque auxilio pro virili adfuturos. Neque verò in negotio hoc vna, aut altera sententia pars minor superata est: sed cùm constet conventus ex nobilitate (cuius semper in Hollândia summa fuit auctoritas) & oppidis octodecim, ple-runque nobilitas assensum habuit quatuordecim aut tredecim oppidorum neque vnquam minus duabus tertiis partibus.

Adde iam quod omnem obiectionem elidit, semper à conventu dictatum non eam sibi mentem esse, ut oppida aliter sententia cogeret decretis suis obtemperare atque ea effecta apud se dare, quod tamen summo iure maiori parti licet. Itaque cum mitteretur ad magistratus formula anni

qui Hollandiæ præfuerunt. 161

cio 10 xci, dictum simul est : Si qui rectores oppidorum vicorumve Hollandia & Westfrisia in eligendis pastoribus, & habendis conventibus Ecclesiasticis vicinalibus eam formulam sequi vellent id ipsis fas ac ius futurum, atque eos publico imperio tuendos. Sic & decreta facta mēlibus Martio & Aprili anni cio 10 cxvi, aiunt, decretis anni cio 10 cxi & cio 10 cxiv per oppida vicosque omnes quorum rectoribus utilia aut necessaria videantur paritum iri : non autem eam esse procerum mentem ut consules rectoresque, & decuriones oppidorum qui ea decreta apud se necessaria non existimarent ijs decretis uti compellerentur.

Ipsi Amstelodamenfes circa initia æquū hociudicarunt. nam in ordine oppidi sui constituerunt, & mandatum dederunt legatis suis ad conventum euntibus dicendi, sibi probari non posse ut in suo oppido decreta illa ad effectum perducerentur : quod multum abest ab eo quod dici cœpit postea, decreta ista pro legitimis non habenda.

Notandum & hoc, non hic actum de nova religione introducenda, (quod facere nulli rectorum in animo fuit) sed tantum de ponendo modo controversijs quæ inter Reformatos doctores alibi plus, alibi minus ab initio fuissent agitatae : Atque

apud nos semper ex usu visum ius attemperare ad oppidorum locorumque ingenia, ut Goudani oppidi exemplo iam ante ostensum est. Anno ciro 13 LXXVI proceres Hollandiæ, & Zelandiæ Vilhelmo Principi Arausionensi (qui ad id tempus Regis Hispaniæ, ut Comitissæ Hollandiæ vicarium se ferebat) *mandarunt, ut super usu Evangelicæ religionis statueret id quod pro temporum ratione oppidorumque ingenio ad tranquillitatem publicam & populi commoda optimum factu iudicaret, sine cuius nominis detrimento:* Talia mandata post id tempus data sunt nemini ac proinde post eiuratum Regis Hispaniæ principatum penes ipsos proceres mansit ea potestas.

Illud vero nullum habet colorem quo defendi possit, oppida scilicet & vicos quibus ius dicendæ in conventu sententiæ non est aliud quicquã sequi debere quam quod visum sit parti maiori, præsertim ubi maioris partis decreta ipsis etiam locorum magistratibus utilia & apta rebus videntur.

Meminerint Amstelodamenses, Enchufani, atque alij sæpe in rebus longè maximis suam quoque sententiam ad vincendos alios valuisse, & quidem eousque ut (quod hic factum non est) qui sensisset

qui Hollandiæ præfuerunt. 163
aliter sequi decreta cogerentur. Non æ-
quum est pati legem quam tuleris quaque
usus fueris in alios.

Imo ipsa illa oppida in conventum adfe-
rebant sententias quas domi ex maioris
partis placito perrogaverant, & quidem ita
ut sæpe duo tresve tantum consentium
plures essent in parte victrice. Et talibus
sententiis impedire volebant ne in con-
ventu perrogaretur quod maiori parti vi-
sum esset, quisquamne ab affectu vacuus id
probet atque defendat?

CAPVT IX.

*De his quæ acta sunt contra pacem mu-
tuam in Ecclesia eiusque suasores ut
ad mutandum reipublicæ regimen per-
veniretur.*

HAud dubiè omnibus quos non abri-
puit partium æstus mirum videri de-
bet, quod cum Lutherani super his con-
troversijs à Contraremonstrantibus disse-
tiant, atque eorum dogmata earundem
consequentiarum absurditate impugnent,
præterea vero & alias cum eis controver-

fias habeant, multi tamen Contraremonstrantium quam illæsa (vt aiunt) animi sui religione Lutheranis offerunt vnitatem, eam cum Remonstrantibus eadem religione salua (vt aiunt) colere posse se negant. Quæ res fecit, vt dubitarent multi an religionis hoc negotium fuerit apud eos præsertim qui cæterorum incentores erant, an studium potius factionis res in statu publico novas molientis. quod vt rectè dijudicetur, nosci convenit quæ in hoc negotio succedentibus sibi temporibus gesta sunt.

Neque minus mirandum quod cum Reformati, tam in Anglia quam in Germania, summis potestatibus plenam liberamque concedant ad munera Ecclesiastica electionem, quin & eorum magistri morem hunc libris editis probent atque defendant, tamen nostris in locis Reformati ab Ecclesia secesserunt ea sola de causa quod magistratus sibi in electione tali ius non nisi dimidiatum vindicarent.

Certè si quis attenderit ad ea quæ Iunius, Pareus, multique alij scripsere, is facile advertet ex dogmate Reformatorum coetuum multo graviores causas requiri antequam rectè atque piè ab Ecclesia aliquod divortium fieri possit.

Res ipsa experimento docuit, vbi pauci erant peregrini (vt in oppido Roterodamo) ibi paucos etiam fuisse quibus secessio allubesceret, & quidem eius fermè notæ qui ad publica munera aditum sperare vix possent, quod alij multi ad ea aptiores cos præcederent. Contra vero Harlemi atque Lugduni (quæ oppida magnam advenarum multitudinem receperunt, cum oppida alia id recusarent) vidimus magnos divertentium greges atque in eis partem multo minimam indigenas.

Neque vero sponte sua natum est, atque processit divortium, sed testimonijs patuit venisse aliunde pastores qui tranquillis in locis turbas concitarent, & collecto exiguo quamvis numero Presbyterium novum, id est altare contra altare, exstrueret, vt perpetuam atque mansuram segregi Ecclesiæ formam darèt: vt inter alia à Samuele Borrio Schonhovix factum apparuit. Sic & vicinales conventus diu quieti, vt in tractu Vorenensi, & Putteno, alijs instigantibus rupti sunt.

Sed cum ne sic quidem pro lubricine impellentium satis procederet ruptura, libri multi conscripti sunt qui plebem distraherent, etiam conventus instituti annis 1610, 1611, 1612, 1613, 1614, 1615, 1616

vbi concepta sunt capita quædam tum ad excludendas potestates superiores atque inferiores ab omni Ecclesiarum cura, tum contra pacis inter dissidentes studium, qualia illa fuerunt quæ caloris initio conscripta sunt Scidami, scriptæ & literæ ad absterrendos eos qui ad pacem proniores videbantur, & procerum edicta pro pace publicis libris refutata. Post quæ anno c10 10 cxvii Amstelodami clam cætus est habitus, vbi pastores quidam ac seniores, huius rei primarij auctores vt exemplo suo atque auctoritate cæteros ad divortium impellerent, professi sunt, *rectè facere fratres eos qui se subducerent à consortio Remonstrantium quos perturbatores & vexatores Ecclesiæ vocant. Quin imo habendos Remonstrantes eo loco vt cum quibus fas non esset communes habere cætus neque agnoscendos eos vt membra concorpora, sed faciendum ab eis plenum divortium donec à dogmate suo absisterent*: Simul rogabant, *fratres cunctos secum eiusdem sententiæ participes, vt idem subscriptione sua firmarent, quo in hunc modum ad finem bonum (vt loqui ipsis lubet) inter se colligaretur*. Cum vero in multis conventibus vicinalibus viri probi idem cum illis de dogmatibus sentientes tamen istud *divortij Chirographum* (nam id nomen chartæ

qui *Hollandiæ præfuerunt.* 167

ipsi dederant) signare cunctarentur, missi sunt à signatoribus primis qui ad signandum cæteros vrgerent, & qui pro afflictis Ecclesijs, (id est sègregibus) stipem colligerent. Secutus deinde est inter se sociatorum conventus clandestinus Hagæ, atque ibi decretum est, *cum illis tanquam cum fidei minimeque suspectis fratribus colendum propius commercium qui Remonstrantes & eis adherentes alios profalsis doctõribus haberent tantumque Synodum nationibus expectarent, cuius nunc magna spes esset* (ita loquuntur) *ut ibi secessio à Remonstrantibus rite ex iudicio Ecclesiæ ad exitum perduceretur: promitterentque, ut si ea Synodus propediem non indiceretur se cum fratribus cæteris qui iam secesserant* (quod huius instrumenti scriptores iustis atque sufficientibus de causis factum pronuntiant) *consultaturos se modo ac via qua res perducipossit ad plenum atque unanime divorcium.* Apparet hinc quorsum communis nationum Synodus postulata fuerit, nimirum ut iam penitus constituta ruptura plus inde acciperet auctoritatis. Eodem tetendit conventus alius qui Scidami habitus est mense Ianuario anni cꝛo io cxviii & alij cœtus eius generis. Dicitur ad hoc solet etiam à Remonstrantibus cœtus habitus & perscripta quædam ac fa-

Etum id vt se subtraherent à consortio pacem secum colere cupiētium dictum non est, tantum abest vt probatum sit.

Qui vero hunc in modum discessionem fecerant, contenti non fuerunt ex vetere Christianorum exemplo pietatis cultu intra privata tecta, sed ausu privato publica templa occuparunt, partim dum publicum divortium introducunt in ea loca in quibus servata vnitas fuerat, novumque Presbyterium & cōmunionem peculiarem instituunt, neque vero id saltem permittunt vt docente pastore Contraremonstrante pastor sententiæ Remonstrantium intra septa sederet, quæ Veteribus aquis acciderunt, partim dum pastores novos non ritè atque ordine in cathedra locant, vt Hufde, partim dum per minas magistratui templum extorquent, vt Brilæ, vbi secessores rumorem sparserant invasuros se templum quicumque tandem futurus esset exitus, partim etiam dum reipsa invadūt templa, sicut plebs segrex Hagienſis cum primum Nosocomij sacellum obtinuiſſet sub pollicitatione presbyterium novum se nō creāturos, ea fide violata mox templum claustrale nondum benè ad sacros vsus paratum irrūpere, allatis eo suggestu & subellijs, atque ibi concio habita est, ne con-

sultis quidem aut proceribus Hollandiæ (quorum erat & solum & superficies) aut magistratibus Hagienſibus, adeo ſine eorum conſenſu: quin & maiore cum contemptu procerum Henrico Roſæo (quem proceres munere fungendo interdixerāt) ibi uſi ſunt paſtore. Excusant hæc nonnulli dicentes templa plebis eſſe, quod ita acceptum & eo modo ad rem perductum, non poteſt non magnis ſeditionibus ac tumultibus cauſam præbere. Nam in plebe, id eſt inter eos qui ſub vno imperio vivunt, multæ ſunt diverſi inſtituti familiæ, vt Romanenſes, Lutherani, Mennonitę atque alij. Si iam partes hæ ſingulæ plebis nomine ſibi publicas ædes vindicarent, quid inde aliud quam cruenta collifio ſequeretur? Propterea penes quem publica templa eſſe debeant, ſummæ poteſtatis arbitrium eſt, ſicut & Romanæ leges inter iuris publici partes ſacra & ſacerdotia cæremoniaſque commemorant. Aliter quicquid ſit ab omnibus reipublicæ moderandæ & legum peritis illegitimum cēſebitur.

Iā vero ubi Contraremonſtrantes hoc aut illo modo in partem templorum venerant eo non contenti fuerunt, ſed quacunque poterant id egerunt, vt Remonſtrantes inde vi depellerent, vt apparuit in dicto

iam oppido Veteribus aquis, vbi missum pastorem qui Poppij vicibus fungeretur, privati à cathedra abstinerunt dicantantes cum magistratibus nihil sibi esse negotij: ipse quoque Poppius qui magistratuum accitu venerat hominibus armatis impeditus est officium facere, quanquam comitatus veniebat quæsitore, consulibus oppidique iudicibus cumque cōsulum vnus diceret, quod res erat, Poppium à proceribus ad se missum per ludibrium illi respondere, à vestris scilicet proceribus.

Quid vero actum vbi Contraremonstrantes soli publica templa insidebant, vt Amstelodami post motum loco Simonem Goulartium? An ibi secuti sūt certissimam naturalis equitatis regulam, quod tibi fieri non vis, alteri ne feceris, nihil minus. Nam tantum cum suspicio insedisset Remonstrantium cœtum haberi in domo Remi Episcopi, qui civis erat notissimæ probitatis fœx ipsa vulgi (quo impulsu scit Deus, sed & homines quidam non ignorant) furore incredibili clara luce domum involarunt ac diripuerunt, inaudito hactenus per Hollandiam exemplo, non impredientibus illis, quorum ad officium id spectabat, sed contra adventum suum

qui Hollandia præfuerunt. 171

differentibus donec, barbaricum satellitium impleisset destinata. Neque vero de tanto scelere, quod ad summam oppidi Amstelodami & patriæ infamiam spectabat, ius dictum est. Pauci de tanto numero capti sunt, & dimissi.

Si qua res est aliena à Christiani nominis professione, ea vero est libellos vulgare qui existimationem cuiusquam vulneret; quod & ex Romanis legibus capitali censetur merito sane: cum eo modo quisque odio publico obijci possit, neque habere ubi se defendat incognito accusatore qui eo mentitur impudentius quod ad probanda crimina sciat se cogi non posse. Quantoperè Contraremonstrantium pastores nonnulli & eiusdem partis alij hoc modo rem suam promoverint ex ipsis scriptis apparet. Multis enim libris nobiles & oppidorum magistratus tum vniversim, tum singulatim non pauci contumeliosè traducti sunt. Oldébarneveldius conventus Hollandiæ adfessor, qui grave illud onus per annos iam quadraginta tam fortiter pertulerat, atque hanc tempestatem iam bis exhauserat, prius sub Licestrio (cum eadem omnia ipsi obijcerentur) deinde cum induciæ fierent, denuo in ætate vltima innumeris mendacijs (quæ

nemo in iudicio [defendere audeat] atrocissima accipit famæ vulnera, imo Marchioni Anchoritano confertur, ut omnino appareret quid harum rerum incitatores de illo fieri vellent. O sanguinaria ingenia! Adversus gliscentem licentiâ sæpè de remedijs in conventu actum est. Conceptum quoque edictum, in quo honori Principis, iudicium Hollandiæ, Ecclesiastici quoque ordinis non minus quam ipsorum procerum, nobiliû, ac magistratuum consulebatur. Iussio in nihil aliud quam adversum libellos tales & sermones, vulgi turbamenta, concepta erat: etiam speciatim contra scripta quædam quibus Amstelodamenses iniuriam sibi factam conquerantur. Tamen legati oppidi Amstelodami atque alij, ne id fieret, obstiterunt. Dicebantur esse leges veteres. Sed nonne vñtatum est antehac tanta grassante licentia renovare leges, & temporibus aptare? Tandem cum anno c10 10 cxviii ab Amstelodamo æquiores legati ad conventum venissent, perrogatû quidem est edictum, sed multis in oppidis sine vi irritum mansit, in quibusdam ne promulgatum quidem est, magno cum despectu procerum Hollandiæ, quorum illa tantis Dei beneficiis tamdiu educata auctoritas hoc

hoc modo fædè proculcabatur. Etiam postquam capti eramus scribere cuique in nos permissum est. qui id non vetuerunt, imo per autoratos sibi scriptores rerum gestarum id ipsum prædicant, satis ostendunt nos eo tempore in legitimorum iudicum manu non fuisse, cum qui in verorum iudicum sunt manu, simul in eorum sint fide ac tutela adversus noxam omnem quæ extra ius inferri ipsis possit.

A verbis ad res venit. Ab armorum initio duo hominum genera fuerunt in rempublicam res novas molientium: alij studio suorum dogmatum, ut pastores nonnulli (in quo ordine fuerunt & qui maiora insuper congiaria, & dignitatis augmentum inde sperarunt) alij ut ad honores perumperent, ad quos alioquin obseptum sibi aditum videbant, ut externi, aut ceteroqui impares aliis quoad eas quæ in mandandis muneribus spectari solent qualitates. Nam antiquissimæ Hollandiæ leges continent, ne quis extra Hollandiam natus honores capiat, quanquam postea proceribus placuit eo iure non uti nisi adversum nationes quæ par ius in Hollandos vsurparent. Alia oppida ius habent specialius ne quem admittant nisi genitum certos intra fines, ut intra Mosam

& Zypam. Quanquam verò externi satis habere debuerant quod placidam vitam in solo nostro degerent, & contracta indigenarum affinitate exspectare, ut liberi sui in Hollandia nati iuxta alios honorum participes fierent, apud nos tamen non minus quam apud gentes alias experimento compertum est, eius generis hominum ingenia moræ impatientia magnas sæpe turbis causas aut alimentum dedisse, cum talia molientibus nunquam desit quo præsentem reipublicæ statum obtrectent. Similiter animatos videre semper fuit quosdam indigenas quidem sed ortu, divitiis, peritiâ rerum non inter primos quos leges nostræ cæteris in honoribus anteponi volunt. Dudum est quod hic morbus aperire se cœpit. Incipiente primulum bello pastores fuere qui proceribus nomen imponerent Caudicum. Cùm maximè ferreret dura illa & in omnis ævi memoriam tradenda Lugduni obsidio, veriti non sunt pastores de suggesto apud populum magistratus suos (quorum prudentia atque constantia secundum Deum eo tempore non oppido tantum sed patrię saluti fuit) incusare quod in nummis qui per argenti penuriam charta cudebantur, scripsissent pati se ista libertatis ergo, cum

vellent pastores dictum, tolerari ista Reformatæ religionis ergo, quasi non sub communi libertatis nomine etiam religionis libertas cōtineretur, aut quasi non alij quoque extra Reformatos odio inquisitionis in animos & Hispanici dominatus fortiter pro patria fecissent. Sed hæc licentia in magnum malum erumpere non poterat, quamdiu Hollandia ex Hollandia constabat. At postquam perditis Brabatiæ, & Flandriæ rebus, magna inde multitudo nostri moris ac reipublicæ non satis gnara nobis se infuderat, Princeps Vvillhelmus Arausionensis extremo vitæ proceres monuit ad eam rem intentos esse, & severe occurrere sermonibus turbidis. Eo Principe mortuo, cum Comes Licestrius qui nec leges nec ingēnia nostri populi perdidiscerat) præfecturā accepisset, omnes quibus præsentia displicebant rei faciendæ tempus sibi advenisse existimarāt. Hinc factum, ut legitimi rectores traducerentur non modo ut irreligiosi homines (quia scilicet hominum commentis quibusdam arctè nimis alligari se non patiebantur) verum etiam ut fidei incertæ, imo in Hispanum propendentes. His consequenter peregrini in terra Traiectina ad honores producti, extrusis qui ex legibus

cos honores possederant, quod exemplum quominus ad Hollandiam penetraret, magistratuum Lugduni, Amstelodami, Enchusæ atque aliorum sapiens virtus prohibuit. Hæc affectio cum ab anno CIO IO LXXXVIII dormiisset, resuscitata est his nostris calamitosis temporibus. In curribus, navigiis, per vicos & compita palam sermones habiti de mutanda reipublicæ forma eiusque rectoribus. Nec facta discrepabant. Apparuit hoc in oppido Veteribus aquis, vbi posteaquam rectores oppidi in ipsa basilica per vim oppugnati coactique fuerant id facere quod aggressoribus placebat, inde armorum metu oppidi ordo adactus est legere consules, & oppidi iudices ex arbitrio hominum regi nescientium, qui iidem privato usu custodias per oppidum disposuerunt, ac collegium instituerunt quasi alterum oppidi consilium, qualis cœtus & Lugduni fuit institutus ad regenda communia partis tam calidæ negotia. Sic & Husdæ concursu facto electio magistratuum, quæ facta erat ab oppidi præfecto vt arcis custode & à quæsitore (secundum morem per annos quadraginta servatum) rescissa est & quæsitore nova extorta electio ad arbitrium seditiosæ turbæ. Delphis Batavorum
homo

qui Hollandia præfuerunt. 177

homo privatus, ac ne habitator quidem eius oppidi, invitis consulibus ac rectoribus corpus armatorum municipum coegit. Nautæ quoque edocti sunt in aplustribus ponere Principis Mauritijs insignia cum hoc dicto: *Potius cum Araussonensi sub dio agere, quam Arminianos diutius perpeti.* Etiam in vulgus edita est notitia oppidorum & castellorum quæ Arminianis (id est Remonstrantibus) essent contraria,

Quod motu plebis facere impetus fuerat id postea persuasum est Principi per ipsum fieri debere ab his qui dicebant rectores legitimos infestos esse ipsius dignitati: cum tamen partim eidem essent qui Principi præfecturæ ius detulerant, quique ipsius labores consilio & sollicita ærarij cura sublevaverant: tum vero omnes procul abessent ab invidenda ei potestate quæ collata ipsi fuerat: quinimo paratissimi essent vicem referre meritis eius, quantum res publica pateretur, præsertim grata recordatione quod maximum benefactis pretium est. Quantopere verò hæc res legibus adversaretur ipsum Principem non latuit, qui in multis oppidis cum è consilio urbis alios amoveret, alios amotis sufficeret, consules quoque & oppidorum iudiceslegeret non suo tempore, neque è no-

minatis, testabatur facere se id *necessitatis imperio, sine detrimento iuris ac legum, atque eo animo ne res in exemplum iret*. Ipsi novi hoc modo creati proceres idem se quoque intelligere ostenderunt in decreto quorum id factum habebant, in rem suam scilicet, sed metu ne in se recideret exemplum, addebant ea mente se id facere, ut nollent per id deteriora esse iura legum ac libertatis. An tali testatione, quæ rei contraria est, auferatur iuris detrimentum, iudicent sapientes. certè cum legibus, imo omnium legum fundamento id pugnare notissimū est. Nam in ordinem oppidi qui alleguntur, eorum perpetuum esse munus, aut certè dum municipes manēt, ab omni ævo usurpatum est: ut & illud, in locum decedentium aut eligi, ut in plurimis oppidis, aut nominari numero maiore qui succedant. Cum primum hæ nationes sub Burgundicum imperium venēre, solliciti fuere proceres, ut ius hoc novis legibus confirmarēt. Notitia constitutionum oppidi Lugdunensis sic habet: *Univerſitatem oppidi Lugdunensis, ita ut antiquitus refert consilium & consessus quadraginta virum, quorum munus durat quādiu vivunt nec domicilium mutant. Deinde quadraginta viri cum quis de ipsorum numero vita excessit, domicilium mutavit, aut cetero*

Qui oppidum dereliquit in basilica congregati
maiore parte suffragiorum mortui aut digressi in
locum alium legunt de insignioribus quem intra
animum suum ei muneri aptum atque idoneum
iudicabunt. Lex quam Maria Burgundica
oppido Amstelodamo dedit anno cō cccc
lxxvi sic ait : quod si accidat quemquam ex
triginta sex viris mori, aut municipatu exui cate-
ri eiusdem confessus superstites, ita ut officij ac iu-
risjurandi religio suadebit, alios sufficient viros
insignes ac probos, quæ verba repetuntur in
lege quam Carolus Imperator ipsis dedit
anno cō 10 xxv. Sic & in Schonhoviz
archivis lex est quam rex Philippus anno
cō 10 l confirmavit ita habens. Si quando
ex viginti septem viris quisquam vita abeat, aut
ius municipatus amittat, qui de eo numero super-
sunt alij, aut pars eorum maior, unum aut tot
quot deficient novos eligent bonos, idoneos, insi-
gnes. Cæteris oppidis pares sunt leges. Iam
vero consulum & iudicum oppidanorum
munus præfinitum ad tempus durare, cer-
to quoque tempore faciendam surroga-
tionem, tum vero ius eligendi, aut nomi-
nandi penes oppidi ordinem esse aut pe-
nes eos quos leges eius rei compotes fa-
ciunt, aliter vero electionem ne a Princi-
pibus quidem fieri legitime posse norunt
Hollandi omnes. Documenta passim in

basilicis asservantur, quorum quædam exempli gratia recitabimus. Lex quam Philippus Burgundus oppido Lugduno dedit anno c10 cccc xxxiv de consulum electione sic loquitur: *Quotannis pervigilio Martini quesitor, iudices & ordo oppidi Lugduni, qui tum erunt, eligunt quatuor consules ut leges antiqua ipsis concessa imperant. Et cum eius negotij ergo in basilicam convenient quesitor, iudices, & oppidi ordo, qui tum erit quesitor, compellato ac moneto ipsos iudices, oppidiq; decuriones, ut memores iurisiurandi quod nobis atque oppido præstiterunt integra animi religione eligant consules quatuor viros probos bonosque nobis & oppidana rei utiles. Et cui maiore suffragiorum parte obtigerit consulem creari, huic quesitor oppidi præsto verba sacramenti, servaturū se nostra atque oppidi iura & bona oppidi dispensaturū ita ut usus exiget. Constitutionum notitia de iudicibus legendis sic ait: Quadraginta viri quotannis xxiii Iulij, id est pridie pervigilium Iacobi, maiore suffragiorum numero in basilica eligunt viros sedecim, ex quibus iuxta oppidi leges & morem hucusque observatum octo iudices creantur. In lege anni c10 cccc lxxiv quam Amstelodamēsis datam iam diximus, ita Princeps Maria loquitur: Ab hoc die in perpetuum triginta sex viri, quos iam maioris minorisque*

qui *Hollandia* præfuerunt. 181

census *municipes oppidi Amstelodami* legerunt, ius habento eligendi concorditer, aut maiore suffragiorum parte, idque ex fide iurisiurandi quod eam in rem palam *questitori oppidi*, aut si is ab erit maximo natu consuli præstabunt, quotannis quinto die ante diem lustricum sacri puerperij, viros XIV ex opulentissimis, probissimis, nobilissimis & æquissimis *municipibus oppidi Amstelodami*, nemine per odium invidentiam aliamve similem ob causam excluso: quos deinde quotannis transmittendos habebūt nobis, nostrisve successoribus, aut *Vicario & confessori iudicum Hollandia*, ut ex eis nos nostrive successores aut vicarius cum dicto confesso eligant septem viros per eum annum ius dicturos, qui ipso die lustrico intra oppidum nostrum solemniter instituantur & iurent quomodo leges veteres, & mos exigit. Dicta lex quam *Maximilianus & Maria* oppido *Roterodamo* dederunt, sic loquitur: *Quadraginta viri in posterum biduo ante diem kalendas Maij eligunto per fabas albas & nigras aut alio sortitionis genere quod optimū iudicabunt, septem homines sui cōfessus*: (is numerus legibus posterioribus in quinarium mutatus est). *Septem verò illi quos sors dixerit statim surgunto, & digitis ad calum erectis sancte iuranto verbis ijs quæ consulum maior, aut si is absit minor, aut si neuter adsit iudicum maximus, cōcipient, neque gratia, neque offensa, neque*

odio, neque invidētia, neque ulla re alia abstinentes se, quin sine mora neque cibo, neque potu, neque colloquio cuiusquam interposito, octodecim viros idque maiori suffragiorum parte eligant, sic tamen ut alius alium non eligant, sed alios extra numerum suum ex insignibus maxime probis ac placidis oppidi eius municipibus, quibus ætatis & cēsus satis sit, ex præscripto legum veterum, tam ex toto municipum corpore quam ex confesso XL virum, nemine excluso, quos ipsi quinque pro religione sua ac iurisiurandi fide honestissimos & aptissimos indicabunt ut per eum annum fungantur publico munere. Eorum vero octodecim nomina septem illi statim nobis, aut si nos abesse contingat Vicario nostro & confessori iudicum Hollandiæ perscripta transmittant per eum quem de suo numero ad id negotium delegabunt: unde nos aut Vicarius cum confesso eligemus duos consules, iudices vero oppidi septem quos nos aut Vicarius cum confesso idoneos iudicabimus gubernando oppido Rotterodamo in annum unum nec ultra: quibus succedatur Kalendis Maij ut leges antiqua iubent: hac tamen lege, ut consules eligi fas non sit nisi ex ipsis quadraginta viris: Nos vero aut Vicarius noster cum confesso iudicum Hollandiæ eorum qui electi erant continuo aut certe intra Kalendas Maij nomina perscripta per eum qui ex oppido delegatus venerit, Rotterodamum remitemus, ut Kalendis Maij ma-

qui Hollandia præfuerunt. 183

gistratum incant, & solemnè iureiurando adigantur, ut vetera iura & leges exigunt: Quod si evenierit à nobis, aut Vicario cum confesso iudicum Hollandia post transmissa nomina octodecim virorum non eligi intra diem quartum consules duos & iudices oppidanos septem, ita ut dictum est: tum duo primo loco nominati consules & septem primo loco nominati in eum annum oppidi iudices sunt: atque ij à questore maiore aut si is absit à questore minore, aut uterque si absit à maximo ex consule iureiurando adigentur ex more & legibus oppidi antiquis. Lex autem Schonhovix supra allegata hac de re sic præcipit: Qui viginti septem viri, postea quotannis quarto Novembris die concordibus suffragijs aut eorum parte maiore eligent quatuor viros probos insignes & idoneos, ut ex eis constituentur consules duo: & quatuordecim viros bonos & equos, ut ex eis constituentur septem iudices oppidani: ac quatuor & quatuordecim sic electorū nomina nobis mittent, aut successoribus nostris Comitibus Hollandia maribus feminisve, si nos intra Hollandiam esse contingat: alioqui mittent eos Vicario & confesso iudicum Hollandia. Ex quibus tum quatuor, tum quatuordecim aut nos aut Vicarias cum confesso tegebimur constituere ex illis Consules duos, ex his iudices oppidanos septem atque eorum nomina per scripta mittere ad eum qui tum futurus est

*oppidi Schanboriae quasior octavo die mensis
 Novembris ut pervigilia Martini in possessionem
 honoris inducantur, nostraque vice oppi-
 dum, & oppidires regant, & cuilibet ius æquum
 dicant secundum leges & mores oppidi. Simi-
 les leges sunt penes alia Hollandiæ &
 Vestfrisiæ oppida: quas quia non omnes
 habemus ad manum, sufficiet earum in lo-
 cum inferere hic ipsa procerum verba in
 edicto quod ipsorum nomine ac mandatu
 Franciscus Fræco tunc magistratuum Gou-
 dæ adfessor, iudex postea factus in confes-
 su superiore, composuit, quodque anno
 c10 10 LXXXVII editum est ab ipsis proce-
 ribus, ut populus fundamenta reipublicæ
 (quæ iam tum quassari cœpta feliciter id
 temporis conservata sunt) quæ essent, in-
 telligeret, *Oppida* (inquiunt ibi proceres)
*ferme eundem in modum gubernantur ab ordine
 qui cōpositus est ex ipso flore municipum: Hi ali-
 bi numeri sunt XXXVI, alibi XXXII, XXVIII
 aut XX: atque ei cæteris parem cum oppidis anti-
 quitatem obtinent, aut certe talem quæ omnem
 memoriam longe excedat. Semel electi honorem
 retinent quamdiu vitam ac municipatum. In
 eorum qui mortem oppotunt, aut municipatum
 deserunt, locum sufficiuntur alij ex municipum
 corpore arbitrato ordinis ipsius. Deinde: Ab
 his cæteribus eliguntur quotannis ordinarij ma-**

qui *Hollandia præfuerunt.* 125

gistratus, quatuor scilicet tres aut duo consules, & septem pluresve indices oppidani, quibus ha-
nos annatis. Sed nonnullis in oppidis plene hæc
electio peragitur, alibi maioris numeri nomina-
tione, ex quibus vicarius eligit quos visum est
ad iustum usque numerum. Quibus sanum
est iudicium facile intelligent in perpe-
ritate honoris eorum qui ceterum ordinis
participant, consistere regiminis firmita-
tem, quia permanet corpus imbutum re-
rum succedentium notitia, ex quo corpo-
re omnia decreta omnesque potestates
super communibus patriæ aut propriis op-
pidi negotiis emanant: Tum vero in eo
quod Consules nominandi aut eligendi
sunt ab ipso ordine aut illis quos leges in-
dicat, situm esse præsidium libertatis, quo
perrupto tota respublica nihil sit futura
nisi theatrum in quo gratia aulæ, quæ sæ-
pe est apud peregrinos, cuique quam volet
personam sit impositura. Huic rei provi-
sium rectè est in formula iurisiurandi quod
præstat Hollandiæ præfectus, inter cæte-
ra id continens, ipsum nobilitati maioris mi-
næque & rectoribus oppidorum Hollandiæ ac
Frisiæ, ut qui nationis audientes referant, si-
dum & obsequentem fore. Sed & mandata ad
eandem præfecturam pertinentia impe-
rant: Ut præfectus aut per se, aut cum principe

*confessus & ceteris indicibus. Hollandia Ze-
landia & Frisia quotannis renovet consules, iu-
dices, magistratus aliosque honoratos ita ut
oportet atque antiquitas secundum leges & mo-
res communes, ac proprios oppidi cuiusque facti-
tatum est: eosque honores conferat in bonos fi-
dosque cives patriæ amantes, & ad eam rem ma-
xime idoneos. Tenentur verò mēbra Hol-
landiæ ex primitivo federe, alia aliis pro
virili opem, auxilium ferre, consilio ac rei-
psa, pariterque tueri iura ac libertatem
publicam. Ex edicto eiurati principatus
& usu perpetuo nullum ius est Federatis
proceribus in civili regimen cuiusque na-
tionis; imo verò tenentur ipsi ex Traiecti-
no federe tum nationibus, tum oppidis in
suis legibus constitutionibus suaque li-
bertate non modo nihil damni aut noxæ
dare, sed eis quantum possunt maximè;
etiam vitæ & rerum (si opus sit) periculo,
opitulari ad tutelam iuris quod ipsis com-
petit. Vnde ergo potestas proficisci potuit
tam directè agendi adversum leges? Peri-
culosissimis belli temporibus proceres
Vvilhelmo Principi concesserant, Si ne-
cessitas aut publica securitas poscerent demove-
ri, aut mutari extra ordinē magistratus, aut ho-
noratos oppidorum, ipsi ei facere ius ut esset re-
bus bene, expensis, ac de consensu maioris par-*

qui Hollandia prefuerunt. 187

is eorum qui ordinem constituerent, & oppidi universitatem referrent. Ecce erat ibi potestas illa non solum necessitati summæ sed & consensui maioris partis consilij publici adstricta; neque tamen Princeps (quâ valde suspectis temporibus) vnquam vti extraordinario hoc iure voluit. At cum anno c10 10 LXXXIV cum eodem Principe ageretur de deferendo ipsi Comitatu Hollandiæ, in pactis tum conceptis ea potestas repetita non est: sed obligatus Princeps servare & curare, vt servarentur leges, atq; libertas tum nationis tum oppidorû. Nationem Traiectinam quod attinet mandata eius præfecturæ vltimæ expresse hoc continent: Magistratus urbis atque oppidorû Princeps Maurissius, si in urbe erit, constituet ex consilio atque consensu procerum universorum: aut eorum qui ad urbem erunt; quibusve ipsi id negotij dabunt, idque ex veteribus magistratibus & alijs quadraginta quas ipsi magistratus supra fuit numerum nominabunt ac Principi præsent perscriptos: quod si absit Princeps aut aliqua de causa ei non vacet intra urbem electionem magistratuum intendere, eidem præterea, aut qui ab ipsis eam ad rem specialiter delegaverint, ex duplo nominatorum numero eligent viros quadraginta qui consules, iudices, quæstores & decuriones si. t. in annum ineuntem.

Quæ vero tandem causa tantæ nunc immutationis adferri potest? Num crimen aliquod cõmiserant veteres rectores? Cur igitur iudicium in ipsos peractum non est? id vero tantum abest, ut decreto quo confirmatur hæc destitutio dictum sit *demotis magistratibus honorem atque existimationem illibata servari*. Necessitas obtonditur. At quid erat quæso quod metui posset ab eis qui patriæ atque oppidis tanto tempore fidem suam probaverant, partim ipsi obsidiones oppidorum Harlemi, Lugduni, Alcmariæ toleraverant? De novo milite calebant querele, quo de agemus postea. at is certe, hæc cum fierent, dimissus iam erat. Tum vero Amstelodami ea querela locum habere non poterat, ubi illi ipsi militem oppidanum auxerāt qui collegas suos honoribus pepulerunt, in quibus pulsus nonnulli erant tantæ probitatis ac fidei quantam unquam tulit Hollandia. Quæ ergo illa necessitas? An illud dicent veteres magistratus non satis promptos futuros fuisse, ut Dordrechtanæ Synodi decretis & consequentibus edictis vim suam commodarent? Sed ad hanc necessitatem nulla necessitas duxerat, cum ut mutuo ferrent se pastores, potuerit fieri, utile insuper & æquum fuerit. Hoc quoque multis mirum

qui Hollandiæ præfuerunt. 189

& exempli gravis visum est, quod post generalem illam mutationem alia quoque nonnullis in locis extra ordinem factæ sunt, quodque nuper adeo lecti sunt magistratus extra eos qui ad eam rem erant nominati, cum legum manifestissimo contemptu.

Conqueritur nobilitas quod in Hollandia, vbi ab initio belli ad vltima vsque tempora nobiles ad conventum venire non solebant nisi à cœtu nobilium vocati, nunc post res novatas nonnulli aperte defendere cœperunt, *natalium iure sibi in conventum veniendi libertatem esse, neque se ullo colore inde posse arceri*: cùm contra in Geldria & Trajectina natione, vbi nobiles venire ad conventum solebant proprio suo ac gentilitio jure, multi primariarum domuum inde amoti sint, substitutique alij, cum tamen mandata præfecturæ Trajectinæ diserte verent, *alios nobiles ad conventum vocari quam qui intra annum proximum* (is erat annus C1C1D XC) *vocati fuerant, sine speciali adsensu procerum ac nominatim nobilium qui tum vocari solebant.* Sed & illud incusant multi quod in Hollandiæ conventum introducti sunt extra Hollandiæ fines geniti, cum olim Mariæ Burgundiæ temporibus proceres Hollandiæ Co-

mitem Nassavium, qui Leccæ & Polanæ toparcha erat, in conventum admittere recusaverint, quod ipsi locus natalium obstaret. Neque minus illud multos offendit, quod tot quæsitores, tot scribæ, tot alij quorum fides ac probitas longo tempore explorata est, non iudicio, non vlla probabili ex causa, sed sola imperii potestate tum in Hollandia tum alibi loco moti sunt, atque inter eos nonnulli quibus munus mandatum erat à toparchis, quos toparchas nemo antehac prohibuit vti quorum vellent opera, nisi per iudicii modum aliqui aut munere deijcerentur aut interdicerentur muneris functione.

Sane hac nova neque audita hætenus agendi ratione pasci potuit multorum aviditas honoribus inhiantium: simulque talium inventoribus propositum stipare se clientelis, quomodo Romanorum aliqui securitatem suam quæsiwere militibus in aliena prædia deductis. Verum hæc eadem domi forisque sinistris rumoribus differri, ac proinde non famæ tantum, sed & saluti ac tranquillitati reipublicæ periculosa esse, non est quod multis demonstramus. Sed & alia quæ super hac re prudentibus in mentem venire possunt consulto

qui Hollandia præfuerunt. 191

nunc reticebuntur. Tantum omittere non possum quin adferam ipsa procerum Federatorum verba in epistola qua in Angliam missa quarto die Februarii anno CIO IO LXXXVII de iis quæ tum in republica gerebantur querelas exponunt. *Mul- ti, inquit, nimirum pietatis, tum indigenæ, tum exteri contra leges & æquum provec- ti ad hono- res dignitatem ac gratiam per omnes nationes multa legibus & libertati contraria moliti sunt adversum cives, spretis & in suspicionem ad- ductis nationum atque oppidorum rectoribus. Quin & hoc perfecerunt, ut potestas atque aucta- ritas illis decederet, quibus ex jure debebatur, intrasis de plebe aliis qui neutiquam muneribus sustinendis essent idonei: qui ausi sunt & reos facere defensores juris, libertatis, ac legum, atque eos quorum pro patria salute ac pace indefessum erat studium.*

CAPVT X.

De oppidorum custodiis.

ET sunt adhuc qui clamitant, quor- sum oppidorum custodiæ? id ne vero interrogari? Omni tempore oppidis sui fuere conducti custodes, modo majore,

modo minore numero, quos hoc tempore auxerūt, ex peculiari decreto procerum Hollandiæ facto frequente conuentu, nimirum quia & necessitas auxerat: primum vt templa publica defenderentur contra vim priuatam, ne vbique fieret quod Hagæ factum fuerat, & quantum conjecturis erat assequi alibi transire, non poterat sine tumultu graui, & cædis periculo: deinde vt tuti essent oppidani aduersus expilationem talem ex odio religionis qualis Amstelodami fuerat conspecta: præterea vt legum seruarietur sanctitas aduersus magistratuum vitio creationem, qualis Veteribus aquis contigerat: Nam hæc exempla simulque sermonum & libellorum vulgi animos turbantium summa impunitas iusto metui causam dederat.

Obijcitur occurri his malis potuisse per militem ordinarium. Sane & militis ordinarij fuisse officium in rebus eiusmodi parere decretis procerum in quaque natione, ac magistratus tutari verum est, & infra argumētis certis probabitur. Sed primum multis in oppidis, vt Harlemi, Lugduni, Hornæ nullus erat ordinarius miles. Tum vero Princeps, citius quanta sit apud milites reuerentia nemo nescit, concitatus in Hollandiæ Proceres ab hominibus privata sua

ta sua commoda spectantibus, aperte iam dicere cœperat, nolle se agere quicquam adversus eos qui Reformatæ essent religionis, quo nomine tum publice tum privatim solos appellabat Contraremōstrantes exclusis Remonstrantibus: quod & re ipsa confirmabat, cum se ipse subiluceret Ecclesiasticis cœtibus quos tanto iam tempore post exortas controversias frequentaverat, seque adiungeret gregi templi claustralis. Quo vero vsque id procederet, quod negabat Princeps acturum se quicquam contra eos qui religionis essent Reformatæ, apparuit ex re nata Veteribus aquis. Nam quantumcunque laboratum est, ut post multa ibi licenter acta una adhuc militum centuria in oppidum induceretur (quando quæ iam in oppido erat sufficere ad vim arcendam non videretur quoniam ea inspectante tanta insolentia & quidem diu regnaverat). Princeps tamen & alij nonnulli eo perduci nequiverunt. Sed & alij centuriones alijs in locis agitantes præsidium dixerunt aut voce aut scripto mandata se accepisse à Principe (inconscijs sane curatoribus reipublicæ Hollandiæ quibus iuxta Principem inspectio in militem data est) ne magistratibus parerent in negotijs ex religione or-

tum ducentibus. Federati vero proceres, qui ex federe tenebantur procerum Hollandiæ, & magistratuum oppidanorum imperium tueri, hæc cum geri conspicerent, sermones seditiosos audirent, libellos eius argumenti legerent ipsi, tantum abest ut ultro socijs opem amicam obtulerint, mense Septembri anni cio 13 cxvii cum iam Veteribusque multisque alijs in locis plurima per vim ac seditionem acta essent, rogati serio & ab Hollandiæ Vvestfrisiæque, & à Traiectinæ legatis, ut animum suum expromerent de tuenda potestate procerum per eas nationes, nobiliumque & oppidanorum magistratuum contra motus vulgi, ut id facerent permoveri non potuerunt impediens legatis quibusdam nationum, qui extra ordinem missi aducnerant. Mense Novembri iterum non Hollandiæ tantum, & Traiectinæ, sed & Transisalanz nomine institutum est, saltem ut edicta relegerentur ac renovarentur coercendis adversus rempublicam rectoresque sermonibus: sed conatu irritum: quæ res ostendunt manifeste causas fuisse cur illæ quas diximus custodiæ conscriberentur. Comprobavit easdem suo testimonio exitus. nam simulatque oppida Hollandiæ (non sine pro-

qui Hollandia præfuerunt. 195

missopost id factum cuncta in tranquillo
fore) custodias illas dimiserant, secuta est
contra leges magistratuum mutatio. Sic
& in apologo lupi ovibus dicebant canes
discordiæ causam esse, quibus a legatis pa-
cem fore.

Ad ius ut veniam, cum natio unaquæ-
que, ut ostensum supra est, antiquitus ius
summum habuerit imperij, in quo & ar-
morum ius comprehenditur, neque vero
per fedus id ius ademptum ipsis sit, sequitur
adhuc singulis id ius manere. Prohibet
quidem Fedus bellum suscipi nisi de com-
muni consilio: sed longe est aliud bellum
suscipere, aliud sese adversum vulgi mo-
tus tueri. Quanquam enim tenentur socij
socijs ad eam rem opem ferre, nemo ta-
men ea re impeditur sibi suæque securita-
ti prospicere, quod & alijs in locis eos qui
communi federe devinciuntur, facere vi-
demus quoties ita res postulat. Cum verò
tum causæ, tum ius ipsum huius negotij
perspicue admodum declarata sint in de-
creto quod mense Septembri anni cior.
cxvii. proceres Trajectini fecere, cum
Federatis essent moniti, ut custodias pari-
bus cum Hollandia causis conscriptas dis-
solverent & ad Federatos transfirere;
pretium erit operæ ut ipsum huic loco mife-
rere.

Traiectina nationis procures, visis & expensis cum cura qua in cōventu suo die Veneris proxime actō à nobilibus claris atque eruditis viris Arnaldo Rantviceno Bemmelio, Cornelio Nicolaida Drilano Consulari Rotterodamensi, Marco Liclema Niholdio Iurisconsulto Quasitore partis Orientalis Stellincuervi, Georgio Apinario Toparcha, Albransuaria, illis senasoribus in senatu federis, hoc vero ararij communis curatore, mandatu procerum Federatorum, Principis Maurisij, & senatus dicta fuero, ac die Saturni sequente perscripta ac tradita: primum testantur gratissima sibi esse magnoque in pretio haberi qua nomine conventus Federatorum, Principis ac Senatus sibi offeruntur. Grates quoque se agere maximas pro officijs qua eidem Federati procures Princeps ac Senatus anno CXCIX ex fecerunt ad restituendam rempublicam Traiectinam, cum spe ac fiducia si qua similis ingruit necessitas. (quam Deus à natione atque urbe clementer avertat) eosdem ijdem officijs non abstuturos. Sed & se vicissim paratos esse quoties res tulerit socijs per vim periclitantibus praeferre, & contra invasores commodare quicquid sua esset opis. Sed cum res eiusmodi multis soleant difficultatibus implicari, ac tempore opus sit ad auxilia decernenda, & paranda qua in eam rem sunt usus: neque vero fieri non possit, ut incommoda interveniant qua effectum impendant:

qui Hollandiæ præfuerunt. 197

sicuti in hac terra visum est, quo tempore turba ac factiones à Comite Licesurio alebantur, interven-
tu proditiōis qua oppidum Darentria, & castel-
lum ad Zutphaniam hosti tradita sunt, restitu-
tionem reipublica per biennium retardatam, quo
demum exacto oppressi atque ejecti proceres Tra-
jectini post multas miseras damna & clades
tum publicas tum privatas quas alij & ipsi per-
senferant, Deo aspirante & juvantibus socijs
atque amicis rem effectam dedere: Rursum anno
CIC IC CX, quanquam multum opera insum-
tum est, tamen in quartum mensem res exijt an-
tequam destituerentur vitio creati magistratus,
& restituerentur quibus leges cum honorem ad-
indicabant: Imo nato interea bello Brandenbur-
gico res in periculum & incertum adducta fue-
rat, an effici posset: Tum vero prava molitiones
sepe per insidias repentinas procedunt, ut appa-
ruit in scelerato consilio cadis destinatum per-
vigilium Nicolai mense Decembri dicto anno
CIC IC CX: Adde iam quod motus tales non ita
sanantur, quin post se relinquunt studia partium
qua in hac natione ne nunc quidem intermortua
sunt: Has ob causas proceribus Trajectinis vi-
sum in tempore occurrere, ac prospicere saluti ac
tranquillitati publica suae adversus vim atque
licentiam eiusmodi pravorum hominum, qui nec
quiescere ipsi possunt, nec alios pati. Quod ge-
nus barbarum summo suo cum dolore pridem vi-

Traiectina nationis procures, visis & expensis cum cura qua in cōventu suo die Veneris proxime actō à nobilibus claris atque eruditis viris Arnoldo Rantviceno Bemmelio, Cornelio Nicolaida Drilano Consulari Rotterodamensi, Marco Liclema Niholdio Iurisconsulto Quasitore partis Orientalis Stellincuervi, Georgio Apinario Toparcha, Albransuaria, illis senatoribus in senatu federis, hoc vero erarij communis curatore, mandatu procerum Federatorum, Principis Maurisij, & senatus dicta fuere, ac die Saturni sequente perscripta ac tradita: primum testantur gratissima sibi esse magnoque in pretio haberi qua nomine conventus Federatorum, Principis ac Senatus sibi offeruntur. Grates quoque se agere maximas pro officijs que eidem Federati procures Princeps ac Senatus anno C1010 ex fecerunt ad restituendam rempublicam Traiectinam, cum spe ac fiducia si qua similis ingruit necessitas. (quam Deus à natione atque urbe clementer avertat) eosdem ijsdem officijs non abstinturos. Sed & se vicissim paratos esse quoties res tulerit socijs per vim periclitantibus praeferre, & contra invasores commodare quicquid suae esset opis. Sed cum res eiusmodi multis soleant difficultatibus implicari, ac tempore opus sit ad auxilia decernenda, & paranda que in eam rem sunt usus: neque vero fieri non possit, ut incommoda interveniant qua effectum impendant:

qui Hollandiæ præfuerunt. 197

scuti in hac terra visum est, quo tempore turba ac factiones à Comite Lincestrio alebantur, interventu proditiōis qua oppidum Darentia, & castellum ad Zutphaniam hosti tradita sunt, restitutionem rei publicæ per biennium retardatam, quod demum exacto oppressi atque ejecti proceres Trajectini post multas miseras damna & clades tum publicas tum privatas quas alij & ipsi persenserant, Deo aspirante & juvantibus socijs atque amicis rem effectam dedere: Rursum anno CIO IO CX, quanquam multum operæ insumtum est, tamen in quartum mensem res exijt antequam destituerentur vitio creati magistratus, & restituerentur quibus leges cum honorem adindicabant: Imo nato interea bello Brandenburgico res in periculum & incertum adducta fuerat, an effici posset: Tum vero prava molitiones sæpe per insidias repentinas procedunt, ut apparuit in scelerato consilio cadis destinatæ in pervigilium Nicolai mense Decembri dicto anno CIO IO CX: Adde iam quod motus tales non ita sanantur, quin post se relinquunt studia partium quæ in hac natione ne nunc quidem intermortuæ sunt: Has ob causas proceribus Trajectinis visum in tempore occurrere, ac prospicere saluti ac tranquillitati publicæ suæ aduersus vim atque licentiam eiusmodi pravorum hominum, qui nequiescere ipsi possunt, nec alios pati. Quod genus barbarum summo suo cum dolore pridem vi-

derunt, ac nunc etiam vident ali atque augeri in oppidis & locis sociorum atque amicorum suorum, at verò per pœnas iustas aut alio modo medicinam ei malo adferri id verò non vident.

Quæ sola ratio præter alias in epistola scripta quinto huius mensis die comprehensus satis fuit, cur maluerint ipsi uti iure imperij quod intra suos fines sibi competit, ac legitimis modis incendium ac ruinam talem prævenire, quam resuscitata atque adulta peste socios (qui quod dolendum est singuli satis domi habent quod agant carentique) denuo ad opem ac remedia sollicitare, & ad labores sumtusque huius nationis ergo sustinendos impellere. Ius quippe illud imperij post abdicatum Regis Hispania principatum semper à se servatum usurpatumque. Cumque pactiones omnes leges atque mandata ab ipsis quoque Federatis proceribus ad eam normam composita sint, neque vero ulla nationum, quantum ipsi credunt, ea de re consultata de iure illo imperij quicquam sit decessura, certum habent proceres Traiectinî nemini fas esse quicquam adversum id ius attentare: ac nominatim adversus hanc conscriptionem custodia ad rempublicam & eius tranquillitatem tuendam, quod unum illa respicit citra noxam aut fraudem cuiusquam. Id vero facere proceribus nationis cuiusque quoties id ex usu iudicât liberum est semperque fuit. Fecerunt id antehac nationum pro-

ceres & nunc quoque faciunt suo arbitratu: neque *Federati* proceres nationum proceribus ea in re unquam impedimento fuere. quin ex capite primo *federis* (cui fundamento ipsorum conventus innititur) tenentur ipsi nationum singulorum proceribus oppidis atque membris adesse ope consilio, vitam quoque & fortunas impendere, ut mores ac iura ipsorum pertinentia ad vim summam imperij, cuius pars praecipua est securitatis publica tutela, defendant atque protegant. Proinde impedimentum adversus hanc rem, pugnaturum omnino esset cum illa iurata pactione. Quod ut faciant legati nationum ad conventum *federis* nullam accipere potuerunt legitimam potestatem, cum relatione ad nationes singulas facta aut perscriptis consultandi capitibus ea de re deliberatum nunquam sit. Et si ea de re deliberare placeat, quod tamen omnino inconsultum & utilitati publica adversum ab harum rerum gnaris indicabitur, in conventibus nationum singularum, ad quarum consultationem res tanti momenti pertinent, perspicue demonstraretur à socijs citra controuersiam spectare hoc ad evertendam nationis cuiusque potestatem, libertatem, & pacem internam, ac proinde ad commune exitium. Princeps *Mauritius*, ut qui praefectus est *Trajectina*, tali impedimento quale diximus assentiri nec velle putandus est, nec iure posse, quandoquidem fide data voce ac

manu promissis ex præscripto mandatorum quæ ipsi data sunt, legibus ac decretis, tam super religionem quam super rebus alijs, quæ iam factæ essent, aut posthac fierent à Trajectinæ proceribus, se vim daturam & ut de iure effecturum: insubus quoque & imperatis eorum pariturum, facturumque ut pareatur. Neque magis Senatus consentienter potestatis suæ mandatis assentiri tali negotio posset, cum eorum mandatorum peculiari capite caueatur: neque procures Federatos, neque singularem nationum procures institutione eius Senatus abdicasse imperium, sed sibi excepisse in rebus omnibus quæ mandatorum ambitu diserte non includerentur: imo & saluum sibi esse voluisse ius, quoties suæ nationis oppidorum membrorumque res id exigercnt, eadem illa exequi quæ senatui mandabantur. Iam vero illud manifestissimum est, res urbis, oppidorum, terræq; Trajectinæ nulli quam ipsorum proceribus esse notiora, neque ab alijs certius posse dijudicari: satis quoque sollicitos esse ipsos ut se eximant oneribus non plane necessarijs. Sed quia modo sermonibus ac libellis multa in ipsorum regimen spargi audiebantur, modo ias ipsorum ac potestas alijs transcribebantur, tum vero nec deerant qui dicerent ac scriberent, utcumque ipsi suæ securitati consultum putarent brevi longe alium futurum rebus habitum, præter alias majoris etiam momenti rationes, hæc omnia in cau-

qui Hollandia praefuerunt. 201
sa fuerant cur custodia decernerentur, & rite
conscriberentur. Neque vero existimant ipsi cau-
sas ullas esse iustas, cur ordinarius miles in urbe
praesidium agitando agere id ferat, ut qui ipse ex
sacramenti lege teneatur, quamodum in urbe aut
oppidis aut agro Traiectino agit, proceribus Tra-
iectinis, & eorum imperatis obsequi. Mirum ve-
ro quod nunc adversus Traiectinos magis in cri-
men vocetur sacramenti diversitas, quam adver-
sum alios apud quos ipse ordinarius miles qui in
communes Federatorum rationes venit, manda-
tis peculiaribus ac sacramento peculiari adstrin-
gitur. Neque vero hoc modo perturbabuntur ra-
tiones onerum bellicorum, cum mens sit proce-
rum Traiectinorum, supra has custodias, ad
alendum militem communem quae promissa sunt
tributa non minus quam cetera nationes inferre.
Quare confidunt Traiectini proceres, neque pri-
mores Federatos, neque Principem Mauritiū,
neque Senatum quicquam agere velle quod Tra-
iectinorum iuri, imperio ac libertati detrimen-
tum adferat: sed potius paratos eosdem Traie-
ctinis opem ferre quam Federis pacto exigat.
Rursum certo sese illud affirmare proceribus Fe-
deratis, Principi ac Senatui, à proceribus Traie-
ctinis nihil ipsis expectandum, nisi quod ab opti-
mis socijs optari ac desiderari posset: prout ab
initio ostensum ab ipsis sit, & in qua fide decre-
tum sit ipsis perpetuo persistere, procul à propo-
-

to quicquam agendi quo ius alterius violetur aut deterius fiat. Rogari vero legatos ut hac omnia proceribus Federatis Principi ac senatui benigne renuntient, & cum amica salute proceres Traiectinos ipsorum amicitia commendent. Actum Traiecti xvij Septēbris anni CIO IO CXVII. Subscriptum: iussu procerum Æg. Ledenbergius.

Caput illud è mandatis Senatui præscriptis cuius in hoc decreto mētio est, sic habet: Præterea ad servandum ius Belgicogermanicarum nationum univēsarum ac singularum declarant Federati procēres se hac Senatus institutione nolle abdicatum ius quo possint aut ipsi univērsi aut seorsim nationis cuiusque primores quantum ad se attinet, ubi necessitas aut usus exegerit, imperare bono publico ijs de rebus qua Senatus potestati permittuntur, & imperata ad effectum perducere, regendo negotia bellica qua terra, qua mari quæque inde pendent, censum agendo, disciplinam militarem conservando, puniendo delicta, alijsque modis. Declarant insuper res omnes ad civile regimen aut iudicia nationum oppidorumque pertinentes neque diserte Senatui attributas manere debere penes Federatos proceres, primores cuiusque nationis, magistratus oppidorum, & alios rectores legitimos intra suæ iurisdictionis fines. Notandum vero est hæc mandata consulto ita concepta esse vitando certamini quod Licestricæ

præfecturæ temporibus inter Senatum nationesque inciderat. Si ergo nationes singulæ aliquam etiam rerum belli curam sibi receperunt, quis color efficiet, ut credamus abdicatum ab ijs ius se tuendi aduersum seditiones vimque aliam? Ipsi Federati proceres, Princeps & Senatus illo ipso anno cix cxxvii idem quod nos censuerunt. Nam in responso Federatorum ad illud quod recitavimus decretum Traiectinum, quod quidem responsum à Principe & Senatu præformatum erat, nationibus singulis de eo iure nulla movetur controversia. *Urgetis præcipue* (aiunt Federati ad Traiectinos) *summum imperium quod vobis intra fines vestros competat: eoque multum differitis de iure ac potestate Federatorum, Principis ac Senatus. Rogatos vos volumus expendere non id quari: quemadmodum neque legati nostri mandatum habuerunt hac de re disputandi, ut nec fecisse eos confidimus. Hoc ergo unum queritur, an quod licet* (en verba satis expressa) *id recte & utiliter fieri semper possit.* Deinde in fine huius responsi orantur Traiectini novas custodias dimittere: *incolumi tamen iure suo & sine ulla eius fraude aut detrimento.* Qui eo tempore in conventu Federatorum fuere (mihi tum inter cæteros honos obtigit in eo cætu pro Hollandia loquendi) me-

minisse possunt inter legatos nationum ex occasione sermonum quorundam differi cœpisse an contra fedus esset quod nationis cuiusque proceres securitati suæ etiam armis prospicerent, & ab omnibus iudicatum non esse, dum non eo minus promitterentur, ac persolveretur tributa ad communem nationū tutelam necessaria. Iam vero & Hollandiæ, & Traiectinæ proceres, tum in promittendis, quæ Princeps, & Senatus postulabant, tum in eisdem præstandis officio suo functi erant præter cæteros, & in utroque de aliis perpetuo erant conquesti. Tum vero legati nationum, & ij qui in conventum Hollandiæ venerant, similiter possunt meminisse, quod cum Hollandi ex suo conventu magno numero mense Iunio anni MD CXVIII in conventum Federatorum venissent, Hollandorum omnium ea erat sententia, nullum Federatis proceribus ius esse impediendi quominus Hollandiæ proceres, & eius nationis partes securitati suæ prospiceret quomodo necessarium iudicarent. Erat quidem inter Hollandiæ partes aliquid controversiæ super tolerandis sumtibus custodiarum: sed ea controversia facile transactione aut compromisso finiri poterat, neque vero ad iuris pertinebat quæ-

tionem quæ hoc loco à nobis tractatur.

Quod vero dicitur laboratum, ut custodiæ istæ sumtibus Federatorum haberentur, falsum omnino est. Anno quidem c1013 cxvi inter Hollandos consultatum fuit de milite subsidario conducendo: sed tum spes erat id ipsum cæteris nationibus placitum, ac proinde dilectum illum, ut sæpe olim, fieri posse communiter concordii decreto atque impensa. At vero cum postea conscriptæ essent custodiæ peculiari Hollandiæ ac Traiectinæ decreto, nunquam tentatum fuit eas ascribere oneribus Federatorum: quin contra proceres vtriusque iam dictæ nationis testati sunt, suo dilectu nolle se augere Federis impendia, sed non eo minus se iuxta nationes cæteras implere. velle quod ad sustinenda belli onera condixissent: quemadmodum videre est in recitato iam responso Traiectinorum: & ab Hollandiæ legatis sæpe aliarum nationum legatis significatum est.

Quod nonnulli absurdum existimant iisdem in locis milites esse diversi, sacramenti, & diversis imperijs parætes ex ignorantia moris ac reipublicæ nostræ proficitur. Nam cum rectores nationis cuiusq; & partium eius in verba adacti sint eius na-

tionis, nationes autem federe adstrictæ inter se, ipsique milites Federis teneantur proceribus cuiusque nationis & magistratibus obsequi, vt postea docebimus, sequitur inter iusiurandum quod Federatis, & id quod nationis cuiusque primioribus ac magistratibus dicitur nihil esse pugnæ. Contrà vidimus etiam aliis nationibus sæpe commodatam operam eorum quos ad sui tutelam alia natio aut oppidani magistratus conscripserant. Par ratio armatorum municipum qui solis magistratibus oppidi sui iureiurando tenentur, vnde nihil vnquam incommodi exortum est: imo sæpe vicini à vicinarum nationum municipibus sublevati adiutique sunt. Neque aliud discrimen inter armatos municipes & oppidorum custodias, hanc causam quod attinet, quam quod municipes gratis arma ferunt, custodiæ autem mercedē conductæ sunt in supplementum ac levamen municipum.

Non nationes tantum iure summi imperij, sed & oppida iure naturalis tutelæ tant ante hoc bellum quam post id exortum vsa ministerio armatorum hominum; & vtendi ius habuisse, annales & acta nos doceant, resque ipsa in recenti multorum memoria est. Nam Comitum tempore sole-

bant oppida Comitibus præsto esse certo armatorum numero quos impensis suis alebant. In actis oppidi Lugdunensis existat testatum anno c10 cccc lxxxviii conscriptos ab oppidi ordine custodes, viginti quinque sub ductu quæstitoris, & sub ductu cuiusque consulis vicanos, quorum opera Consules oppidum, & oppidanos turarentur, portasque cluderent & recluderent. Anno c10 10 lxxvi Princeps Vvillhelmus Arausionensis, vt motus omnis intra Antuerpiam arceretur, magno eius oppidi consilio auctor fuit, vt mille ducentos milites suo ære conscriberent: quod tandem vrgente sæpius Principe factum est: atque horum custodum metio est in pactis super religione Antuerpiæ factis secundo die Septembris anni c10 10 lxxvi, & alijs pactis quæ facta sunt quinto die Martij anno c10 10 lxxvii. Sic & rectores oppidi Amstelodami anno c10 10 lxxvii milites quadringentos in suum ministerium assumsere: quod cum ab ipsis primum suæ potestatis iure factum esset, à Principe Vvillhelmo probatum est postea, vt apparet in consilio eius quod datum est xxvi Martij anni eiusdem. Etiam ab vrbe Traiecto, & elero conscripti sunt octingenti primum, deinde plures numero milites, vt cognoscere

est ex defensione tum Cleri, tū procerum
Trajectinorum in commune: qui milites
nihil aliud quam vrbis tutelam iuraverant,
vt ibidem videre est: neque vero illo tam
sævo atque acerbo tempore id vrbis recto-
ribus crimini datum est, quasi adversum
ius summæ potestatis quicquam fecissent.
Id quidem didici in colloquio cum Am-
stelodamensibus habito, Principem Vvil-
helmum cum probare non posset, vt qui
tum oppido præerant, ipsique multis de
causis inuisi & suspecti erant, militem ha-
berent ipsis parentem, & sacramento ad-
dictum, inter cætera dixisse cōtrarium hoc
mandatis quæ ipsi, vt Regis Vicario, & iu-
dicum Hollandiæ confessui essent data.
Sed nec minus verū est ex aduerso dictum
ab Amstelodamensibus semper fuisse sibi
in oppidi ministerio ad id tempus milites
sexcentos, neque verò Vicarios Hispani-
carum partium, Comitem Bossuium puta,
Comitem Rochium, & Toparcham Hier-
gium quicquam imperij sibi arrogasse in
eos milites qui in duas centurias partiti
erant. Verum & hoc est insuper, postquam
id oppidum à probatæ fidei magistratibus
regi cœpit, non tantum in eorum ministe-
rio fuisse custodias oppidi, sed easdem re-
latas in onera communia federis, quomo-
do

do, & custodias oppidorum Dordrecht
& Gorinchemi. Etiam oppida Hollandiæ
ad Septentriones sita custodes plures aut
pauciores partim habuere; partim quasi
haberent Hollandiæ imputarunt; eo quod
Federatorum vniversitas id oneris abnue-
ret agnoscere. Hoc ipso de quo nunc dis-
putatio est tempore Amstelodamenses suo-
rum numerum qui ad quadringētos erat,
auxerant ad sexcentos inconsultis federa-
tis proceribus, sed re duntaxat denuntiata
reipublicæ Hollandicæ curatoribus qui
dixerunt liberum esse, oppidis id facere suo
arbitratu dum suo sumtu id facerent. An-
no cio 10 lxxxvii. rectores oppidi Lugdu-
ni supra viginti quinque custodes quos ha-
bebant antea centum alios suo stipendio
conduxere, idque ipsum vt factum ad tu-
telam oppidi vicinorumque oppidorum
& agri, proceribus Hollandiæ (non proce-
ribus Federatis) significarunt; dictitantes
eius militis impendia à corpore Hollan-
diæ agnoscenda. Eiusdem oppidi Magi-
stratus anno cio 10 ci. conceperunt atque
ediderunt leges impositas militi suo pecu-
liari, quarum primum caput sic habet:
*Cum necessarium sit iudicatum militem certo nu-
mero in oppidi Lugdunensis privato ministerio
haberi.* Forma autem Sacramenti sic habet:

Pollicemur ac iuramus nos probe modesteque victuros ex prescripto legum quæ iam nobis prælectæ sunt, aut in futurum prælegentur ad disciplinam militarem pertinentes, ac cætera omnia nos factururos quæ boni ducis, militisque officium est facere. Qui alijs oppidis præfuerunt itidem norunt in ijs oppidis custodias fuisse, quarum intentus aut remissus sit numerus consilij publici arbitrato. Magistratus Rotterodamenses mihi testati sunt, fuisse sibi supra annos viginti, triginta & amplius militum centuriam sub centurionis imperio: qui & vexillo vsi semper essent quod in basilica penderè vidi: interdum autem pleni numeri fuisse centuriam, interdum minutam ad sexaginta, interdum ultra excrevisse: & cum per incuriam dilapsa esset, restitutam vigori suo ac disciplinæ: eaque omnia evenisse sine cuiusquam querela.

Iudicent nunc omnes utri res novarint, rectores ne nationum singularum & oppidorum qui iuri antiquo institerunt: an illi potius qui non modo nationibus & oppidis ea in re impedimēto fuere, sed etiam pro crimine duxerunt, quod somniare non potuerint quas ipsi rerum potiti leges essent condituri.

Manifestum indicium attentatæ in rempublicam mutationis & hoc est, quod edi-

qui Hollandia præfuerunt. 211

etum conceptum à Federatis proceribus de dimittendis custodiis, in Hollandia, imò in ipso Hollandiæ palatio, publicatum proscriptumque est cum ad ipsos Hollandiæ primores missum non esset. Ipsi nostri olim Principes solebant edicta sua non directe inde ubi agerent mittere publicanda, sed ea mittere ad iudices nationibus impositos, ut siquid esset adversum iuri nationum de eo docerentur, sin minus, tum ut publicatio accedente eorum iudicium auctoritate per pittacium testata rectè atque ordine procederet:

CAPVT XI.

De sacramento ducum & militum qui continentur in Notitia militari Federatorum.

Cum militum usus sit duplex; tum ut vim externam à finibus propulsent, tum ut intus adsint magistratibus & eorum civilibus imperijs ut pareatur efficiant, apud nos vero rei militaris cura delata sit communitati Federatorum (non sine cautione tamen aliqua, ut ostendunt manda-

ta senatus modo allegata) cæterum civile regimen earum quæ in federe sunt nationum, manserit penes procures quidem cuiusque summo loco, deinceps vero penes oppidorum ac locorum magistratus, consequens est geminam apud nos esse militum obligationem, alteram ratione sui muneris cuius respectu subiiciuntur universitati Federatæ, alteram territorii ratione in quo degunt: sicut iure proditum est posse eundem hominem duabus iurisdictionibus subesse, alteri ex munere quo fungitur, alteri ex domicilii sui loco. Distinctæ obligationes istæ etiam peculiariibus Sacramentis discerni solebant, ut videre est in septimo capite Federis Traiectini, quod sic habet: *Hoc sensu tamen, ut centuriones ac milites præter commune sacramentum etiam peculiare sacramentum dicant nationi, urbi, oppido ve ubi moraturi sunt.*

Cum vero post hæc tempora Comes Licestrius, ut Præfectus universalis negotia omnia ita ad universitatem federis trahe-ret, ut nationes singule id ad suam iniuriam pertinere censerent, ipsi Federati procures die tricesimo Augusti mēsis anno LXXXVII. postularunt: *Ut omnes nationum singularum præfecti, duces maiores minoresque cæterique milites seu cum imperio essent, seu gregarij, sa-*

cramento adigeretur *fidem* & obedientiam prestare nationibus in commune, *Comiti Licestrio*, ut *universali praefecto*, tum vera nationibus singulis oppidis ac partibus ubi opera ipsorum futura esset usus. Cui postulato à *Comite Licestrio* responsum est: non rectum sibi videri, ut sacramentum praestetur nationi alicui, aut oppido, eorumve praefectis aut vicariis: quod ea res non esset & in periculum patens, ipsaque sacramentorum diversitas turbis, & contemptui causas esset datura. placere tamen, ut milites praesidio venientes in oppida supra sacramentum quo sibi *Comiti* & *nationum universitati* obstricti essent, iurent ea oppida ac loca se recte custodituros in fide procerum *Federatorum*, & praefecti *universalis*, neque se quicquam tentaturos eis locis maxium. Quod responsum cum ipso postulato si diligenter conferatur, intellectu facile est *Comitis Licestrij* eam fuisse sententiam, ut neque nationibus singulis, neque oppidis quicquam iuris in milites tributum vellet, etiam in negotiis civilis imperij, nisi quod *Federatorum universitati* subesset, ipsorum autem procerum *Federatorum* contrariam, super hac re fuisse sententiam. At verò nationum singulorum primores, in proposito perstiterunt, ut videre est in edicto procerum *Hollandiae* quod vulgatum est die decimosexto

Octobris anni cix io clxxxvii vbi aiunt;
*Cum viderent errationem subortam super sa-
 cramento, postulare se, ut ex pactorum præscripto
 milites fidem suam iureiurando addiceret uni-
 versitati nationum, & Comiti Licesrio, ut præ-
 fecto universali: item nationibus singulis oppi-
 diis ac partibus ubi usus esset ipsorum opera, ubi
 præsidium agitent.*

Duas res insuper notari convenit, quas
 nationum singularum proceres defende-
 runt, & in usum perduxerunt, quo magis
 iuri suo caverent adversus omnes in con-
 trarium ausus: prius est, quod distributio-
 nem militis in præsidia ita voluerunt esse
 penes Federatorum universitatem, & præ-
 fectum universalem, ut tamen peragi ea
 non posset nisi per præfectos peculiare
 conscijs proceribus nationis, aut in ea rei-
 publicæ curatoribus. Per præfectos pecu-
 liares disponi præsidia debere proceres
 tum Federati, tum Hollandiæ asserunt in
 vitroque illo libello cuius verba citavimus.
 Ipsos autem peculiare præfectos ea in re
 nihil facere potuisse nisi de consilio pro-
 cerum nationis, aut in ea natione reipubli-
 cæ curatorum apertissimum fiet ex decre-
 to quod iam recitabitur.

Alterum vero quo nationes singulæ ad
 iuris sui munimentum usæ sunt, est particio

qui Hollandia præfuerunt. 215

militis in diversas federis nationes. Voluerunt enim certo numero milites præfecto cuiusque nationis tanquam militum magistro suppositos à proceribus eius nationis petere pittacium, cuius præscripto ex peculiari nationis ærario stipendium acciperent, non autem pittacio communi Federatorum aut ex eorum ærario, ut milites, qui plerunque stipendij datores respiciunt, hoc quoque vinculo nationum singulorum proceribus validius adstringerentur. mens enim hæc erat, ut quantum eius fieri posset intra nationis cuiusque fines illi locarentur, qui indidem stipendium acciperent.

Quod dictum iam est de obligatione & sacramento duplici, de disponendis præfidiis ex consilio procerum nationis cuiusque aut in ea reipublicæ curatorum, de dispartiendis etiam copiis, inter cætera docetur decreto quod Hollandiæ proceres cum Zelandiæ legatis fecerunt anno MDIO LXXXVII die sexto Februarii quod quidem tale est.

Proceres Hollandia cum Vestfrisia, simulque procerum Zelandiæ legati, accurate expenso præsentis reipublicæ statu, atque iis quæ ad eius salutem, & peculiaris præfecturæ per dictas nationes administrationem facto opus est, bene

consultato negotio, ita decreverunt. Quando antiquitus, etiam Imperatoris Caroli temporibus, prefecto ac magistro militum Hollandia, Zelandia ac Frisia hac cura incubuit, ut oppida ac castra Hollandia, Zelandia & Frisia sua ac defendi idonea haberentur: inter capita vero mandatorum quae data sunt super actionibus, cum Anglia Regina incundis de offerendo ipsi principatu, disertè cautum exstat, ut penes nationis cuiusque praefectos una cum eius nationis proceribus reive publica in ea curatoribus maneat cura oppidis ac castellis quae mihi essent consulenda per fida praesidia: Principi vero Mauritio iam ante Comitibus Licesstrij huc adventum à proceribus Hollandia, cum Vestfrisia ac Zelandia delata sit praefectura, magisteriumque militum per Hollandiam, Zelandiam ac Frisiam, prout habet eius potestatis codicilli ac mandata: quae potestatis delatio, ut vim plenam habeat Comes Licesstrius pati tenetur: utetur proinde Princeps Mauritius, iure sibi concessio iuxta dictos codicillos ac mandata: Comes vero Hohenloius retinebit honorem vicarii per Hollandiam, Zelandiam ac Frisiam: Curam vero belli per Hollandiam ac Zelandiam, & militum in praesidia distributionem, idem Princeps Mauritius administrabit de consilio procerum, ibidem aut reipublicae curatorum. Praefecti vero militares, tribuni, duces, centuriones qui per oppida ac castella Hollandia,

qui *Hollandia* præfuerunt. 217

Zelandia & *Frisia* in præsidium missi sunt, aut mittentur, ac nominati tribuni & præfecti qui adhuc constituendi sunt in partibus *Hollandia* Septentrionalibus, & in *Zelandia* à Principe *Mauritio* accipient codicillos sui muneris ipsisque proceribus *Hollandia* & *Zelandia* ac Principi *Mauritio* sacramentum dicent fidei atque obedientia. atque id quam poterit primum per *Hollandiam* & *Zelandiam* effectum dabitur, discingenturque si qui nec parentes erunt. Mutabuntur, augebuntur, minuentur præsidia per oppida, & castella *Hollandia*, *Zelandia* & *Frisia* (exceptis oppidis, & castellis quæ *Regina Anglia* accepit pignori) imperio Principis *Mauritij*, aut Comitum *Hohenlo*, ut vicarij: Neque verò per agros *Hollandia*, *Zelandia* ac *Frisia* metari aut transire eques pedesve poterunt, nisi ex pittacio dato à Principe aut vicario eius de consilio procerum nationis reive publicæ curatorum. Ac proinde quicquid in posterum Comes *Licestrinus*, ut præfectus universalis *Federatorum* nationum, aut *Senatus* de custodiendis oppidis ac castellis *Hollandia*, *Zelandia* ac *Frisia*, de mutandis præsidiis, de metatura aut transitu per *Hollandiam*, *Zelandiam* ac *Frisiam* agendum censebunt, id Principi *Mauritio* significabunt, ut per ipsum de consilio procerum nationis reive publicæ curatorum effectum detur. Ad præfecturam verò huius administrationem, tutelamque terra-

rum ac finium illico magisteris militum Principis Mauritijs supponentur octuaginta militum centuria aut tanto amplius quantum necessitas exiget. Petunt vero proceres Hollandia cum Vvestfrisia, & procerum Zelandia legati, ut hac mandata singuli ad securitatem ac tutelam earum nationum recipiant, & ut alij sequantur, efficiant. Ipsi vero proceres simul ac seorsim, tum vero partes, oppida atque habitatores eorum Principi Mauritio ac Comiti Hobenloio hac in re opem atque auxilium ferent, quoties aut interpellabuntur, aut res postulabit. Ita perrogatum decretumque est à proceribus Hollandia, & à procerum Zelandia legatis secundum potestatem ipsis datam. Atque in eius rei testimonium nomine procerum Hollandia cum Vvestfrisia Scriba eorum publicus, nomine vero procerum Zelandia legati decreto huic subscripsere sexto Februarij die anno CIO IO LXXXVII. Subscriptum erat, mandatu procerum Hollandia C. Rechters. B. Roessius. Adrianus Nopperus: Caspar Vosbergias.

Post abitum Comitis Licesstrij nemo creatus est præfectus vniversalis, cuius rei ignorantia multos fefellit: sed Princeps Mauritius à proceribus Geldriae; Hollandia & Vvestfrisiae, Zelandia, Traiectinae & Trálsisalanæ factus est earum nationum præfectus: at Comes Vvilhelmus Nassa-

qui *Hollandiæ præfuerunt.* 219

vius à proceribus Cislavicanis, & Translavicanis præfecturæ potestatem accepit. Sacramentum quod Princeps Mauritius, vt *Hollandiæ præfectus*, præstitit, tale est.

Pollicor ac iuro me proceribus Federatæ Belgicogermaniæ, qui in federe & tutela Reformatæ religionis perstituri sunt, nominatim vero nobilitati majoris ac minoris gradus, & rectoribus oppidorum Hollandiæ & Vestfrisiæ, qui earundem nationum ordines referunt, fidelem atque obsequentem futurum: Legibus atque imperatis in commune quidem Federatorum procerum, & senatus qui ad regimen commune institutus est, aut postmodum instituetur, peculiariter vera procerum Hollandiæ pariturum, effecturumque vt à præfectis militaribus ac centurionibus & alijs nostræ imperiæ suppositis pareatur.

Qua occasione Reformatæ religionis hîc facta sit mentio, & quomodo eius interpretatio sit penes nationis cuiusq; proceres antea attigimus. Ceterum pater hinc ipsum quoque *Hollandiæ præfectum* duplici teneri obligatione, altera Federatis proceribus, vt eis pareat in rebus communis regiminis (id est belli administratione ex federis præscripto) altera vero *Hollandiæ proceribus, nobilibus, & rectoribus oppidorum*, vt ipsis fidem ac obedientiam

præstet, & eorum leges ac decreta peculiariter sequatur, efficiatq; vt sequantur alij; unde manifestum est procures Hollandiæ hic non spectari qua pars sunt conventus Federatorum (nam eo sensu peculiariter eos nominari nihil attinebat, imò inutile ac noxium fuerat) sed vt qui extra vniuersitatem Federatorum ius habent proprium iubendi atque imperandi in negotijs suæ nationis.

In mandatis quæ eidem Principi Mauritio data sunt, vt præfecto & magistro militum Hollandiæ, præcipitur ei, *vt custodiat, tueatur ac promoveat intra publicæ potestatis, leges ac salutem eius nationis*, post quæ sequitur, *usus quoque Christianæ religionis*, cum nulla alia notione strictiore. De præsidij autem caput tale est.

Præfectus cum reipublicæ curatoribus dispi- ciet de præsidij, securitate, ac tutela terrarum, oppidorum, castellarum, portuum, amnium, aquarumque eius.

Cui convenit caput xxxi. mandatorum quæ procures Hollandiæ, & Vvestfrisiæ reipublicæ curatoribus dedere iubens, *curent diligenter, vt præsidia sæpe mutantur, neq; minus tertio quoque mensē.* Frisij vt intelligo procures in hunc vsque diem sollicitè caverunt nequa ibi præsidia mutantur nisi de

qui Hollandiæ præfuerunt. 221

consilio curatorum reipublicæ qui apud ipsos sunt. In Zelandia idem antehac, & ius esse creditum & factitatum est.

Quod militum sacramentum attinet tum quo Federatorum communitati, tum quo singularum nationum proceribus magistratibusque devinciuntur, ex Federe Trajectino, ut ex contentione cum Comite Licesio apparet, antiquitus duplex iusiurandum ab ipsis exactum. Postea videtur in Federatorum conventu instituta formula iurisiurandi quæ utramque obligationem pariter complecteretur, addita & mentione eorum qui stipendia præbent. Verba hæc sunt.

Promittimus ac iuramus nos proceribus Federatis Belgicogermaniæ qui in Federe ac defensione Reformatæ religionis perstabunt, & nominatim nobilitati maioris ac minoris gradus, & rectoribus oppidorum Comitatus, & nationis Hollandiæ ac Vvestfrisiæ, qui referunt eius nationis ordines, sed & proceribus nationum apud quas nostri usus erit, rectoribusque oppidorum tam intra quam extra Hollandiam & Vvestfrisiæ ubicunque præsidium agiturum sumus, fidos & parentes fore: iisdem sub ductu Principis Mauritijs, præfecti eiusdem nationis nos probe ac strenue militaturos: sed & reverentiam atque obsequium, ut par est præbituros nos tum federa-

tis, cum nationis cuiusque proceribus, atque aliis nationum singularum apud quas præsidium ageremus, aut operam nostram navabimus præferetis, aliisque ductoribus qui nobis prepositi sunt, aut proponuntur in his quæ nobis imperaturi sunt pro tempore quo apud easdem nationes, & in earum oppidis usus nostri erit.

Hac sub lege usurpari cœpit, ut codicilli potestatis ductoribus dentur à Federato conventu, quod tamen procures Frisæ Cislavicanæ noluerunt locum habere in centuriis suæ partitionis:

Sed quanquam postrema hæc formula omnes obligationes satis in se complecti videbatur nunquam tamen, aut nationum singularum procures, aut oppidorum magistratus ius abdicarunt centurias apud se morantes adigendi peculiari sacramento ad sui-obsequium:

Inter cæteros rectores oppidi Goudani à belli initio ad inducias usque, & post eas factas, huic mori ac iuri institerunt, ut discere est ex hac formula antiqua, quæ adhuc anno cix cxi in usu erat, ac proinde ab optione Altirivij ibidem præsidium agentis iurata est:

SACRAMENTVM
CENTVRIONVM QVI
cum suis centurijs Goudam
veniunt præsidium acturi.

I.

Promittet per sacramenti fidem centurio, se cum militibus suis huius oppidi magistratus fidelem, ac parentem fore.

II.

Habiturum se modeste ac sub disciplina militem: ac proinde effecturum, ut post signum nocturnæ quieti datum omnes se intra tecta contineant, cum pœna in contumaces.

III.

Neque se, neque milites ingesturos se negotijs ad oppidum, municipes, & habitatores pertinentibus.

IV.

Si quid ad notitiam ipsius pervenerit quod oppido, aut magistratibus damno esse possit, se id illico ad magistratum notitiam perlaturum, ut ij constituent quod ex usu erit.

V.

Centurio, militesque alij tum promoti tum gregarij sibi domicilium quarent, cõtenti doma-

ria ad eam rem destinatio: ita ut magistratibus
& aliis de causa negotium non facessant, neque
hospitibus iniurijs sint.

V I.

Neque se neque milites magistratibus, aut mu-
nicipibus graues fore stipendiorum ergo, sed ea
petituros ab his quibus merent.

V I I.

Curaturum se ut milites agro abstineant, ne
ibi populabundi agant; contra si fiat animad-
versurum ni faciat, ipsos magistratus animad-
versuros.

V I I I.

Neque vero passurum, ut milites in pometa,
aut olera municipum involent, aut damnum cui-
quam inferant corporis bonorumve.

I X.

Militibus ne liceat extra mœnia prodire alijs
cum armis, qualiacunq; ea sint nisi qua lateri ac-
cinguntur.

X.

Neminem introducturum se quod oppido sit re-
legatus, aut quem consules negent se ferre posse:
si quem habeat eiusmodi, curaturum ut exeat.

X I.

Militibus dum in oppido erunt, neque grega-
tim procedere, neque excubias habere liceat nisi
consulum iussu.

X I I.

qui Hollandia præfuerunt. 215

XII.

Si quid peccauerint milites, neque id vindicet centurio, magistratus id vindicaturos.

XIII.

Neque militibus, neque eorum uxoribus liberam sit, lixarum titulo vinum, seculam aut cerevisiam canponari, aut aliunde in domos suas perferre perferriue curare, ut à militibus, aut municipibus per contubernia bibatur. Secus si fiat, centurionem missione, aut alio modo, ut res exiger, penas sumptorum.

XIV.

Se dum in præsidio hic erit milites non adscripturam numeris, nisi consulisve appaerit de Principis Mauritijs ipsorumve procerum iussu, at sic quoque se indicium facturum metatoribus, ut nomina dicimque annotent.

Sacramentum hoc præstitum est ab optione centuria tribunalis toparcha Altirivj xv Septembris anni CIO IO CXVI. Et in eius rei documentum hæc charta ab ipso subscriptum est. Emgonnes.

Rectores oppidi Rotterodami qui antehac fuerunt moris semper apud se fuisse affirmarunt mihi, ut centurias ad se missas habendo præsidio portis intercluderent, donec centurio, & qui alij cum imperio militari erant ipsis rectoribus sacramentum dixissent: Idem ex aliorum oppidorum

Vnde perſpicuum eſt milites in notitia comprehenſos in rebus belli (quæ ipſæ tamen quantum præſidia attinet adminiſtrari debent de conſilio procerum nationis, curatorumve rei publicæ) obedientiam debere proceribus Federatis & Senatui, ac deinceps præfectis ductoribusque. At in negotijs nationis cuiusque obedientiam ab ipſis deberi proceribus nationis à qua ſtipendia accipiunt, ſi in eius finibus verſentur, aut alioqui eius nationis in cuius finibus degūt, ac porro reſtoribus oppidorum locorumque ubi in præſidio agunt: ac poſſe eos ubi id expedire iudicatur ad eam fidem etiam peculiari ſacramento adigi.

CAPVT XII.

*De his controverſis quæ cum iudicium
confeſſibus inciderunt.*

COLLIDI inter ſe confeſſus eos quibus reſpublica, & eos quibus iudicia commiſſa ſunt ſuper poteſtatis ſuæ finibus haud novum eſt, ſed omnibus ferme temporibus, & apud gentes omnes viſita-

qui Hollandiæ præfuerunt. 227

tum. Sed hoc mirari subit partes quasdam conventus Hollandiæ de sacris certamine eousque abreptas, vt iudiciorum perturbationem interpretatæ sint id quod, & olim, & nuper fecerant, & tãquam factum pro tutandis legibus ac procerum potestate defenderant.

Principio notandum est ante belli tempora confessum iudicium Hollandiæ non iudicijs solis præfuisse, sed & consilium fuisse Vicario Comitum additum ad curandas res præfecturæ, vt ex mandatis ei confessui datis, & multis edictis ab eodem confesso olim factis super civilibus negotiis videre est. Sed post sumpta arma placuit ob negotiorum multitudinem confessum erigere peculiarem ad res præfecturæ, quos reipublicæ curatores vocamus: sicut & ad res maris regendas instituti sunt confessus maritimi.

Sacerorum notio ante belli tempora partim erat penes antistitem Traiectinum, & eius ministros, partim penes iudicium Hollandiæ confessum, vt qui & in Ecclesiasticos, & in alterius ordinis homines reipublicæ servandæ causa inspectionem haberent. At bello exorto in mandatis reipublicæ curatorum positum est, *darens operam vt procerum decreta effectum acciperent, & in*

mandatis adfessorum Principis Vvilhelmi, quod collegium postea cum reipublicæ curatoribus in vnum coaluit, *curam habere Ecclesiasticæ gubernationis*. In appendice mandatorum confessus veteris iudicum, & in mandatis confessus iudicum superioris, quæ vtræque post belli exortum facta sunt, neutri eorum notionem ullam de religione rebusque annexis tributam legimus. Imo id tantum abest, vt superiori confessui iudicum per mandata interdictum sit, ne in rebus civile imperium spectantibus provocari ad se patiatur, nisi gravius causa aliud suaserit. Evenit olim, vt seniores quidam Ecclesiæ Lugdunensis à rectoribus oppidi demoti rem pertulerint ad cognitionem Principis Vvilhelmi procerumque Hollandiæ, qui quosdam etiam cognoscendæ causæ delegarunt. Verum quidem est cum oppidani iudices Lugdunenses postea de ea causa pronuntiascent, appellatum à senioribus confessum iudicum Hollandiæ: sed acta causæ nos docēt accusatum ab ipsis iudicium, vt vitio latum ea de causa quod deliberante Principe ac proceribus nihil innovare licuisset. Quod si quando super negotijs Ecclesiasticis aliqua iudicum confessui cognitio attributa est, id non ex vi perpetuæ iurisdictionis, sed

qui Hollandia præfuerunt. 229

ex delegatione ortum censeretur. Illud certe constat antequam hæc disputatio cæteris se immiscuit confessum veterem iudicium Hollandiæ, quoties proceres id se velle significaverant, causis huiusmodi se exemisse.

Quod si etiam controversum esset ius de rebus Ecclesiasticis cognoscendi, illud tamen negari non posset, in procerum Hollandiæ potestate esse controversiam talem inter iudices, & reipublicæ curatores dirimere, cum iidem proceres iudicia de indictionibus publicis soli curatorum reipublicæ confessui attribuerint, sicut & cognitionem de prædis mari actis collegiis maritimis, & iudicia de seditione rebusque alijs dicto confessui curatorum reipublicæ si ipsi causam cognoscere occupassent. A proceribus autem Hollandiæ constitui id posse intra fines suos etiam citra assensum procerum Zelandiæ, primum probatur exemplis aliquot noviter attributæ iurisdictionis quæ à iudicibus cōfessionibus in quæstionem non vocantur: deinde capite secundo primæ pactionis initæ super iurisdictione confessus superioris ubi hæc leguntur verba. *Ne proceres Hollandiæ quantum ad proceres, membra, ac habitantes Zelandiæ pertineret, ac vicissim proceres Zelandiæ quantum ad*

proceres, oppida, membra, ac habitatores Hollandiæ universos aut singulos pertinet, quicquam superiori confessui imperent, aut ut imperetur curent, quod spectare possit ad mutanda aut immutanda iudicia eius confessus: Nec quicquam intubeant, iuberive curent quod proceribus, membris, oppidis aut habitatoribus nationis alterius damna esse possit: at si iudiciorum ordo aut celeritas, aut utilitas tranquillitasque publica novari aliquid exigat id communi consilio consensuque fiat. Secus factum si quid fuerit procerum alterius nationis iussu, id vim nullam habeat adversus proceres, membra, oppida atque habitatores nationis alterius qui sua id interesse existimaverint. Unde irrefragabiliter sequitur talia imperata vim habere adversus subditos eius nationis, cuius nomine mutatio instituitur. Neque aliter hac de re scripserunt confessus uterque iudicum anno c10 10 xci, cum in scripto quod adversus eius anni decretum Hollandicum exhibuere non id decretum accusant, ut vitio factum quod Zelandiæ proceres non assensissent, sed hoc tantum aiunt observari non posse adversum Zelandos, ut qui ea super re auditi non essent.

Decreta verò confessibus iudicum significata parem habere vim atque edicta, & conventus Hollandiæ, & nominationem Am-

Amstelodamenses sensere quo tempore decretum illud anni c13 13 xci de quo & infra agemus factum est. Idem apparet ex federe quod inter Hollandos & Zelandos iktum est anno c13 13 LXXVI vetante, *ne qua citationes fiant, ne quid iudiciale exerceatur adversus leges & decreta procerum*, & ex secundo capite posteriorum pactionum iubente, *ut superior confessus sequatur imperata, decreta & edicta tum huius quam illius nationis*. Atque hic obiter observandum decreta quæ generalem negotijs formam præscribunt, multum differre ab epistolis quæ sæpe super peculiaribus causis importuna flagitatione, aut per gratiam eliciuntur.

Neque vero ratione carebat, quod Hollandiæ proceres, qui ut æquum erat decretis suis cupiebant pareri, potius rei-publicæ curatoribus hanc cognitionem assignabant, quam iudicum confessibus, non modo quia iudicum pars erat ex natione altera, Zelanda scilicet, verum etiam quod eorum multi secessionem ab Ecclesia publica exemplo suo probabant, ac proinde damnabant decreta quibus pax mutua imperabatur. Accedebat quod spoliatio illa quæ Amstelodami contigerat cum iam ab eo tempore annus iudicibus maioribus cognitionis aperiens viam trāsisset, dissimu-

labatur à iudicibus, quodque superioris
 confessus iudices decretis procerum Hol-
 landiæ factis ad postulata Enchusanorum
 (cum tamen ea in causa dignitatem suam
 atrociter læsam cōquererentur) parebant,
 decretis autem quæ aliis oppidis postulan-
 tibus facta erant, non item parebant: vt
 nunc prætereamus epistolas in ius vocan-
 tes à iudicibus missas quæ in præcepto in-
 hibente manifeste pugnabant cum man-
 datis de ipsorum iurisdictione. Ad hæc
 apud confessus iudicum longæ sunt litium
 sufflaminaciones, cum res civiles (quibus
 semper publicum religionis statum annu-
 mero) exigua mora sæpe in deterius pro-
 labantur: tum vero iudiciorum rigidæ sunt
 regulæ, cum negotia civilia rectius sæpe
 flexu quodam ac moderatione transigan-
 tur.

Hæc quanquam ita se habebant, tamen
 quo inter diversos confessus æmulatio vi-
 taretur, maiori parti conventus placuit, co-
 gnitionem de rebus sacrorum primum op-
 pidis permittere, deinde ipsis Hollandiæ
 proceribus, vt summæ potestati.

Atque adeo tota cum iudicum confessi-
 bus cōtentio ad duo maxime capita rediit.

Prius horum est, quod in Hollandia di-
 stinctum semper fuit ius imperadi id quod

salus publica exigit à iudicum potestate. Ipsi proceres edicto quo ius suum Licestrianis temporibus afferbant, sic aiunt. *Penes hos cunctis solos (ordinis scilicet oppidani) est ius deliberandi, decernendi, imperandi de rebus omnibus quæ statum reipublicæ atque oppidi tangunt. Consulatum autem officio continetur quotidiana administratio & imperium circa negotia publica, tum quæ ad curam bonorum oppidi & abventionum, tum quæ ad eius salutem atque securitatem pertinent. At confessus iudicum oppidi in iudicijs occupatur tam circa crimina quam lites exercetque omne iurisdictionis genus, summum, infimum, medium.* Inter ea quæ statum remque publicam tangunt antiquitus annumerata fuit potestas temporibus turbidis cõstituendi de domicilio habitatorum sine famæ aut bonorum dispendio, sive ex sua regione oppidi in alteram migrare iuberentur (quod vetus constitutio Rotterodamensis vocat præcipere cuiquam, ut extra suum oppidi quadrantem moretur) sive etiã oppido toto ipsis interdiceretur, quod & Dordrecht & Amstelodami factum est pridem adversum viros insignes & honoratos qui ad iudicium rem perducere permitti non sunt. Eiusdemque moris documenta tum testium, tum actorum fide producta memini ab Harlemonibus, Lugdu-

stas
consi-
gno-
uen-
ma-
erba
eret,
is il-
sine
um
de-
cia-
li
in
tum
in-
dictu
bens
pro-
xxvi
um a
no
n

stati controversiam movere. Mens autem fuit ipsius conventus non exercendam eam potestatem nisi ubi necessitas flagitaret: sicut & paratos se semper ostenderunt proceres siquis sine causa tali imperio læsum se quereretur cum audire, & comiter transigere negotium incolumi dignitate magistratum & oppidorum quiete. Sed videntur qui se querelas hac de re habere existimabant maluisse contempta hac via inusitatam in negotijs eiusmodi iudiciorum viam inire, ut legitimis rectoribus invidiam crearent.

Alterum caput est, quod in Hollandia ea quæ iudicata sunt à iudicibus criminalem in modum, id est causa non ordinata ad formam civilium litium, vim habent postremæ sententiæ, neque ulli provocationi sunt obnoxia, congruenter mori aliorum populorum tum in Belgicogermania, tum in Germania. Minime vero hoc novum est, sed antiquitus affirmatum ab ipsis Hollandiæ proceribus, ut in lite adversum Brabantos, quæ dijudicata est anno ciro 10 XLIX, ab ipsis quoque Hollandiæ totius iudicibus ut videre est in eorum epistola scripta anno 10 XLV ad confessum iudicum Machli-
um. Facta quoque huius rei mentio officio quod proceres Hollandiæ à

nam-
houd
in pra
xi
crim.
cap.
121.
Gail.
lib. 1.
obf. 1.
num.
27.

Rege Philippo impetrarunt anno cix 10
 LXII: post quod tempus confessus iudicum
 Hollandiæ anno cix 10 LXII iterum scribēs
 confessui Machliniensi tale mori isti testi-
 monium præbet; *in causis criminum tam apud
 primos indices quam apud nos dijudicatis ubi
 corporis membrorumve res agitur, tamen anti-
 quitus in Hollandia provocationem non concess-
 sam.* Post bellum susceptum cum iudicum
 confessus inciperent contra hunc morem
 de causis cognoscere, relatione facta ab
 Amstelodamenſibus anno cix 10 xei de-
 cretum est: *ne superior aut alter iudicum con-
 fessus literas vocata ad se causa emittat rogatu
 eorum adversus quos criminaliter atque extra
 ordinem & ex ipsorum confessione actum erit;
 sed quicquid in causis eiusmodi pronuntiatum
 fueris, effectum habeat, nulla appellatione aliave
 provocatione permissa.* Verum quidem est
 contra eum morem etiam tum dictum à iu-
 dicum confessibus licere sibi provocatio-
 nem admittere etiam cum inhibendi præ-
 cepto adversus sententias pronūtiatas su-
 per causis criminaliter tractatis, additum
 quoq; se decreto non parituros, sed à pro-
 ceribus iam tum eo tempore rescriptū est,
*factum id decretum re percognita, & post relatio-
 nem ad oppida factam consultato; quapropter spe-
 rasse procures indices ei decreto sine ulla tergiver-*

qui Hollandiæ præfuerunt. 237
pactione fuisse parituros. Quod si tamen ea in re
difficiles forent, causas scripto complecterentur,
ut procures rem quomodo oporteret expendere:
inter ea vero indices observarent id quod decre-
tum esset donec aliter constitueretur. Post id li-
bello quodam à principe aliisque confes-
soribus superioris auditorij conscripto,
(ut & nuper factum est) tunc quoque non
minus quam nuper eis imperatum est pa-
rere decreto. Zelandiæ vero procures ad
munimentum antiquissimi moris eius
etiam apud se usitati in pactione anni cix
to xcvi clare ponendum curarunt, *Oppidii*
Zelandiæ ab omni evoin fuisse de criminum
causis postremo loco pronuntiandi: ne proinde
indices confessus superioris in causis eiusmodi
appellationem provocationemve ullam admitter-
rent: neque id tantum ubi super reorum confes-
sione extra ordinem indicatum erit, verum
etiam ubi pronuntiatum erit super indicij &
questore collectis. In pactione quoque tem-
poraria quæ postea inter Hollandiæ cum
Westfrisiæ & Zelandiæ primores inita est,
dictum est: De cognitione confessus indicum
veteris super criminum causis, ne plus iuris in
confessus haberet, quam quæd iam memorata pa-
ctione priori superiori confessui tributum esset.
Amplius dicam: ipsi veteris confessus iu-
dices, in controversia quæ inter ipsos & su-

perio rem cōfessum de Iacobi Wittij causa incidit, moris illius & decreti quod citavimus p̄sidio v̄si sunt. Ne verò sub nomine causarum criminaliter actarum aliarum civilium in modum instructarum occultarentur, receptum semper fuit, ut proceres ad querelas oppidorum acta causarum ad se perferri curarent, ut iis visis per homines idoneos constaret quis in cognitione ordo fuisset servatus. quod idem nuper quoque factum est. Certumque habeo, si summi confessus iudices in postremis causis non minus quam in illa Enchusana & aliis antehac multis reveriti fuissent procerum iussa & cognitionem suspendissent donec acta perspecta fuissent, si quas causas apparuisset ordinatas fuisse in civilem modum, futurum fuisse ut ex confessui superiori aut alteri remitterentur: atque etiam si paruisset rem tractatam in criminalem modum, tamen operam daturos fuisse proceres placide componendo negotio.

Quare mirum est legatos Amstelodamenses, Enchusanos, Edamenses & Purmerendanos dixisse, apud iudicium confessus: *Suis oppidis probari id non posse ut naxa qua habitatoribus inferretur per modum agendi extraordinarium sive criminalem à cognitione confessuum iudicialium prohiberetur,*

cum illo ipso tempore apud eos ipsos confessus ipsi faterentur: *Quadam causarum genera procerum conventui & oppidorum magistratibus excepta de quibus per edicta publica & concorditer facta decreta satis appareret.* Nam inter ea decreta haud dubie est decretum anni cix io xci quod confessibus iudicum omnem interdicat cognitionē de his quæ super actis criminales in modū institutis iudicata erunt; cuius decreti, ut iam diximus, præcipui suasores ipsi Amstelodamenses fuerant: sed nec Enchusanis tam subito excidēre potuerat, quid ipsi in Blauhulciana causa fecissent, & ut rite factum defendissent: cum pati nolle ut iudicum confessus cognosceret de noxa quam Blauhulcius sibi factam querebatur, eo quod oppidi ordine motus esset.

Dicere iudicia claudi non debuisse hominibus reformatæ religionis, per absurdum est: cum iudiciorum ordo communis sit omnibus terras nostras habitantibus, cuiuscunque tandem sint de religione familiar, quod & ipsa postulat communis libertatis ratio: ita ut Reformatæ religio hac quidem in re nihil cuiquam aut obstare aut præcipuum largiri potuerit.

De me ut loquar, facile patiar ut iudicum confessibus tanta concedatur pote-

itas quantam similes confessus habent
 apud populos qui rectè gubernantur. sed
 & ipsorum æquitas hoc postulat ne suc-
 censeant, si qui oppidis iureiurandi fide
 obstricti sunt oppidorum iura tueantur.
 Simul opto ne vniquam in exercendo suo
 munere magis impediuntur, quam impe-
 diti fuere ab illis qui proxime fuerunt
 reipublicæ rectoribus.

CAPVT XIII.

*De his quæ vitio aut inique gesta sunt
 circa nostri capturam.*

AVdivimus supra conquerentes pro-
 ceres Federatos anno ciro 10 LXXXVII
 de his quæ iniuste essent acta adversum
 vindictæ legum ac libertatis, publicæ salu-
 tis ac quietis imprimis studiosos, auctori-
 bus maxime peregrinis; sed qui tunc quo-
 que indigenarum abuterentur opera sub
 religionis prætextu. Vetusior historia;
 temporum scilicet sub Albano, nos docet
 ipsius imperio, captos adseffores tum nationum
 tum oppidorum in Flandria, Machliniensis ac
 Namurcensis terra, in quos novis modis, imò
 crudeliter

qui Hollandia præfuerunt. 241
 caudekter & inique actam sit : & quamquam
 cognati, & affines atque insuper ipsi nationum
 oppidorumque legati ad eam rem missi crebro
 instarent detentos tamen in carcere per menses
 multos antequam de eis quisquam pronuntiaretur : ac postremo vix quisquam eis crimini datum præter negotia quæ eorum gessissent imperio quibus operam suam fidemque addixerant. Idem & nunc, externorum maxime impulsu gradum sibi ad honores facientium, fieri vidimus. Oldenbarneveldius procerum adseffor, Hogerbetius oppidi Lugdunensis, ego Rotterodamensis capti sumus, non ordine neque ex legibus : diuque detenti in carcere, ampliata semper cognitione : postremo quid tandem nobis crimini datum? Quod nobis agendum, scribendum ; dicendum aut à proceribus Hollandiæ summis potestatibus nostris aut ab oppidis nostra opera utentibus erat imperatum. At docent iura eum qui sub alterius est potestate non teneri earum rerum nomine quas facere iussus est, nisi res ipsæ manifestum in se delictum contineant. Quæ autem nos fecimus ea per se extra controversiam illicita fuisse nullo colore dici potest, cum nostrorum temporum rectores quibus in nos imperium fuit ita ab honoribus finit destituti, ut fama ipsis integra servata sit,

L. ad ea
 L. is dā
 nū, De
 reg. iur.
 ris L. is
 qui §.
 an igno
 scatur
 D. unde
 vi L. ser
 vus D.
 de obli.
 & act.
 L. Sed si
 vnū §.
 plane
 D. de
 iniuriis
 lul.
 Clat. §.
 ult. qu.
 §o. nū.
 15. post
 lat. sol.
 sum &
 alios.

tanquam nullius delicti compertis. Cum ergo ipsi mandatores nullius criminis rei agantur, quomodo æquum est ministros conveniri? Quod egimus omne intra naturalem tutelam constitit, quæ non modo licita est, sed & favorem meretur. Certè quicquid à nobis actum est, id sui natura & extra controversiam in delicti causam incidere dici non potest, cum legitimum id, an illegitimum esset, penderet à summi imperij questione, de qua id quod nos sentimus, cum plurimis sapientibus idem placuerit, saltem probabile quin sit negari non potest, quod vnum sufficit, ut nos in mandatis exequendis à crimine vindicet. Alioqui dissolveretur ius omnes imperij, si qui in parendi conditione est præstare tenebitur etiam in controversi iuris negotiis ius stetisse ab eo cui parebitur, aut alioqui in pœnas incidere. Cum Sophocle dicere liceat.

Non ulla maior pestis imparentia est:

Hæc & domos evertit & claras diu

Prosternit urbes: ordines turpi fuga

Conturbat.

Si quis dicat consilium à nobis datum, respondebo consilium dare nostri fuisse officij: eius enim rei ergo advocati ad munus, eius ergo iuramento adacti eramus, ea

qui Hollandia præfuerunt. 243

de causa salarii accipiebamus. At consilij non fraudulenti nulla est obligatio, ut notissimi est iuris: Fraudis animo datum à nobis consilium non apparet: Mentium inspector Deus est, qui de me scit, propositum mihi fuisse Hollandiæ patriæ meæ & oppido Rotterodamo fidelem operam navare iuxta receptas in usu leges. Addâ sæpe remissiora fuisse mea consilia quam quæ facta sunt decreta, quæ tamen decreta, cum secundum ius patrium ab his quibus parendum habebam, facta essent, mihi erant enuntianda:

His generaliter præstructis, peculiariter iam commemorabimus quæ vitio ac per iniuriam adversum nos acta sunt: atque ea primo loco quæ ad capturam nostri pertinent: quo in negotio considerandum est qui fecerint, in quos, ubi, quomodo.

Qui capturam decreverunt, mere fuere privati qui neque ius, neque potestatem habebant quenquam capiendi:

Iidem erant pars altera in hoc negotio: Nam ut omittam inimicitias quas adversum nos gerebant, multaque certamina ac contentiones, hi ipsi erant qui Trajecti ausi fuerant, iniussu procerum Federatorum, custodias procerum Trajectinorum eorundem ingratis discingere: Iniussu inquam

procerum Federatorum. Nam decretum
 xxiii Iulij die anno cido xviii factum
 non aliud continebat, quam *ex conventu*
quosdam nominandos, ut eis legatis Trajectum
proceres Trajectini ratione quam posset optima,
aptissima & benignissima moverentur ad dimit-
tendas quas conscripserant custodias. Quæ cer-
 tē verba nullo modo trahi possunt eousq;
 ut liceret ipsis dimittere militem invitis
 proceribus Trajectinis, eoque minus quia
 addebatur, *peragendum hoc negotium con-*
gruenter decreto quod factum erat die xii, ad
consilio quod die xviii Princeps Mauritius, Co-
mes V Vilhelmus ac Senatus dederant. Nam de-
 cretum illud dici xii sic habebat: *ut perge-*
retur in cœpta opera ad benigne dimittendas cu-
stodias. Benigne autem non fiunt quæ no-
 lente quoquam fiūt. Consilium vero Prin-
 cipis, & Comitis & Senatus erat: *ut Proce-*
res Federati Hollandas & Trajectinos proceres
asque oppida amice persuaderent per literas aut
legatione missa, ad dimittendas eas custodias.
 Hi ergo homines qui citra & contra man-
 datum Federati conventus in terra Traje-
 ctina rem tanti momenti peregerūt, cuius
 nomine ipsi accusari poterāt, violasse sum-
 mam potestatem nationis Trajectinæ, ex
 iure & æquo non aliter censendi erant;
 quam ut adversarij eorum qui ipsis con-

qui Hollandia præfuerunt. 245

tradixerant, quorum ex condemnatione ipsis absolutio quærebatur: ita ut omnino in hac causa rem suam egerint.

Multo autem magis captores isti infestum nobis animum prodiderunt, cum statim à nobis captis programma ediderunt signatum à nemine cōtra quam fieri oportuit, quo nos inauditos, indefensos, atroci præiudicio confodiebant tanquam multorum malorum, & adductæ rei in plurimi sanguinis fundendi periculum auctores, addentes Trajecti detectas res maximi ad rempublicam momēti de quibus antehac suspicio exstitisset, quæ omnia à vero erant alienissima. Nam mala quæ ex Ecclesiasticarum quæstionum minus æqua decisione metui par fuerat, vitare nobis propositum fuerat pace mutua inter dissentientes, atque oppida, ex mandato eorum qui nobis præerāt, tuta habere adversus omnem vim quæ ad sanguinem posset erumpere. Neque Trajecti detectū est quicquam, quod non antè cognitum esset, quippe cum palam optimaque fide gesta essent omnia. In ipsa sententia adversum nos lata nihil plane reperire est, quod dici posset antea in suspicionem venisse, postea vero esse detectum: ita ut apertissimum sit hoc programme id actum, ut plebs falsis rumoribus imbueretur.

Obtendunt homines illi mandatum Federati conventus: sed frustra. Nam in actis nihil tale conspicitur, Quid ipsi in arcana charta conscripserint, mihi ignotum est. sed qui conventui adfuerunt, scire possunt nihil datum mandati, nisi forte generaliter videndi quid ad publicam quietem faceret: sub quo ambitu certe res momenti tanti, tam nova & exemplo carens comprehensa censeretur nullatenus potest, ut quæ mandato speciali opus habuerit. Si quæ enim res insolita & incogitata dici potest, hæc illa erat, quod septem, octo homines eos auderent capere qui certe dignitate nihil ipsis cedebant, idque contempto tam Hollandiæ conventu, quam iudicibus legitimis.

Dicat hic aliquis quod factum erat probatum postea, actis etiam gratijs. credo equidem. metuebant enim quisque vestigia, specum leonis

— *advorsum spectantia, nulla retrorsum.*

Sed præterquam quod approbatio talis metum magis præ se fert, quam consensus libertatem, notum & hoc est, quod ab initio non valuit ex post facto convalescere non posse; quod enim factum est, infectum fieri nequit: Et speciatim iure proditum est, quod non antecedente iussu publico

L. au-
ctori-
tatē
C. vn-
de vi
& ibi
Dd.

qui Hollandiæ præfuerunt. 247

factum est id publicum fieri ratum habendo non posse.

Fac tamen mandatum, etiam speciale, à L. III.
proceribus Federatis datum fuisse, non ta- de iu-
men desineret vitiosus esse actus defectu risdic-
iurisdictionis. Nam proceribus Federatis om-
nulla est iurisdic- ind.
tio in nationis cuiusque
subditos, multò minus in ministros natio-
nis partiumque eius, quod hîc breviter di-
ctum infra quantum satis est demonstra-
bitur, ubi de iudicium datione agendum
erit. Certum autem est capturam consi-
stere non posse, nisi subsit iurisdic-
tio. Ad-
de iam factam hanc capturam non tantum
sine consensu, sed & invitis Hollandiæ
primoribus, quorum summum in nos im-
perium erat: Cui consequens est, si proce-
res Federati capi nos mandassent (quod
ita se non habet) hunc quoque actum fu-
turum fuisse, non privatum modo, sed &
federali adversum, cum federe caveatur,
ne socij alij aliorum iura imminuant, sub
qua generalitate haud dubie nationis cu-
iusque iurisdic-
tio comprehenditur: sed ut
teneantur alij aliis ea in re auxilio esse.
Imò quod amplius est, fuisset is actus ho-
stilis, quandoquidem Oldenbarneveldius
Hollandiæ assessor, propter libellos ac mi-
nas quibus contra ius & æquum quotidie

impetebatur, ab Hollandiæ proceribus in fidem eorum ac tutelam erat receptus: ac nos quoque, ut consilarij non oppidorum tantum nostrorum, sed & reipublicæ Hollandiæ, & pars eo tempore Hollandici conventus, ipso iure intelligi debebamus in fide ac præsidio esse procerum Hollandiæ. Apertissimum vero est inter actus manifeste hostiles numerari, si quis adversus summæ potestatis fidem publicam quicquam attentaverit.

L. quis-
quis, &
ibi Dd.
C. ad L.
Iul. Ma-
iest. Iul.
Clarus
§. Læst
Maieft.
crim.
num. §.
vbi alle-
gat Par.
de Pu-
teo &
Afflict.

Præterea (quod cum reverentiæ præfatione dictum volo) ne potuissent quidem iure Federati proceres capturam hanc decernere, eo quod ipsi in hoc negotio partis personam sustineret, ipsorumque adeo res ageretur; quo impedimento iurisdictionis exercitio tollitur, cum nemini liceat sibi ius dicere; apud nos vero antiquitus hæc regula etiam adversum Principem valuerit. Quod dico rem ipsorum actam evidens est, nam aliarum nationum legati (qui ex maiori parte sententiarum nomen totius corporis, id est procerum Federatorum, sibi imponunt) adversum nos, & nos adversum ipsos disputavimus de iure procerum Hollandiæ, tum in ordinandis Ecclesiæ controversiis, tum in tuenda magistratuum securitate. Natio-

qui Hollandiæ præfuerunt. 249

nes aliæ , à quibus legati illi potestatem suam acceperant, commodum expectare poterant ex hac supremi imperij contributione, quia Hollandia cum Westfrisia ranti est, quanti aliæ nationes coniunctim sumptæ. Ac proinde aliæ illæ nationes earumque legati in hac disputatione integri æquique non erant.

Hi qui capti sunt, erāt eo tempore membra conventus Hollandiæ. Atqui etiam apud populos qui regnantur conventus ordinum eo advenientibus præstant securitatem: quanto magis in ea republica ubi penes conventus eiusmodi summa est imperij, adde ubi ne in speciem quidem dici potest quicquam à nobis durante conventu potuisse metui. In Hollandia habet concursus hominum ad alluviones aliave locorum stagnantiâ siccanda & aggeribus claudenda, quoties publicè id concessum est fieri, ius tutelæ publicæ, & conventus procerum id ius non habebit? Accedat, quod nec subditi eramus procerum Federatorum, atque insuper legum beneficio eramus exempti ab omni alia iurisdictione præterquam oppidorum nostrorum, quod infra commonstrabitur: quodque fides publica, sive expressa ut quæ Oldenbarneveldio erat data,

sive tacita ut quæ nobis competebat, efficiebat nos à captura immunes, nisi præcessisset eorum consensus sub quorum fide eramus, id est procerum Hollandiæ.

Locus ipse in quo capti sumus non modo in territorio erat Hollandiæ, sed in ipso Hollandiæ palatio, in fundo fiscali Hollandiæ, ubi nemo iurisdictionem habet nisi Comitatus Hollandiæ, & qui eam Comitatus nomine exercent. Sollicitos pro eo loco fuisse Comites Hollandiæ apparet, cum is vnus in omni Hollandiæ exemptus sit omni alij iurisdictioni, solisque subsistat iudicibus Comitatenfibus, id est confessui iudicum Hollandiæ. Ut vero Federati proceres, qui ne pedem quidem ibi proprium habent, sed ibi morantur beneficio procerum Hollandiæ, in ea parte quam proceres Hollandiæ suo vsui receperunt ius dicere possent inconcessu procerum Hollandiæ, à iuris ratione manifeste abhorret. Neque vero sanari hoc vitium potest multo post secuta ratihabitio, tum ob causas quas ante diximus, tum quia ea ratihabitio non obtentâ est nisi per mutationem rectorum contra leges factam, qua de re & actum est supra, & infra iterum loquendi erit

locus. Sed enim ante hanc mutationem, etiam ipso illo die quo decreta erat captura, conquesti sunt proceres Hollandiae suam iurisdictionem violari: sicut & rectores oppidorum Lugduni ac Rotterodami postea à Principe postularunt, ut Hogerbetius & ego ipsis traderemur, quorum mandatu ac nomine Trajectum profecti eramus.

Enormis est & ipse capiendi modus. Ego ex curatorum reipublicae exedra, qui & ipse locus proprius est procerum Hollandiae, Oldenbarneveldius ex ipso vestibulo, Hogerbetius quoque ferme indidem, & cum iam in conventum iturus esset, exciti sumus falso nuntio, velle Principem nos conventos, quomodo olim Comes Bossuius Iacobum Endium Hollandici conventus eo tempore adfessorem ceperat: Iurisdictionis actus per dolum expediri non decet, imo sentiunt iurisprudentes si quis verbis dolosis ex tuto loco elicitus fuerit, cum eximendum vinculis & reddendum pristinae libertati. Princeps qui in Hollandia nullum ius habet nisi Vicarij, & magistri militum ex codicillis procerum Hollandiae, non autem ex codicillis procerum Federatorum, qui promisit nobilitati maiori ac minori, & oppidorum rectoribus fidum

se & obsequentem fore, qui ex mandatorum formula neque in rebus iuris dicundi quicquam agere potest nisi præsente iudicum Hollandiæ confesso, neque in negotiis ad rempublicam spectantibus, nisi cum proceribus Hollandiæ, reipublicæve eorum curatoribus, rite atque ex legibus huius negotio impendi non poterat.

Ad modum illud quoque pertinet, quod capti sumus cum nulla inquisitio præcessisset. Notum autem est ex antiquissimo semperque observato per Hollandiam iure, neminem criminis causa detineri capive posse sine inquisitionis antecessu, extra quam si quis in ipso delicto fuerit deprehensus, aut si alter quispiam de eo questus apud iudicem fuerit. In delicto nos deprehensos nemo dixerit: veniebamus enim ad conventum, cum mandato pacis causa quidvis concedendi. Questum quenquam de nobis ne id quidem verum est: ni quis procures Federatos conquestos dicat, qui, si ita sit, ipsi de captura cognoscere non potuerunt. nam nemo apud se querelam adversus quenquam instituere potest. Inquisitio vero fieri demum cepit post nos captos: neque per questitores aut iudices publice constitutos, sed per eos ipsos qui contra leges nos capiendos decreverant. Iam vero ab Hol-

qui Hollandia præfuerunt. 253

landiæ iudicibus semper iudicatum est, capturam quæ non prægrediente inquisitione facta sit adeo ipso iure nullam esse, ut per sequentem inquisitionem confirmari nequeat, sed semper ea rei specie iussi sine in libertatem restitui qui capti fuerant. Si capturæ causa petatur ex his quæ nota erant omnibus, ut de auctis custodijs, Synodo recusata, & similibus negotijs; ea vero nos nihilo magis quam alios spectant, imo minus nos, ut qui alijs ministerium debebamus, ac proinde non poterat captura nostri, alijs in libertate relictis, huic fundamento inædificari. Hoc ius, neminem sine inquisitione antecedente capiendum, tãti habitum est à nationum nostrarum proceribus, ut inter reipublicæ fundamenta allegatum sit in omnibus orationibus ac libellis factis contra Hispaniensem inquisitionis modum, qui suspicione perstrictos capi permittit, & in captos inquire.

CAPVT XIV.

De his quæ vitio aut inique gesta sunt post nos captos ante datos indices.

Postquam capti eramus, diu in vasta solitudine relictis sumus, antequam nos

quisquam conveniret, quanquam multæ ad promovendum negotium interpellationes à nobis factæ sunt: post semel atque iterum auditi, rursumque per dies plurimos ampliati sumus, & interclusi interim ab omni amicorum commercio consilioque. Atque ita tracta res est ultra mensem sextum antequam iudices in nos darentur, ac proinde antequam iudicio cum nobis agi inciperet, contra leges & mores antiquissimos, qui & Margaritæ Augustæ Principis Hollandiæ lege tam Septentrionalibus quam Austrinis Hollandis concessa firmati sunt. Ea lex sic habet: *Quisquis nostro nomine capitis arcessitur, convenitur intra sesquimestre tempus postquam delatus est, aut reatus eximitur, nisi classis procincta sit, tum fiat id intra tertium mensem aut reatus eximitur.* Vnde apparet, quanti maiores nostri hoc ius fecerint, qui nullam exceptionem admittere voluerunt nisi publicæ expeditionis, & hanc quoque non ultra quam, ut tempus duplicaretur prohibita mora longiore. Consentit huic legi usus perpetuus, & si quando quæsitores voluerunt captos diutius detinere aut trahere quæstionem, semper confessus iudicum Hollandiæ iussit captos sisti iudicio, aut vinculis solvi. Par consuetudo apud finitimos, & nomi-

natim apud Traiectinos in quorum per-
scriptis moribus caput hoc reperitur. *Illico
postquam captus quis erit, instituitur questio: nec
ante eam factam cuiquam propinquorum aut
alteri colloquium, aut aditus ad captivum dator,
nisi in conspectu eorum quos quasitor & iudices
ad eam rem delegassint.* Longa captivorum
ampliatio vnum est inter gravissima in
quibus Dux Albanus leges patrias perru-
pisse arguebatur. Neque negari potest,
quin quod contra leges publicas adeoque
notas committitur ipso iure nullū sit cum
omnibus consequentiis.

Qui medio hoc tempore quæstionem
exercuerūt, non habebant iudicum pote-
statem: ac proinde quod coram illis actum
est, pro legitima quæstione haberi non po-
test. Nam quæstio, ut quæ vim habeat litis
contestatæ, nisi apud iudicem peragi non
potest. Neque vero ad interrogata respon-
sum à nobis est; nisi interposita testatione,
ne fraudi id nobis esset in his quæ super
competenti iurisdictione dicenda arbitra-
bamur. Hinc sequitur, super his interro-
gationibus atque responsionibus non po-
tuisse à iudicibus ius reddi, nisi coram ip-
sis iudicibus ex interrogationibus atque res-
ponsiones relectæ essent, quod nos, citra
detrimentum præscriptionis adversus iu-

dices, fieri debere diximus, neque tamen factum est: atque nihilominus inserta sententiarum sunt multa, de quibus sedentibus iudicibus nulla unquam mentio facta fuerat. Verè profiteor me super decima parte eorum, quæ sententia continet post datos iudices non interrogatum: cum tamen dixerim prius interrogatorum atque respondentium rationem haberi non posse, nisi eadem mihi præsentibus iudicibus prælegerentur, copiaque mihi daretur sensa mea uberius explicandi: quod eo erat magis necessarium, quia in illa ante constitutum iudicium quæstione, sæpe cum defensionis meæ causas dictare vellem, prohibitus fueram, edictumque ne nisi nude ajendo aut negando responderem: sed cum promisso postea dandum mihi tempus ac facultatem me super singulis defendendi, quod tamen factum nunquam est. Noti autem iuris est super confessione extra iudicium facta, aut etiam facta coram alio iudice, à negotij iudice ferri sententiam non posse, nisi quæstione apud ipsum repetita.

Iul.
Cla-
rus §.
fin.
quæst
lv.
num.
1. &
2.

Ex illa quæ extra iudicium in nos habitata erat quæstione eo minus iudicari de nobis poterat, quia pars maior eorum qui quæstioni adfuerant (paucos enim exemptos volo, qui pravum hoc institutum con-

spicati

spicati tempestive se negotio subduxerunt; professi apud complures nolle se ea re animi sui religionem offendere) adversarij nostri erant: Prima in me & Hogerbetium questio habita est cum ex Hollandia nemo adesset; quod à iuris & æqui specie manifeste declinabat. Tum vero qui huic & cæteris quæstionibus adfuere, eidem ferme erant qui Trajecti custodias iniussu Federatorum procerum, & nolentibus primotibus Trajectinis discinxerant: qui clandestina coitione capiendos nos decreverant: qui nos falsò criminati erant in programme cui nomina sua ipsos subscribere pudebat: quibus illi se postea addiderunt qui contra voluntatem ac decretum procerum Hollandiæ, summam in hos atque ipsos potestatem habentium, se Trajecti adiunxerant legatis aliarum nationum, ut eos in proposito adversus proceres Hollandos ac Trajectinos obfirmarent: qui & inaudito ad id tempus exemplo effecerant, ut oppida Hollandiæ contra id quod pars maior conventus Hollandici constituerat in ipso Federatorum conventu suam sententiam dicerent: Hi ipsi tum ex Hollandia, tum ex alijs nationibus, in ipsa quæstione non delegatorum æquitatem prætulerunt, sed partis adversæ

studium, sæpius obtundendo atque interpellando, non sine turbulentis clamoribus, ita ut loquendi libertas non esset, aliisque modis infestum animum nudantibus, per quæ factum est ut postea relegi quæstionem noluerint, eos reveriti qui minus iniqui ad numerum accesserant.

Et cum non satis infensi nobis crederentur hi quibus publice munus accusandi iniunctum erat, speciatim in nos delecti sunt unus è Traiecto, (qui à Ledenbergio læsum se existimabat) alter ex Geldria qui ex nostro exitio profectum suum sperabat & reperit, tertius ex Hollandia præcipuus Oldenbarneveldij inimicus, cui & mortui spoliū, adfessoris Hollandiæ dignitas, obtrigit.

Et hoc iure proditum est, nec iudicibus nec quæstitoribus fas esse capto tormenta comminari nisi ex iudiciali decreto, cum ipse tormentorum metus tormentum sit quoddam. Contra hoc certissimum ius, sine decreto Federatorum procerum, ante iudices constitutos, ne ex eorum quidem communi consilio qui præerant quæstioni, imo nonnullis insciis, comminatio talis non semel & acribus verbis adhibita est. Cumque dubitari nequeat quin Ledenbergio idem incussus sit metus, facile

hinc intelligi potest quis mortis eius causam dedisse censi debeat : neque illud iuris ambigui est, quod ab animi minus robusti hominibus in manu inimicorum positus post illegitimas minas ipsis adhibitas perpetratur ad crimen probandum non sufficere.

Paucis diebus post me captum vxor libellum obtulit, vt adesse mihi permitteretur, & mecum in custodia manere ad causæ definitionem, sed repulsam tulit. Post id in graves & periculosos morbos incidimus : nunquam tamen conungi permissum est me aut videre, aut alloqui, ne quidem arbitris custodibus. Cum secunda in nos quaestio esset habita, charta nobis, & amentum subducta sunt, atque ita detenti sumus per menses sex, nec omissum quicquam eorum quæ ad nos vltius vexandos spectare posse videbantur.

CAPVT XV.

De his quæ vitio aut inique acta sunt in dandis iudiciis.

VEntum est ad eorum qui se iudices vocant dationem : circa quam duo

spectanda, qui dederint, quique dati sint.

Dederunt Federati proceres, quibus ius dandi non fuit.

Cum enim iurisdictio omnis fluat ex iure summæ potestatis, idque ius semper fuerit, & post fedus manserit penes nationes singulas, non potest Federatis proceribus vlla esse iurisdictio in nationis cuiusque subditos. Federis naturam habet vinculum illud quo nationes inter se conne-
ctuntur. Fedus autem per se iurisdictio-
nem non tribuit, ni diserte cautum id sit, aut per consequentiam manifestam, ut cum alter alterius maiestatem observare tenetur, ac proinde in federe superior alter, alter verò inferior est. Hoc vero nostrum fedus æquale esse apertum est: neque vero communitati Federatorum in nationes singulas earumve cives iurisdictio vlla attributa invenitur. Verum quidem est communitati Federatorum coercionem esse in nationes non implentes ea quæ sunt federis, sed ea coercionem non ex superiore quodam imperio oritur, sed ex naturali libertate quæ omnibus summis potestatibus in æque summas id iuris concedit. Et hanc coercionem habet Federatorum vniuersitas in nationes ipsas cum quibus contractum est, non in cives natio-

Bodin
de rep.
lib. i. c.
vii lib.
v. c. vi.
Mench.
de arb.
ind. quæ-
lib. i.
st. 100.
Vvará.
ab E-
remb.
de Fe-
deribus
parte i.
c. 31.
nu. 44.
& cap.
rv. nu.
16.

num singularum, quibus sufficere debet, si suæ nationis potestatibus parent atque earum imperata exsequuntur. Exemplum sumamus à subditis Principum Federatorum Germaniæ. obedientiam debent suo quisque Principi. At si quis Principum desit implendis quæ fedus exigit, potest is à Principibus aliis ad fidem servandam cogi. Aliter si accipiat negotium, per fedus re ipsa damnum fecissent nationes singulæ libertatis iuris & legum, quæ tamen tam anxie sancteque salva fore stipulatæ sunt. Nam leges ipsæ vocem non habent. Quod si qui eis vocem suam commodant suæ nationis imperio atque utilitati, rationem actus sui aliis quam suæ nationes reddere tenebuntur, neque nationes ministros neque leges patronos invenient. In hoc sita est vis imperii, ne ratio alii quam imperium habenti reddatur. Secus si esset, ministri ac cives nationum iureiurando adstringi debuerant, non in verba procerum suæ nationis, sed in verba procerum Federatorum. Ita cognitum cuique fuisset quid sequi deberet. Sed ut iuramento fides, & obedientia nationis proceribus addicatur, deinde verò quod eius summæ potestatis imperio factum est, de eo ut causa sit dicenda apud potestates alias, perquam est

absurdum & in se sibi mutuò adversantia continet, & subditos omnes in periculum adducit aut periurii, aut malæ tractationis. Si Federatis proceribus ius est summi imperii in cives & ministros nationum, id omnibus clarè significatum oportuit, ne per ignorantiam iuris vitam amitterent aut libertatem. Si non habent, tutus esse debet qui suæ nationis primoribus paruit, ita tamen ut fociis ius sit conveniendi eisdem nationis primores vniuersos siquid adversum fedus factum existimant.

Federis tabulæ, in quibus omnis potestas procerum Federatorum fundata est; ipsis Federatis proceribus nullam attribuunt iurisdictionem, aut in nationes, aut in subditos eius. Nam capite primo non modò nationibus servantur iura sua atque libertas, (in quibus certe etiam comprehensa est iurisdictione ipsis solis in cives suos competens) sed & hoc dicitur : *ne socij se immiscuant controversiis quæ inter nationes diversas super legibus, iure, libertate, constitutionibus, moribusque ipsorum nascuntur, nisi conciliationis faciendæ causa se velint interponere.* Atque ita ius habitum, ita usurpatum fuit, orta contentione inter proceres Geldros & Hollandos de Dalemo, & in ea controversia quæ Hollandis cum Frisijs & Transila-

qui *Hollandiæ præfuerunt.* 263

lanis incidit de sinus Austrini piscatu. Decimo vero septimo dicti Federis capite dicitur, *nationes singulas tam externis quam civibus ius æquabile dicturas: ni fiat, socios comiter operam daturos ut fiat.* Quod si etiam hoc pacto comprehensum non foret, satis esse debebat quod in contrariam partem nihil pactū esset, cum, si absint novæ cōventiones, res censi debet manere in statu quo fuerat. Amplius dicitur nono federis capite, *res induciarum, pacis, belli, indictio- num & tributorum ab vniversitate federis regendas ex cōsensu communi nationum: demto si forte nationes de rebus induciarum, pacis, belli, aut tributorum inter se consentire non possint, ea controversia ut pro hoc tempore referatur ad præfectos, inque eos compromittatur.* Decimo sexto autem capite cavetur. *Si inter nationes cōtroversia, dissensionis, aut litis aliquid oriatur, qua de re inter ipsas convenire nō possit, id, si peculiariter nationes aliquas tangat, componitur ac transfigitur opera cæterarum nationum, aut quibus ea nationes id negotij dabunt: quod si res nationes omnes spectet opera præfectorum, ita ut nono capite dictum est.* Rursum capite xxi. *Si quid in his ambiguum aut obscurum reperiatur, unde contentiones ac lites oriri possent, ius interpretandi penes socios federis esto, qui communi consilia atque consensu constituent quod fa-*

Et nunc existimabunt: quod si inter ipsos conuenire nequeat, consulant praefectos in modum ante commemoratam. Si communitati Federatorum vera iurisdictio data esset, nihil attinebat monstrari vias transactionis, & si ea non succederet, compromissi. Nationes mediae & si ex desint praefecti (nimirum si ipsorum quoque nihil intersit quomodo finiatur controversia, quam exceptionem & rationis paritas & aequitas naturalis satis indicant) commonstrantur, ut conciliatores, aut arbitri rerum inter nationes litigiosarum; non ut iudices impositi nationibus, multo minus civibus nationum, tantum abest ut criminum sint cognitores.

Post fedus nihil specialius inter nationes de iurisdictione convenit. Neque usus etiam si probaretur (qui tamen non probabitur) ius faceret, cum legati nationum sine particulari ipsarum mandatu summum earum imperium neque transcribere neque imminuere potuerint. Quod plus est, multa Federis capita, ut quintum & sextum de tributis, octavum de censu agendo omnium qui militaris essent aetatis, vicesimum quartum de iurando in fedus, vi sua caruerunt, quia post fedus conceptum, nationes eam in rem non

affenferunt. Sed enimvero multum abest, ut probari usus possit intra eos fines qui negotio nostro aptari possint. Nam in quos antehac ius à proceribus Federatis dictum fuit, aut externi fuerunt peregrè primum adventantes, aut hi qui operam Federatorum communitati addixerant, ut milites similesque alij, aut subditi partium Brabantiæ & Flandriæ, in quas partes communitas Federatorum omnes summi imperii actus exercet, quomodo nationum proceres in suas nationes, tam in condendis legibus, quam in exigendis tributis, quod ius Federati proceres in vllâ septem nationum exercere ne conati sunt quidem. Sed ut primores Federati pro sui imperij potestate ius dicant in subditos cuiusquam septem nationum, atque adeo in ministros eius publicos, & de negotiis gestis auctore natione ipsa, novum plane est, & antehac inauditum. Dicitur Houstinus quondam imperio Federatorum procerum captus: sed dimissus suæ nationis postulatu. Trajecti anno ciro 13 ex iudicium expeditum est per delegatos procerum Federatorum, procerumque Trajectinorum & per iudices vrbicos. Sed ibi iudex ordinarius, quo magis extra suspicionem ageret, opem ac præsentiam socio-

rum depoposcerat, sine fraude legitimæ iurisdictionis : quomodo & Delphis olim iudices oppidani aliquos ex confesso iudicum Hollandiæ sibi adiunctos habuere.

Præter vero quod proceribus Federatis ius non fuit iudices dandi, etiam nationes ius habebant contrarium, quod locum haberet etiamsi proceres Federati in ius Principum successissent, quod ita se non habet. Nam ab omni ævo nationes ius habuerunt de causis non evocandis, id est de non avertenda cognitione à legitimis nationis cuiusque iudicibus ad ipsum Principem. Philippus anno ciro cccc lxi proceribus Hollandiæ necesse habuit promittere neque se, neque senatum suum causas evocaturū nisi eius generis quæ domi expediri non possent, quales quæ sint ibidem explicatur : Post anno ciro cccc lxxvi Maria Dux Burgundiæ pro se & successoribus suis pollicita est mansuros, proceres singulorum in iure non evocandarum causarū. Ac serius anno nempe ciro cccc lxxx eadem Princeps fæmina cū marito Archiduce Maximiliano sponpondit, *causas omnes atque lites in Hollandia nascentes, & quæ ad cognitionem quæstionum maiorū minorumque, aut his similium non pertinerent, definitum iri à Vicario & confesso iudicum Hollandiæ qui quoque tem-*

qui *Hollandia* præsuerunt. 267
pore futuri essent, prout veteres leges imperarent.
Quod si quæ lites causæve per evocationem, aut
aliter pertracta fuissent, postmodumve pertraherentur ad Principem aut senatum eius, in iis ne
procederetur: sed remissio fieret ad Vicarium &
confessus indicum *Hollandia*, ut per eos primi-
tus definirentur ex dictarum legum præscripto.
Oppidum Amstelodamum, ut & alia Hol-
landiæ oppida, cum anno 1510 XLIX iube-
retur mores suos perscriptos exhibere, hu-
ius iuris tanquam inter hollandica præci-
pui mentionem non omisit. Qui conven-
tui Federatorum procerum interfuerunt,
sciunt à nationibus diversis, ac nuper etiam
à Translavicana, ius simile de causis non
evocandis allegatum fuisse, & locum ei à
proceribus Federatis datum. Neque omit-
tendum leges has adversus proceres Fede-
ratos multo magis esse necessarias, quam
olim adversus Principes fuerint. Nam Co-
mes *Hollandiæ* iureiurando obstrictus erat,
omnes *Hollandiæ* leges tueri, ita ut in cau-
sis etiam ad Principem excitis civis Hol-
landus retineret iura cætera ad defensionem
sui spectantia: cum Federati Proceres
nunquam iurarent in leges *Hollandiæ*, ac
proinde per causæ evocationem civis Hol-
landus, non vnum illud ius duntaxat, sed
alia quoque iura amitteret.

Federati proceres cum & deliquium hoc iurisdictionis penes se, & nationum leges contrarias non ignorarent, dari à se iudices professi sunt, *sine fraude iuris quod aut communiter, aut speciatim nationibus competeret, ut conspiciere est in decreto quod fecerunt die XIX Novembris anni CXCIO CXVIII.* Quæ adiectio tacitam quidem continet confessionem rei novæ & illegitimæ, cæterum non aufert noxam in re sitam, quia ipsa actus natura verbis reluctatur.

Ja Sed & Hollandiæ proceres facile viderunt quantum hæc res à iure defleckeret, atque ideo decreto suo facto sine Ianuarij mensis anno CXCIO CXIX constituerunt, *ne ea res perduceretur ad consequentias, aut exemplum fieret in fraudem legum, summique imperij ac libertatis Hollandiæ, atque enim in finem ut cautio conciperetur quæ esset optima & Actus inderetur.* Quæ poterat evidentior haberi confessio qua pateret rem hanc legibus congruentem non fuisse?

Nec est quod quisquam existimet, tali consensu convaluisse iudicium dationem. nam proceres Hollandiæ antequam mutati essent agi contra nos coëptis contradicere: atque ipsi postea, ut & hic consensus atque alia obtinerentur, mutati fuerunt. Non potest vitiosus actus alter

alterum sanare. nec quisquam conditionem suam meliorem facit contra leges faciend.

Quod si etiam sine mutatione proceres iidem mansissent, adhuc illud esset considerandum, summum imperium non posse alienari ab eo qui id imperium habeat. Iudices confessus superioris paulo antequam hæc fierent in libello ad proceres Hollandiæ liberaliter disseruerant, exceptiones quas ostenderet lex Philippi Ducis posteriori lege Maximiliani ac Mariæ fuisse sublatas, ac proinde omnem simpliciter causarum evocationem interdictam, quod ipsum consueque extendebat, ut ne proceribus quidem Hollandiæ permissum vellent cognoscere de civium causis, aut qui cognoscerent delegare, etiam ubi duntaxat de arcendis oppido quibusdam ageretur sine famæ bonorumve iactura. Hic verò non de oppidi vnus interdictione agebatur, sed de vita, de libertate, de fortunis hominum, non de plebe, sed qui publicis honoribus eximis fungerentur: neque illud quærebatur an ipsi proceres Hollandiæ aut ab ipsis dari iudices eiusmodi causas cognoscere possent, sed an ea cognitio ad Federatos posset transferri. Quid ergo de hoc negotio iu-

dices illi dicere poterunt, siquidem stabūt suis pronuntiatis, nisi apertam hīc esse legum perruptionem, & rem eiusmodi in quam proceres Hollandiæ consensum præbere legitimum non potuerunt?

Supra legem hanc nationis communem, sunt & propriæ oppidorum: sicuti municipibus Lugduni concessum est, ne de criminibus iudicem alium habeāt quam oppidanum: cumque Dux Albanus erecto novo tribunali sub Maiestatis nomine hanc legem eversum iret, oppidi istius, vt & aliorum nomine, denuntiationes sunt interpositæ. Lex similis est apud Rotterodamenses, etiam hoc adiecto valituram legem etiam si quis municeps alio in loco deliquisset dummodo inde abiret non accusatus. Ego vero Rotterodami Lugduni Hogerbetius omne ius municipum consecuti eramus.

Si dicat quispiam in nostra causa hūc iuri fuisse renuntiatum ab oppidi ordine, primum id non liquet. Imo notum contra est paucis post nos captos diebus ad has leges apud Principem ab oppidorum Lugduni & Rotterodami legatis fuisse provocatum, ipsumque, vt Vicarium Hollandiæ, interpellatum, curaret vt nos earum legum effectu frueremur. Hinc præ-

qui Hollandiæ præfuerunt. 271

tet quæ voluntas oppidorum fuerit, non ex eo quod postea mutatis rectoribus effectum est. In maximum certè periculum adducuntur, & civitatû rectores & ministri, si rebus contra leges novatis ministris subducentur mandatores, & aliis immisitâ in ipsos potestas dabitur. Grave est, aiebat Cato, apud alios causam dicere cum inter alios vixeris. Sed ne poterat quidem oppidi ordo huic iuri renuntiare in fraudem nostri qui adseffores eorum eramus: quia legum ius ad nos devenerat ex contractu, quem cum decurionibus oppidi inieramus quando operam nostram deposcebant. Præterea ordo oppidi tenebatur nobis ex mandato, quod & speciali instrumento procuratorio munitum fuerat. Nam quicquid Hagæ egimus, id egimus vi specialis aut generalis mandati ab oppidis accepti: quod autem iussu conventus Hollandiæ fecimus, ut de Trajectina profectio, haberi itidem debet quasi ab oppidis mandatum, quia oppidorum legati oppidi sustinentes personam sua sententiâ id probaverant.

Tam notæ leges ad ius publicum pertinentes efficiunt, ut nullum sit quod contra sit, quod & leges multæ, ac nominatim illa Mariæ Burgundicæ exprimunt. Sic &

postrema pactione inter Hollandos & Zelandos inita super iudiciis communibus dicitur, nullas literas in ius vocatio- nis emittendas quæ notis patriæ legibus adversentur: secus factum si sit, non pro- teres tantum nationis, sed oppida quo- que satis officio fecisse videantur, si legem significant tantum. Ea vero significatio in causa nostra ab oppidis Lugduno & Rot- terodamo apud Principem, & per eum apud proceres Federatos facta est. Sic Princeps Wilhelmus in ius vocatus à regio procuratore dixit, non teneri se ad exce- ptiones in iudicio allegandas, quando vim nullam haberent quæ contra leges natio- num, ac proinde contra ius publicum fie- rent. quod ipsum late defensum videre est in recognitione Synodi Tridentinæ libro 1. cap. xii. At quanquam opus non fuit, legum tamen auxilium imploravi- mus. Oldenbarneveldius in quæstione prima causas dictavit, cur Federatis proce- ribus in se iudicium non cōpeteret, etiam precibus poscens eas ut causas scripto complecti sineretur: quod negatum ipsi est. Post datos iudices adversum eam da- tionem per tres dies dictavit quæ ex re pu- tabat, iterum postulans, ut ad ipsos proce- res Federatos iusta sua perscripta dare & mutationem

qui Hollandia præfuerunt. 273

mutationē poſcere permitteretur. Quod cum non obtineret, à datione iudicium appellavit ad Federatos proceres, & nationes à quibus ipſi miſſi eſſent. Cumque eo nihilominus pergerēt iudices, repetijt appellationem. Ego in quaſtione prima antequam reſponderem ad interrogata dixi natum me Hollandum, miniſtrum oppidi Hollandiæ; captum in ſolo Hollandico; iudices nullos niſi Hollandos agnoſcere. paratum tamen me apud quosvis defendere quæ egiſſem. Poſt datos iudices dixi proceres Federatos in me imperium ſummum nō habere, ac proinde iudices in me ab eis dari non poſſe: uſus etiam ſum lege Rotterodamenſi & iure quod iuxta municipes habebam: præcatus ſum quōque ut hæc cū ſuis cauſis ac rationibus proceribus tum Hollandiæ tū Federatis ſineret com-monſtrare, ſed impetrare hoc non potui. Poſt conditionem tali, cognitionem ſuper exceptione mea deferri deobus per Hollandiam iudicium conſeſſibus, aut iis qui iudicium munere apud nos aut nationes alias fungentes ad hanc cauſam iuxta cæteros delegati erant, ut quos cæteris æquiores cenſerem. Cum iuberer ſine horū detrimento ad interrogata reſpondere, facturum dixi ut maiore compulſum. Puto

tantundem ab Hogerbetio factum. sed
furdus fabula canebatur.

Supra quod iurisdictione carebant qui
iudices dabant, observandum est in illis &
studium partis adversæ nobis, de quo su-
pra agere occupavimus. Nam quod hic in
iudicium deducebatur, illud ipsum erat,
quod adversus nationes alias nostræ natio-
nis iussu defenderamus, ita ut plane hic in
sua causa ius dicerent. Qui tum conven-
tum Federatorum maxima ex parte im-
plebant, infestum in nos animum multis
indiciis prodiderunt. nam ipsi nos ante
sententiam, ante peractam quæstionem,
non visis quæ in quæstione acta erant præ-
iudiciis gravissimis convulneraverant, pri-
mum in instrumento quo iudices daban-
tur, cum dicerent captos nos ad quietem
reipublicæ conservandam, religionem
procurandam, rupturam federis prohiben-
dam, ad providendum ne miles in aliud
sacramentum, quam quod in verba est Fe-
deratorum, diverteretur, ad occurrendum
turbis & cædibus, tanquam nos tot tanta-
rumque rerum rei fuissetus: deinde vero
in indicendo iustitio ac supplicationibus
ad Deum post datos iudices. nam in li-
teris eo pertinentibus depingimur ut am-
bitiosi homines, (nos qui ad munera sine

ambitu ullo, sine prensatione petvenimus, non rogantes sed impense rogati, atque ea munera abunde nobis satis arbitrabamur) accusamur privata consilia promovisse: (cum nihil à nobis factum sit, nisi eorum mandato quibus parendum habebamus) quibus superadditur periculum imminuisse, ne tota religio (quam certe secundum divinæ legis præscripta ex animo fideque optima colere studuimus) per nos eversa funditus periret, ipsaque respublica (quæ nobis vñice cordi fuit) ruinam datet: ac proinde in nos ut reipublicæ turbatores propediem legitimum iudicium ac sententiam expectandam. Quas quidem tam atroces literas pij probique pastores nonnulli populo recitare recusarunt; potius habentes munera publica deferere, quam tantæ iniquitatis ministerio semet attaminare. Rursum postea in responso quod Bossizio & Maurerio regis Galliarum legatis datum est xxiii Martij anni cio io cxix: in quo non tantum ut facinorosi turbulentique traducimur, sed additur expressius gravium criminum nos teneri; palam æsummo periculo conspirasse nos adversus rempublicam, propositum nobis fuisse per factiones & clancularios ductus sine

causa, sine accepta potestate evertere fedus, religionem, iudicia totamque vim præfectorum, & quæ summa est, totam rempublicam perdere, ad satiandam ambitionem immoderatam pravumque consilium exsequendum. Qui ita loquuntur ante rem cognitam in miseros captivos talium ignaros, ac iudicibus (qui eo ipso tempore cœtum suum agebant) præscribunt quid de nobis sentire, quid in nos statuere deberent, credibile ne est eos in dandis iudicibus æquos nobis fuisse? Adde iam immanem licentiam quæ more pessimo & in publicum pernicioso libellis & carminibus famosis mendaciorum & calumniarum plenis vagari permissa est in nos seclusos, & ut dixi, ad objecta, quippe ignorata nobis, respondere non valentes, tantum irritæ in nos plebi: quæ evidentia signa sunt acerbi atque implacabilis in nos animi. Qui inde quoque apparuit, quod Mœrsbergius vi equitum abductus est ex solo pácato Monasteriensi in quo nullam iurisdictionem Federati proceres arrogare sibi poterant. Dignum quoque notatu, iudicem quemquæ à Federatis proceribus sumpsisse cautionem signatam, ne quis ipsos huius rei ergo verbo aut factis

qui Hollandiæ præfuerunt. 277

impeteret : quod si quis impetisset, id Federati proceres ut in se factum acciperent ac vindicarent. Qui legitime datos se iudices credunt, non solent tam custodite agere.

Veniamus ad vitia spectantia ipsos qui iudices dati sunt : qua in re primo considerandum est iudices eos ordinarios sive legitimos non fuisse. Fac ius dandi iudices competisse proceribus Federatis, cur non cognitionem mandarunt alteri ex confessibus iudicum Hollandiæ, quorum opera, ut quæ proximè ad manum sit, uti frequenter solent etiam ad res suæ communitatis? Cur non Senatui federis permissum est iudicium, qui potestate ordinaria ius dicit, nomine procerum Federatorum? In omni libera republica odiosum est de capite ac fortunis civium alios dare quam legitimos iudices, præsertim si qui dantur (ut horum pars maxima) non in vlllo iudiciali munere, sed in civilibus consultationibus versentur. Inter cætera quæ Dux Albanus à legibus aliena fecit, etiam in causas Majestatis iudices dedit extra ordinem lectos, & metuens ne quæsitores legitimi supplicia exigere nollent, vsus ad ea est speculatoribus quod in nostro quoque negotio factum vidimus. Maiores nostri conquesti

olim sunt hac re violari leges, quæ cave-
rent ne quis in re criminum alios quam or-
dinarios iudices experiretur. Multi etiam
armorum nostrorum ius ex hac potissi-
mum causa defenderunt.

Iam vero præterea dati iudices partem
maximam (quod sine fraude paucorum di-
ctum volo, qui destinatum à cæteris in nos
ictum neque consiliis neque rationibus vl-
lis avertere potuerunt, sed tantum in hoc
servierunt, ut actui splendorem de suo no-
mine adderent) infesti nobis erant per ini-
micitias qua publicas qua privatas. Nam
ex nationibus aliis iidem erant qui Traje-
cti custodias dissolverant, & à nobis eo no-
mine incusabantur, qui nos capiendos non
iure decreverant, quorum opus erat ipsum
illud programma de quo diximus, respon-
sum ad Bossizium, literæ iustitium indi-
centes, atque ipsa iudicum datio: qui au-
dientibus multis mortem Oldenbarnevel-
dij prædixerant; ex Hollandia vero illi qui
se ab Hollandiæ proceribus segregaverāt,
imo cum aliis nationibus adversus Hol-
landiam coierant, qui Trajectum venerāt,
ut sui præsentia alios confirmarent: qui &
Oldenbarneveldio & nobis malum mina-
ri sæpe fuerant: qui de nobis capiendis
consilium dederant multo ante profectio-

nem Traiectinam. Iudices alij etiam ordinarij quoties reformidari se vident, quam levibus de causis, vltro à se abdicant cognitionem. *Probi & modesti iudices*, inquit Cicero, *se solent excusare, quando manifestum est alteram apud eos partem gratia prevallere.*

c.
quod
suspe-
cti 3.
qu. v.
Lib.
de
Ora-
tore.

Hi cum ab vxore & liberis Oldenbarneveldij in conventu Hollandiæ recusati essent, cum in ipsa quæstione dictum à nobis esset, graves nobis videri nonnullos atque eos nominatim qui Traiectum ivissent, & quorum res agebatur eo quod nostra damnatione absolutionem suam quærerent, tum vero præcipue eos qui tot in nos præiudiciis latis iudicio se integros non servaverant, quique comminatione animum inimicum nudaverant, negotio religioni ipsorum à nobis permissio, volunt esse ac manere iudices de capite fortunisque civium tantis de causis ipsos perhorrescentium. vbi hoc auditum antehac?

Inter Hollandos duo fuere quæsitores, id quoque contra ius patrium. Nam quæsitoris & iudicis officia apud maiores nostros adeo infociabilia fuere, vt more generali, quæsitores rerum minorum iudicare non potuerint in quæsitorem maiorum tribunali, etiamsi minores illi essent aut Feudorum possessores, aut de familijs me-

lioribus, qui omnes alioqui ad iudicia idonei habentur, quod obtinuit etiam in causis ipsos nullo modo contingentibus. Sic & cum in Hollandia aut Zelandia Comes ius diceret quæsitores maiores assidere ei non permittebantur.

Persuasum vulgo est, quo minus Hollandiæ decederet inter iudices qui numero erant xxiv Hollandos fore duodecim: sed implendo numero inter eos duo fuere Zelandi qui suffragio Zelandiæ in confessum iudicum Hollandiæ simul & Zeladiæ pervenerant.

In eodem Hollandorum iudicum numero erat, qui occasione mutatæ reipublicæ in confessum nobilitatis penetravit: alij consulum, decurionatum, locum inter curatores reipublicæ, in senatu Federis, in conventu Federatorum honoresve alios adepti, quorum omnium intererat tueri cœptam mutationem, quod ut fieret nobis dampnatis opus erat.

Præter magnam pecuniæ summam quam ex hoc iudicio iudices abstulerunt, (nam novum hoc tribunal amplius Lxx florenorum millibus stetit) etiam post id tempus non caruerunt sua aut pacta, aut sperata mercede, sive ipsi perducti ad dignitates eximias, & legationes, sive proye-

qui Hollandia præsuerunt. 281

Etis liberis, ita ut in omnibus appareat hos cæteris fuisse prælatos, ne rem talem fecissent sine operæpretio.

Multi inter iudices rudes erant admodum, nulla imbuti iuris scientia, quidam nullius nisi patrij sermonis gnari, sine vlla rerum gerendarum peritia. Quo verò tandem modo homines tales apti esse poterāt qui iudicarent de summi imperij partibus ac signis, quo tota hæc quæstio redibat, quæ res à legum ac negotiorum peritissimis plane difficiles habentur, & subtilis admodum disquisitionis?

Ququam vero non omnes causæ ob quas à nobis iudices reformidabātur, quæque aliæ nunc certo iudicio ad tempus subticentur aperiendæ si posthac res id exegerit, speciatim à nobis additis nominibus expressæ sunt, satis erat causas illas iudicibus non esse incognitas. Nam ubi ita se res habet, tenetur iudex à se cognitionem relegare: quod si pergat acta omnia deinceps ipso iure nulla sunt: quia scilicet qui plane medius non est, eius modestiæ convenit semet excusare: ut inter alia videre est locis quos supra allegavimus ex recognitione Concilij Tridentini. Neque vero à nobis eierari iudices directe poterant, cum ipsam iudicum dationem vitij argueremus.

Gl. in
c. ult.
causa
III.
qu. 3.

Sed neque obstare nobis in hoc negotio potest, quod in quaestione ad interrogata respondimus: cum id non factum à nobis sponte sit: nec animo iudicem agnoscendi, sed compulsu ac desiderio semel exeundi carceris tardium, interposita etiam testatione cuius ante meminimus.

CAPVT XVI.

*De his quæ vitio aut inique sunt acta
post datos iudices.*

QUod modum agendi attinet, primum iustissimam habemus conquerendi rationem, quod in formam civilis negotij causa nostra recepta non est. Est quidem mos ille ordinandæ causæ, qui extraordinarius dicitur, apud nos moribus receptus, sed in quo causarum genere? In eo scilicet ubi ipsum facti nomen omnino delictum involvit, & pœnam postulat, ita ut facto confesso pœna ex vi legum necessario sequatur. Sed ubi ambigua est facti qualitas, exempli causa si quaeratur qui hominem interfecerit, idne fecerit sui tuendi causa an dolo malo, tam apud superiores quam inferiores iudices moris est ad mo-

dum civilis negotij causam expedire. Si
usquam id locum habet, hic certe habere
debit. Nam causæ nostræ iudicatio pen-
debat partim à iuris quæstione, partim à
facti qualitate quæ erat inquirenda: puta,
an quod factum à nobis erat, cum Federe
pugnaret, quousque milites proceribus
nationum singularum tenerentur, quæ no-
bis mandata ab his qui imperare nobis po-
terant, essent data, pluribusque aliis eiuſ-
modi. Non satis est si pauci aliquot in re-
bus eiuſmodi dicant situm esse delictum,
cum multa hominum millia aliter iudicet:
quare id diligenter & palam atque adeo in
modum litis civilis disquirendum est. Quod
si in re nostra factum esset, tum sane popu-
lus, cuius id maxime intererat, scire potuif-
set iure an per iniuriam damnaremur. Ale-
xandro regi obiectum olim est, quod vox
Callisthenis carcere clauderetur. In ne-
gotiis rempublicam spectantibus, non pa-
lam auditi, non palam defensi, quasi inno-
centes pereunt aut damnantur. Quibus-
cunque aliquid est sensus, facile iudicabunt
tum istum agendi modum, tum quæ secu-
ta sunt omnia eo directa ne genus huma-
num vnquam ad negotij veritatem perve-
niret: quo pertinuit & novi moris iura-
mentum quo iudices semet obstrinxere

nequid rerum apud se gestarum etiam post rem iudicatam propalarent. Modus hic extra ordinem, ut vocant, agendi adversus integræ famæ homines, super rebus de quibus non omnes idem solent censere, quales sunt res religionem aut reipublicæ gubernationem cōtingentes, est illa ipsa inquisitio, adversus quam tot querelæ tempore Caroli Imperatoris & Philippi regis institutæ sunt: quod intolerabile onus habitum est inter præcipuas belli causas. Orationes eo tempore habitæ à diversarum nationum proceribus manifeste ostendunt non tantum à proceribus improbatum genus illud causarum super quibus adversus captos per meram inquisitionem agebatur, sed ipsum quoque illum agendi modum, ut libertati ac moribus avitis repugnantem. Adde modum extra ordinem agendi introductum apud nos quo celerius causæ dijudicarentur, quæ civilis litis instar ordinatæ in longum duci solent. In negotio nostro ostendit novem mensium tempus non hoc spectatum: ac proinde nullam posse confingi causam honestam, cur clancularia ista agendi ratio placuerit.

Quod si omnino fixum stabat causam nostram ad modum civilis negotij non

qui Hollandia præfuerunt. 285

diregere, (quod tamen nobis debebatur & mos habet in negotiis etiam neutiquam adeo obscuris) certe ad repetitas toties à nobis ac nostris preces aditus & consilia amicorum subtrahi nobis non oportuit. Omnes iurisperiti qui de publicis iudiciis scripserunt, aiunt post quæstionem habitam indulgendum captivo locum laxiorem ubi cum advocatis & procuratoribus consultare possit, & ea componere quæ ad causam tuendam pertinent. In nostris terris quenquam per octo aut novem menses intercludere commercio vxoris, liberum ac necessariorum inauditum est extra tempora Albanicæ præfecturæ.

Si ne hoc quidem concedere nobis placebat, (quod nisi iniquissime & novo plane exemplo negari nobis non poterat) certe danda nobis fuit plena libertas nosmet defendendi tum voce tum scripto. Scriptores de iudiciis criminum docent, damnari neminem posse, nisi cui tempus se defendendi sit datum: ac dādum ei hoc tempus etiamsi non postulet, etiamsi delictum factus sit. Quod ipsum, ut non modo iuri civili, sed & patriæ nostræ moribus consentaneum à confessu iudicum superiore apud nos proceribus Zelandiæ commendatum memini. In oppidis quibusdam ne-

Mar-
tilius,
Fol-
lerns
Strac-
cha,
Bajar
dus-

concipi. Gnarum nobis erat quæ feceramus ex mandato à nobis facta, tum qui mandaverant, quique mandata nobiscum executi fuerat eos ne compellari quidem: ac propterea existimabamus quæ à nobis acta essent nihil magnopere defensionis egere. Vbi quæso auditum tandem est antehac, captivis id orantibus negari potestatem recognoscendi quæ dicta sunt, ut si necesse sit, fusius sensa sua exponant? At hoc negatum est nobis. Iam ante probavimus maiorem quæstionis partem peractam ante iudices datos: cui consequens est quod tum responsum est defensionis locum habere non posse, cum defensio institui nequeat, nisi apud iudicem. Quare cum responsa ista nunquam nobis præsentibus relecta sint, neque potestas nobis data largius mentem explicandi, his sane in rebus superest indefensos nos esse. Adde multa quæ dictaturi pridem fueramus omissa à nobis, eo quod fides facta nobis esset postmodum defensionis pro arbitrio faciendæ copiam fore: quod cum secutum non sit, non hac in re iniuria tantum affecti, sed & dolo circumventi sumus. Quod iam ea quæ à nobis dictata sunt attinget, quæ plerunque consistebant in factis defensionem continentibus, aut iudices ea
vera

vera putabant, aut fecus. Si vera, non poterant quod his erat contrarium sententiæ inferere. Si ut vera non acceptabant, certe tempus ac facultatem ea probandi concedere nobis tenebantur, quod ipsum à me speciatim postulatum est. Fuit etiam cum dicerem apud iudices non eam vim fuisse memoriæ meæ & per morbos & per carcerem labefactatæ, ut ad singula ex tempore quod opus erat potuerim respondere: interdum dictandi quoque libertatem aut ademptam mihi aut accisam: quæ propter rogare me ut relegendentur acta quæstionis prioris, & ut ad probanda quæ pro me allegaveram aut allegaturus eram facta admitterer: præcipue circa insumtam à me operam ad componendum quicquid in Ecclesia aut republica disconveniebat: & circa decreta facta à rectoribus oppidi Rotterodami de rebus plurimis. Cum nihil impetrarem, rursus petij ut scripto quædam complecti liceret: & cum longum per tempus ei postulato institissem, non amplius temporis indultum est mihi horis quinque pomeridianis, & chartæ folium vnum, quanquam etiam atque etiam roganti ut & tempus largius & chartæ plus paulo mihi concederetur: verum ne quicquam. In hac char-

ta perscripsi quæ mea fuissent consilia, quæ mens, facta defensionem continentia breviter indicavi, (quæ talia erant ut certo norim iudicum quosdam dixisse, si de iis constaret, optimo iure me niti) petij ut ea probandi mihi potestas fieret: qua petitione nec reiecta nec admissa, (quorum tamen alterum ut fieret iuris ratio exigebat) in me, ne compellatum quidem amplius, pronuntiata est causâ terminans sententia.

Quomodo vero talis agendi ratio à vitio, iniquitate, imo ab immanitate barbara purgari potest? Hispaniæ illa inquisitio, adeo à maioribus nostris tantoque iure exagitata, permittit reo colloquium & opem patroni, & ius probandi facta quæ defendendi sui causa profert. Comitibus Egmondano. & Hornano Albanicæ præfecturæ temporibus tradita sunt accusationis capita: temporis quantum satis datum conscribendæ defensionis, quæ hodieque legitur. Permissum ipsis exhibere libellos atque instrumēta culpæ amoliendæ, quod & diserte narrat sententia: quæ omnia nobis negata sunt. Et tamen conquestæ sunt Belgicogermanicæ nationes omnes de modo agendi adversus eos Comites, præsertim circa res duas, nempe quod procuratores & advocati ipsis non essent auxilio

dati, & quod testium adversus se productorum notitiam non habuerint, ut eos possent refellere. Princeps Wilhelmus Arausionensis in responso suo cum à procuratore regio dies ipsi dictus esset, ait *captivitatem eorum Comitum rigidiorē esse quā ius permittat, secundum cuius regulas carcer custodiendis reis repertus sit, non adimendo eis hominem aspectui, commercio, consilioque, quæ si desint fieri nequeat ut gravis aliqua causa rectè regatur ac defendatur.* Exclamare libet:

Cernis ne hæc Amphiaræ sub terram abdite?
Dum hæc peraguntur omnia, sed maxime postquam Oldenbarneveldio vita erat adempta, harum rerum artifices nulli perpercerunt labori, quæ pollicendo, quæ minando, servato etiam ad terrorem per dies aliquot pegmate in quo Oldenbarneveldius erat occisus, & carnificibus tribus Hagæ retentis, nempe ut his modis coniuges ac propinquos tum meos tum eorum qui præterea capti erant adigerent ad culpæ deprecationē, & fidem dandā silentij nostro nomine, quomodo effecturos se sperabant, ut morte vnius & aliorum oppressa voce veritas æterna nocte obrueretur: sed aliter Deo omnipotenti visum est. Quamquam enim Moersbergius, magnò vir animo non minus quam ortu, cum primum

hoc consilio intellecto commotus valde fuisset ad innocentiam suam confugiens, tandem tamen vxoris miseratione & amicorum suasu impelli se passus erat, vt morerem illis gèreret, (quod quidem cum per illegitimos agendi modos extortum ipsi sit eis qui extorserunt pròdesse non debet) tamen & mea & Hogerbetij vxor omnia potius perpeti decreverunt, quæ aliis collibitum esset facere, quam vt nulla postulatione honori nostro aut veritati iniuriam facerent. Gratia Deo agenda sunt sine cuius præsente auxilio fieri non poterat, vt tot ac tam gravia tentamenta vinceremus.

CAPVT XVII.

De his quæ vitio aut inique gesta sunt circa ipsam sententiam.

VBi captura, iudicum datio & agendi ordo omnia sunt instituta condemnationis ergo quæ ante omnem causæ cognitionē decreto peremptorio atque irrevocabili erat decreta, nō potest plus in cōdemnatione esse iustitiæ & æquitatis, quā in captura, iudicum datione & agendi ordine.

Anteloquium sententiæ ita ait , *quando reus confessus est, ac præterea indicibus apparuit.* His verbis falluntur multi , existimantes quicquid in sententia legitur, ut provectas à nobis opiniones novas , nostro facto in republica & Ecclesia res ubique motas, exhaustum ærarium , & sumtus factos ad sæpe decies , passim dissidia, & diffidentiam inter Federatos & cives satam , fedus ruptum, rempublicam sibi tuendæ factam imparem, & in periculum adductam aut patitionis inhonestæ, aut pleni exitii , aliaque eiusmodi confessæ à nobis : cum non illa tantum sed & multa alia capita partim ex nobis perquisita nunquam sint, partim diserte negata. An in causa extra ordinem pertractata sententia ferri possit nisi super rebus confessis , apud multos iuris nostri patrii consultos ambigitur, nec immerito, cum in actis veteribus passim videamus pro vno eodemque sumi , sententias latas super causa extra ordinem tractata , & super confessione. Certe memini superioris confessus iudices ita sentire & apud Zelandiæ proceres proloqui : sicut & illud recorder , vnum è præcipuis huius adversus nos negotij gubernatoribus vitio dedisse oppidi Harlemi magistratibus , quod quæ egissent, dicerent extra ordinem acta, cum

ramen sententia confessionem excederet. Verum hic multo plus à recta via deflexum est. Nam primum in sententia obiiciuntur nobis multa per illationem, qualia in libellis accusatorum poni solebant, non in sententia iudicum, cuius generis sunt nonnulla quæ supra protulimus, item cōsiliū nostrum fuisse imperare militibus, ut parent magistratibus etiam contra Federatos procures & Principem: & eosdem milites sacramento adstringendos magistratibus apud quos præsidium agerent, de ipsis tuendis etiam si quid ab ipsis iuberetur quod aut causam, aut prætextum sumeret ex religione, similiaque plura. Etiam facta inserta sunt de quibus nihil unquam iudicibus paruit, ut propositum fuisse custodias oppidorum referre in expensas communes Federatorum: me ea nocte quæ dimissionem custodiarum Trajecti antecessit cum oppidi præfecto consilia sociasse, quomodo prohiberi posset ne plus militis à Principe Mauritio in urbem induceretur, ac de excubiis eam ob rem locādis ad portam Amersfordiensem. Quibus de rebus certus sum nihil ipsis apparuisse, cum sciam ea omnia falsa esse, ut in notis ad sententiam singulatim dicetur. Verum fac etiam aliqua eos habuisse rerum istarum indicia

qui Hollandia praefuerunt. 295

(quod ita non esse plane persuasum habeo) tamen non posset dici apparuisse id, super quo nec defensio nostra erat audita, neque facta nobis testes reiiciendi copia.

Præterea vero in sententiæ contextu de industria multa facta omittuntur quæ ad defensionem nostram pertinent, vt mandatum procerum Hollandiæ & oppido-
rum nostrorum: repetitum mandatum & auctus delegatorum numerus in negotio Traiectino, pluraque alia quæ infra memorabuntur, contra iura quæ dicant non licere iudici qualitates confessioni annexas ab ipsa confessione divellere,

Damnati sumus tum Hogerbetius, tum ego ad perpetuos carceres, quam poenam passim Iurisconsulti, vt inconcessam reiciunt. Nobilis scriptor de publicis iudiciis ait etiamsi lege aliqua potestas iudici esset facta poenas pro arbitrio statuendi, tamen liberum ei non fore damnare ad carceres perpetuos, quia libertas illa intelligi deberet intra poenas iure concessas. *Solent Praesides*, ait vetus Romani iuris consultus, *in carcere continendos damnare, aut vt in vinculis contineantur: sed id eos facere non oportet, nam huiusmodi pœna interdicta sunt. Carcere enim ad continendos homines, non ad puniendos haberi debet.* Alius: *mandatis principalibus quæ*

Bart in
l. Aure-
lius §.
idem
quæ sit
nu. 2 ff.
de lib.
leg.
Clarus
§. Ho-
micidiū
nu. 35.

Boss. in
tit. de
defens.
reor.

nu. 4.
Me-

noch.

qu. 89.

nu. 9.

Baiar-

duus qu.

70.

L. aut

damnū

§. solēt

D. de

pœnis.

L. man-

dati ff.

de pœn.

I. In-
ere-
dibi-
le ff.
de pœ-
nis.
*præfidiis dantur, cavetur nequis perpetuis vin-
culis damnetur, idque etiam Divus Adrianus
rescripsit. Imperatorum vnus: Incredibile est
quod allegas liberum hominem, ut vinculis per-
petuis contineretur esse damnatum. Hoc enim
vix in sola servili conditione procedere potest.
In Italia quidem & Hispania aliter vt fie-
ret invaluit; at in nostris liberis terris inau-
ditum id est, nisi quis eò referre velit, quod
nuper bello flagrante cœptum est institui,
vt ad remos ducendos damnentur, non
alij tamen quam erronei atque nebulones;
aut etiam quod ergastulo includuntur qui-
dam, neque tamen in perpetuum, sed in
spem resipiscendi, ac ferme ipsis propin-
quis id postulantibus. Notandum insuper
Iurisconsultos qui existimant ab ordinariis
iudicibus in causis quibusdam pœnas ordi-
narias posse excedi, ita tamen vt non vsur-
pentur pœnæ legibus vetitæ, hanc ipsam
potestatem tamen non indulgere delega-
tis, quales nostri fuere, nam à talibus iudi-
cibus negant pœnas posse irrogari, nisi quæ
diserte legibus præscriptæ sunt: ita vt bis
hic sit peccatum, primum quia delegati
iudices exierunt pœnas legibus cognitæ,
deinde quia pœna vsi sunt diserte legibus
vetitæ.*

Res quoque est observatione non indi-

gna, quod cum nomina etiam ordinario-
rum iudicum poni soleant in sententiis
quæ eduntur, idemque multo magis in de-
legatis iudicibus locum habere debeat, hi
tamen iudices, cum etiam per typogra-
phos sententiam publicarint, pepercerint
tamen nomina sua ascribere. *Causam*
coniecturis assequi facile est.

CAPVT XVIII.

*De his quæ vitio aut inique in nos acta
sunt post sententiam.*

SI ius & æquum fuit aditum ad nos ne-
cessariis dari statim ab habita quæstio-
ne ante rem iudicatam, multo magis post
rem iudicatam id factum oportuit, cum
carcer duntaxat nobis custodiendis servi-
ret, quod ipsa etiam sententiæ verba præ-
ferunt. Proinde ex propinquis nostris ali-
quot post latam sententiam ad nos admis-
si sunt, Hagæ dum fuimus: sed postea præ-
cipui huius negotij auctores, cum viderent
non sufficere carcerem solum, ut nos con-
tra animi nostri sententiam acta ipsorum
adversum nos probare cogeret, partim pa-
lam, partim clam (quia publice in ipso pro-

cerum Federatorum conventu res peragi ob summam iniquitatem sine multorum contradictione non poterat) intenderunt vexationem in nostra corpora, existimationem, bona, amicos, tantum (quod & inter ipsos nonnulli fatebantur) vt nos ad deprecandam culpam adigerent, atque ita se domi ac peregre purgarent.

Bona quod attinet, quanquam oppida in quibus nati eramus aut quibus operam addixeramus, ac proinde ius omne municipum eramus consecuti, antiquis legibus obtinuerunt, vt coniuges ac liberi damnatorum bonorum publicationem certa pecunia redimere possent, exque leges ab oppidis etiam sub Albanica præfectura magno studio defensæ fuerant nullorum criminum admissa exceptione, ac à nobis ad eas leges sæpe provocatum erat, tamen vxoribus nostris liberisque legum earum beneficio frui permissum non est, sed necessitas illis imposita est adversus fiscum, durum adversarium, inchoandi litem, de qua ne super momento quidem iudicatum est. Quin & vxorum bonis manus à fisco iniecta est. Tum mihi peculiaris querendi causa data est, quod chartæ meæ ex tablino meo abreptæ sunt, ne facti quidem inventario, quanquam poscente id

mea vxore , quod ipsi , vtpote ius ad eas chartas aut partem earum habenti , nullo colore negari poterat.

Postquam Lupistenum Haga abducti sumus seni patri meo nunquam mei videnti facta est copia , sicut & Hogerbetij filius multis atque indefessis precibus vix tandem extorsit, vt patrem convenire posset, à quo deinde rursus longissimo tempore absentus fuit.

Iam vero bonis nostris publicatis, ac nobis per carcerem adempta omni rem facienda libertate , attributi ad alimenta nostra sunt viceni quatuor asses in diem. Qui sensu communi non carent iudicare facile possunt an satis id fuerit sustentandis nobis quos familiaris onus non leve urgebat. Sed coniuges nostræ non gravatæ nos de eo quod ipsis restabat alere nunquam eam pecuniam accipere voluerunt. Per tempus aliquod custodibus nostris mandatum erat cibos nobis dare : sed ultro institimus, vt ea molestia & quod ultra suspicari non abs re erat, liberaremur.

Vxores vero ac liberi nostri primum vsi sunt libertate adeundi nos atque à nobis recedendi.

Sed paulo post arcano ductu decretum longe aliud cūsum est , vxores nobiscum

carceri includendas quamdiu adesse nobis vellent, neque vero abire permittendas ni veniam expressam eius rei impetrassent. Ex hoc decreto vxor mea, quanquam & hoc multum abnuente Davenportio qui iam imperium in custodiam acceperat, vix obtinuit, vt Hagam proficisci liceret: ibique ostendit quam grave & iniquum esset cogi se aut in ea calamitate maritum deferere, aut ipsam quoque damno valetudinis manere captivam, projectis extra curam suam liberis natu minimis valde infantibus, quos secum in carcerem adducere non posset.

Re sæpe negata, sæpe dilata, tandem vxorum nostrarum libertas ita coarctata est, vt manendum haberent intra arcem Lupisteni, neque inde progredi, nisi quod bis intra dies septem comparando victui aut ire possent, aut aliquem mittere: quod ita mansit per tempus aliquod.

Cum vero interim ab vxore ac liberis Oldenbarneveldij, item à propinquis nostris impense laboraretur ad obtinendam bonorum restitutionem, beneficio legum redemptionem, vt diximus, indulgentium, neque id effugiendi species vlla occurreret, nisi in Maiestatem deliquisse argueremur, quod sententiæ verbis non contine-

batur, annò post eam latam à delegatis iudicibus pronuntiatum est, mentem suam in iudicando fuisse peccatum à nobis in Maiestatem. Quam circa rem advertendum est, si quo tempore lata fuit sententia ea mens fuisset iudicium, etiam exprimi id secundum mores nostros debuisse: tum vero huic declarationi non omnes eosdem iudices adfuisse, sed præter quosdam aut morte absuntos aut alioqui factos ad iudicia inidoneos, aliquam multos fuisse absentes qui perscriptam super hac re sententiam suam miserant, contra ius ac mores, cum omnes quibus in iudicio censendi ius est, vno in loco præsentibus esse debeant, ut alius aliorum rationes intelligant. Præterea quod tertio notandum venit, mos est in patria nostra antequam sententiæ interpretatio fiat summario iudicio partes audiri: nos vero neque auditi, neque compellati sumus, quin illo ipso tempore arctissimo carceri inclusæ sunt vxores nostræ, ne quid dicere possent aduersus id quod agere penitus erat constitutum, ut iam mox narrabitur. Repetitur hæc volo quod dixi ante paucos iudicium peritos iuris fuisse, multos adeo illiteratos ut vocem ipsam Maiestatis ignorarent, tantum abest ut vim eius vocis ac criminis intelligerent. Nos

vero habemus quod nos solemur multis veteribus novisque exemplis. Pætus Thraſea, quantus ſenator, virique alij ſpectatæ probitatis Romanorum Imperatorû tempore procubuerunt in reatu læſæ Maieſtatis. Noſtra quoq; ætate libertatis Belgico-germanicæ vindices, Princeps Wilhelmus Arauſionenſis, Comites Egmundanus & Hornanus, aliique damnati ſunt eodem titulo. Hinc nobilis inter Romanos ſcriptor auſus eſt dicere: *Crimen Maieſtatis ſingulare & unicum crimen eorum qui crimine vacant.* Bonus Imperator aiebat crimen Ma-

L. I.
C. ad
l. Iul.
Ma.

ieſtatis ſuo ſæculo ceſſare: admonentque Iuriſconſulti veteres, *crimen hoc non habendum in occaſionem ob Maieſtatis venerationem: perſonam ſpectandam an potuerit facere & ante quid fecerit.* Nos ex notiſſimo ſenſu, atque mandato eorum quibus parendum nobis erat, credidimus atq; affirmavimus, Maieſtatem id eſt ſummum imperium penes ſingulas eſſe nationes. Fac erraſſe nos: (quod ita ſe non habere ſuprà demonſtratum eſt) tamen negari non poterat ſententiam noſtram multis ſapientibus ac doctis placuiſſe, quod quidem ſufficere debebat ut crimini, præſertim tam gravi, eximere-mur. Inter Romani iuris conſultos egregius, *in civilibus, inquit, diſſenſionibus quam-*

qui *Hollandia* præfuerunt. 303

vis saepe per eas respublica ledatur, non tamen in exitium reipublica contenditur, quique in alterutras partes discedunt vice hostium non sunt. De sui temporis dissidio ita loquitur M. Tullius Cicero : *Erat obscuritas quaedam : erat certamen inter clarissimos duces : multi dubitabant quid optimum esset, multi quid sibi expediret, multi quid deceret, nonnulli etiam quidliceret.*

Neque raro locum habet Phocionis illud : *mea meliora etiamsi hac feliciora.* Nostro ævo qui de iure scripserunt, aiunt, civiles dissensiones trahi ad crimen Maiestatis non debere : imo ubi alia suppetit coniectura, nunquam censerī commissum id crimen.

Ad id quod dicere cœperam redeo, id nempe quod vxoribus nostris istius pronuntiationis tempore contra ius ac iuris speciem evenit. dixit custodiæ præfectus mandatum sibi vxores ac liberos qui nobiscum erant captivos detinere : Rogatus documentum mandati ostendere, recusavit. cum quæreretur ex eo, an non discedere ipsis liceret, ita vt non redirent, nisi impetrata redeundi venia, negavit licere. Oratus iterum vt ad Federatos proceres scriberet, peti, vt matronarum alteri abire liberum esset, præsertim Hogerbetij vxori, quæ magna natu & iam anno toto non digressa à captivo marito ultra ferendo car-

Ruia.
conf. 1.
num. 9.
Dec.
conf.
101. nu.
17. T6.
1. conf.
crim.
Ceph.
conf. 75
num. 9.
& alij
allegati
per
Bapt.
Baiar-
dum in
tract.
crim. §.
Læta
Maicst.

ceri non erat, hoc quoque abnuit. Ac ne illud quidem concedere voluit, ut uxores per amicos cibos sibi emi curarent, cupiens ipse eos emere & pretium ab vxoribus nostris persolvi. Interrogatus an ea quoque de re mandatum haberet, dixit, si non haberet facturum se ut adipisceretur. Hæc cū rescivissent propinqui nostri, multis libellis conquesti sunt de iniuria quæ vxoribus liberisque nostris fieret: neque tamen aliud impetrarunt, quam ut per amicos cibos emi & in arcem perferri curarent. Sed hoc ipsum ab ipsis proceribus Federatis decretum cum esset, præfectus custodiæ sequi noluit, gnarum sibi dicens quæ mandata accepisset. Verabat quoque ne quis hominum vxorem aut qui in ministerio nostro erant, verbo compellaret, ne quidem si quæreretur quota esset hora: ac ne prætereuntes vlla salutandi signa ipsis exhiberent: permittens interim famosa ac plena calumniarum carmina apud fenestras nostras in nostri iniuriam cani. Interea Hogerbetij vxor, singulare probitatis ac pietatis exemplum, non satis tolerans tam severi carceris, inclinante magis magisque valetudine, tandem cum nova hæc vexatio cxi ferme dies durasset, in mariti cubiculo atq; oculis mortem obiit. Ægro-
tam

nam adhuc vxor mea officij causa adire vt
posset, rogauerat, sed negatum id quoque.
Ne corpus quidem exanime dimittere vo-
lebat præfectus custodiæ, ni prius Hagam
seripisset: ac postea quoque dicere eum
non puduit, si non dimisisset rectè se fa-
cturum fuisse. Paulo ante huius obitum
vxor mea obtinuerat veniam abeundi Lu-
pisteno, sed non eò redeundi. Hagæ cum
esset tum voce tum scripto paratam se
ostendit refellendis omnibus quæ ipsi aut
alij cuiquam obijci possent, vnde huius
novæ maletractationis causa peteretur.
Sed nemo repertus est qui causam redde-
ret, nisi quod quidam hanc dixerunt, à me
atque Hogerbetio responsum de iure su-
per controversia feudali. Trium aut qua-
tuor mensium interpellatione assidua vix
tandem expressit vxor, vt, non bis vt ante,
sed semel in septem diebus victus eõe-
meridi causa arce exire sineretur.

Cùm hunc in modum Hagæ ante sen-
tentiam per menses novem, post eam ali-
quam multis diebus, Lupisteni vero per
annum & menses decem in summa mœsti-
tia ac solitudine vixissem de eo quod no-
bis restabat, sine vlllo quæstu, sine vlllo ne-
cessitatis subsidio, tandem Deus mei mi-
seratus est, atque eo ipso tempore quo nova

in me atque uxorem mala intendebantur, sparso rumore falso de funibus ab uxore coemtis & in arcem perlatis (cui mendacio refutando cum veritatis testimonium à custodiæ præfecto posceremus, obtentum ne id quidem est) viam mihi monstravit recuperandæ libertatis. Nam fortitudine atque industria vxoris arcæ inclusus, in qua libri ferri solebant, Gorinchemum portatus sum, atque inde perveni Walovicum, & porro Antuerpiam: vbi vt calumniæ materiam præciderem intra domum Nicolai Grevinchovij pastoris quondam Ecclesiæ Rotterodamensis me continui, numquam inde egrediens: atque hic cum essem, animi mei integritatem Federatis significavi hac epistola ad ipsos missa.

Sublimes ac potentes Domini:

Exspectavi iamdiu vt vestro iussu ex gravissima custodia, quæ non me tantum, sed partim quoque uxorem & liberos detinebat, eximerer. Sed comperto, quosdam mihi peculiariter infestos novos querere obiectus, vt calamitatem meam intenderent, in eam rem iactatis etiam rumoribus, rationem ipse recuperandæ nativæ libertatis & excogitavi, & Deo iuvante, ad exitum, sine vi, sine largitione perduxi. Cum nullum viderem receptū propiorem, Antuerpiam me contuli, dispecturus ubi potissimum sedem quieti meæ & literarum

qui Hollandia praefuerunt. 307
 studio sum passurus. Vnde mihi grave est, Do-
 mini, quod tam dura pati, libertatis simul &
 bonorum dispendio, coactus sum hactenus; & co-
 gor etiamnum intra intimos animi recessus mihi
 conscius, integerrimo affectu consilia a me suppo-
 dita quae iudicare potui utilissima mendum
 difficultatibus enatis antequam ego ad rempu-
 blicam vocarer, summa cum fide erga magistra-
 tus Rotterodamenses qui ministerio meo ve-
 bantur parique obedientia erga Ordines Hollan-
 diae & Westfrisiae quorum sub imperio eram. Sed
 nec tolerata hactenus mala, nec quicquid ultra
 mihi eventurum est, unquam id in me habebunt
 iuris, ut ambrem patriae mihi excusiant, quem
 semper corde gessi, & quantum meum fuit
 curam, quas exiguas agnosco, opere ostendi. Pro
 eiusdem patriae libertate, tranquillitate ac pro-
 speritate Deum semper oro, atque adeo ut in
 eum finem vobis;
 Sublimes ac potentes Domini, bonum ac felice
 regimen largiatur. xxx Martij a. d. 16 cxxi
 Antuerpia.

V. D. addictissimus
 HVEO GRUVIUS.

Antuerpiae cum essem multis ab amicis
 admonitus sum, facturum me rectius si in
 Galliam irem: cui consilio morem gessi.
 Lutetiam cum pervenissem, Rege ciuili

que consistorio ad urbem non repeto, apud Bossizium primo, deinde apud Vicum, qui nunc sigilli custos est, post apud Ianinum, quorum omnium consiliis de republica Rex uti solebat, innocentiae meae reddidi rationem, simulque testatus sum constantem meum in patriam amorem, ipsos rogans ut quantum possent apud Regem laborarent ut Rex quam pater ipsius aeterna memoria dignissimus atque ipse semper ostenderant benevolentiam erga patriam meam eam nunc quoque retineret, salutemque ac tranquillitatem eius cordi sibi esse ostenderet. Ab ipsis vero amice admodum exceptus sum. Ne tum quidem cessarunt inimicorum male artes: quibus effectum est ut ad proceres Federatos scriberetur dixisse me apud Regis consiliarios suppliciter à me oratos Federatos proceres ut quod carcere elapsus libertati me reddidisset id ignoscerent, meque posthac curaturum qua verbis qua factis ut ipsis placerem: eamque in rem serio admonitum me ab iisdem regiis consiliariis, qui & hoc addidissent aliqui non passurum regem ut in regno eius viverem: quod si me componerem ad procerum Federatorum sententiam fore ut à Rege congiarium acciperem.

Qui rumor me iam tunc coegit rei ve-

ritatem ita ut nunc à me commemorata est publici iuris facere, atque ostendere quantum semper, etiam cum in malis summis versarer, abfuissem à culpæ deprecatione, conscius quippe mihi integri propositi & legitimarum actionum.

Ne post id quidē tempus desitum est me extorrem, bonis spoliatum, egentem amicorum calumniis insequi, quasi obtentu controversiarum de religione aut hostibus patriæ navassem operam, aut res novas quæsissem. Deus, cui percognitum est quam non affinis sim ei culpæ, patientiam mihi suppeditet, & huic & si quid malorum restat ferēdo. Eidem grates ago quod innocentiam meam magis magisque cognitam facit, & apud Regem eiusque consilium gratiam mihi conciliavit, ita ut non tantum Rex optimus ad salutationis officium admissum me benignissime exceperit, sed & annuo donativo honestaverit; atque etiam me apprecante sublevaverit alios qui ob animi sui religionem in eodem exilio versantur.

Manet interim in durissimo carcere Hogerbetius vir eximiæ probitatis & quo candidiorem animam Hollandia non tulit, atque ibi suam senectutem & liberum florem conterit; non impetrato levamen-

to villo ad tot totiesque admotas preces,
quin ad hoc vsque tempus liberis eius cum
paternis bonis etiam materna subtrahun-
tur, neque illis aut beneficio legum datur
frui (quas Hollandi proceres sub Carolo
Quinto ac Philippo tutati sunt etiam eo-
rum in vsus quorum parentes perduellio-
nis damnati erant) aut ius etiam redditur.

C A P V T X I X.

*Note ad sententiam in me pronuntiatam
cum indicatione multorum quæ ibi
dicta contra rei veritatem.*

QUæ dicta sunt hactenus, si recte in-
telligantur, valent ad solutionem
præcipuarum rerum quæ sententia in me
lata continet, cum inde facile collectu sit
quæ facta à me sunt non privato nomine
facta, sed vt à ministro tum magistratum
Rotterodamensium, tum Procerum Hol-
landiæ: præterea vero quicquid eius fa-
ctum est ab his qui in me imperium habe-
bant, id optimo animo & pro iure suæ po-
testatis factum ab ipsis. sed nequid inra-
ctum maneat, etiam particulares ad sen-

qui Hollandiæ præfuerunt. 3H

tentiam notas addam, & quid in ea verum, quid non sit, indicabo & quoties ita usus feret reiiciam lectorem ad ea quæ suprà dicta sunt.

Quando Hugo Grotius) Huius nominis non est quod me pudeat. Gessi id nomen omni vitæ meæ tempore ac nunc etiam gero non in dedecus aut familiæ, aut patriæ meæ. At iudices nomina sua sententiæ subscribere puditum est, ut iam ante diximus.

Qui antehac assessor fuit magistratuum Rotterodamensium) Commendatione vtriusque iudicum confessus & curatorum rei fiscalis nominatus ab Hollandiæ conventu & à Principe Mauritio lectus sum ad fisci Hollandiæ, Zelandiæ & Vvestfrisiæ advocacy, quanquam valde iuvenis. Cum in eo munere aliquandiu & proceribus Hollandiæ & illis confessibus fecissem factis, atque in testimonium bene navatæ operæ auctum mihi esset salarium, & in superiore iudicum confesso promissus ultro locus, serio admodum à Consulibus & decurionibus oppidi Rotterodamensis rogatus sum accipere vacantem tunc adsecuram, nullo meo ambitu neque vlllo modo oblata opera. Re in consilium missa cum amicis, accepi tandem munus, con-

sultis prius Hollandiæ primoribus, eoque munere functus sum bona cum gratia & rectorum oppidi & municipum. Neque eo munere legitime sum destitutus: atque hoc ipso sententiæ tempore ne à novis quidem magistratibus renuntiatum mihi fuerat. Neque verò potestatem habent abdicandi me munere, cum in pactis conventis cum oppido factis ius mihi perpetuum quamdiu ego eo uti vellem quæsitum sit, egoque per omnia pactorum legibus steterim.

Nunc captivus habetur) Captus scilicet ab his quibus capiendi ius non erat, nulla præcedente inquisitione, contra manifestas leges & iura Hollandiæ. Vide supra caput XIII.

Apud delegatos sublimium ac præpotentium procerum Federatorum, quibus datum erat in ipsum habende quæstionis negotium) Hi delegati, iudices non erant, ac proinde ab ipsis habita quæstio pro iudiciali valere non potest: cumque ea ipsa à datis iudicibus repetita non sit, sequitur quicquid huic quæstioni inædificatum est, nullarum esse virium. Vide caput supra XIV & XVI. Tum vero proceribus Federatis in nos iurisdic-tio non compete-bat, ac proinde non poterat ab illis iure mandatum dari habendæ

In nos quæstionis. Vide ad hanc rem caput xv. Præterea qui delegati sunt, iniqui nobis erant & rem suam agebant vt xiv capite demonstratum est.

Ac postea apud iudices) Ambigua locutio. Id enim ita posset accipi, quasi quicquid in sententia sequitur id confitendo dictum fuisset tum apud delegatos priores, tum apud iudices, quod tantum abest vt multis de rebus apud iudices ne interrogati quidem simus. Vide ad hanc rem caput xvi. Hos autem iudices partem maximam adversarios fuisse nostros indicatum est capite xv.

Ab eisdem proceribus Federatis datos ad rem ultra cognoscendam atque dijudicandam) Hæc iudicandi potestatem secundum ius legesque publicas dari à proceribus Federatis non potuisse clare ostensum est supra capite xv.

Extra tormenta ac ferrea vincula confessus est, ac de cætero ipsis iudicibus paruit) Etiam hoc ambiguum est, cum de plebe homines id ita accipiant, quasi capita singula quæ sententia continentur, non tantum probationibus, sed & mea confessione iudicibus constitissent, cum multa sint à me diserte negata, adeo non confessa, & quæ confessus sum posita sint in hac pronuntiatione

omissis qualitatibus necessariis, adiectisq; illationibus nulla ratione subnixis: præterea vero ibidem posita sint alia de quibus nunquam fui interrogatus: multa insuper quæ parere iudicibus non potuerunt, cum falsa omnino sint; ut mox singulatim indicabitur: cumque ego me adversum ea defendendi, & refellendi quæ contra me adferri poterant aut testimonia, aut indicia potestatem non habuerim: qua de re vide caput XVI & XVII. Nihil hic me extra verum dicere toti humano generi constabit, si quando obtinere potero, ut quæ in quaestione respondi plena edantur.

Cum licitum nemini sit, vinculum ac leges in quibus respublica Federatarum nationum Belgico-germania fundata est, ac per quas Deo aspirante ea respublica contra vim artesque hostium ac malevolorum hætenus stetis violare atque perfringere:) Lex summa legum omnium est, lex summi imperij quod semper fuit penes nationes singulas. Vinculum vero nationum inter se est Fedus Trajectinum, quo summum illud quod penes nationes singulas fuerat imperium non tollitur, sed confirmatur, obliganturque sibi mutuo nationes, ut in eo tuendo alia alij opem ferant. Ad hunc modum tum ante id fedus, tum post id factum feliciter respublica gu-

bernata est, ut solet favere Deus his qui sine dolo ac cavillatione bona fide pacta implent. Hanc legem, fundamentum imperij, hoc vinculum proceres Hollandiae, quorum summa in nos potestas erat, rectores oppidorum qui opera nostra utebantur, ac nos, ut eorum subditi ac ministri, non violare, non perfringere studuimus, sed pie colere ac tueri. Vide hac de re caput primum,

Ipsum tamen ausum religionis statum concutere) Hoc vetus illud crimen est, quo probissimus quisque appeti est solitus. Vero dictum est à Vvilhelmo Principe Arausionensi eo libello quo ad diem sibi dictum à procuratore Regio respondit: *innocentissimum quemque non in suspicionem tantum vocari, sed et odio obijci posse, praenotata ut haeticum confectur.* Nam eo confecto (inquit ibidem Princeps ille) *experietur non tantum oblivione sepulta sua bene facta ac merita, sed et aqua omnia iudicia, etque pro ipso facere possunt praesumptiones sibi subtrahi, ita ut ab eis nudatissimo periculo sit causam dicendi de parricidio, ac seditione: ac breviter de omnibus criminibus atque delictis quae comprehendere possunt sub nomine laesae Maiestatis.* Rursum vero cum de religione accusantes valde invidiosi sint hoc praesertim tempore, necessarium ferme est, si quis parvae

quoquam ea de causa exigere velit, neque tamen offendere aliorum animos quorum opera uti cupiat, ei accusationi velum obducere contextum ex criminibus violata maiestatis : quorum tamen reus frustra se purget apud eos qui suspectum se habent adulterata religionis. Nam cum illa maiestatis qua dicuntur crimina vera causa non sint ob quam conquiritur, impetitur, capitur, accusatur, absolutionem sane sperare non potest, etiam si certissima afferat innocentia documenta, sed expectandum habet ut eorum criminum titulo atque pretextu damnetur, aut si nimium manifesta sit innocentia, ut sine fine tracto negotio perpetuam atque miserrimam sentiat captivitatem.

O vera verba & vaticinium ferme eius quod nobis evenit. Idem ille Princeps, & Hollandiæ procures multis libris ostenderunt sub obtentu tuendæ maiorum religionis hoc actum, ut libertati publicæ, & legitimæ regendi formæ fraus fieret. Similia conquesti sunt Electores & Principes Germaniæ, etiâ Galliæ megistanes. Me quod attinet, accusatio hæc in me intentata non tantum à vero abit, sed ne verisimilis quidem est. Sciunt omnes, antequam Rotterodamensibus operam meam addixi, cavisse me ne vlllo modo controversiis de religionem me infererem, cum satis haberem ornare Spartam quam eram nactus, perfe-

cutionem criminum & fisci patrocinium. Sciunt & hoc omnes, antequam Rotterdamum immigravi, pastores Remonstrantium sententiæ ibi fuisse in publico munere atque vfos pro sententia sua docendi libertate: quod & in aliis oppidis locisque Hollandiæ fiebat. Colloquia apud superiorem iudicum confessum, & in ipso Hollandiæ conventu habita pridem erant: notæ ubique controversiæ: de ferenda opinionum diversitate decreta facta. quid ab eo tempore factum quo vel in speciem dici possit concussus religionis status? Nihil sane, nisi quod æquitas ferendi se mutuo observata non est, secessio Ecclesiastica primum per artes impulsæ, deinde iniquis iudiciis confirmata, quorum omnium in culpa ego certè non sum. Quæ dedi consilia ea omnia congruentia fuerunt eis quæ magistratus Rotterodamenses ante ministerij mei tempus senserant dixerantque. Fac non sapientissima fuisse ea consilia: idne mihi præstandum est qui secutus sum imperia publica, & mādāta eorum in quorum eram potestate, neque vero eorum consiliorum repertor dici possum vllō modo? At contra ita sentio, meliora consilia pro temporum ratione dari non potuisse, atque ea pertinuisse ad pacandum, non ad

concutiendum religionis statum : quod multis argumētis atque exemplis evictum est capite supra quarto & sexto : unde & hoc discere est, quantopere assiduo laboraverim, ut ad sententiam à nobis in conventu Hollandiæ discrepantium propius ac propius accederetur, omniaque aggrefferim per quæ citra condemnationem & manente Ecclesiarum unitate transigi negotium poterat. Ibidem videre est & à superiore iudicio confesso, & à Rege Britanniarum datum hoc consilium, ut ferrent se mutuo dissidentes : tum vero & à pastoribus quibusdam Contraremonstrantibus quos vocant, & ab oppidi Dordrechtani rectoribus probata decreta, & quæ meo tempore pacis causa in medium allata fuerunt, quos proinde omnes oportet culpam sustinere perturbati status religionis si ego eam sustineo. Quæ mens mea fuerit, aperte conspicere est in oratione quam cum quæsitore Dordrechtano atque aliis habui apud rectores Amstelodamenses : ex qua liquet studium meum fuisse, ut status religionis quietem acciperet, ac turbamenta omnia orta tollerentur, & quæ metui adhuc poterant, prævenirentur in tempore.

Deique Ecclesiam graviter premere ac contristare) Imo vero sublevare Ecclesiam ab

imminente divortio, & æqua pace exhilarare studui, ut videre est capitibus iatnam allegatis. Audio quosdam malevolos mihi in hanc rem abuti locis quibusdam ex libro quo piam mentem procerum Hollandiæ contra calumnias defendi, quasi ibi contra Ecclesiam constitissem. Editus est is liber probantibus reipublicæ Hollandicæ curatoribus, ab eruditis viris compluribus domi forisque lectus & utilis fore iudicatus. Propositum mihi fuit ostendere, immerito accusari proceres Hollandiæ quasi qui damnatis antiquitus erroribus faverent: ut ferrent se super ortis apud nos controversiis dissidentes, neque ratione carere, neque exemplo: neque vero novum esse quod summa potestas se componendis Ecclesiæ dissidiis interponeret: neque vero decreta convenientia cum lege divina, & usu Ecclesiæ veteris sola potestatis æmulatione fugillanda. Ut ostenderem summis potestatibus non minus iuris esse, quam illis senioribus qui apud nos affidere pastoribus solent, ostendi (vere quantum arbitror) tale seniorum genus, qui ad tempus constituerentur, neque aliam in rem quam ut presbyterio interessent, nulla de cætero functione Ecclesiastica ipsis imposita, venire ab hominum instituto (quod

tamen ego nec damnem nec reiijciam) non ex vlla divina præceptione. Sane dixi etiã pastores (qui sæpe magistratuum vitia solent quantum possunt exaggerare) ne ipsos quidem semper extra eadem aut similia vitia esse positos : esse inter eos qui se non contineant intra muneris sui fines, sed negotijs civilibus & magistratuum electioni se immisceant. An hac in re verum excefferim, sciunt plerarumque apud nos nationum atque oppidorum rectores qui iudicio valent. Et tamen addidi neque ordinem totum, neque maiorem eius partem à me inculari. Reges ac Principes effugere non possunt quominus in annalibus librisque aliis spectandi exhibeantur cum suis vitiis. Quo ergo iure Ecclesiastici ordinis homines ab hac censura immunes sint? Multi ægre ferunt quod ibi dicitur, pastores in Flandria adversos se obiecisse Vvilhelmi Principis consiliis, pastoresque Hollandiæ à proceribus monitos ne æstu inconsiderato causam darent exitiò Hollandiæ, quomodo exitiò Flandriæ iam dederant. Sed non à me hæc in lucem protracta sunt. Libelli adversus Vvilhelmum Principem, quibus acerbè traducitur ob pacem religionis ex pastorum fide à se cultam, & ob Galliæ amicitiam, Gandavi publicati

qui Hollandia præfuerunt. 311

publicati sunt. Etiam illa procerum Hollandiæ ad pastores admonitio Ličestrianæ præfecturæ temporibus facta, tum seorsim vulgata est, tum in historiis legitur: Narraui rem, ut erat gesta, tum ut pastores caverent sibi ne per imprudentiam se atque alios læderent, tum ut cives cæteri intelligerent, non semper sibi ac sine discrimine sequenda pastorum consilia præ consiliis ac decretis potestatum, unde multa sæpe sequuntur incommoda. De Ecclesia & ipso pastorum munere (quod sciã) nisi qua oportet reverentia loutus non sum.

Eai sint asseruerit, & in rem contulerit enormia & pernicioſa in rempublicam effata:) Docent nos iura non esse vagandum cum periculo alienæ existimationis, sed facta singulatim exprimenda. Quare & hic effata illa nominata oportuit: nam quæ sint de quibus loquantur iudices, scire me nego. An illud forte quod dixi summæ potestati curam in res Ecclesiasticas competere? Assertum hoc, & usu probatum est ab Imperatoribus quorum nomina exstant in Codice Iustiniano, à Iustiniano in constitutionibus novellis quas vocant, à Carolo Magno eiusque successoribus in Capitularibus. Omnes qui de republi-

ca scripserunt, hanc curam ponunt inter præcipuas imperij partes, vt videre est apud Bodinum, Tolosanum, Arnisæum, Lipsium, Keckermannum, Althusium. Inter professores divinarum rerum Marfilius Patavinus, Bucerus, Musculus, Paræus & Anglorum doctissimus quisque idem mecum dicunt. Qui certus ea de re esse volet, videat testimonia quæ ad propugnandum decretum anni c10 10 CXIV pro pace Ecclesiarum factum ad sectionem primam allata sunt. Prudenter addidi cautiones duas: quarum prior est, sequendam potestatibus Dei legem, ac rationem quoque habendam eius quod vetus Christianitas crediderit, docuerit, fecerit: & in his quæ ad salutem æternam plane necessaria non sunt, vergendum ipsis ad moderata & pacata consilia quibus vnitas quamvis inter dissidentes contineatur. Posterior, agere me de ordinando publico Ecclesiarum statu, neque vilo modo me probare morem sæviendi in quenquam ob id quod animus ipsi bona fide de rebus sacris dicat. Hæc effata existimo non esse enormia, sed æqua: non pernitiōsa, sed salutaria tum aliis civitatibus tum nostræ. Sed effata contraria quæ

in rebus sacrorum simpliciter id sequi iubent, quod proxime factitatum est, aut quod à Synodis sæpe iniquis pronuntiatum est, aut quod maiori plebis parti placet, enormia sunt ac pernitiōsa, & à Reformatis fortiter oppugnata sub imperio Regis Hispaniæ libris editis, habitisque orationibus.

*Atque inter cætera potenter asseruerit, aliorumque animis infixerit, in publicis quoque conventi-
tibus, per scripta, orationes atque alios modos
ubique ut assereretur atque infingeretur animis
nullaborarit; nationi cuique intra suos fines solū
ius esse de religione statuendi, neque licere aliis
nationibus se ei negotio immiscere:)* Primum
hoc factum mihi imputari non potest.
Nam quod eius asserui in Hollandiæ con-
ventu, feci id mandato magistratuum
Rotterodamensium: & quod asserui in
conventu Federatorum, factum id man-
dato atque decreto procerum Hollandiæ.
Neque vero quicquam hæc de re asserui,
quod non asseruerint mecum alij com-
plures qui ne compellantur quidem. Hoc
amplius, antequam ad rem publicam vo-
catus sum, hoc ipsum defensum & facto
probatum est ab Hollandiæ conventu, ut
in quo ante meæ functionis tempora de
rebus religionis complura facta erant de-

creta vicinis nationibus inconsultis. Imo supra capite II. ostensum est in eadem sententia fuisse proceres Federatos, proceres Hollandiæ & Principem Mauritium anno CIO 13-XC, quin & post has enatas controversias falsos esse primores Zelendorum Hollandis ius esse de religione imperandi intra fines suos: neque alias nationes ius habere se ei negotio interponendi, nisi per amica consilia: sicut ibidem quoque probatum est Geldros, Traiectinos, Transisalanos de religionis controversiis constituisse quod ex usu videretur: tum vero ius leges faciendi de gubernatione Ecclesiæ, quod semper penes nationes fuerit singulas, cum religionis imperio coherere. Non ergo ego cum aliis idem sentientibus, mandatu eorum quibus operam addixeram, rem novam asserui, sed quod semper creditum assertumque fuerat à novis & inauditis commentis vindicavi, potenter sane, quia ut cum Sophocleo Tiresia loquar

—*stat à me veritas, res præpotens.*

Neque ego id aliorum infixi animis, sed quod & Dordrechtani & Amstelodamenses prius nobiscum senserant, id defendi contra obiectiones noviter quesitas, neque iure aut vero subnixas. Si qua ad

qui *Hollandia* præfuerunt. 325

hanc rem argumenta attuli , nihil ea in re à meo officio alienum feci. nam ideo oppidorum magistratus adfessores sibi adsciscunt, vt quod illis visum est , hi additis rationibus proferant : neque aliò spectabat hæc assertio , quam , vt pace inter dissidentes constituta consuleretur tranquillitati publicæ , adversum eos qui per iniuriam cogere nos volebant vt eò consilio absteremus,

Probasse quoque ipsum & scriptis editis fuisse adiutorem, vt multa opiniones novæ pugnantes cum formulis Ecclesiastica consensionis , ante in reformatis Ecclesiis non receptæ , neque legitime expensæ , non ordine neque ex more Ecclesiæ in Ecclesiis harum terrarum importarentur atque defenderentur :) De hoc capite interrogatus non sum, tantum abest vt fassus sim quod hic dicitur. Quin id quod hic dicitur, aperte repugnât notæ veritati. Nam si hic agitur de opinionibus extra quinque capita Remonstrantium, semper quantum in me fuit obstiti, ne eæ introducerentur defenderenturve , atque hoc egi, vt staretur formulis Ecclesiastici consensus, quod decreta facta cum ego in republica essem , tum anno GLD IO CXIV tum postea , oratio à me habita Amstelodami , labor meus contra Socinum, omnesque cæteræ actiones meæ

testantur. Sin de sententia agitur conveniente cum dictis quinque capitibus, ea publice defensa erat ab Arminio coram superiore iudicum cōfessu, deinde in conventu Hollandiæ: postea à pastoribus Remonstrantibus colloquio habito in eodem conventu. Et vt ferrent se mutuo dissentientes, iam superior iudicum confessus suaserat, iam procures Hollandiæ decreverant, antequam ego rempublicam attingerem, ita vt me adiutore facta dici non possint quæ sine me iam facta erant. Tantum decreta ante mea tempora sine me facta rectis (ni fallor) rationibus defendi, simulque operam dedi, vt illa mutuo se ferendi benignitas certis limitibus includeretur vitandis omnibus quæ modum excederent. Neque verò sententia Remonstrantium nova dici potest: primum respectu vniuersæ Christianitatis, cum Christiani prope omnes primis quatuor sæculis, multi etiam serius idem senserint: etiam eorum doctores cum in modū docuerint, qua voce, qua scripto: sed nec ratione habita Reformationis, cum eandem sententiam Melanchthon atque alij defenderint, imo nunc quoque in Anglia antistites sint qui ita sentiant, vt hæc ipsa sententia mox dictura est, cum tamen fedus olim cum

Anglia initum dicat eam quæ est in Anglia quæque apud nos viget vnâ esse religionem: sed neque dici id potest, si peculiariter patriæ nostræ res spectetur, quando ea sententia tolerata est in Holtmanno, Hermanno Herberti, Clemente Martini, Tacone Sibrandi apud Hollâdos, in Huberto apud Traiectinos, in Gellio Snecano apud Frisios. Receptæ ergo sententiæ si intelligantur eum in modum, vt pastores omnes ad illas adstringerentur, id verò vt fieret non egerunt Hollandiæ proceres: neque ego eam ad rem adiutor fui. Sin recipi intelliguntur quæ feruntur in Ecclesia, dico sententiam hâc pridem receptam esse, etiam in Arminio Amstelodami. Pug-nare autem hanc sententiam cum formulis consensionem testâtibus, id vero à Remonstrantibus negatum est constanter, qui vltro provocarunt sæpe ad caput xvi Symboli Belgicogermaniæ, etiam ad illud in Catechesi, Christum peccata portasse totius humani generis, & quod verba solemnia excommunicationis & restitutionis in communionem insinuant, posse aliquem scilicet per crimina atrocia excidere à participatione beneficiorum Christi, atque ea recipi interveniente poenitentia, quæ omnia illi aiunt cum sua sententia ad

amissim congruere. Addiderunt iidem Remonstrantes symbolum illud Belgico-germanicum explicandum ex concentu symbolorum quæ aliæ Ecclesiæ ediderunt, in quibus sunt quæ plane aiunt à se stare. Certe illud negari non potest hoc ipsum fuisse controversum, an Remonstrantium sententia cum illis formulis pugnaret, ac consequenter sub colore talis pugna, quæ negabatur, æquum non fuisse hanc sententiam repudiari. Legitima vero exploratio ad hanc rem non ultra erat necessaria, quam ut cognosceretur an hæc sententia religionis fundamenta subverteret, quod satis perquisitum erat in Hagienſi colloquio, compertumque etiam partium confessione non subvertere. Hoc quod actum est, perperam dici non ordine neque ex more Ecclesiastico actum, primum inde apparet, quia in Reformatis Ecclesiis, ac nominatim apud nos de hisce controversiis consensum nunquam fuit, ne inter eos quidem qui à Remonstrantibus dissentiunt: atque etiam quia nemo reperitur antehac eo duntaxat nomine exclusus ab Ecclesia quod ea senserit ac docuerit quæ nunc Remonstrantes: imo vero Ecclesia Goudana (in qua & sententia hæc & docendi libertas pridem viguit) semper membrum

habita est Reformatæ Ecclesiæ in patria nostra. Vide hac super re caput supra III & IV. Non ergo in Ecclesias importata est hæc sententia, sed in Ecclesiis retenta: neque defensa, nisi quia erat oppugnata, pastoribus quibusdam probare aggressis, pugnare hanc opinionem cum divinis oraculis & formulis consensionem testantibus. Me quod attinet, dici non potest per me controversias has aliquò pervenisse ubi ante non erant. Imo vero ad pastorale munus commendavi homines modestos, monuique pastores ut quantum eius fieri posset in publicis allocutionibus harum controversiarum tractationem defugerent, cuius rei multos Rotterodami testes habeo. Et hæc quidem dicta sint quod ad facti attinet quæstionem. Nunc ad ius ut veniam, si peccatum est in Ecclesiam importare opiniones pugnantem cum formulis consensionem testantibus, quomodo infontes haberi possunt Electores ac Principes qui Reformatorum de Eucharistia sententiam in possessionem miserunt pugnantem certè cum consensionis testimonio, id est cum symbolo Augustano? Respondent Electores illi & Principes, Augustanum symbolum exponendum, & si opus sit emendandum quoque ex divinis oraculis.

Tam vero ipsum in his rebus consueque per-
uetum) Quod hic sequitur de edicto Scia-
 no præstare non est meum, neque mihi im-
 putari potest citra iniquitatem maximam.
 Verum enim est (cui etiam probando me
 obtuli) mihi ut adfessori à consulibus Rot-
 terodamenfibus (qui oppidi fui nomine
 acquisiverunt potestatem quæsitariam in
 agrum Scianum quæ proinde mandatu ip-
 sorum exercetur) iniunctum fuisse, ut con-
 ciperem aliquid in sensum quem continet
 illud edictum, ut id ipsum postea à quæsi-
 tore, eximiiis & iudicibus agri Sciani ex-
 penderetur: à me vero diu id excusatum,
 ut qui semper ad mitissima quæq; & quam
 minimum iritantia prono fuisssem animo;
 tandem vero, cum & specialiter & sæpius
 præceptum id mihi esset, fecisse me impe-
 ratum. Mens vero Consulum (quam ta-
 men ut dixi præstare meum non est) fue-
 rat, sola comminatione prævenire tumul-
 tum & cedis etiam periculum quod à non-
 nullis metuebatur. Sozomenus in Histo-
 ria Ecclesiastica de Theodosio narrat, le-
 ges quidem satis severas ab eo factas ad-
 versus temerarias Ecclesiæ divulsiones,
 non tamen secundum eas leges actum in
 eos qui deliquerant: quia non gravis esse
 subditis volebat, sed metu eos continere.
 Testium fide constabat qui in agro Sciano

qui Hollandiæ præfuerunt. 31

cum in modū coibant non fuisse eorum ex numero qui larem ibi habebant, (extra quindécim aut sedecim qui alio modo desiderium suum implere poterant, vt infra ostēderur) sed quosdam à Lugduno Flandros ortu, alios à Scidamo, alios ab Amstelodamo, quibus cur illuc procurrent nihil erat causæ, cum domi aut in proximo pastores audire possent secum sentientes. Sed & hi excursores immodestis sermonibus alios eis locis habitātes irritabant, aientes missum sibi à rectoribus Amstelodamensibus pastorem: illos facti auctoritatem præstituros: ac si qua multa eo nomine penderetur, id de publicis vectigalibus deducturos: sibi proinde decretum perseverare in cœpto cum bona seu mala gratia quorumvis: neque multum se anxios etiam si id vnius, aut alterius vita constaret. Quæ iactantia verborum in magnum malum proruptura timebatur. Hæc vero in sententia fide non optima dissimulantur, cum tamen iudices hæc ita se habere scirent, certe scire possent, cum & ego apud illos hæc asseverassem & probationi me obtulissem. Sed & hoc subtrahitur quod æque probaturum me susceperam, quamvis publicatum esset hoc edictum (de quo decretum à iudicibus & eximiis agri Sciani

Apologeticus eorum

factum erat me neque præsente , neque
suasore) operam in hoc posuisse, vt nemini
ob istam minime necessariam & periculo
haud vacuum secessionem , imo nec ob
perfractum horreum quod publico impe-
rio obsignatum fuerat, noceretur: sed con-
tra vt vitandis cædibus aliisque incommo-
dis quæ metui poterant hi ipsi qui segreges
cœtus habebant non minus quàm alij reci-
perentur in fidei publicæ tutelam : Sed &
hoc insuper verum est , cum postea à qui-
busdam consulibus verba facta essent , vt
in Bleisvicensi agro, in quem iurisdictio ad
oppidum Rotterodamum ex emto perve-
nerat , & separatim à iurisdictione agri
Sciani exercebatur , similis publicatio fie-
ret, id à me dissuasum. Præterea vero non
sine magna difficultate me annitente effe-
ctum, vt qui Rotterodami ab Ecclesia pu-
blica diverterant (quanquam in collatio-
ne ob eam rem instituta à decurionibus op-
pidi causas eius divortij satis graves nullas
attulerant , multasque satis æquas ad re-
conciliationem cōditiones reiecerant) in-
tra ipsum oppidum cœtus suos habere sine-
rentur, quia ita mihi persuadebam, acribus
remediis interdum aliquid profici circa ip-
sa secessionis temerariæ primordia, at ean-
dem temporis auctu adultam tutius diffi-

mulari. Tam multa consilia subinde à me data ad constituendam vnitatem & rependienda remedia, quibus omnium animi possent acquiescere eousq; , vt etiam conditio ferretur Nicolaum Grevinchovium, (qui maxime quibusdam invisus esse credebatur) sponte sua à muneris sui functione cessaturum, satis ostendunt quam à rigore alienus mihi animus fuerit. Hæc quoque probanda suscepi, sed facta mihi non est eiusrei copia.

Vt cum satis sciret non esse in potestate eximiorum agri Sciani constitutiones vllas facere:)

De hac re interrogatus non sum: ac proinde contra ius & æquum sententiæ inserta est, tam non percognito negotio, vt hic soli eximij nominentur, cum tamen tam civilium rerum procuratio quam iudicia agri Sciani sint penes quæsitorem, iudices & eximios. Constitutiones stricto significato leges sunt communiter Hollandiam totam obligantes, quas facere se posse quæsitores iudices & eximij illi non ita amentes sunt, vt asserant. neque vero edictum, vt ab ipsis editum est, eo titulo inscribitur. At iura quæ in agro Sciano valeant, ab omni ævo facta sunt à quæsitore, iudicibus & eximiis agri Sciani, non minus quam à quæsitore & ingenuis agri Rhenani ac

Delphici quibuscum illi pari conditione censentur. Manifesta eius rei documenta præbent actorum libri, ubi & repertum iri puto leges Comitum Hollandiæ quibus Scianis potestas intra suos fines ius faciendi datur. Hoc certe scio, fisci procuratorem in lite adversus Limmanos & alios Canemarios hæc verba posuisse. *Sic & quæstor ac feudorum possessores in agro Vorenensi, Patteno & Strideno, quæsttores etiam agri Sciani, Rhenani, Delphici, Canemarij cum suis aut feudorum possessoribus, aut ingenuis quæ faciunt leges non faciunt vi sue iurisdictionis, sed permissa Principis id est ex inductu ac privilegio dato à Comitibus Hollandiæ.* In hanc rem perquisitum certe oportuit, aut ex me intellecta quæ docere iudices poteram, antequam pro certo in sententia scriberent quæstitori iudicibus & eximiis agri Sciani ius non esse edicta faciendi, ac mihi id fuisse cognitum, quod omnino falsum est. Fac tamē quæstorem, iudices & eximios vi ordinariæ potestatis edicta condendi ius non habuisse (quanquam res ipsa aliter se habet) tamen hac in re ab ipsis Hollandiæ proceribus acceperant potestatem decreto quod xviii Martij die, & xxviii Aprilis eius anni quo gesta hæc sunt, factum erat: quo decreto etiam curatores reipublicæ

Hollandicæ iubentur magistratibus, honoratis & iudicibus auxilio esse ad secessiones prohibendas, ac nominatim ne quid ex aliis oppidis, aut locis fieret, quod alibi pacem ac tranquillitatem plebi excuteret. Paulo ante decretum quod pro pace Ecclesiarum factum erat mense Ianuario anni CIO IO CXIV, cum parte legis conceptæ anno CIO IO XCI de negotiis Ecclesiasticis, missum erat non tantum ad oppidorum magistratus, sed & ad quæsitores agrarios, ac speciatim ad Scianum, quo facto haud dubiè agri rectores potestatem acceperant in suo constituendi quod interna quies exigeret.

Eorum tamen nomine fecerit atque conceperis rigidam constitutionem) Iam dixi non meum hoc esse factum, sed Consulum nisi quod ego scripsi. An vero qui alieno iussu scribunt aliquid, eo nomine causam dicturi sunt?

Quod editum est die XXI Iunij anni CIO IO CXV titulo quæstoris, indicum & eximiorum agri Sciani) Multo minus hoc ad me pertinet, cum decretum factum sit me neque præsentem, neque suadente, ut dicere occupavi.

Qui cum non ignorarent omnes Ecclesias publicas eius territorij insideri à pastoribus infectu

novo dogmate) Quod novitatem dogmatis & consequenter infectionem attinet supra refutatum est. Ad rem ut veniam, nunquam hac de re auditus sum : quæstor, iur-
dices, eximij nihilo magis ; tum plane ve-
ritati repugnat quod hic dicitur. Nam in
vico cui nomen Novecclesia in territorio
quæstoris Sciani eo ipso tempore pastor
docēbat plane stans à Contraremonstran-
tibus, quem omnes eius sententiæ sine tu-
multu, sine offensa vlla audire poterant &
cum eo sacra participare, Rotterodami pa-
stor erat Henricus Niellius rectoribus op-
pidi commēdatus à Synodo Ecclesiæ Gal-
liei sermonis, qui ad id tempus quid de
cōtroverſis sentiret, non patefecerat. Me-
mini cum Festus Hommius & alij in basi-
licam Rotterodamensem venissent advo-
cati à municipibus Ecclesiæ segregis, nihil
ab ipsis Niellio obiectum : sicut Hellerō
quoque nihil quod sciam vitio datum est.
Sed nec qui in vico Capella pastorem tum
agebat controuersis se inferuerat. Scida-
mi & in vico Transseiano (qui locus vter-
que non quidem sub quæstoris iure, qua-
tenus est quæstor, sed sub eodem ut agger-
rum præfecto situs est) & in portu Delphi-
co, quæ omnia loca valde propinqua sunt
vicis agri Sciani, pastores erant Contrare-
monstrantes;

monstrantes , vt & in vicis contiguïs ad agrum Rhenanum pertinentibus. Horum publicis allocutionibus contenti esse poterât , certè donec tranquillandis omnium animis (quod vnice tum agebant proceres Hollandiæ) propius aliquid esset repertum , ac non interim , dum id expectatur , novos cœtus constituere. Iudicent æqui omnes cum in templis publicis religio expleri potest , an tum rectum sit alios facere conventus , præsertim cum experimentis constet vix sanari vnquam adultum divortium. Hæc ratio Zelandos proceres impulit , vt legatis suis imperarent Hollandiæ proceribus consilium dare ne Ecclesias contra Ecclesias , presbyteria contra presbyteria erigi paterentur : quod tamen mandatum legati illi , aliorum instigatu , exsequi neglexerunt. Magnus ille in agrum Scianum à Scidamo , Lugduno , Amstelodamo concursus satis ostendebat aliud quam meræ pietatis negotium agi.

Tamen ea constitutione vetuerunt omnes cœtus verâ Reformatæ religionis ergo alibi quam intra eas Ecclesias :) Quod in templis publicis ex animi sententia haberi potest , id extra quæri non debet.

Iubentes publicari domum , horreum , fœnile , navem , cymbam , campum locare alia ubi aliter

sacra fierent:) Convenit hoc communi iuri. Augustinus contra epistolas Parmeniani libro VII. *Imperatorum autem iustitiam legesque quæ vehementes adversus eos lata sunt quis ignorat? in quibus una generalis adversus omnes qui se Christianos dici volunt, & Ecclesia Catholica non communicant, sed in suis separatim conventiculis congregantur, id continet, ut vel ordinator clerici, vel ipse ordinatus clericus denis libris auri mulctentur. locus vero ipse quo impia separatio congregatur, redigatur in fiscum.*

- L. C6
vcti-
cula
C. de
Epif.
&
cler.
- Constitutio Arcadij & Honorij quæ in Codice exstat Iustiniano sic habet: *Conventicula illicita etiam extra Ecclesiam in privatis cætibz celebrari prohibemus, proscriptionis domus periculo imminente si dominus eius in ea clericos nova ac tumultuosa conventicula extra Ecclesiam celebrantes susceperit.* Inter postremas Iustiniani constitutiones una sic habet: *Siquis in sua domo aut in suburbano ecclesiasticum ministerium presumerit, aut aliis celebrare concesserit, sine clericis sanctissimo locorum episcopo subiacentibus, iubemus hæc domum aut suburbanum aut pradium, ubi tale aliquid delinquitur, loci illius sanctissime ecclesie vindicari.* Altera hunc in modum: *Et priscis sancitum est legibus nulli penitus esse licentiam domi quæ sacratissima sunt agere: sed publice senere procedere in credulitatem & Dei culturam,*
- No-
vell.
de Ec-
cles.
titu-
lis c.
siquis
- Nov.
vt in
priva-
tis do-
mi-
bus.

qui Hollandia præfuerunt. 339

secundum sanctionem de his sacratis actibus traditam. Et nos etiam hanc in præsentì ponimus legem, quam etiam omni cautela tenere volumus. Omnibus enim interdiciamus magna huius civitatis habitatoribus: magis autem totius etiam nostræ ditionis; in domibus suis habere quasdam quasi orationis domos, & in his sacra celebrare mysteria. Has leges exerceri ego fane nolim, ubi sunt qui in templis publicis religionem animi sui explere non possunt. Sed, ut iam patuit, de eius generis hominibus hic non agebatur. Multo gravior poena est carcer perpetuus in quem nunc dampnantur pastores qui inviti protrusi è templis publicis aiunt, à se plebem suam pietate illæsa non posse deseri.

Etiamsi loci dominus consensum non præbisset, cui duntaxat actio servatur in conductorem; aut eum qui cæsum convocarit:) Verba hæc: etiamsi loci dominus consensum non præbisset in Sciano edicto non apparent: sed illud ibi legitur: ut salva sit domino loci actio quod intelligendum est valere; si dominus loci rem sciverit, etiamsi non expresse consensum testatus sit. Nam verba generaliter concepta ad materiam idoneam restringenda sunt: & quæ in municipalibus legibus indefinita leguntur, trahenda sunt ad ea quæ ius civile constituit. Mos est in edi-

L. r.
C. de
sacro
san.
Eccl.
& ibi
gl.

Inl.
Cla-
rus 9.
fin.
qu.
86.
nu 2.
& 4.

dis magistratuum poni ut parentes ex facto filiorum, heri ex familiae facto teneantur, etiam nulla addita exceptione, quo maior legi sit reverentia: sed & ratio & ius commune docent, edicta talia vim suam ita demum obtinere si scientia aut lata culpa intervenierit. Idem si opus esset evidenter posset probari exemplis edictorum quæ à concessu iudicum Hollandiæ aut ab oppidorum magistratibus fiunt. Quæsitores, iudices & eximij Sciani cum intelligerent ex odio sua verba sinistrorsum rapti, edicto posteriore significarunt: *nunquam sibi in animo fuisse, ut qui coitionis ignari essent in pœnas inciderent.* Vbi vero conscius fuit loci dominus, ibi domus aut locus publicatur ex iuris communis præscripto.

Adscripta insuper trecentorum florenorum mulcta in eos qui populum allocuti essent, qui mysteria distribuissent, aut aliud quicquam sacri actus fecissent: qui ve conventum convocassent quique habitarent ibidem quo coitum esset.) Multo maior, ut referentem audivimus Augustinum, erat Romanarum legum mulcta, decem scilicet auri librarum. Iterum in memoriam revocandum est, terribiles hæc mulctæ qui in locis publicis pastores habebant suæ sententiæ: cum hi qui nunc rempublicam tenent, postquam ex publicis templis ubique deiecti sunt Remonstran-

tes, in eos qui domum locumve conventui locant, utendumve dant, qui cœtum convocant, qui ibi docent aut explicant præleguntve quicquam, qui se gerunt pro senioribus aut diaconis, collectasve faciunt, pœnam constituerint ccc florenorum, cum amissione munerum publicorum privatorumque, congiariorum, stipendiorumque, ac præterea maiori animadversione pro iudicis arbitrio: inque eos qui pastores acceptant, aut stipem ad eorum necessitates colligunt multam ccc florenorum. omitto iam quod extra constitutionis verba, qui cœtus adeunt militum telis conficiuntur.

Cuius multa ergo reus illico duci possit, neque emitti antequam multam sub fiducia exsolvisset:) Apud nos mos est communiter receptus, ut multarum ergo manus iniectio sit: Et cum quis in ipso facto deprehensus est, ut sub fiduciaolvere cogatur. At novissimum edictum quod in eos factum est qui in templis publicis religioni suæ satisfacere non possunt, longè ulterius procedit. iubet enim multas omnes ipso facto exigi, quanquam interposita est querela aut provocatio, idque sine earum fraude.

Cum inusitatis appendicibus de agendi modo recusationem respondendi pro confessione valita-

L. de
zrate
§. qui
facit
ff. de
In-
terr.
act.

ram.) Hoc vero non inusitatum est, sed iuri civili congruens. In Trajectinis legibus sub rubrica x sectione xvi reperio, si quis vocatus sit, ut ad interrogationes certas respondeat, idque non faciat cōdicto die, iterum ei diem dici: cum comminatione, ni pareat, quod interrogatur pro confesso habitum iri. Caput vero cxxviii mandatorum quæ data sunt confessui iudicum Hollandiæ ait, si qui ad respondendum vocatus est adsit, neque velit respondere, tum id quod interrogatur, siue vnum sit, siue plura haberi pro confesso. Idemque præcipitur capite clxxxvii mandatorum quæ data sunt confessui iudicum superiori. Hoc ergo novum non est: sed illud magis quod nunc usurpatur, & quidem ex decreto confessus iudicum per Hollandiam antiquioris facti die 11 Septembris anni cio 10 cxix cuius verba sic habent: *Magistratus oppidorum, tractuum agri, vicorumque vbitales (Remonstrantium scilicet) conventus habebuntur, aut sponte pro officio suo, aut etiam quasiore interpellante possunt, ac debent eos qui conventibus interfuerunt, aut qui argumentis probabilibus ibi fuisse dicuntur, aut qui sub id tempus eo versus ex oppidis processerunt, ad se vocare, interrogare, ac inbere ut iuramento se purgent, an talibus conventibus interfuerint*

qui *Hollandiæ præfuerunt.* 343

nec ne : qui iurare recusant in eos manum injicere, ac captos eos impensis suis ipsorum detinere, ut comodo sine litis figura adversus eos agatur ex edicto quod contra id genus conventiculi proceres Federati fecerunt. Vile oportet sit iurandum ubi quis tam levibus indiciis ad iurandum compellitur.

Et ius dicendum super dictis testium :) Edictum Scianum ait si quis confiteri nolit audiendos testes, & eo facto pronuntiandum sine alia litis forma : id est ita, ut opus non sit litis acta perscribi : sed ex dictis instruat iudicis religio : quomodo plerumque in oppidis iudicari solet, etiam ubi nulla est contumacia, quæ hîc adesse ponitur. Quid ergo horum abit à iure aut moribus ? Sed ut clarius pateat appendices quæ hic in odium recitantur non esse inusitatas, exhibebo hîc alterum ac serius decretum confessus iudicium Hollandiæ, quod factum est nonnullis eorum præsentibus qui inter iudices nostros federant : vnde simul illud apparebit quantum id quod nunc facto peragitur, excedat nostri temporis meras comminationes, cum tamen, ut iam monuimus, in quos nûc ita agitur divortium non ut illi concupiverint.

Confessus iudicium Hollandiæ, consultato quis agendi modus observari debeat adversus peccan-

tes in edicta Federatorum procerum quæ facta sunt die tertia Iulij anni CIO IO CXIX & Kalendis Februariis anni CIO IO CXX, ut eorundem edictorum effectus ita ut aporter criminaliter siue extra ordinem agendo obtineatur: Censent ac nomine summa potestatis imperant, si quando questor aut eius vicarius conventiculis per ea edicta prohibitis intervenerit, ut statim ab his quos ibi deprehender mulctam flagites: qua specie, sine pronuntiatione aut damnatione ulla iudicum vicanorum siue ingenuorum quos vocant, ipso facto mulctas edictis constitutas exigere licebit: quod si quis iniuriam sibi fieri existimabit, conqueri potest apud iudices vicanos aut ingenuos, qui de querela cognoscere poterunt, dum tamen prius sub fiducia, mulcta persolvatur: sed ubi questores ex hoc delicto accusare volent quempiam, quem ipsi ipsorumve vicarij manifestarium non deprehenderint, sed alio modo crimen probare intendunt, tum eis ius sit vocare ad iudices vel ingenuos & super facto interrogare. Si id fateantur, iudices vel ingenui incontinenti eos damnant: questor vero re ipsa & nullo effugio admissio damnationem exsequitur. Si negent, questor de plano & quantum potest summarie adversus eos agat, & præter testimonia aut indicia quibus interfuisse illi conventiculis significabuntur, etiam conditionem iurisjurandi ferre illis poterit, an interfuerint: & si iurent, eam iuris-

qui *Hollandia* praefuerunt. 347

iurādi negationem accedentem ad testimonia aut indicia indices vicani ingenuive pro confessione accipere poterunt: ac quasi confessos damnare in pœnas edictorum. Quod si reorum ulli adeo sint re tenui, ut omnino solvendo multas non sint, tum ut multas earumve partem mutare liceat in pœnam aliquot per dies pane & aqua victitandi, nimirum ut partem multa quantum possunt in pecunia pendant, & quod reliquum est, aut totam etiam multam, ubi summa est inopia, arumnabilis victus necessitate luant, prout res exiget, & habita ipsorum hominum accurata ratione.

Ipsū quoque captivum, ut impediret ne adversus ista:) Videntur hæc verba referri ad edictum Scianum, adversus quod nullo opus erat remedio, cum nunquam vlla ex parte ad effectum sit perductum, quod fide non bona hîc subtrahatur.

Adversusque novæ istius opinionis invectio- nem illegitimam remedium adferretur & quod factū opus erat, fieret:) Opinionem non fuisse novam probatum est supra. Proinde quærendum erat remedium non contra opinionem, sed contra secessionem ob opinionem nondum damnatam.

Perpetuo obstitisse quominus communis Synodus Federatarum nationum haberetur, indicere- turve :) Hoc vero non modo factus non

sum, sed negavi diserte, & falso dici probaturum me recepi. Revincitur hæc criminatio ex edicto procerum Hollandiæ, in quo componendo mei quoque usus fuit: quo edicto aiunt proceres, non displicere sibi, ut pro tempore inita reconciliandæ unitatis via, si qua capita definitionis egere comperirentur, ea ut per Synodum communem è nationibus ad maiorem generalioremque alteram perferrentur, ut ibi tum veritas, tum necessitas eorum capitum ad divinas regulas expenderetur. Præterea revincitur ex consilio quod postremis temporibus Principi Mauritio à me datum est, quod memoratum est supra capite sexto. Verum quidem est, priusquam ego rempublicam attingerem, ita existimasse Hollandiæ proceres, absque Synodo negotium omne tranquillari posse, quod & ego credidi, motus exemplis & rationibus quæ suprà eodem capite sexto videre est: sicut etiam arbitratus sum, Hollandiæ Synodum recte gubernatam ad eum finem satis idoneam fore ob rationes eodem loco commemoratas. Sed & hoc verum est nihilominus, tantam fuisse æquitatem tum magistratum Rotterodamensium quibus operam addixeram, tum procerum Hollandiæ, quorum supremum in me ius erat, ut ad

spem quoque faciendam communis è nationibus Synodi aliorum desideriis se accommodarent, si modo placuisset illis aliis dirigere negotium, non ad damnationem & auctoritatem addendam occupatæ secessioni, (quorum eam Synodum tendere pastorum quidam diserte affirmaverant) sed ad conciliandas partes. Sed quomodo cunque id se habeat, quæ tandem ratio patitur, mihi imputari sententiam mihi imperantium quam sum elocutus, & quam illis placuisse ante me rebus suis adhibitum, satis liquido constat? Dudum erat, cum Synodum communem Amstelodamenses (nescio an quencquam eo tempore in conventu habuerint idem consentem) suaserant, cumque ea à proceribus repudiata erat, iniquioris iudicii metu.

Cum tamen Rex Britanniarum:) Hic primum cum Hollandiæ proceribus senserat, publico imperio continendos pastores, ut se mutuo ferrent, ut docet ipsius epistola. Verùm postea non ex vero edoctus à quibusdam est, id agi ut prodigiosa ac pridem damnata dogmata in Ecclesiam inducerentur, ut sexto capite à nobis superius indicatum est: ita ut in hac causa provocare nobis merito liceat à Rege male edocto ad Regem eundem de rebus nostris me-

lius edocendum: præsertim cum Rex idem in Hamptoniensi colloquio inconsultum duxerit definitiones quasdam Lambethi conceptas super eisdem controversiis auctoritate donare: ac passim improbet in libris suis omnes definitiones non omnino necessarias. Si cum cura epistolam Regis postremam inspicere libeat, apparebit per alias vias potuisse obtineri id quod Rex desiderabat. Volebat controversias à suggestu arceri. poterat id fieri absque Synodo. Volebat Ecclesias nostras cum omnibus reformatis unitatem colere. Poterat id obtineri rectius per generalem Synodum, quæ ad tolerandam placide sententiarum diversitatem dirigeretur. Quod si illi homines, qui tanti hic facere videntur Regis Britanniarum consilium, etiam secuti essent consilium ab eodem Rege datum voce legati sui Carteroni, die xxviii Februarii anni cix io cxviii, ut de capitibus controversiis definitio fieret secundum normam oraculorum divinorum, Synodorum veterum, & prisce ævi interpretum, melior communis Synodi eventus sperari potuisset.

Princeps Mauritiu :) Hic vero per annos multos postquam controversiarum passim didita erat fama, pacem Ecclesiasticam in-

ter dissentientes suo exemplo confirmaverat, non tantum publice Iohannem Vtenbogardum audiēs, sed & cum ipso Eucharisticum mysterium participans, cū is pridem iam Remonstrantibus accessisset. Etiam postquam idem Vtenbogardus cognitus erat eius esse sententiæ, Princeps anno c10 10 CX & c10 10 CXIV ipsius tanquam domestici sui pastoris opera usus erat in expeditionibus Resana ac Iuliacensi, & anno c10 10 CXIV, cū Traiectini proceres ius sibi quoddam in Vtenbogardum asserentes enixe contenderent ut is sibi concederetur, Princeps rogare perstitit ut eum sibi & Hagienſi Ecclesiæ relinquerent. Mansitque in Vtenbogardi communione Princeps vsque ad invasionem Ecclesiæ claustralis. Idem Princeps tot decreta pro pace Ecclesiarum facta silentio transmisit, neque vnquam monuit proceres peccari in eo, aut publico Ecclesiarumve bono aliam viam esse ineundam. At vero non fuisse pietatis momenta quæ impulerint postea quosdam, ut Principi auctores essent, se decretis procerum obii-ciendi, nimis apud nos notum est.

Ac pars nationum maior:) De septem nationibus quatuor tolerandos dissentientes censuerunt Geldri, Hollandi, Traiectini,

Transisalani. Cæteras res non tangebatur quod has controversias non haberent. Inducti quidem sunt postea Geldri & Transisalani ut communi Synodo indicendæ assensionem præberent : sed mens ipsis erat , ibi sumendum laborem ad pacem componendam, non ad definiendam causam. Vide supra caput quintum.

Cum multis insignibus Hollandiæ membris:)

Dordrechtani diu nobiscum eiusdæ sententiæ fuerunt, publico imperio & pace inter pastores medendum controversiis. Amstelodamum & Enchusa magni sane momenti sunt, sed non ut contra pendant ordini nobilium, oppidis Harlemon, Lugduno, Goudæ, Rotterodamo, Alcmariæ, Hornæ ac tot aliis, quæ simul iuncta plus multo duobus illis oppidis inferunt in Hollandiæ ærarium. Edamni & Purmerendæ ratio haberi nulla potest si magnitudo spectetur. alioqui censendi ius habent: sed in eo nihil exstant cæteris : ita ut vere dicere liceat insignia maxime Hollandiæ membra à nobis steterisse, & in ipso oppido Amstelodami insignes multos decuriones qui in consilio publico eius oppidi partem ferme alteram faciebant. Quid si verò non membra maxime insignia, sed pars membrorum maior nostræ fuisset sententiæ;

nonne ea iure prævalere debuit ? Quid si etiam Rotterodamenses, quorum eram in ministerio, propriam & ab aliis omnibus separatam habuissent sententiam ? nonne ea tamen mihi fuerat enuntianda ? Fac amplius, me auctorem fuisse Rotterodamensibus, vt consilium à Synodo communi diversum proponerent, quia ita factu optimum mihi videretur, siue rectè siue etiam errore quodam, id ne mihi vt crimen erit expiandum ? Deerunt suasores, si suasisse periculum erit.

Iudicaret id ipsum certum ac necessarium esse remedium sanandis malis quæ in religione erant suscitata :) Remedium hoc primo certum non fuit: nam exitu compertum est, divortium ea ratione adeo non sanatum, vt potius factum sit insanabile ; qua de re vide quæ superius dicta sunt capite quinto. At nec necessarium : nam & alia erant remedia, vt pax æqua ferentibus se mutuo pastoribus, procurata vel imperio publico, vel conciliatoribus ex sacro & profano ordine, vel per Synodum Hollandicam gubernatam potestate procerum Hollandiæ, & instructam fidei vicinorum consilio. Vide hac de re & quartum & sextum caput. Ex his multa sæpe idonea

ad faciendam morbo medicinam visa sunt
Dordrechtanis : imo Enchusanis quoque
& Amstelodamensium nonnullis , vt eo-
dem sexto capite demonstratum est.

*Eam in rem assertum ab eo Synodos noxias esse
iuri summarum potestatum in his terris*) Fal-
sum hoc est, nūquam à me confessum, imo
adeo negatum, vt & probaturum me re-
ceperim id quod contrarium plane est as-
sertum à me, nimirum ita regi posse Sy-
nodos vt ius summarum potestatum per
eas neutiquā læderetur. Ipse ego , in libro
que piam mentem procerum Hollandiæ
defendi , diserte probatum ivi exemplis
multis , complures olim Synodos convo-
catas incolumi iure summarum potesta-
tum. Legatur is liber & deprehenderetur
per quātam iniuriam hic accuser. Idem
ego de Synodo Hollandica habenda con-
siliū dedi, ac simul ostendi quomodo ce-
lebrari ea posset, iure potestatum non im-
minuto. De communi nationum Synodo,
semper diximus futurum vt ea haberi pos-
set cum spe meliore boni eventus, si pace
aliquamdiu culta inter diversæ sententiæ
auctores coaluissent animi. Quomodo
ergo dicere potui quod hīc dixisse arguor?
Hoc vero dixi, Synodi decretis vim legis
tribuere, non permisso potestatibus libero
de

qui Hollandiæ præfuerunt. 353

de eis iudicio, id vero iuri potestatum esse contrarium. Puto ab omnibus reipublicæ administrandæ gnatis, id agnosci. Etiam hoc dixi in oratione ad ordinem Amstelodamensem, sæpe Ecclesiasticis homines ubi in vnum locum collectos se vident ea facere decreta de gubernatione Ecclesiæ quæ iuri summarum potestatum damno-
sa sint. Verè id dictum apparet ex Synodo communi Hagæ habita temporibus præfecturæ Licesstianæ quæ eiusmodi decreta fecit de electione ad munera pastoralia, vt Hollandiæ proceres necessarium iudicaverint sua contraria decreta iis opponere. Imo hæc ipsa Synodus tanto ambitu expetita, cui quod occursum voluimus nobis pro crimine imputatur, hæc ipsa manifestè ostendit verum esse quod dixi, quandoquidem non vnius nationis proceres in eius actis non vnum caput deprehenderunt suo imperio ac potestati noxium, atque ea de causa acta nude confirmare abmuerunt.

In re Synodi neque censendi neque sententias numerandi ius esse.) Hæc non mea sunt verba, sed procerum Hollandiæ cum frequentes in Federatorum conventum venissent, voce quidem enuntiata die xxviii Iunij cio lxxviii, Iulij vero iii die tra-

data scripto, quod quidem scriptum non à me (vt huius sententię auctores sibi videntur persuasisse, cum tamen ea de re interrogatus nō sum, multoque minus rem falsus) sed ab Oldenbarneveldio erat compositum. Rem quod attinet, cum sensus idem sit qui verborum sequentium, quod ibi respondebitur, hīc quoque responsum putator. Alioqui posse & cenferi de Synodo & Synodum etiam communem convocari consentientibus nationibus, semper à nobis extra controversiam positum est.

Ac pugnaturum cum iure atque imperio Hollandia, si communis Synodus invito Hollandia conventui aut parti eius maiori obtrudetur:) Maior pars Hollandiæ ius habet ipsius Hollandiæ, præsertim vbi negotio adhuc agendo intercedit. Vide hac de re caput VIII Arbitrium de publico religionis statu, præsertim ad pacem constituendam super controversiis huiusmodi, penes nationes est singulas, vt in secundo capite videre est, vbi & illud fuit discere non aliam fuisse hac de re sententiam procerum Federatorum, procerum Hollandiæ, procerum Trajectinorum, & Principis Mauritiij anno 1610 xc, post quod tempus nulla mutatio proferri potest. Cū verò in his

qui Hollandiæ præfuerunt. 355

quæ nationum singularum sunt propria, nulli nationi invitæ obtrudi quicquam iure possit, sequitur id quod à nobis dictum est manifesto iure niti. Neque reperietur antehac vlla communis Synodus convocata, nisi de communi nationum sententia. Ad me ut veniam, quicquid huius dixi in conventu Hollandiæ, id dixi mandatu ordinis Rotterodamensis, præsentibus atque ita faciendum censentibus aliis eius oppidi legatis. Quod autem dixi in conventu Federatorum, id dixi mandatu procerum Hollandiæ. Quæ ergo æquitas patitur, ut id ego præstem?

Eundem nunc captivum quo magis id impediret cum legatis oppidorum quorundam separatos carceres habuisse, ut ibi explorarent alij aliorum sententias, eas conciliarent, atque ita citatione facta sententias in Hollandiæ conventum perferrent.) Falsum est conventus oppidorum quorundam Hollandiæ peculiare in id habitos ut communis Synodi indictio impediretur. Nam multo antequam oppida nostra inter se convenirent, proceres Hollandiæ Synodum talem negaverant, atque alias inierant vias, ita ut peculiare isti conventus ad hanc rem neque necessarij fuerint, neque usum potuerint habere. Sed verum est aliquam multo tempore postea-

quam Amstelodamenses, Enchusani, Edamenses & Purmerendani inter se, quibus & Dordrechtani deinde accesserunt, conventus habuerant peculiares ut coitione facta decreta procerum Hollandiæ oppugnarent, alia oppida, & in eo numero nostra, legatis suis mandasse ut inter se de negotio conferrent, non ad coitionem faciendam, sed ut decreta procerum secundum leges facta argumentis communibus defenderetur: simulque ad consultandum quousque dissentientibus Hollandiæ membris concedi à nobis posset, sine patriæ & oppidorum gravi detrimento. Legati oppidorum non quæ sibi privatim sed quæ oppidi cuiusque ordini visa erant contulere, oppidorum rectoribus rem retulerunt, rationesque & consilia sua sine ulla dissimulatione palam conventui patefecerunt. De me vere testari possum, dixique iudicibus & probaturum me recepi, neque auctorem me neque suasorem fuisse eiusmodi colloquiorum, neque aliud quam obedientiam præbuisse eorum imperiis quibus operam addixeram, ac proinde nihil esse cur ego hoc præstare debeam. Atamen dicam ut fidelis minister eorum quibus in me potestas fuit, expropositi diver-

sitate conventus tales bonos malosve censeri: ac bonos haberi qui ad tuendum ius ac salutem publicam fiunt. Lex magna data Hollandiæ à Maria Burgunda sic ait: *Liberum esto oppidis Hollandiæ inter se aut etiã cum aliarum nationum proceribus convenire, & quotiescunque visum ipsis fuerit conventum indicare in quemcunque visum fuerit locum, ut ibi colloquantur de negotiis ad patriam, aut oppida communiter aut seorsim pertinentia: neque opus habento eam ad rem venia Comitis: neque eo facto in Comitem peccasse censentor, aut ulli calamitiæ subjacento.* Mandata quæ ab universis nationibus Senatui Federis data sũt, sic habent: *Ne Senatores de decretis, consiliis ac deliberationibus confessus sui conferant extra confessum, nisi forte cum collegis, extra alios arbitros.* Scimus quomodo oppida quæ compendio navigationis per Hollandiam lædi se arbitrabantur inter se consilia participaverint, atque etiam pactis conventis se obstrinxerint, cum tamen res ageretur privata ipsorum, non patriæ publica. Princeps Wilhelmus Arausionensis Apologetico suo primo agēs de cōventu nobiliũ anni cĩo 10 LXVI ait: *Non posse à se cōventus eiusmodi pro coitionibus haberi, cū qui se federe abstrinxerant, in eo perstarent, nihil sibi pro-*

positum facere, aut attentare contra utilitatē publicam. Deinde: si, ait, in hac re coitionis, aut perduellionis crimen commissum dicitur, aut id in eo positum est quod federati nobiles orabant rationem haberi eorum quæ admonebant, aut quod eadem de re vellent proceres Belgicogermaniæ consuli, aut quod generaliter ac sine ullo discrimine conventus omnes ei crimini sint affines: quorum trium nihil est (inquit) quod mihi se probe.

Confer iam illam consiliorum participationem cum nostra. Illi qui tum participabant privati erant, non oppida, nec mandata, ut nos, ab oppidis habentes: illorum participatio nitebatur peculiari quodam ac novo federe: nostra veteri vinculo membrorum Hollandiæ, quo obligantur conservare ius corporis, peculiari pactione nulla interveniente: illi quod convenerat, factum erat nolente Rege Hispaniæ tum Principe Belgicogermaniæ & contra eius edicta: quod nos, id congruebat cum voluntate procerum Hollandiæ, quæ summa erat potestas apud nos, & ad eorum decreta tuenda spectabat. Et tamen illa conventio à Principe Arausionensi Vilhelmo probatur, nostra damnatur à xxiv conquistis iudicibus.

Deinde ipsum nunt captivum iniussu proce-

rum Hollandia.) Verum hoc non est, si modo iussus intelligatur ut iura præcipiunt. Nam procuratori aut patrono, cui causa mandata est, simul mandatum censeretur debet ea expedire quæ ad causam vtilissima iudicat, in quibus est, & nuntiationibus uti adversus actus iuri eius, cuius res agitur, damnosos. Qui à nationibus singulis ad conventum Federatorum mittuntur, generale mandatum habent tuendi ius mittentium, ac proinde etiam interponendi nuntiationes contra actus ipsis nocituros. Antequam à nobis nuntiatio interposita est die iv Augusti anni cio 10 xviii decretum fuerat ab *Hollandia* proceribus, non posse consentire in Synodi communis indictionem, tum ne, quod secundum leges procerum *Hollandia* erat proprium, cum aliis communicaretur, tum ob alias graves admodum causas. Die vero v Augusti in responso dato *Zelandia* legatis dictum erat: De habenda Synodo sapius in hoc conventu consultatum est: sed maiori parti visum est plerosque pastorum nimis studiis teneri huius aut illius sententiae, partim etiam decretis quibusdam ac conventionibus obstrictos esse, tum ad oppugnandum ius summarium potestatum, tum ad tuendam hanc vel illam sententiam: quibus de causis non potuisse sibi persuadere proceres *Hollandia*, hoc animorum est à Sy-

*modo cōmuni cōtroversias aqua iudicio discipari
& bono Ecclesiarum definiri posse.* En manda-
tum & non assentiendi in talis Synodi in-
dictionem, &, si tentaretur indictio, ius
Hollandiæ defendendi.

*Cumque ipsi de iussu procerum Traiectinorum
& Transsalanorum non constaret:*) Quemq;
de suo mandato sollicitum esse par erat.
Cum mihi constaret de mandato eorum
quibus parere debēbam, meum non erat
de aliorum mādatis curiosum esse. Tamen
firme credo cæteros quoque mandatum
habuisse. Nam Traiectini proceres ab an-
no cio. 10. cvii Synodum indicendam ne-
gaverant, simulque affirmaverant ius de
rebus Ecclesiasticis atque etiam de reli-
gione imperandi sibi intra suas terras de-
beri: Postquam nuntiatio, cuius hīc men-
tio fit, à nobis interposita est, perstiterunt
proceres Traiecti in veteri sententiā, etiam
cum Princeps Mauritius Traiectum ve-
nisset. Neque minus nobilitas & oppida
Transsalanorum nuntiationem à suis le-
gatis interpositam iudicarunt suæ senten-
tiæ ac voluntati congruere, ac proinde post
hāc nuntiationem die xii. Octobris ab aliis
legatis dictum est in conventu Federato-
rum, quod à Daventriensibus & Hassela-
nis tum ore, tum scripto postulatum erat

qui Hollandiæ præfuerunt. § 61

de Synodo. communi nationum, id iuri ac legibus nationis Transsylvaniæ adversari.

Ansum in domo Iohannis Oldenbarneveldij:)

Oldenbarneveldius eo tempore affecta erat valetudine, ac proinde solebant qui in ministerio erant Hollandiæ, nec minus legati nationum qui Federatorum conventui intererant, ad ipsum domum visere & consilium eius exposcere. Idemque non minus quam ego fecerunt cæteri quibus perspecta viri pericia in civilibus negotiis. Consilium audire eius cuius potissimum consiliis Hollandia utebatur, aut etiam concipere aliquid collegis ostendendum, estne illud illicitum? Legati nationum qui Synodum communem deposcebant, multo fecerunt amplius; cum ea quæ pro instituto suo videbantur scripto conciperent, in peculiaribus suis cœtibus, ubi & oppidorum quorundam Hollandiæ legati aderāt, quæ oppida eum in modum contra ius ab Hollandiæ corpore divellabantur.

Nomine nationum Hollandiæ, Traiectina & Transsylvaniæ coniunctim:) Imo nomine legatorum ab illis nationibus. Id vero à legatis vna ne charta an pluribus fieret, nihil intererat. Etiam legati Cislavici & Translavici cōiunctim verba fecerunt in conventu procerum Hollandiæ & Vvestfrisiæ.

cum Synodum è nationibus communem commendarent. Notandum quoque nationes singulas ex primo capite Federis Trajectini teneri auxilio esse aliam alij ad tuenda imperij iura, quod si nationes nonnullæ in officio negligentes sint, aut ipsæ in aliena iura involent, non eo tamen tolli obligationem inter cæteras volentes stare pactis conventis.

Perscribere nuntiationem :) vbi auditum vnquam est nudum scribendi ministerium dictante altero crimen esse, præsertim cum id eo sit animo, vt scriptura ostendatur confessui, ac deinde id fiat quod confessui visum fuerit?

Quam etiam in conventum Federatorum Procerum intulerunt, qua pariter atque coniunctim adversus morem in eo conventu usitatum in modum coitionis adversus aliarum nationum legatos testationem interponebāt:) Quibus idem jus est, hi communiter causam agere non prohibentur, vt leges Romanæ nos doceant: neque id vlla specie coitionis nomine accusari potest. Pugnare hoc cum conventus Federatorum aut legibus aut moribus, mihi non liquet: At vero Synodum communem vna natione, nedum pluribus refragantibus, indicare, neque vllis amicis compellationibus (quales factæ sunt

complures) inde abduci, cum more con-
uentus plane pugnat, quando vſitarum
fuit hætenus, vt etiam in minoribus nego-
tijs, & quæ nationes ſingulæ non tam aper-
te ſibi exceperunt, alij alijs obſecundarent,
& ad communem gratiam cuncta dirige-
rent.

*Fore eos auctores & cauſas malorum atque
incommodorum per promotionem Synodi com-
munis :*) Dolendum eſt quod eventus
oſtendit, vt Caſſandræ vaticinia, ita noſtra
tam verâ fuſſe quam non credita. Similes
denuntiationes interpoſitæ olim ſunt à
Principibus multis aduerſus ſtudia Synodi
Tridentinæ : à nonnullis etiam pariter at-
que conſunctim, quod hic immerito per-
coitionem vocatur. Sed quia eiufmodi
nuntiationum ratio non eſt habita, ideo
immedicabile factum eſſe vulnus Eccleſiæ
aiunt Proteſtantes.

*Quam nuntiationem etiam modo inſolito
antea in conſeſſum curatorum rei publicæ Hollan-
diæ intuleras, & prælegeras, non expectata per-
rogatione quæ tunc atque ordine fieret :*) Præle-
cta eſt in conſeſſu legitime coacto : & aut
concordibus aut pluribus ſententijs, vt lex
habet conſeſſus, perrogatum eſt. Atque
ideo nſcio quid hic ſit quod factum dica-
tur modo inſolito. Neque ante, neque

post captivitatem meam quicquam memini afferri quod eo pertineret, nisi quod à quibusdam dictum est non in sedilibus, sed ad focum perquisitas sententias. At lex confessus nostri nos sedilibus non adstringit. Totus ille locus negotiis publicis destinatus est: & ut hyeme ad focum consulatur, solet fieri, licet denique, Qui confesui interfuerunt, eorum id nemo ignorat. Siquid aliud de insolito hoc modo dici poterat, id expressum oportuit, non ita positum indefinite, ut refelli nequeat. Quod dicitur non ordine ac rite perrogatum, à vero abit: à me confessum non est: sed negatum rotunde, oblata etiam in cōtrarium probatione, ad quam admissus non sum. Et tamen hoc sententiæ inseritur. Quis iniquiorem vnquam vidit agendi modum? Qui contra decreta procerum Hollandiæ & confessus reipublicæ curatorum separatim suorum oppidorum sententias tentarunt perferre in conventum Federatorum, hi sunt qui fecerunt quod nec rite nec ordine fieri poterat. At iidem non impune tantum id ferunt, sed gratiam & mercedem reportant.

Ipsum quoque assensisse, & cum cæteris octo oppidorum legatis perpulisse, & qua effectum daretur adiutorem fuisse, ut magno sociorum contemptu

epistola procerum Federatorum ad conuocationem Synodi communis scripta ad proceres Hollandia non resignata remitteretur:) Non habebam ego hac in re ius dicendæ sententiæ: Sed oppidum Rotterodamenſe cuius tum frequentes legati Hollandiæ conventui intererant, quibus hoc duntaxat viſum eſt, accedere ſententijs prioribus, quod à me ipſorum iuſſu enuntiarum eſt verbo vno atque altero, nullâ mea apud legatos Rotterodamennes eam ad rem ſuaſione aut conſilio: ita vt hic accuſer tantum ob prolataſ legatorum Rotterodamenuum ſententiam. Octo oppida hac de re nunquam conſilia fociarunt. Neque ipſorum magis res agebatur quam nobilium & oppidorum extra illa octo, quibus idem viſum eſt: nihil ergo hic perpulſum: nihil eſt quod ego effectum dederim: quapropter hæc narratio non modo confeſſionem meam excedit, ſed ſimul pugnat cum manifeſta veritate. Qui conſilium remittendæ epiſtolæ dederunt, ab his conſideratum eſt legatos aliarum nationum inſuper habitis argumentis, orationibus atque nuntiationibus, ipſo facto ire in poſſeſſionem iuris quod non ipſis, ſed nationibus ſingulis intra fines proprios competeret: atque ea quoque in re extra controverſiam imperium Hollan-

diæ ab ipsis invadi, quod litteris suis locum Synodi designarent Dordrecht intra Hollandiam impermissu procerum Hollandiæ quorum eo loco summa potestas erat. Refutare tam noxiam scriptionem supervacuum erat, cum quæ eo facerent argumenta & sæpè & quantum satis erat prolata essent, neque vnquam ad ea directe responsum. Recipi literas & taceti perniciosum fuerat iuri Hollandiæ, quod tuendum omnino iudicabant hi quorum sub potestate nos eramus. Vt remittantur epistolæ per quas ius aut imperium arrogatur novum non est, sed in Hollandia factitatum antiquius etiam ab inferioribus adversus superiores, sicut videmus eius naturæ epistolas in ius vocantes à confesso Hollandiæ iudicium ad Machliniensem confessum remissas. Sed iniquitatem vide: Quod à tot hominibus pleno conventu factum est duobus aut tribus imputatur, cum cæteri ne appellentur quidem, quidam horum etiam in republica retineantur.

Ipsius quoque opera auxiliante conceptas litteras nomine procerum Hollandiæ ad Gallia Regē.)
Verum est à me iussu conventus Hollandiæ conceptas epistolas diversas ad regem Gallia, ad Regem Britannie, ad alios Principes ac ciuitates, ad quos omnes aliarum

qui Hollandiæ præfuerunt. 367

nationum legati nomine Federatorum procerum scripserant, ut legatos Ecclesiasticos inde acciperent ad Synodi communis augmentum, & quanquam multum rogati ab Hollandis atque aliis, desistere ab eo instituto noluerant: quapropter conventui Hollandiæ visum est necessarium eos Reges Principes ac civitates edocere rerum gestarum veritatem & ius nationum singularum. Literæ ad Regem Galliæ ita ut à me conceptæ erant, quarum archetypum servavi, sic habebant.

Ex quo arma pro libertate ac iure publico sumpta primum à nobis sunt, Rex potentissime, duo præcipua mala nos exercuerunt. primum horum est, quod multi pastorum nobis nobilibusque & oppidorum rectoribus non permiscerunt uti eo iure quo maiores nostri circa electiones ad munera pastoralia, resque alias usi antiquitus fuerant nomine contradicente: alterum quod, orta per Ecclesias nostras contentione de subtilibus rerum divinarum controversiis puta de Prædestinatione & quæ ei adhaerent, pastorum multi alios à se dissidentes ferre placide non potuerunt, cum nos indicaremus id genus controversias rectius arceri à cathedra, ac posse charitatem coli etiam inter diversa placita in eiusmodi rebus sequentes. Spes nobis fuerat, postquam beneficio Regis in æternum memorandi parentis tui bella tam gravi orationis liberati, tem-

pus nobis & occasionem non defuturam mala ista
superandi stabilita inter ciues recto ordine atque
unitate. Sed contra evenit, ut pastorum nonnul-
li magis magisque sibi indulgentes non tantum
Ecclesias miserabiliter disciderint, verum etiam
causam dederint quibusdam de plebe, externis
præcipuè, ne in ea quiete atque obedientia se
continere qualis desiderari ab ipsis merita pos-
set. Et quomodo id hominum genus antehac in
Synodis communibus, quas Nationales vocant,
sepe conati sunt monire sese contra ius illud recto-
ribus reipublica circa electionem ad pastoralia
munera ac res alias debitum, atque etiam suos
collegas in illis controuersis aliter sentientes
censuris vexare, sic nunc etiam id agunt ut ma-
iori cum pompa propositum vetus effectum dent.
Quamquam vero nationes quædam nostri federis
quas ista incommoda minus urgent, ad indictio-
nem talis Synodi permoueri se passæ sunt, etiã no-
mine utentes in litteris indictitijs procerum Fe-
deratorum, nos tamen gnari alium esse apud nos
quam apud ipsas Ecclesie statum, tum vero fede-
re quodcum aliis nationibus pepigimus, ius con-
stituendi de publico Ecclesiarum statu nobis reser-
uatũ, ita ut nullius imperijs ea in re teneamur;
alia ostendimus remedia meliora, quæ incolamũ
libertate ac iure nostro ad res tranquille compo-
nendas valerent, ut videre est in oratione quæ has
litteras comitatur. Quare conscij summa beneuo-
lentiæ,

qui Hollandiæ præfuerunt. 369

lentia, qua pater tuus nunquam satis laudatus, tuque paternis insistens vestigiis rempublicam Hollandicam prosecuti semper estis, plane confidimus non permissuram tuam Maiestatem, ut subditorum suorum opera quisquam confirmetur in eo instituto quod iuri nostro adversum est, sed potius perstantem te in summa nostri caritate omni occasione laboraturum, ut legitima potestas nostra, te quoque sustentante, salva sit adversus factiones ac tumultus, cunctaque dirigantur ad maximam concordiam, cuius pars magna sita est in iuris cuique proprii libertatisque tutela. Quod nos super tot alia accepta à te beneficia grato addictoque animo semper prosequemur, Deumque venerabimur, Rex potentissime, ut solum tue Maiestatis stabiliat, tibi que largiatur firmam valetudinem & florens imperium. Tue Maiestati addictissimi procures Hollandiæ ac Westfrisiæ.

Oratio, cuius in literis istis mentio apparet, eadem est quæ habita erat ab Hollandiæ proceribus in conventu procerum Federatorum die xxviii Iunii & die Iulij iii scripto tradita, comprehendens conditiones satis commodas ad pacem constituendam etiam per Synodos & auxilium domesticæ tuæ externæ eruditionis, cuius orationis meminimus supra capite sexto. Me postea Rotterodamum digresso

formula ista literarum, primum per eos qui id negotij acceperant, deinde à conventu recognita est, meque absente nonnihil mutatum: quantum & quibus in partibus certo affirmare nequeam: confido factum id qua oportet prudentia. cæterum id præstare non est meum.

Quibus hoc agitur ut contra rei veritatem Regi persuadeatur Synodi communis indictionem hoc habere propositum ut summis potestatibus, nobilibus, ac insignibus vasallis adimeretur ius collationis sive Ecclesiastici patronatus:) Contra rei veritatem procedit ista narratio. Placuerat enim Regi Galliæ, Regi Britanniarum ac Principibus aliis commonstrari, non indictionis Synodi hoc esse propositum, quod perinde est quasi legati nationum eò contendissent, verum, non omnes quidem, sed aliquos pastores per communes Synodos sæpius id conatos: quod sane verum est, & verum esse apparet ex actis omnium antecedentium Synodorum, præcipue illius quæ habita anno c10 10 LXXXII Middelburgi, quæ circa electionem ad pastoralia munera nullam magistratuum facit mentionem: tū vero & eius quæ auctore Comite Licestrio habita est anno c10 10 LXXXVI, contra quam procures Hollandiæ speciali decteto ius potestatis suæ servayerant, ut

suprà capite VII narratum est. Dictum præterea est in literis iisdem etiam nunc quorundam pastorum conatus eo tendere. Hoc vero ita esse non soli Hollandiæ procures iudicarunt, sed & Translavian; qui propterea denuntiarunt nolle se pati ut ius patronatus apud se moribus receptum in controversiam vocaretur, ut eodem capite VII annotavimus. Ibideni commemoratum à nobis est, quomodo huius indicationis impulsores (de Ecclesiastici ordinis hominibus intelligi me volo) libros scripserint quibus rectores reipublicæ ab eo iure deiiciuntur, quomodo eo solo nomine cætus segreges inceptaverint, & ad simile divortium alios arcanis promissionibus obstrinxerint. Quis potest ergo de eorum animo dubitari? Neq; vero acta Synodi ab horum hominum mente nimium discedere apparet ex decretis Synodi compluribus, in quibus mutationem esse necessariam gravibus de causis nationes aliquot iudicarunt. Verum in illis ad Regem literis præter hoc incommodum, aliud quoque nihilo levius indicatur, nempe, *propositum pastoribus nonnullis collegas suos de Predestinatione & rebus annexis aliter sentientes censuris vexare.* Cur hoc silentio dissimulatur, cum

etiam sine altero hoc solum suffecerit, ut sapientes viros omnes à Synodo eum in modum indicenda absterreret?

Federatos proceres in eius Synodi epistolis indictitij's nomen Federatorum procerum usurpare:) Dici debuit, *quasdam nationes nomen sibi ascribere Federatorum procerum.* nam quod sententia hîc loquitur, commodum sensum non habet. Res ita habet. Nominè Federatorum procerum legitime perscribuntur acta omnia, etiam quæ ex partis maioris sententia decreta sunt, in rebus quæ legibus federis ad conventum Federatorum delatæ sunt: in rebus aliis idem non licet, nisi de communi nationum consensu. Proinde merito proceres Hollandiæ & alij censuerunt, si vellent Geldri, Zelandi & Frisij cis atque vls Lavicam Synodum convocare citra consensum quarundam ex nationibus sociis, licere id ipsis, sed proprio ipsorum nomine præscripto, non nomine conventus Federatorum, quia ea res ad vniuersitatem socialem non pertinebat, ut secundo capite ostensum est.

Quibusque Rex oratur non permittere ut suorum subditorum quisquam ad Synodum veniat) Verba habent *Confidere Hollandos Regem* (idè ad Principes alios scribebatur) *non per-*

qui Hollandiæ præfuerunt. 373

missurū ut subditorum suorum opera quisquam confirmetur in eo instituto quod iuri Hollandiæ adversum esset. In epistolis ad Euangelicos Principes hoc amplius erat additum: sed potius operam eos daturus, ut unitati Ecclesiasticæ, quæ plerumque ex gravium controversiarum definitionibus periclitari solet, consulatur per vias molliores, nimirum per Christianam moderationem & ferendi se mutuo æquitatem. Etiam alia epistola concepta erat ad reformatarum Ecclesiarum legatos, qui Regi Galliæ adfuerunt, qua rogantur Ecclesiarum suarum consilia ad pacem dirigere. Ego vero & apud Maurerium sæpè & apud Bossizium postea, Regis Galliarum legatos, precibus institi ut idonei viri rerum sacrarum periti ex Gallia mitterentur, qui pacis spem promouerent, & quæ eo facerent reperire iuxta alios allaborarēt. Vnde promptum est intelligi, non id egisse nostros, ne periti sacrarum rerum aliunde huc mitterentur, sed ne mitterentur cum definiendi mandato, & ad conventum eo modo ac forma inditum. Cæteroqui ut externi tum Principes civitatumque rectores, tum rerum sacrarum interpreses rem totam rectius perspiccerent, eoque paratiores essent ad suggerenda salutaria consilia; placuerat cum literis Holladiæ simul ad eos transmitti capita

Remonstrantium, etiam illa capita quæ in colloquio Hagiensi deprehensa fuerant inter partes convenire, decreta à proceribus Hollandis, Trajectinis, ac Transisalanis facta pacis ergo, exemplum conciliationis olim factæ in Polonia cum parte literarum quas similem in finem Elector Palatinus ad nostros scripsisset. In epistola vero ad Regem Britanniarum multæ aliæ rationes & exempla vetera producta erant eodem facientia, ex quibus omnibus constare potest de animo procerum Hollandiæ cum literæ istæ scriberentur.

Sed potius ut Hollandis aduersus aliarum nationum factionem (ut ibi appellatur) esset auxilio:) Manifesta detorsio. Epistola agit, de legitima procerum Hollandorum potestate aduersus factiones ac tumultus sustentanda. Quæ sint illæ factiones ex his quæ in eadem epistola præcesserant, facile erat intellectu, ubi dictum erat, *pastorum nonnullos magis magisque sibi indulgentes non tantum Ecclesias miserabiliter discidisse, verum etiam causam dedisse quibusdam de plebe, externis præcipue, ne in ea quiete atque obedientia se continerent, qualis desiderari ab ipsis merito posset.* Hæ factiones (Licestrianis illis non multum dissimiles) palam visitatæ erant Veteribus aquis, Harlemi, Lugduni, Hufdæ, etiam Hagæ. An ve-

qui *Hollandia præfuerunt.* 375

ro etiam arcana decreta de indicenda Synodo communi facta à legatis quarundam nationum, adhibitis in consilium quibusdam legatis oppidorum Hollandiæ, atque eorum perpulsio ingratia Holladiæ & nationum aliarum contra ius antiquum, factionis nomine appellari possit, hæc non disputo, quando apertum est epistolæ verba non eo respicere. Beneficium quod his literis à Galliarum rege erat postulatum, idem placuerat postulari ab aliis Principibus civitatumque rectoribus, ad quos procerum Federatorum nomine destinatæ fuerant literæ. Epistola ad regem Britanniarum circa hæc verba desinit. *His quæ sincere, prout ipsa se res habet, Maiestati tuæ significantur, rogatur Maiestas tua animum advertere, summisque suis in hanc rem publicam beneficiis hoc adiungere, ut legitimos eius rectores in coercendis conatibus seditiosis & tuendo imperij iure adiuvet: tum vero auctoritate sua, qua merito pollet maxima, doctorumque Theologorum consiliis à secessionis præcipitata proposito eos avertat, qui ob controversias ad salutem non necessarias, difficiles præterea & vix explicabiles, etiam legitimis Evangelicarum monitionum gradibus non observatis, mutuas congregationes deserunt, & corpus Ecclesiæ lacerant. De Ordinibus vicissim certo sponderi potest eos in suo officio segnes non*

forte, ac præsertim diligentiam adhibituros, ut adversantia recepta veritati dogmata iudicis Ecclesiasticis, & publica, si eam opus sit accedere, animadversione ex Ecclesia exterminetur, omniaque fiant quæ aut salutaris veritas, aut Christiana charitas exposcant.

Quæ omnia eo pertinebant, ut communis Synodus & medicina malis in religione enatis impediretur:) Mens procerum Hollandiæ, quorum eram subditus, & rectorum Rotterodamensium, quorum eram minister, fuit impedire talem Synodum qualis tum agitabatur, unde nihil expectandum erat, nisi definitio parum æqua, maior divulgatio, & reipublicæ rectorum mutatio. At alia multa meliora remedia ab Hollandiæ proceribus non semel commonstrata fuerant. Vide supra caput sextum. Proinde ex vero dictum fuit in literis ad Regem Galliæ conceptis: alia ostendimus remedia meliora quæ incolumi libertate ac iure nostro ad res placide componendas valerent. Et in literis ad Principes Evangelicos: alia remedia monstravimus quæ salvo iure nostro ac publicis legibus ad resarciendam Ecclesiæ pacem rectius ducerent.

Ipsū quoque nunc captivum in Angliā eo fini monitu Iohannis Oldenbarneveldij animos tentasse Episcoporum, ut, si eo omnino deveniendum esset, aliqui ad Synodum adhiberentur qui

novæ opinioni non essent contrarij:) Primum apparet hinc verum non esse quod dictum est supra, me Synodo semper obstitisse. Nam obstare Synodo & aliquos tentare, ut eos ad Synodum adhibeas, res sunt pugnantes adversis frontibus. Deinde patet hinc in Anglia, cuius religio cum nostræ patriæ publica religione vna atque eadem censetur, in dignitatibus Ecclesiasticis, imo in eximiis dignitatibus, esse nonnullos Remonstrantium dogmati consentientes, quod dogma immerito hic iterum novitatis accusatur, cum ab antiquissimis Christianis magno cōsensu creditum traditumque sit, atque in Protestantium grege non paucos habuerit propugnatores. Cur ergo apud nos tantæ sunt excitatæ turbæ, ut eiicerentur ex Ecclesia & ex patriæ finibus qui illud adeo in Angliâ non damnatum dogma defendunt? Tertio hinc discimus quia æquitate illa Synodus sit indicta, in quam nemo admitti potuit, nisi qui Remonstrantium sententiæ esset contrarius. Ad rem ut veniamus, quod hic dicitur non est verum, neque à me confessum, quamquam si esset nihil in eo peccati agnoscerem. Miscuerunt hic iudices duas diversi temporis narrationes, tam præcipientes in ferenda sententia quam in nobis in-

terrogandis cunctabundi fuerant. Dixi anno c10 10 cxiii, cum missus in Angliam essem ob Indicana negotia, conciliante Casaubono amicitiam mihi partam cum antistitibus Anglis, meque monitu Oldenbarneveldij ipsis aperuisse quæ essent apud nos controversiæ, vt intelligerem quid ipsi auctores essent ea in re faciendi ad tranquillandas Ecclesias: ipsorum autem consilia congruentia fuisse menti procerum Hollandiæ, optimam scilicet medicinam fore, si dissentientes se mutuo ferrent. Hoc est illud tentare animos. Verum itidem est anno c10 10 cxvii literas à me scriptas ad Marcum Antonium de Dominis Archiepiscopum Spalatensem conquerentes de his quæ non vt oportebat apud nos gerebantur, in quibus & hæc erant verba: *Vtinam is cuius in manu sunt corda regum Serenissimi regis animum inflecteret, vt missis viris idoneis ad disceptandas huius generis controversias rerum nostrarum statum certius exploraret, cognito malo facile aptissima remedia inveniendus.* Mea autem mens, cum id scriberem, non hæc erat, vt ad communem è nationibus Synodum aliqui inde mitterentur (nam eo adhuc tempore spes erat Synodum talem argumentorum pondere & conditionum æquitate posse declinari) sed vt mit-

seret rex rerum sacrarum peritos vnum atque alterum, qui habito cum doctissimis partis vtriusque colloquio & controversiarum naturam & proposita remedia intelligerent atque ea renuntiarent, vt Rex Britanniarum deinde ex illorum atque aliorum qui apud ipsum essent consilio excogitaret rationes quæ essent optimæ ad pacem ac tranquillitatem firmandam sine veri ad salutem necessarij detrimento.

Cum tamen universæ nationes Federatæ multis relationibus:) Relationes fiunt ad deliberandum ac proinde vim non habent obstringendi nationes.

Federibus:) Federa quæ in hanc rem producuntur, non inter ipsas facta sunt nationes, vt alias aliis obligarent, sed cum externis quos in religionem apud nos nullum habere imperium res manifestissima est. Quare illa federa ad præsentem de iure imperij circa sacra quæstionem nihil pertinent.

Pactionibus:) Nullæ reperientur pactiones factæ inter nationes nostras hac de re. Postrema pactio est Trajectinum fœdus.

Decretis:) Sed nec decreta reperientur quæ mutuam inter nationes obligationem pariant. Imo contra anno c10 10 xc à Trajectinis proceribus decretum, & à primo-

ribus tum Federatis, tum Hollandiæ probatum est, arbitrium religionis esse penes nationis cuiusque conventum. Vide ad hæc omnia caput ii supra.

Alia aliis promiserint capita fortunaſque ſe obiecturas pro tutela Reformatæ Evangelicæ religionis :) Nullo vnquam tempore probari poterit talem promiſſionem eſſe factam. Videntur tralata verba ex relatione facta anno CIO IO LXXXIII, ſed quam nulla nationum obligatio ſecuta eſt. Hollandis quidem placuit : *Vt Evangelicæ Reformatæ religio, cuius publice uſus fuerat permiſſus receptuſque & quæ tum publice in uſu eſſet, ubique intra Federatorum fines defenderetur, neque publice docendi aut ſacra faciendi ſecundum religionem aliam ius permitteretur.* Sed hæc ſententiæ dictio obligationem non peperit, cum de eo nihil inter nationes contractum ſit. Tum vero nihil ad rem hoc facit : neq; enim aut Hollandi, aut Trajectini proceres aliam religionem à reformatâ publice defenderunt aut defendere voluerunt, ſed contra ſenſerunt congruenter peritiſſimis ſacrbrum interpretibus controverſias quales hîc diſputabantur non efficere, vt alia atque alia ſit religio. Vide hac de re caput III.

Vbiq; per has terras recepta :) Ergo & in

qui Hollandia præfuerunt. 381

oppido Goudæ & in Ecclesia Iacobina vrbis Trajecti, vbi illo ipso anno cio io lxxxiii dogma Remonstrantium palam docebatur, aliis nationibus nihil contradicentibus. Minime vero procerum Hollandiæ, quorum pars Goudani sunt, ea fuit sententia, vt decreto huiusmodi sibi adimerēt potestatem illius quod nunc Remonstrantium dicitur dogmatis pastores in imperij sui Ecclesiis tolerandi.

*Neque vllam mutationem in ea facturæ, si-
rive se passuræ:)* Non debebant ergo pastores Remonstrantium sententiæ ex Ecclesiis eliminari. nam ea magna erat mutatio. Omitto nunc ne posse quidem summam potestatem se obstringere, nequid mutare ipsi in religione fas sit, si religionis nomine quævis dogmatum capita intelligantur, nisi intra animum suum certa sit summa potestas omnia illa capita nullo excepto divinis oraculis consentire. Hac vero de re certos fuisse proceres Hollandiæ anno cio io lxxxiii, si ratio habeatur eorum capitum quæ dicantur cum Remonstrantium dogmate pugnare, ne ab ipsis quidem iudicibus nostris credi credo.

Et his consequenter anno cio io lxxx sacramentum omnium præfectorum, ducum, centurionum & militum ita concepium:) Sacramen-

tum præstantes obligat , non eos quibus præstatur.

Decretumque fuerit :) Non docebitur de hac re à nationibus rite deliberatum factumque decretum. Certe inter nationes ea super re contractum non est. Neque tamen hoc sacramentum attingit præsentem quæstionem, ut iam subiicietur.

Ut fidem iurarent proceribus communibus qui in federe & tutela vera Evāgelica religionis essent perstituri:) Ad discrimen communium procerum partis alterius , ut indicatum supra est secundo capite. Respicitur ergo hîc ad conspicuas notas quibus illa religio à Romanensi dignoscitur. De dogmatibus Reformatæ religionis iudiciū neutiquam permittitur his qui in hæc verba adiguntur. imo id cōfingere nihil esset aliud quam obsequium militare dissolvere & illudere reverentiam iurisiurandi. Iam diximus ea quæ rerum sacrarum periti ex principiis certis porro per argumentationem hinc inde inferunt, non eam habere vim, ut religionis diversitatem pariant. Ita olim sentiebant proceres non aliquarum duntaxat, sed omnium, ni fallor, nationum.

Et leges in quas dedita sunt oppida diserte contineant, ut ab eis reciperetur usus eiu(s)dem religionis :) Iure victoriæ , quod ius certe ob-

tendi non potest adversus proceres Hollandiæ & eorum membra, quorum opera simulque Zelandorum cæteræ nationes libertati sunt restitutæ. At ne illa quidem oppida quæ ad leges accipiendas armis coacta sunt, vnquam adstricta sunt, vt super agitis inter nos sacrorum controversiis partem alterutram amplecterentur. Multoque minus is sensus fuit nationum vt sese obligarent ad recipiendâ ac tuenda ea omnia quæ pastoribus in Synodis visa essent. Ea enim intoleranda esset servitus. Adde iam quod ne Synodo quidem definitæ erant controversiæ istæ quo tempore nos in republica fuimus.

Quomodo ea à sociis ubique recepta erat :)

Etiâ Goudæ, vt dixi : etiâ Trajecti in Iacobina Ecclesia. nam & hi inter socios erant. Evangelicam vero religionem cum tali libertate intellectam optima fide tueri propositum nobis fuit, multaq; bona consilia dedimus, vt ea libertas cum modo & sine offensa exerceretur.

Neque intra hæc stetisse captivum, sed ausum etiam reipublicæ statum turbare, vt in ea quoque omnia ex sua suorumque lubidine agerentur :)

Deus mentium cognitor scit neutriquam mihi fuisse propositum turbare rempublicam, non magis quàm Ecclesiam. Æqui

omnes qui me noverunt antehac, ex rebus atque actionibus meis multo aliter iudicabunt quam hæc fert sententia. Res meas quod attinet, ex perturbata aut mutata republica nihil commodi sperare poteram. Hollandus eram; natus oppido Delphis, cuius maiores nuncupati Grotio & Cornetsio nomine per sæcula aliquot ei oppido cum laude præfuerant. Eadem Grotiorum domus iam olim & Hollandiæ iudicum confessui, & ad sessioni magistratuum Dordrechtanorum viros eximios dedit. Per aviam paternam genus trahebam ab Hemskerckiiis quæ domus antiquitus inter nobilissimas Hollandiæ habitata est, cui & Iacobum Hemskerckium patria debet, qui ad Calpen fortiter faciendo occubuit. Qui me sanguine contingebant proximè, affinitatem contraxerant cum familiis valde nobilibus, qualis est Almondana veniens ex Toparchis Stridenis, & Renessia atque Vtenengana apud Traiectinos. Propinquos habebam in republica non Delphis modo, sed Lugduni quoque, Amstelodami & in oppidis aliis, atque in honoratissimis patriæ confessibus. Per uxorem filiam Petri Reigerbergij, Veriani sæpe cōsulis, qui & Zelandiæ & Nassaviæ domo non inutilem operam navaverat, eamque ob cau-

ob causam Licestrianis tēporibus ab inimica factione eiectus oppido exulaverat, Zelandorum potissimis eram innexus, & ibi quoque in oppidorum regimine atque cōfessibus, habebam meas necessitudines. Tum vero literarum studia & vitæ tenor honestam mihi famam circumdederant. Iam in ministerio eram præclari in Hollandia oppidi, & quod, si ratio ineatur tam maritimorum vectigalium quam aliorum, publico ærario plurimum infert secundum Amstelodamum. In eo oppido amabar tenerè nec à magistratibus tantum, sed & à municipibus vniversis. Neque tantum ad Hollandiæ mittebar conventus, sed & pars eram confessus curatorum reipublicæ Hollandicæ, à quibus mos est Fœderatorum quoque conventum frequentari. Quos inter honores is erat honos maximus, quod benigna hominum iudicia his honoribus non imparem me existimabant. Facultates meas reipublicæ credideram, vt fortunas meas vndique cum patriæ fortunis sociarem. Nemo gratuito malus est. Ergo vbi in suspicionem delicti vocatur aliquis, succurrit sapientibus Cassianum illud; Cui bono? Quid mihi tandem ex perturbata republica maius his

quæ habebam poterat accedere? Rumor quidam, invito me ortus, Oldenbarneveldio me successorem in grave illud & periculosum onus destinabat. Vere testor, & norunt propinqui, non modo doluisse me hoc rumore, sed ita iudicasse, supra alia multa ad id munus necessaria quæ in me desiderabantur, valetudinem quoque meam imbecilliorē esse, quam ut onus illud laboris perpetui, neque recreationem ullam animo indulgentis toleraret. quod si etiam eò pervenissem, nihilo meliore loco res mea futura fuerat, quam iam erat. neque vero reipublicæ perturbatio via erat quæ eò duceret. Imo si hac tentatus fuisset ambitione, iudicio communi non ego ab ea spe longius quam cæteri aberam. Quomodo igitur credibile cuiquam fiat studuisse me rebus novis? Si actiones meæ inspiciuntur, neæ quidem ullam præbebunt ei rei suspicionem. Ab ætate prima sectatus sum honestissimas consuetudines, & honestissimis negotiis me dedidi: cum cura legens & divina oracula & quæ alia bene formandis moribus valent. Vita probro caruit. Postquam tradita est mihi fisci advocatio, qua fide ac castitate in ea me gesserim confessus iudicum; fisci curatores & quotquot actionum

meorum inspectores fuere testes compellō. Amor meus in patriam & præsentem reipublicæ statum, inclitamque domum Nassaviæ ex omnibus libris meis cognoscitur. Pro navigatione Indica, pro servanda apud nos pannorum politura laboravi quantum alius quisquam. Pro libero vero piscatu in Oceano tantum, ut Carletonus regis Britanniarum legatus, cum ab inimicis meis incitatus esset, ut contra me iam captum aliquid publice diceret, nihil quod diceret aliud invenerit, quam me principium fecisse sermonum de ea libertate, ut quæ & iure gentium & omnem memoriæ excedente usu niteretur, cum tamen à me in eo argumento nihil dictum scriptumve fuerit diversum ab iis quæ anno c10 r10 c1 Federatorum procerum legati in Britannia defenderant, atque antehac maiores nostri etiam ante sæcula aliquot. Et tamen aiebat is legatus, mei infortunij exemplo terri alios debere; ne eam sententiam tuerentur. Consilia omnia mea quæ dedi aut Rotterodami, aut in conventu Hollandiæ, aut in conventu Federatorum ad egregium publicum tendebant; quod attestari possunt quicunque adfuerunt. Sancte & illud asseram, me ex

quo reipublicæ admotus sum à Principibus potestatibusve externis nec teruncium accepisse : à civibus autem quibus gratum feceram tantillum vt negare superbum fuerit. Qua specie de eo qui sic vitam suam instituerit, cogitari potest tam immane consilium quale hîc mihi exprobratur? Tantum vero absit ab hac culpa, vt & Principi & aliis significaverim, si quenquam offenderem ego aut actiones meæ (quæ omnes ad oppidi Rotterodami & Hollandiæ salutem dirigebantur) ac proinde crederentur turbæ aliquæ mei occasione posse oriri, libenter me ab omnibus honoribus exiturum : quod si id satis non esset, etiam sponte patria excessurum si vel eo modo tranquillitas publica posset redimi. Rogo omnes qui hæc lecturi sunt ne, quæ verè iam dixi, ea in iactantiæ partem accipiant, sed vt extorta defensionis necessitate.

Eundem nunc captivum adiutorem fuisse talis in republica gubernationis, vt diversi tum Ecclesiastici tum profani ordinis homines qui per injuriam se laesos, exsules actos, excedere iussos aut aliter oppressos querebantur in iure audiri aut effectum iudiciorum consequi non potuerint, sed oppidorum magistratus obfirmati sint, ne præceptis qua

qui Hollandia præfuerunt. 389

ſiebant ab ordinariis iudicum confeſſibus pare-
rant:) Si quis fuit in omni Hollandia qui
honorem habuerit iudicum confeſſibus,
eorumque auctoritatem deſenſam volue-
rit, eum me dicere audeo. Dum fiſci pa-
tronum egi, id ipſum oſtendi, quantum
mearum fuit virium, neque id ipſos iudi-
ces latet. Ad rem publicam vocatus in eo-
dem animo perſtiti, omnesque arripui oc-
caſiones gratum ipſis faciendi. neque id ſi-
ne cauſa. nam præterquam quod, vt id fie-
ret, rei publicæ intereſſe credidi, ipſi iudices
multis modis me ornaverāt: ſuperior con-
feſſus etiam me commédaverat, vt in ſuum
cœtum allegerer. Inter ipſos iudices multi
mihi erant amicitia iuncti, quidam etiam
propinquitate: ita vt manifeſta ratio credi
cogat quicquid à me aſſertum fuit contra
ipſorum aſſertiones, nō aliter à me factum
quam ex officiij neceſſitate. Ad rem vt ve-
niam, primū hęc diſputatio quæ nos cum
iudicibus commiſit, ad proceres Federatos
pertinere neutiquam poteſt, cum confeſ-
ſus illi neque in miniſterio ſint Federato-
rum procerum, neque illis fidem iurave-
rint, ſed natio vnaquæque curet ius reddi
ſuo nomine, niſi quod Hollandia & Ze-
landia confeſſus communes habent. Ne-

que vero aut dixi, aut feci quicquam privatim, sed expresso iussu decurionum Rotterodamensium, aut procerum Hollandiæ; quantumque eius à me dictum factumve est, tantundem fecerunt oppidorum adsesores alij, qui ne appellantur quidem. In componenda demonstratione iuris, quod nos contra ea quæ à iudicibus asserebantur tum conventui procerum, tum oppidis competere existimavimus, non meæ tantum operæ usus fuit, sed iuxta me adsesorum Dordrecht, Harlemi, Lugduni & scribæ Alcmariani. Quod de ea re perscriptum, id primum à nobis vniuersis, deinde ab ipso conventu approbatum est. Nec novi quicquam defensum est à nobis, sed quod oppida antiquitus defenderāt, quodque decretis multis ante mea tempora factis erat confirmatum. Ipsi Amstelodamenses, Enchusani, Edamenses & Purmerendani in allocutione ad confessus iudicum aiunt, causarum genera quædam tum procerum conventui, tum oppidorum magistratibus præcipuo iure esse attributa. De huiusmodi causis non de aliis nos agebamus. Certusque sum, si se occasio dederit, novos reipublicæ rectores non aliud dicturos quam tum à nobis dictum est: quod quale sit quibusque rationibus nitatur hîc

non exsequar, cum præstitum id sit suprà capite XII. Quæ vero æquitas patitur, vt privatim nos luamus quod nos privatim non fecimus, sed vt ministri oppidorum, aut vt negotium habentes à cōventu mandatum, neque vero soli, sed pariter cum aliis quorum nemo convenitur. Multo speciosius illi conveniri poterant qui in causâ Blauhulciana missos ad se iudices prohibuerunt mandata superioris confessus implere. Atqui etiam inter iudices nostros sedit, qui fixa ab illis quos missos tum dixi programmata refixit. Excusat se mandato eorum quos superiores habebat, negatque à se id privatim præstandum. Mementote ergo, o isti, non aliter in causâ alterius iudicare quàm quod in vestra æquum censeatis. Et tamen multum interest inter causam vtramque: Nam cum Enchusæ illud gereretur, nondum procerum Hollandiæ auctoritas se negotio interposuerat. Addam apud nos non tantum duobus illis notis confessibus, sed & confessui curatorum reipublicæ Hollandicæ ordinariam esse de rebus multis iurisdictionem, ac proinde qui ibi audiuntur, iis iudicium negatum dici non posse. Quantum attinet causam quorundam municipum Harlemensium (nam ad eam præcipuè respicere vi-

dentur hæc sententiæ verba) Rotterodamenses ita de ea censuerunt , præcipiendum confessui iudicum superiori (quomodo factitatum antehac sæpe fuerat) acta ut transmitterent accurate expendenda , ut cognosceretur in modumne litis civilis, quod ordinarie dicitur , an ad formam publicorum iudiciorum, quod extra ordinem vocant, causa processisset: Si ad modum litis civilis aut alio quidem modo , sed non legitime actum appareret, tum ut cognitio superiori iudicum confessui redderetur: sin criminaliter & legitime fuisset actum, indicaretur id ipsum dicto iudicum confessui, neque eo minus daretur opera , ut commodis rationibus municipes illi magistratibus suis reconciliarentur. Quod vero pertinet ad municipes Lugdunenses , qui homines privati adversus magistratum coitionem fecerant , hi neque à confessui iudicum ad provocationem admissi sunt, nec quominus id fieret interdictum : sed conventui placuit, siquid postulandum haberent , faciendum id ipsis non in modum corporis (nam corporis constituendi qualitatem non habebant) sed viritim. Quoties vero iudicum confessus egressi potestatis suæ fines in ius vocarunt quenquam de causis quæ secundum leges veteres appellatio-

qui Hollandiæ præfuerunt. 393

ni non faciebant locum, semper oppidorum magistratus censuerunt non esse cur obtemperarent. Imo decretum anni 1710 xci diserte continet hanc sanctionem, *ut epistola citatoria contra eius decreti præcepta emissæ, & secuta diei dictio ipso iure pro nullis haberentur, ac proinde ne quis teneretur eis morem gerere.*

Utque alij alios hac in re confirmarent:) Rotterodamenſibus eo opus non erat. semper laboravi, ut cum iudicum confessibus pax nobis esset. Semel literæ citatoriæ satis enormes in eos emissæ sed revocatæ sunt.

Atque procerum auctoritate totum hoc consilium velarent:) Nihil opus erat eam in rem quicquam operæ sumi, cum pridem edicta vulgata, decretaque facta essent idem iubentia quod nos postea censuimus, ut conspiciere est capite XII.

Ipsum captivum de eo aliisque negotiis cum dictorum oppidorum legatis, monitu Oldenbarneveldij, cætus peculiare ac conventicula habuisse:) Nūquam huius rei ergo legati oppidorum in vnum convenerunt: sed verum est à pleno conventu quibusdam & eos inter mihi id datum negotij, ut contra libellos confessuum iudicialium conciperemus scripto quæ ex mente erant procerum atque oppidanorum magistratuum. Id conceptum

cum esset exhibitum est conventui, & à conventu ad oppida missum, ut si qui decepti hac in re erant vera edocerentur. Res cæteras quod attinet de quibus oppidorum legati inter se contulerunt (quod ipsum maxima ex parte factum est me absente) & qua occasione id evenerit, de eo actum supra est. Quoties iuxta tam multos alios, quibus nulla lis eo nomine intenditur, his conventibus interfui, non monitum Oldenbarneveldij ego respexi, qui officij sui existimabat monere membra, ut ius corporis saluum præstarent, sed iussa ordinis Rotterodamensis cuius eram in potestate.

Ut etiam ea de re alij alios audirent, atque ita coitione facta sententias in conventum Hollandie perferrent, ac decreta formarent è re sua:)

Imo res est, antequam oppidorum legati peculiariter convenirent, atque adeo ante diem IV Augusti anni CIO IO CXVII multa decreta facta contra id quod confessus iudicum asserebant. Et ut prætereamus tam edicta quam decreta quæ facta fuerant annis CIO IO LXXXV, CIO IO LXXXVI, CIO IO LXXXVII, simulque decretum factum quidem anno CIO IO XCI, confirmatum vero anno CIO IO XCII (quorum omnium facta est mentio capite XII) multo ante dictum diem IV Augusti anni CIO IO CXVII præce-

ptum fuerat confessui iudicum antiquiori,
ne cognosceret de lite quæ de Ecclesia
Vvarmenhusiæ exorta erat. Mense Iunio
anni cio 13 cxiii concordibus sententiis
conventus decretum & ad eundem con-
fessum perscriptum fuerat è re nata (Abra-
hamus Vivenius quidam Rotterodamo
exire iussus erat) ne de ea similibusque cau-
sis cognoscere vellent. Post id die xxiii
Martij anni cio 13 cxvii ad superiorem
confessum ab Holladiæ conventu scriptæ
erant literæ, quibus & illi vetabantur pati
se appellari à pastoribus ministerio exau-
ctoratis, aut ab his quos consules, rectores
& ordo oppidorum oppidis migrare iussis-
sent, neque itidem citationes decernere
contra regulam præscriptam decreto anni
cio 13 xci. Cumque adversus hæc libellus
à superiore confessu exhibitus conventui
& ab altero cōfessu epistola ad conventum
scripta esset, die xxvii Aprilis anni cio 13
cxvii placuerat, *adversarium libellum com-*
poni, quæ iura ac libertas publica, itemque iura ac
leges oppidorum defenderentur eumque iungi iu-
dicum scriptis, ut simul à magistratibus ac decu-
rioribus expendere: pendente vero hac delibe-
ratione imperari confessibus iudicum, ut parerent
his quæ die xxiii Martij ad ipsos perscripta
fuerant. Quæ omnia pluraque alia decreta

facta, literæque perscriptæ erāt, priusquam oppidorum legati mittentium mandatu consilia sociarunt ad tuendum ius publicum factaq; decreta. Quare ut multæ aliæ, ita & hæc sententiæ pars aliud dicit quam res habet.

Vbi etiam summam repetita sunt capita de quibus subinde ad proceres relatum fuerat, ut de illis perrogatio generalis fieret:) Hæc cum videntur sensum continere quasi sæpius instituta sit talis repetitio, cum me quidem conscio tale nihil factum sit nisi sub id tempus quo factum est decretum diei iv mensis Augusti anno cio io cxvii. Perverse & hoc dicitur, relatum duntaxat de capitibus ad conventum fuisse, cum ex vero dixerim capita eius decreti omnia singulatim in conventu perrogata iam fuisse: legatos vero oppidorum collocutos, ut illa singula alij aliis in memoriam revocarent, nihil autem novi ab ipsis constitutum decretumve, deinde vero in ipso conventu capita illa uniuersa in vnum collecta, voce pariter perrogata, & ab Oldenbarneveldio presentibus è conventu plurimis qui à conventu id negotij acceperant perscripta. Huic consultationi tum oppidorum seorsim, tum apud Oldenbarneveldium interfuerunt non tantum quidam de oppidis

octo, Harlemo scilicet, Lugduno, Gouda, Rotterodamo, Brila, Schonhovia, Alcmaria, Horna, sed & de Delphis, Gorichemo, Medemelaca, puto & aliis. Scribundo adfuerunt etiam è nobilitatis ordine nonnulli, qui pro se sententiam dixerunt, non cuiusquam mandatu, vt ego & adseffores cæteri. Tamen horum nemini negotium exhibetur, sed soli mihi, qui neque voce, neque scripto quicquam feci præter cæteros, & quantum feci, id feci primum mandatu & in præsentia legatorum Rotterodamensium ex iussu ac mente ordinis oppidani, deinde ex imperio conventus. En vt vndique in me conquiruntur crimina.

*Quod factum quoq; est & ab Oldenbarnevel-
dio perscriptum, ac collectim voce ipsius pronun-
tium*) Prius pronuntiatum, deinde perscriptum ab his quibus à conventu id erat mandatum.

*Acce illud decretum diei iv mensis Augusti
anni c10 10 cxvii:)* Morbi acres quales sunt motus plebis temerarij adversum magistratus acribus interdum remediis egent. At quisquis cum hoc decretum alterum conferet factum die vi Februarij anni c10 10 lxxxvii, supra capite vndecimo recitatum, multo illud reperiet acrius. Fateor alium tunc fuisse exitum sed

— *nunquam successu crescit honestum.*

Neque vero tantum est fortunæ regnum, ut ex iure iniuriam, aut ex iniuria ius facere possit.

Quo præcepta ordinariorum iudicum cum ipsorum instituto pugnantia pronuntiantur ipso iure nulla, magistratusque oppidorum confirmantur, ne iis pareant:) Iam à belli initio interdictum iudicibus fuerat in ius vocare quenquam contra decreta procerum: unde sequitur, si quid tale fiat, censendum esse vitio factum & sine iuris effectū, ac proinde vires non adesse ad obediendum quenquam obligandi: quod ipsum diserte definitum fuerat decreto anni cto 10 xci. Neque novum ergo hoc erat, neque præter ius. Vide caput xii.

Potestatemque accipiunt muniendi se novis hominibus armatis quos oppidatim conscriberent, atque in sua propria verba adigerent extra commune Federatorum sacramentum:) Ait decretum, rectoribus oppidorum potestatem fieri etiam plures conducendi homines armatos, si consules & decuriones oppidorum hoc ad suam securitatem & vim arcendam necessarium indicarent. Oppidis per se antiquitus ius fuit homines quosdam armatos habēdi sub suo imperio, ut capite decimo demonstratum est. Atque adeo ante id decretum quod hīc memora-

tur oppida complura iam habebant homines armatos. Cuius gratia id fiebat & honestum & iustum erat, ut contra seditiones tuti essent magistratus, ut arceretur vis omnis in deiiciendis magistratibus, in extorquendis edictis, in domibus expilandis, in locis publicis invadendis & quæ alia sunt ad eum modum. Nihil hoc focios tangit. nam sicut de rebus civilibus imperium mansit penes nationes singulas, ita & imperij eius tutela, & ipsius accessio. Ex federe tenentur quidem nationum singularum procures auxilio esse alij aliis contra hostem externum, etiam contra vim internam, quoties interpellantur. Sed non eo procures aut oppidorum rectores suæ tutelæ per se consulendi libertatem abdicarunt. Iuramentum quod attinet, nusquam ea lex invenitur, ne magistratibus custodias in sua verba adactas habere liceat: neque vero hinc quicquam absurdi aut quod cum federe pugnet, sequitur. Nanque homines isti armati iureiurando obstringuntur magistratibus oppidanis, magistratus oppidani proceribus suæ nationis ad facienda imperata, procures vero nationum focis suis ad præstanda quæ habet fedus. Idem usu venit in municipibus armatis oppidorum: nam & hi oppidis peculiariter iurant, non

autem Federatis, quia non tenentur operam præstare in bello quod commune est, quâquam etiam ad eam rem illorum opera usus esse potest, volentibus oppidi rectoribus: quemadmodum tum de his municipibus, tum de conductis custodibus conspectum sæpe est, adiutos eorum opera socios extra obligationis necessitatem: quod officium nostra quoque oppida, si res id exegisset atque ab ipsis id postulatum fuisset, sociis non fuerant negatura. Censuisse ipsos proceres Federatos illicitum hoc non esse, capite decimo probatum est, ubi & hoc apparuit, tum olim, tum anno crio idcirco à Lugdunensibus editas leges quas præscripserant propriis suis custodibus, qui fidem iurabant Consulibus oppidique rectoribus, non autem sociis, nulla cum sociorum querela.

Quoque honorati, iudices & quicunque Hollandiæ fidem iurassent ut eius iuramenti adstringuntur anniti ut decretum illud ad rem conferretur:) Ait decretum: Teneri unumquemque eorum qui fidem iuravit, operamve addixerit, aut proceribus Hollandiæ, aut oppidis, interpellatione facta, ita ut oportet usum sui præbere pro negotij conditione, tum ad defendendam potestatem procerum & oppidanorum magistratuum, tum ad vim propulsandam. Certe arbitror superiores

qui Hollandia præfuerunt. 401

periores inferioresque potestates omnes ita censere, quicumque iuramento aut addicta opera ipsis subiacent, eos ad talem obedientiam opemque obligari.

Præcipiturque præterea ut præfectis omnibus, tribunus, centurionibus ac gregarijs ordinaria militia serio mandetur atque imperetur, ut nationum singularum proceribus quibus mereant:) Illud quibus mereant in decreto non apparet. Nam milites proceribus nationis intra cuius fines degunt in paganicis negotiis omnibus obedientiam debent, etiamsi ab illis stipendium non accipiant: multoque magis si intra fines degant eorum à quibus æs ipsis numeratur.

Magistratibusque oppidorum in quibus præsidium agitent:) Suo gradu scilicet, id est quatenus magistratus illi muniebantur decretis procerum suæ nationis, atque ea decreta sequebantur: non ut adversus ea quicquam attentare ipsis fas sit.

Non habita ratione eius quod alij quilibet imperarent:) Procerum nationis cuiusque summo loco, ac secundum illos magistratuum ius est curam gerere rei civilis, ut primo capite aperte demonstratum est. Sicut ergo alij qui intra nationis alicuius fines degunt, obedientiam debent summis primum, deinde & cæteris qui ibi sunt recto-

ribus, ira & milites: qui etiam speciali sacramento eam in rem adigi possunt, ex Federe Traiectino & usu subsecuto, vbicunque id expedire iudicatur. Etiam generalis iuramenti formula intellecta vt oportet & ad reipublicæ nostræ formam, id ipsum exigit, vt capite vndecimo explicatum est. Hoc iuramento & obligatione nemo est qui solvere milites possit. Non proceres Federati, quibus nō modo iura nationum singularum primoribus debita invadere non licet, sed id etiam incumbit, vt interpellati eosdem primores in iure quod ipsis competit tueantur. Sed neque præfectus, vt qui pollicitus sit: *Se nobilitati & rectoribus oppidorum Hollandia & Vestfrisia, qui earundem nationum ordines referunt, fidelem atque obsequentem futurum*: atque etiam legibus atque imperatis procerum Hollandiæ peculiariter (id est in negotiis eam nationem spectantibus) *se pariturum*. Quod quidam in sensum contrarium vrgent verborum ordinem, quia prius Federati proceres, deinde proceres Hollandiæ nominentur, subtilitatis est nullo iure subnixæ. Docent enim nos iura speciale generali præstare, quoties generali subiungitur: quod tunc imprimis locum habet cum specialitati

Dd in
l. quod
ties C.
famil.
ercisc.
& in l.
Sifervo
manu-
misso
ff. de

additur vox aliqua gravidæ significatio-
 nis; qualis hic est vox *nominativus*. Secun-
 do pugnat hoc ipsum cum reipublicæ
 nostræ naturâ; quandoquidem nationis
 cuiusque proceres in rebus regiminis ci-
 vilis (sub quibus omnino comprehensa
 quoque est magistratuum securitas) non
 subijciuntur Federatis proceribus, sed ut
 focis pares sunt. Tertio pugnat idem in-
 tellectus cum usu perpetuo, & mente Fe-
 deratorum procerum; qui tum in edicto
 quo Regis Hispani imperium citatur;
 tum in oratione habitâno cîo 10 LXXXVII
 ius suum & ius nationum singularum ita
 distinguunt, ut illud pertineat ad negotia
 quæ nationes communiter contingunt;
 hoc ad negotia quæ nationes singularem
 spectant.

pecul.
 leg. Ca
 nonist.
 in c. 1
 in fin.
 x. de
 rescrip
 in c. 8
 adver-
 sus: de
 hæresi
 & c.
 quan-
 quam
 xxiii.
 dist.

Fidem atque obedientiam præstent) Omit-
 titur hic quod est in decreto & ad expli-
 candam mentem procerum Hollandiæ
 summiopere pertinet: & *promittant vim om-
 nem se ut dictum ante est sine ulla exceptione
 propalatores.*

*Addita sanctione ut non parentes missionem
 acciperent*) Decretum memoratum antea,
 quod factum fuit vi Februarij anni cîo 10
 LXXXVII, sic ait: *Præfecti vero militares; tri-
 buti, ductores, centuriones, qui per oppida ac*

castella Hollandia Zelandia & Frisia in praesidium missi sunt aut mittentur, Hollandia & Zelandia proceribus sacramentum dicent fidei atque obedientiae: atque id quam poteris primum effectum dabitur, discingenturque qui nec parentes erant. Missio talis sine ullo sit periculo publico, cum in locum missorum alij surrogentur implendis numeris. Notumque apud nos missionem militum decerni tam à proceribus nationum singularum earumve reipublice curatoribus, quam à primoribus Federatis aut Senatu federis, ita ut inter eos ius sit occupandi: ut & hoc, electionem eorum qui militibus praesunt, quod distributas centurias attinet, esse penes nationes singulas.

Ex quibus consecutum est ut amplius iudicys resisteretur:) Rotterodami factum id non est. Ideoque res haec neque me tangit, neque eos qui proprie mihi imperabant. Alii vero iudicum confessibus (qui tamen apud nos non soli iudicia exercent) negatam obedientiam (quod hic resistere appellatur) in negotiis quae secundum leges, mores & summarum potestatum decreta ad ipsos pertinebant, ne id quidem probatur.

At nomine magistratum Harlemensium publicato edicto quod captivo conscio factum &

qui Hollandia præsuerunt. 405

ab ipso relectum fuerat.) Non optima fide hæc res narratur, quasi ego edicti, ita vti publicatum est, tenorem totum approbassem. At contra interrogatus dixi, meque probaturum suscepi, multa loca à me annotata quæ meo iudicio aliter rectius poni potuerant, cuius etiam rei quosdam legatorum Harlemensium à me monitos. Addidi semper, ita sensisse me, rectores oppidorum debere quidem iusta sua tueri contra iudicum confessus, sed comiter ac modeste. Sed rursus id quoque sensi semper, iudicum esse officium, vt procerum Hollandiæ subditos ac ministros se agnoscant, & vt tales se gerant.

Iudices superioris in Hollandia confessus ipsi quidem tanquam immorigeri & qui contra iuram fidem & honesti regulam fecissent.) Hæc verba in Harlemensi edicto non reperiō. sed hoc, si iudices proceribus Hollandiæ paruissent, aut reiiciendo aut inhibendo cognitionem causarum quæ ibi commemorantur, quæque asseruntur moribus antiquis & ex multis decretis provocationem non recipere, id ipsum officio iuraturæque ab ipsis fidei non contrarium, sed consonas futurum fuisse. Id vero ipsum ea occasione ibi dicitur, quod iudices iuramenti religionem pro se adferrent: quod tamen iu-

ramentum ex mente perpetua & procerum & oppidanorum magistratuum, neque obligabat ipsos neque potestatem ipsis dabat, ut iurisdictionem exercerent contra procerum decreta. Iuris manifesti est quod quis dicit iuris sui defendendi gratia, etiamsi id pugnet cum alterius cuiusquam dignitate, aut existimatione iniuriæ non teneri: tantum abest ut liceat cuiquam ex eo quod defendendo oppidorum iuri dictum est per illationem derivare quæ in partem iniuriæ interpreteretur. Multo iustius tempestate eadem Hollandiæ proceres ipsos iudices accusare potuerant, tanquam qui scriptis suis ipsos traducerent, ut plebis oppressores & perturbatores iudiciorum, quod tamen proceres non fecerunt, sed rationem obiecerunt rationi.

Ipsorumque sententia ut ipso iure nulla notantur) Congruebat hoc decreto anni crio xcraliisque multis quæ capite duodecimo indicata sunt.

Ideo quod ius dixissent quibusdam qui se contra ius laesos querebantur) Si queri sufficit, semper competens erit cōfessuum istorum iurisdictione, nec quicquam reperietur quod à provocatione exceptum sit. Quæ sententia oppidi Rotterodami nomine in conventu dicta sit super negotio municipum

Harlemensium, dictum supra est. Certè mihi videntur in hoc negotio iudices superioris confessus ad præceptum conventus Hollandici tam potuisse suspendere cognitionem, usquedum acta visa fuissent, quam in causa Blauhulciana eam suspenderant.

Cui consequens fuit ut magistratus dictorum octo oppidorum) Ne hoc quidem verum est. nam nec Brillæ nec Alcmariæ armati vlli conducti sunt. Rotterodami vero ex iure ac possessione antiqua auctus fuerat custodum numerus iam antequam decretum dici iv mensis Augusti fieret: ac proinde non quadrant in eius oppidi causam verba illa *cui consequens fuit*. Adeo supine concepta fuit sententia, quia res omnis ita composita putabatur ut nemo vnquam futurus esset qui adversus eam hiscere auderet. Sed & hoc notandum, captiose hæc verba cum superioribusnecti, cum vulgo qui hæc legunt aliter ea accipere vix possint, quam ut eorum quæ continenter narrantur ego credar auctor fuisse, aut adsuasor, cum ad conducendos in aliis oppidis homines armatos neque opem, neq; consilium dederim, neque ei negotio me immiscuerim. Nam Rotterodamensis causa me quatenus tangat, quando ea de re ca-

put proprium in sententia factum est, proprio quoque loco explanabitur.

Sape moniti ab Iohanne Oldenbarneveldio, ut sibi caverent suaeque securitati consulerent) Nimirum adversus tumultus, expilationes, & vim aliam postquam earum rerum exempla Veteribus aquis, Amstelodami pluribusque in locis visitata erant: postquam etiam rectores passim famosis scriptis inusti erant, neque vero aut Federati proceres per edicta, aut per iudicia confessus iudicum & oppidorum quorundam magistratus ei malo occurrerant ita ut ius & rei magnitudo exigebant.

Novos homines armatos & sub vexillo ordinatos conduxerint) Quid tandem ad hanc rem vexilla? Tamen memini cum primum ea de re verba fierent, monitos à me consules Rotterodamenses omitti vexillum posse declinandæ invidiæ. Sed ipsi responderunt velle se perstare in more veteri, & antiquitus suis armatis hominibus vexillum fuisse quod in basilica suspensum mihi ostentabant. Nonne & armati municipes sua habent vexilla? Qui minus conductis custodibus habere ea liceat?

Aut ante conductos mutaverint, auxerintque) Vel hinc appareat rem fuisse, non novam. Ius numerum augendi pro temporum usu

qui Hollandia præfuerunt. 409

semper in arbitrio fuerat eorum qui oppidis præerant. Vere autem dici potest, vix vnquam maiorem incubuisse necessitatem.

In sua propria ac peculiaria verba adaptos)
Nec hoc fuisse nouum neque incommodis obnoxium demonstratum ante est.

Exclusa Federatorum communitate & Principe Mauritio, ut magistro militum) Aliud est non nominare, aliud excludere. Vt exclusio inferatur, primum poni debet ius tum Federatorum, tum magistri militis quod ius non extenditur nisi in milites quos communis Notitia continet, non autem in oppidorum custodes conductos, non magis quam in municipales armatos. Cur hæc de re conquesti non sunt proceres Federati anno CIO IO LXXXVII & anno CIO IO CI, cum rectores Lugdunenses homines armatos conduxerunt & sacramentum ab eis exegerunt, neque tamen eos sacramento vlllo, aut proceribus Federatis devinxerunt, aut Principi Mauritio? Alienum ab hoc argumēto non est quod iuris magistri nos docent, quicquid potestatis ab eo qui summum imperium habet cuiquam conceditur, id concessum censerī communicando alteri, non adimendo sibi, id est penes summo imperio vtentem manere ius

Chaff.
ad cō-
sti. Bur.
rubr.
II. §. I.
in glos.
vlt nu.
30. Bal.
in pro-
cem.
feud.
verf.
expe-
dito
nu 32.

id per se exercendi quod alteri permittit.

Iussosque suorum magistratuum imperiis solis obsequi) Ego vero id usquam factum haud scio: imo quod hic dicitur alienum à vero arbitror. Contra Rotterodami custodes, primo ac præcipuo loco adstricti sunt in obsequium procerum Hollandiæ, ut mos antiquus ibi habebat. quod si etiam expressum id non fuisset, tamen aperta erat mens magistratuum, ut qui nihil agerent nisi virtute decreti publici, & ad ius procerum atque eorum decreta tuenda. Sed odio concitatio posita hoc cum in modum in sententia est, ut persuaderetur lectoribus id actum, ut cuiusque oppidi magistratibus summum imperium ascriberetur: quod planè pugnat tum cum mente, tum cum sæpe dictis eorundem magistratuum.

Etiam contra communitatem federis & Principem Mauritiū) Verba hæc à vero abeunt. Oppidorum magistratibus nihil propositum erat extra tutelam sui & potestatis publicæ procerum Hollandiæ: non ut in Federatos proceres, Principemve Mauritiū quicquam molirentur, aut ipsorum iura involarent. Quanquam vero confido, tum Federatos proceres, tum Principem, de re omni edoctos, facile intellecturos suum non esse in negotiis peculiaribus reipubli-

cæ Hollandiæ imperare quicquam contra decreta procerum Hollandiæ, tamen custodibus conductis nihil eius indicatum est, neque ea de re mandatum quicquam, quia cum primum facta conscriptio est, ad vulgi tumultus spectabatur: ac postea etiâ, subortis maioribus dissidiis, in spem pacis intenti erant nostrorum animi, cui conciliandæ æqua multa sunt allata. Hoc amplius dicam; ex animo me credere, si ita exegisset rerum necessitas, libenter oppidanos magistratus concessuros fuisse, ut custodes sui pro finibus excubarent, bono Federatorum & sub ductu Principis.

Quoties dicti magistratus existimarent ab illis attentari quicquam quod ipsi suo iuri libertatiq; adversum crederent) Et hoc extra verum ponitur. Nam primum nunquam datum est mandatum eiusmodi, sed & quod dicitur alienum est à mente magistratuum, qui in negotiis nullis (ne dum in illis in quibus aut Federatos proceres, aut Principem Mauritiū haberēt sibi adversantes) quicquam agere voluissent, nisi quod forte Hollandiæ proceres servādi iuris certi minimeque controversi, ac possessionis suæ causa rite erant decreturi, idque intra fines necessariæ tutelæ: qua etiam specie custodes conducti in nihil amplius obligantur

quam antiquitus obligati erant municipes armati. Iam vero tanta fuit magistratuum æquitas, ut etiam necessaria tutela uti pepercerint, qua si uti voluissent, quantum coniecturis est assequi,

Troiaq; nunc staret, Priamiq; arx alta maneret.
Sed illi, quod suæ administrationis temporibus libertatem sustentassent, putabant.

Sat Troja Priamoque datum:

At cum eo iam esset ventum ut

Non ex iure manu conserutum sed magis ferro
res ageretur, maluerunt aliis permittere rempublicam quam eam adductam videre in maius periculum per motus civiles. Et hi viri optimi hic traducuntur, tanquam si aliquid moliti essent aut contra Federatos proceres, aut contra Principem Mauritorium.

Ab ipso quoque captivo monitum illud Iohannis Oldenbarneveldij acceptum) Auditum à me verum est: nec quicquam ultra: ita ut hic iterum à vero discedatur.

Assensumque ut Rotterodami talis conscriptio fieret) Assentiri meum non erat. nam adsesores magistratuum ius sententiæ dicendæ non habent. Relatio ea de re facta est ab vno Consulum, me non præmonito. Collegio consulum primo, deinde ordini placuit custodiam in melius reformari. Qui

hoc decreverunt, eorum existimatio illæsa servatur, quidam eorum etiam in republica habentur. Ego qui ius sententiæ non habebam, qui auctor non fui, tantis malis obruor. Quis non videat quæ sita vndique pigmenta sævitæ?

Vtque vi dicti decreti Brilam legati è conventu mitterentur) Nihil ego huius intellexeram antequam in conventu agi de eo cœpit, verba facientibus rectoribus Brilanis, qui deferebant querelas de sermonibus turbidis ac minis auditis ex quibusdam præsidium ibi agitantibus. Nec quicquam ea de re locutus sum, nisi quod mandatu Rotterodamensium qui ad conventum missi aderant dixi, nos accedere sententiis ante nos dictis. *Quæ tandem ratio patitur mihi id imputari?*

Ignaro Principe Mauritio, militum magistro) An præmonitus fuerit de ea re Princeps Mauritius equidem nescio. præmonitum tamen arbitror. Hoc scio, decretum ipsum per legatos è conventu aliquam multos ipsi significatum, additis quæ eo facerent rationibus. Edoctus quoque sum Principem Mauritium iam ante, dum conventus habebatur, conventu inconscio, præcepta dedisse centurionibus quibusdam, quid agendum haberent si qua vis fieret ex oc-

caſione controverſiarum de religione:
quod gravis erat exempli.

*Ad cogendos in dictum iuramentum milites
ibi praſidium habentes aut militia mittendos)*
Non memini aliud ab eo milite exactum
quam pollicationem parendi proceribus
Hollandiæ & tuendi contra vim Brilanos
magistratus, quæ pollicitatio generali ſa-
cramento congruebat. Quanquam etiam-
ſi peculiare eo nomine ſacramentum ex-
actum ab eis eſſet, iure fieri id quoque pote-
rat ex lege Federis Trajectini & ſecundum
morem locis multis obſervatum; ut ſupra
capite vndecimo diſcere licuit.

*Satis vero cognitum ipſi captivo fuiſſe novos
hos milites non cōductos dūtaxat adverſus vulgi
motus)* Ergo inter cætera etiam adverſus
vulgi motus cōducti erāt, quod vñ ſuffi-
cit, ut iuſta ſit hæc ſive cōductio ſive potius
adauctio cuſtodiarum. Dico in ſuper primi-
tium propoſitum non alio ſpectaſſe: Sed
cum poſtea exceptæ eſſent paſſim voces
ordinarij militis quæ ad magistratus con-
temnendos pertinebant, acceſſit alterum,
ut cuſtodum novorum reſpectu impedire-
tur ſi quid ordinarius miles attentare alio-
qui vellet contra ius procerum aut oppi-
danorum magistratum.

Tum quia cōducti ſunt etiam Gouda.) non

principio sed sero admodum , cum magistratus causas datas sibi crederent diffidendi ordinario militi. Sed me res ista non tangit: neque inde evincitur à Rotterodamensibus auctam custodiam alia de causa quam reprimendis vulgi motibus.

Et Horne ubi non erat quod vulgi motus metuerentur) Hac de re interrogatus non sum: nec eam cognitam habui, credo tamen ab eius oppidi rectoribus nihil factum nisi gravibus de causis. Et quantum de rebus Hornanis ego intellexi, satis comprehendere nequeo, quo argumento dicatur vulgi motus ibi metuendi non fuisse , præsertim post tot alibi exempla, quæ concitare solent etiam sponte quieturos. Notandumque hic est , Hornanos postremos fuisse qui custodias adauxerint , cum iam clare appareret , non casu sed de composito ac conspirato impeti magistratus qui pacem Ecclesiæ tutandam censerent , ac tum ob animi sui religionem , tum boni publici causa adduci non possent ad proculcandos Remonstrantes.

Ac Traiecti etiam quæ urbs ab anno C19 10 ex ad comprimēdos vulgi motus valido presidio tenebatur) Hac quoque de re interrogatus non sum. neque vero ad me pertinet, cum quicquid eius factum est a primoribus

Trajectinis me non consulto factum sit. Tamen illud vere profiteor ita existimare me Trajectinis proceribus easdem fuisse ita faciendi causas quæ nostris rectoribus fuerant. Agnosco post seditionem anni cix rex res Trajectinas satis tranquillas fuisse, quam ad rem Oldenbarneveldij apud Federatos proceres consilia non parum momenti attulerant. sed propinquum à Veteribus aquis exemplum Trajectinos adverterat, ut crederent si quid motum fuisset à plebe quæ se ab Ecclesia publica subduxerat, adversus eam, utpote puræ religionis titulo conspicuam, nihil rectoribus futurum fuisse subsidij in Principe & multis qui eum sectabantur. Docuit autem exitus, sub religionis nomine non tantum rectores legitimos ab honoribus deiectos, sed resuscitatas quoque partes quæ anno cix repressæ fuerant, multosque è præcipuis signiferis tum istius, tum Licestrianæ olim factionis ad rempublicam aliaque munera proventus. Quid vero frequentius est, quam ut qui in locum legitimorum reipublicæ præsidum irrumperere volunt, puriora dogmata & religionis studium acrius venditent? Sed ut intelligantur causæ conductorum apud Trajectinos custodum, vide epistolam à proceribus Trajectinis

Trajectinis scriptam ad proceres Federatos & hic supra recitatam capite decimo. Verum insuper est Trajectinis proceribus etiam à proceribus Federatis, quanquam opus id non erat, post annum ciro 10 ex potestate attributam militem proprium conscribendi si tempora id exigèrent.

A Rotterodamensibus quoque ac Traiectinis novos milites suos trāsmisso, ut oppidum Schonhoviam, ubi duæ Centuriæ Federatorum præsidium agebant, in factionis suæ potestatem redigerent.) Quid Traiectini fecerint neque me tangit neque mihi satis cognitum est. Rotterodamenses non milites sibi addictos Schonhoviam miserunt, sed quibusdam militum suorum missionem dederunt, qui deinde Schonhoviam se contulerunt: idque ipsum me factum est inconsulto. Fac vero fecisse eos quod hic dicitur. Quæ lex obstat, quominus aut eiusdem nationis, aut eiusdem federis magistratus aut municipales armatos, aut custodes à se conductos vicinis commodent quo vis à magistratibus propulsetur? Quod duas illas centurias attinet, quæ in oppido Schonhoviae præsidium agebant, magistratus oppidani, postquam apparuerat quæ mens esset Principis Mauritij super vi arcenda, causas habebāt cur eum militem metuerent magis,

quam ei se crederent, eoque magis quia ignaris magistratibus nitrato & glandibus searmaverant. Verbum factionis quod attinet eo perverse notantur magistratus lecti secundum leges, quibus neminem munere suo aut possessione deiicere, sed publica decreta tueri & vim omnem arcere propositum fuit. Qui contra agunt, his nomen factionis iustius debetur, etiamsi religionis personam sibi induant.

Sicut ipse captivus etiam decurionibus quibusdam Delphicis persuadere conatus est ab ipsis quoque novum militem conducendum) Hac de re interrogatus vere dixi me eius non meminisse: ac ne nunc quidem memini. Siquid cum quoquam ea de re collocutus sum, factum id est differendi occasione, non suasionis modo. Fateor tamen non leves causas datas magistratibus Delphicis, quo sibi suæque tutelæ prospicerent; quia tempore seditionis ibi exortæ ob onera quædam oppidi propria, magistratibus per vim atrocem oppugnatis centuria quæ ibi agebat è militibus ordinariis non succurrerat, cum alioqui in eius potestate esset tumultum reprimere: & quia nonnulli eorum qui centuriæ isti præerant deprehensi erant concitare municipales contra magistratus, & in arcano consilia sociare cum

qui Hollandiæ præfuerunt. 419

pastorum vno qui magistratus oppidanos solitus erat apud concionem traducere, & vulgi odiis obicere : ad quæ accesserat quod homo externus ausus erat municipales armatos convocare inconscio magistratu, iactans id sibi à Principe Mauritio mandatum.

Tam verò ad vulgi tumultus arcendos tanto novi militis numero opus non fuisse) Neque credidi hoc, neque nunc etiam credo. omnes conducti custodes, ni fallor, ad mille octingentos non perveniebant, cum in singulis oppidis duobus Harlemo & Lugduno multa essent peregrinorum millia intenta in res novas. Multo maior militum numerus nunc ad Remonstrantium cœtus disturbandos impenditur.

Neque propterea habendos illos fuisse extra sacramentum in verba Federatorum & magistrum militum) Hac de re dictum ante est antiquitus custodes oppidorum non minus quam municipales armatos sacramentum nullum aut Federatis, aut magistro militum dixisse, ut qui non bello quod est commune, sed propriæ tutelæ adhiberentur. Apparet hoc inter alia ex legibus militaribus quas rectores Lugdunenses anno 1610 ci publicarunt contradicente nemine. Non ergo ratio reddi debet cur nunc

quoque ita factum sit, sed qui aliter fieri oportuisse contendunt ab his ratio exigenda est, quam ex legibus patriæ nūquam reddere poterunt.

Ipsū captivum pariter cum aliis consultasse de impendiis novi militis inter oppida quorum res agebatur distribuendis) Cum audita Harlemensium oratione Dordrechtani, Amstelodamenses atque alij, causas non invenerent quibus ius ipsum oppidorum ad suam tutelam refellerent, tantum de impendiis moverent controversiam ac negarent onerandum illis corpus Hollædiæ, (quamquam Amstelodamensium & septentrionalium oppidorum custodiæ corpori Hollandiæ imputantur) Oldenbarneveldius mecum ea de re agens hunc negotij exitum proposuit, ut oppida quorum res erat alia aliis per pecuniam mutuo datam aut alio modo succurrerent, quod ego ad Rotterodamenses retuli, à quibus nihil ea de re constitutum est. Quod si id decretum etiam foret non video quod in ea re peccatum argui possit, cum omnes oppidorum magistratus teneantur opem inter se præstare, præsertim ubi de tuendis decretis publicis conventus agitur.

Aut etiam referendis in onera communitatis Federatorum) Hoc plane à vero alienum a e

qui Hollandia præfuerunt. 421

proindea me pernegatum est. neque iudices vlla huius rei documenta habuerunt, sed tantum hoc affirmarunt pro sua lubidine. Mens eorum quibus in nos ius erat hæc, ut quæ subirentur ad publici imperij tutelam, imputanda Hollandiæ, sicut Lugdunenses pari de causa idem defenderant anno cio io lxxxvii. At Federatorum vniuersitatem hoc onere gravare nunquam animus fuit, imo mentem contrariam & nostri rectores & Trajectini Federatis primoribus testatam fecerunt. Verum quidem est, aliquanto prius tempore consultatum fuisse de subsidario milite conscribendo in locum Gallicarum cohortium quæ tum in Galliam discessuræ putabantur, imperio ac sumtu Federatorum. Sed ea consultatio nihil habet commune cum eo quod serius aliquanto sive ante decretum factum die iv Augusti, siue post id decretum fieri cœpit ad defendenda procerum Hollandiæ & oppidanorum magistratuum iura, ut supra capite decimo annotasse meminimus. Qui affectibus vacât, facile vel ex hoc vno discere possunt quibus artibus grassati sint qui huic sententiæ scribendæ adfuerunt.

Fatente tamen captivo non obligatum fuisse hunc militem Federatis proceribus obedire, sè

magistratum oppidanorum imperia repugnarent:) Dici debuit, si imperia procerum Hollandiæ ac Westfrisiæ & oppidanorum magistratum repugnarent. Neque id absurdum est, quando isti custodes Hollandiæ sumtibus conducti erant, non in communes belli vsus, sed ad internæ quietis tutelam ex eo iure quod nationis cuiusque proceres & oppidani magistratus semper habuissent: ac proinde eodem loco erant quo municipes armati, qui ne ipsi quidem Federatis iurant. Attamen vt dictum antea est non gravatim oppidorum rectores, si ita res exegissent, horum custodum operam sociis commodaturi fuissent.

Ipsam quoque captivum cum aliis consultaſſe de Gallico milite dimittenda, aut recidendis numeris centuriarum maiorum:) Res ita habet. Cum appareret graviter premi Hollandiam prorogatione stipendiorum quæ Gallicæ cohortes tres & turmæ duæ accipiebāt, quia biennium aut triennium erat ex quo pecunia e Gallia non venerat, cæteræque nationes sæpè interpellatæ de restitutione nihil darent nisi verba: vnde rationes ærarij Hollandici valde perturbantur, quia nulla vectigalia destinata erāt ad prorogationem hanc faciendam, vt

qui Hollandiæ præfuerunt. 423

quæ inexpectatò evenisset, consentienter Hollandiæ placuerat, apud Federatos infiti ut in Galliam hæ copiæ remitterentur, ac respublica exoneraretur impêdio quod induciarum tempore vitari posse videbatur, quando gravissimis belli temporibus sæpe minoribus præfidiis fines tuti fuissent. Sed quia nationes quædam persuasæ erant ut huic missioni intercederent, quas secuti sunt postea Amstelodamenses quoque, Enchusani, Edamenses, & Purmerendani, alia consultatio conventui proposita est, an sublevari ærarium posset recisis maiorum centuriarum numeris: quæ de re tamen nihil perrogatum est. Hæc palam in ipso conventu gesta cum sint, hîc tamen ita narrantur quasi in arcano fuerint consultata.

Vt comparfa cum in modum pecunia novus miles aleretur:) Hoc vero & cum his quæ interrogatus dixi & cum rei veritate pugnat: neque vero consentit cum eo quod dictum supra est de consilio distribuendi inter oppida oneris. Vera causa erat, ut respublica Hollandica, cuius rationes magis magisque implicabantur, quia vectigalia, ut dixi, ad has expensas nulla erant destinata, & nova reperire induciis manentibus vix consultum videbatur, eo modo su-

blevaretur, æquatis inter se oneribus atque obventionibus, quod Dordrechtanis non minus quam cæteris placebat. Quod si etiam perstitissent oppidorum rectores in eo quod dixerant, novum militem Hollandiæ corpori imputandum, tamen hoc onus multum à Gallicarum copiarum onere vincebatur. Custodes, ut dicere cœpi, non perveniebant ad mille octingentos. At Gallorum tres erant cohortes, turmæ duæ. Gallicæ copiæ perpetuo adhæsurræ metuebantur: custodes oppidorum non diutius, quam donec pacata essent Ecclesiastica dissidia, aut certe donec Federatorum decreto cautum esset magistratuum securitati. Amplius dicam. Fac proceres Hollandiæ turbidis temporibus pro externo milite, cui nulla reipublicæ ut alienæ cura, & quod genus sæpe ab officio abduci exempla testantur, domesticum maluisse. quid ea in re factum fuisset, aut iuris aut prudentiæ regulis contrarium?

Eundem captivum vi dicti decreti) non tantum eius decreti vi, sed & antiqui iuris morumque, edicti quoque de eiurato Regis Philippi principatu, orationum quas Federati proceres temporibus Licestricis habuere, postremo ipsius sacramenti militaris.

Eam interpretationem ordinarij militis sacra-

qui Hollandiæ præfuerunt. 425

mento datam voluisse & ut daretur fuisse adiutorem) nunquam facto externo : neque enim cum quoquam ea de re contuli nisi Trajecti ex publico mandato : sed intra animum meum ita sacramentum interpretatus sum, ut & paulo ante & capite xi explicavi : qua de re à iudicibus interrogatus rotunde promisi quid sentirem. Quod autem sensi & nunc quoque sentio, id non habui proprium ac peculiare, sed commune cum omni, ni fallor, conventu Hollandiæ, *quæ* is erat meo tempore.

Teneri eos scilicet præcipuo loco nationum singularum proceribus quibus mererent) Nempe si intra fines nationis, unde stipendia acciperent, ipsi versarentur, quæ prima causa videtur fuisse distributi nationatim militis. Cæteroqui notum est eum qui territorio imperatius habere validius quam eum qui æra numerat.

Eorumque decretis parere atque obsequi) In rebus spectantibus ad nationis regimen peculiare, non in his quæ ad belli ductum pertinerent.

Atque etiam magistratibus oppidorum in quibus præsidium agerent) secundum scilicet ipsos proceres nationis : quod pertinet ad ea cōfirmanda quæ de mente procerum Hollandiæ super hoc negotio supra dixi, ac re-

fellendæ calumniæ qua rectores quondam nostri traducuntur, quasi plenam nulloque obnoxiam potestatem asscripissent oppidanis magistratibus.

Etiã contra Federatorum universitatem & Principem Mauritium) Dictum id à me non est : sed cum vrgerer à iudicibus, vt quæ hac de re sententia animi mei esset, promerem, dixi conventum Hollandiæ ita sensisse, quantum mihi constaret, neque Federatis proceribus neque Principi Mauritio ius esse in negotiis regimen peculiare nationis alicuius spectantibus iubere quicquam contra iussa procerum eius nationis.

Vt in popularium sue factionis) Perperam hoc vocabulo norantur rectores legitimi. Propositum mihi fuit Rotterodamensibus, quorum eram minister, & proceribus Hollandiæ, quorum eram subditus, fidelem operam navare, quod à factioso studio longissimè abest.

Potestatem redigerent maximam partem militis intra has terras agentis, tum per istam sacramenti explicationem, tum per conductionem novi militis) Non tantum pars maxima, sed omnes omnino milites, qui intra Hollandiæ fines degebant, tenebantur Hollandiæ proceribus (qui immeritò hîc factio vocantur) obedientiam præstare in negotiis ad

proprium Hollandiæ regimen pertinentibus: ut sæpe iam dictum est. Non ergo in potestatem procerum redigere militem voluerunt eorum temporum rectores, sed retinere in ea potestate unde contra leges ab aliis deiectioni sunt. Attamen, quanquam iure proceribus Hollandiæ hæc potestas in militem suos intra fines agentem debebatur, nemo tamen adeo erat rerum imperitus, ut nesciret quam milites omnes Principi Mauritio essent addicti atque obnoxij. ac proinde sciebant oppidorum rectores eos milites aut partem eorum maximam non ultra sibi parituros quam Principi videretur: quod ipsum, coniunctum cum professione Principis de vi nascente ex negotio religionis, causam dedit conducendis aut augendis peculiaribus oppidorum custodiis, ut eo modo magistratus sibi tutandis sufficerent. Alia mens hic non fuit, neque vlla veri specie fingi potest.

Ipsum captivum in ante dicto segrege conven-

tu assensisse) Huius nihil à me factum nisi ex imperio ordinis Rotterodamensis & præsentibus aliis indidem legatis. Harlemensium legati capita quædam conceperant, quæ iuri consentanea arbitrabantur, ut de illis cæterarum conventus partium sententiam exposcerent. Audire voluerunt quid

nos ea de re sentiremus: nos id negare amicis atque vicinis non potuimus. Quicquid à nobis illis consilij datum est, pertinuit ad molliendum negotium & declinanda quæ in offensas patebant. Interdictumne igitur est oppidorum magistratibus cōsilio adesse aliis alios? Id verò ita se non habere supra est demonstratum.

Vt professio quadam à se Hanio & Hogerbetio perscriberetur) Perscripta fuit ab Harlemonibus: aliorum verò oppidorum legati ipsos id rogantes participes fecerūt eorū quæ sibi videbantur. Et hæc res ita hic narratur, quasi facta esset à solis oppidorum assessoribus, cum & alij qui ab oppidis aderant sibi visa promiserint.

Consilio Iohannis Oldenbarneveldij) Puto ab illo id datum consilij, vt in professione illa quam fieri posset plenissimè testatum fieret, iudicum confessibus paritum iri in negotiis omnibus ad ipsorum notionem spectantibus, idque minuendæ invidiæ.

Ac nomine Harlemonsium perferretur in conventum Hollandiæ) Nempe per consultationis modum & rogatis aliis Holladiæ membris, vt aut idem censerent, aut meliora ipsos edocerent, paratos cedere nationi. Hæc amice admodum ac benigne ab Harlemonibus dicta sunt.

qui Hollandia præsuerunt. 429

Et ab aliis sue factionis popularibus probaretur). Legati oppidorum professionem scriptam acceperunt, retulerunt ad sui oppidi quisque ordinem, & ex mandato eisdem professioni, ut æquæ, acceperunt. Ac ut æqua an iniqua fuerit liberum sit omnibus iudicium, ipsam cum subsecuto Rotterodamensium decreto adscribam.

Legati ab oppido Harlemo, cum antebac sæpius ante perrogationem de tributis in annum hunc CIO IO CXVIII tum ore tum scripto exposuerint mandata ac mentem rectâ eorum à quibus missi ad sunt, obtulerintque si opus esset, etiam specialius sensa sua exprimere, tum congruenter his quæ dixerunt ante, dicunt nunc quoque Harlempjes in principio astuque sauisimo belli inter primos fuisse qui magno animo ac constantia ferocem atque horribilem hostis communis Hispani exercitum ad mœnia portasque intrepidi exceperint, aduersos se fortiter tulerint, ac Deo aspirante vim cuncta pervasuram stare cœgerint, obsidionem tam difficilem ac diuturnam pertulerint, tot ac tanta pro republica perpessi sint, & qui ad hunc usque diem nullis incommodis, nullis periculis deterriti fuerint, quo minus pro virili iura ac libertatem tuerentur, tum publica Hollandia & Westfrisia, tum propria partium eius atque habitatorum, ac nominatim libertatem circa ea quæ animi religio cuique dicat: ac nunc

quoque parati sint capita & fortunas obiectare ad arcedam dominationem Hispanicam; inquisitionem in animos, legum violationem, vimque aliam: atque ei fini agnoscere tributa atque onera quæ ad hunc diem exercita fuere. Ab eisdem vero intra animum suum serio expendi, quam arcto vinculo tum muneris sui, tum præstiti diserte iurandi & ipsi & alij in hac patria magistratus obligentur ad tuendas leges, iura, libertatem, legitimumque reipublica regimen, ac nominatim potestatem procerum Hollandia & oppidanorum magistratuum: tum vero ad præstendam bonis civibus atque habitatoribus securitatem adversus eadem, expilationem & aliam vim, neque patiendum ut cuiquam ob sententiam de religione iniuria fiat, noxave inferatur, ex præscripto fœderis inter oppida Hollandia & Vr. sſſrisia initi, ac Federis quod Traiecti inter nationes coit. Simul autem non sine mœrore ab ipsis cogitari, quomodo in contemptum regiminis ac legitime potestatis procerum, ab aliquo iam tempore, multa decreta admodum necessaria à maiore parte rite facta per calumnias inique traducta sint, fructumque & effectum suo caruerint: libellos quoque dicto regimini ac potestati contrarios palam voluisse: Epistolæ citatorias emissas contra leges & decreta dictorum procerum, etiam contra leges iura, moresque oppidorum: Magistratibus oppidorum quorundam alibi minas, alibi vim incussam:

qui Hollandia præsuerunt. 432

electionem magistratum, quæ libere ex legum norma faciēda erat, per seditiones, minas & vim extortam: ita ut manifeste appareat quibusdam turbulentis factiosisque hominibus id esse propositum, ut, sub specioso velo pietatis ac sacrorum, optimos ac fidelissimos ciues, qui vite fortunarumque summo cum periculo indubitata dederūt documenta in patriam fidei, variis modis ac viis de republica deiciant: Deinde vero pastores, plebem, bonosque municipes perstantes in religione reformatâ, sed tantum ab aliis dissentientes in capite de Prædestinatione & rebus annexis, per vim aliorum aut minas ecclesiis expelli, per vias publicas ac domi suæ terreri, iniuriis vexari ac male tractari, quin etiam aut fortunis spoliari, aut in discrimen adduci vite ac facultatum: quæ facinora barbara, atque immania ex odio religionis aut eo obiectu, cum omnium vere Christianorum instituto, & vere Hollandorum ingenio directe pugnantia in his terris, ex quo libertas armis repeti cœpit, visitata nunquam fuerant: ad quæ accedere, quod inquieti quidam pastores non vereantur se à collegis suis alioqui de Prædestinatione & quæ adherent idem sentientibus subducere, ac triste diuortium in Ecclesiam invehere ac fovere, hac una de causa, quod iidem collega ac plebes, ut bonos subditos ex diuina legis præscripto facere oportet, in electione ad pastoralia munera, secundum rectorum ac magistratum

suorum praecepta, sequuntur legem Ecclesiasticam
 anni MDXCII, quam ipsi Hollandiae proceres
 suo nomine atque imperio exerceri voluerunt qui-
 buscumque in locis oppidani aut agrarii magi-
 stratus ita opus factum arbitrarentur: supra quae
 homines diversorum in religione institutorum
 qui in his terris ad haec usque tempora quiete ac
 placide vixerunt, intactos à factionibus ac sedi-
 tionibus, percelli iniecto exsiliij metu, ut ex li-
 bello cui nomen Querela Ecclesiae, aliisque id ge-
 nus turbidis carminibus, libris atque sermoni-
 bus manifestum sit: Quibus omnibus malis ob-
 viam hactenus itum non est pœnas exigendo pro
 meritis aut etiam providendo ne saepius hac fi-
 rent, publicatis edictis, praesidiis dispositis per loca
 seditionibus opportuna, amotis qui causam dede-
 rant, cum tamen serio admodum postulatum id
 esset tum in conventu Hollandiae tum apud Fe-
 deratos idque ad vetera similium temporum ex-
 empla: Imo vero palam apparet eos qui à magi-
 stratibus pro sui imperij potestate exire iussi sunt
 oppidis, quo iisdem oppidis pax & quies consta-
 rent, ab aliis receptari & in turbido proposito con-
 firmari: oppida Hollandiae & Westfrisia procul
 ab hostico sita praesidiis teneri, quae rectoribus pa-
 riter ac municipibus invisa sint, incerto an non
 is miles sub obtentu controversiarum de sacris
 aliquid sit ausurus contra magistratus & oppi-
 dorum pacem, aut si ab aliis tale quid fiat, an ipse
 ad pacem

ad pacem servandam magistratibus præstos futurus ita ut sacramenti verba & Federis Trajectini leges exigunt. Qua potestatis publica dissolutione, delictorum impunitate, licentia ac temeritate hominum; quorum facta omnia evincunt nihil ipsis minus quam religionem esse cordi, ciues & qui alij has terras colunt, perpetua formidine tenentur, pars etiam malo publico discessum cogitant ni prompta medicina subveniat. Quapropter Harlemenses solliciti ut cum iure ac libertate simul reditus quoque publici Hollandia & Westfrisia bono publico serventur, ac gnari, sicut subditi tenentur onera ferre qua legitimo imperio ipsis imponuntur (quod summa cum obedientia ab habitatoribus harum terrarum factum est hætenus) rectorum vicissim esse officium subditos tueri ac defensare: ac proinde dantes operam quo omnes boni ciues atque incolæ securi de animorum libertate, de existimatione, de vita, deque fortunis tanto latius subeant onera qua tolerare necesse est, operæpretium arbitrati sunt à se ante pollicitationem tributorum hanc edi professionem.

Principio promtos se paratosque pro viribus defendere ius atque imperium procerum Hollandia & Westfrisia, Principis Maurij ut præfecti, curatorum reipublica in negotijs ad pacis bellique & ararj regimen spectantibus & qua alia cum his connexa sunt: confessum iudicialium in com-

munii iure dicundo, honoratorum ac magistratum per oppida atque agros in his quæ ipsorum sunt muneris, secundum mandata, decreta procerum ac mores: arcere ac prohibere quicquid verbis facti: siue contra tentetur: decreta procerum quæ aut concorditer aut extra negotia tributorum, susceptionem belli ac mutationem status publici, maiori parte sententiarum perrogata erunt, effecta dare quantum in se sit.

Neque minus paratos se exsequi federa ac pacta conventa quæ antehac facta sunt, aut inter membra Hollandiæ & Westfrisiæ, aut cum Jacijs, ac proinde ope consilio adesse illis adversus dominationem Hispanicam, vimque omnem externam & internam, ac rupturam iuris, libertatis legumque tum publicarum tum municipalium, eamque ad rem nec vita nec facultatibus parcere, neque periculis antea deferere.

Eisdem finibus rectores oppidorum maiorum minorumque tueri in legitimi imperij potestate, vim ab eis propulsare, neque pati ut ad rempublicam quisquam accedat nisi secundum iura ac leges electus: secus quæ facta sunt adversus eam rem in integrum restituere.

Sacra quod attinet, paratos se publice tueri pro sua parte religionem Evangelicam Reformatam, neque tamen pati ut in cuiusquam animi sententiam inquisitio fiat, aut eo quis nomine damnum, noxam iniuriamve patiatur, utve vicina natio-

qui *Hollandia præfuerunt.* 435

res inuitis proceribus Hollandia & Vvestfrisia ea de re quicquam imperent, quandoquidem id adversum sit inri atque potestati procerum Hollandia & Vvestfrisia ac federi quod Traiecti initum est. De controversiis vero ortis per Reformationes Ecclesias super divina Prædestinatione & coherentibus rebus, sicut antehac optassent præventum quod ea de re natum est divorcium, ita nunc nihil se malle quam ut ineantur æquabiles viæ quibus id divorcium sanetur: interea vero, quod sine præiudicio in partes dissidentes fiat, templorum possessio maneat penes pastores ritæ electos & earum plebem: secus facta quæ sint per vim, adversus ea res in integram restituatur.

Promptos quoque se agnoscere ac revereri confessus iudicum in rebus ad iudicia pertinentibus, eosque confessus tueri secundum mandata & codicillos ipsis data potestatis, hac lege ne citationes decernantur contra edicta decreta ve procerum, aut manifestas leges moresve oppidorum, ac præsertim adversus morem Hollandiæ antiquissimum, ne à iudiciis oppidanis in causis criminum tractatis criminaliter, sive extra ordinem, ad eos confessus provocatio sit.

Publici redditus ut impendantur tum ad arrendendos hostes externos, tum ut tuta sit adversus vim ac turbas vita & fortuna civium atque insularum, etiam si vis ea sive turba occasionem aut

prætextum sumant ex odio sententia cuiusquam de religione.

Us milites qui intra fines Hollandia ac Vvest-frisia degunt, aut etiam qui alibi degunt, sed qui in numeros Hollandia sunt distributi, interpellatione facta teneantur ex VII capite Traiectini federis supra sacramentum generale etiam peculiare sacramentum prestare nationi, urbi, oppidove ubi agunt, magistratibus se auxilio, municipibus vero atque incolis presidio futuros adversus vim omnem qua ipsis imminet etiam si ea qua dictum modo est occasione sive prætextu.

Simul profitentur censere se officij esse sui ex præscripto fed-rum ac pactorum qua facta sunt antehac, sicuti rerum ante memoratarum nomine noceatur metusve inferatur, cum vel vita sua bonorumque impendio defendere, & si quid secus fiat id illico demere.

Orant vero legati ab Harlema eorum nomine à quibus missi adsunt cetera huius conventus membra, ut ante tributorum pollicitationem de rebus ante dictis palam atque aperte parere edant professionem: ut firmata fide mutua, caritate ac securitate tributa eo latius indicantur, inferanturque. Si quis vero (quod futurum non existimatur) inveniat in illis quod sibi non probetur, is quoque ut simpliciter & fide qua agi oportet inter amicos, federatos & unius corpo-

qui Hollandiæ præfuerunt. 437

ris membra, & ut antehac simili temporum necessitate cum laude ac bono publico factum est, animi sui sensa exprimat.

Consules ac decuriones oppidi Rotterodamensis expensa in cœtu suo diligenter oratione Harlemensium, quæ supra scripta est, imperant legatis suis ituris ad conventum procerum Hollandiæ & Westfrisiæ, ut in eo conventu huius oppidi nomine parem edant professionem & in eandem cum Harlemensibus sententiam concedant. Factum ab ordine Rotterodamensi die XI mensis Februarij anno CIO DCXVIII. Signatum eorum iussu Cornelius Smoutius.

Ad hanc professionem non modo ab oppidis octo, sed & à maiore conventus parte dictum est, nihil se habere quod contradicerent, præsertim cum Harlemenses atque alij dicerent nolle se vrgere restitutionem in integrum nisi quatenus effecta dari sine magno negotio posset. Paucorum oppidorum legati in rebus ecclesiasticis à nobis dissentientes haud rectè, ut quidem nos iudicabamus, idem profiteri recusarunt: neque tamen ab aliis rogati recusationis suæ causas protulerunt, ne aut si aliud dicerent, appareret iniquitas, aut si idem, prohiberentur pridem destinata exsequi,

Quæ dicunt non passuras se ut ab aliis Federa-

tu nationibus quicquam fiat in negotio religionis se invitis :) Professio Harlemensium ait: invitis proceribus Hollandiæ & Vvestfrisiæ, atque agit de eo quod per Hollandiam imperetur. Alioqui nemo obstabat quominus intra suum facerent nationes quod visum ipsis esset. Sed ut nationes alię Hollandis hac in re leges darent id vero iniquum erat. Vide caput II.

Contra sua decreta à confessibus iudicum citationes decerni vetant :) Ait professio ~~contra~~ *edicta ac decreta procerum*, quę ipsa sunt verba pactionis initę inter Hollandos & Zelandos. Vide supra caput XII.

Ad ea arcenda impendi volunt redditus publicos :) Manifesta detorsio. nam verba professionis modò recitata, agunt de civibus atque incolis contra vim ac tumultum tuendis. Quis inficiari audeat pecuniam publicam hunc sui usum præcipuè debere?

Ad iurare militem magistratibus apud quos presidium acturi essent, se ipsis præsto futurum :) Hoc dicitur, militem interpellatum tene-ri id iurare quod dictant Trajectini Federis verba. neque tantum agit professio de magistratibus, verū etiam de civibus atque incolis tuendis. imo quod continenter sequitur, id proximè adhæret civiū tutelæ. Omnino enim ad id respicitur quod Remo Episcopo ex religionis odio evenerat.

qui *Hollandia præfuerunt.* 439

Etiam si quid ipsi imperaretur quod occasionem aut pretextum sumeret ex causa religionis) Omnino hoc à vero abit. nam verba professionis hunc sensum non continent, sed longè alium, ut miles municipibus atque incolis præsidio sit adversus vim omnem quæ ipsis imminet etiam occasione aut prætextu sententiarum de religione. Hæc quantum distent facillè videbit cui aliquid est sensus communis. Vis ex causa aut prætextu religionis cū ipsa religione pugnat. Quare Princeps Arausionensis Vvilhelmus & eorum temporum Reformatæ Ecclesiæ privatos iconoclastarum ausus improbarunt, quanto magis improbaturi quæ nos vidimus, templorum invasionem, deiectionem magistratuum, aut insultū in eos, domuum direptionem aliaque à pietatis regula longissimè recedentia.

Quibus illi conditionibus pollicitationem tributorum novo more adstringebant) Quicunque conventui interfuerunt, sciunt insolitum non esse, ut promissioni tributorum antecedant stipulationes quædam etiam tales sæpe quæ non ius publicum, sed oppidorum proprium spectant. Quanquam vero causa iusta non erat cur Dordrechtani atque alij parem cum Harlemensibus professionem defugerent, quādo ea iuri com-

muni, federibus compluribus, edictis atq; decretis consonans erat, tamen, vt ante diximus, non omiffa fuit ob eam rem tributorum conditio.

Aliaque oppida & membra reipfa ad novum fedus invitabant) Minime vero ad fedus novum, fed ad implenda federa pridem facta ad quæ ipfa profefſio digitorum intendit. Nihil huius clam actum eſt. Dicta ſententia in pleno conventu, &, vt dictum iam eſt, oratum ſi quis contrarias rationes habere ſe exiſtimaret eas audire vt liceret. Pactio illa quæ inter Hollandos Zelandosque inita olim fuit diſerte continet, teneri magiſtratus alios aliis auxilio ſubſidioque eſſe. Quid ſi iam quidam magiſtratus hac in re ceſſatores ſint? nonne cæteri nihilominus inter ſe obligati manent ex pactiõne antiqua, ita vt nova opus non ſit?

Quam profefſionem etiam in Gallicum ſermonem transferri & in terras exteras miſſi curaverunt) Hoc vero nunquam ego ſum conſeſſus. neque verum eſt. Ego illam profefſionem ad terras exteras nũquam miſi. neque alium quenkum feciſſe id ſcio. Ex iudicibus intellexi in menſa dixiſſe quempiam hanc profefſionem ad externos miſſam. inde hæc fabula vt videtur in ſententiam ingeſta eſt.

Eaque de re ipsum captivum cum externo legato sermones sociasse) Res ita habet. Cum in sermone dixisset mihi Maurerius Regis Galliæ legatus traduci rectores nostros, quasi tributis intercederent, iudicia opprimerent, Principi Mauritio ius suum demtum irent, dixi certum me falsa hæc esse, & ut ipsum quoque certum facerem exhibui ei professionem Harlemensem Gallicè redditam, quæ arcana non erat, quippe non tantum in conventu magno pronuntiata, sed iam tum typis quoque vulgata. addidi deprehensurum hinc legatum quam falsa esset illa calumnia. Hoc illud est de sermone sociato, nec ultra quicquam. Semper ita credidi, referre publice ut amici omnes præsertim Reges Galliæ & Britaniæ quam optime sentirent de consiliis atque actionibus procerum Hollandicæ nationis, ut quæ potentia & magnitudine tributorum cæteras federis supereminet. Atque ideo amicitia, quam istorum Regum legati, etiam Carletonus, mihi offerebant, usus sum omni occasione in eum finem, sperans ipsorum consilio ac monitis rectius omnia componi posse si de animo nostrorum recte edocti essent. Quæcunque apud me locutus est Maurerius de controversiis nostris, ea omnia ad pacis inveniendæ rationes

spectabant : quod vere apud iudices dixi. Quod ego feci ad tuenda publica conven-
tus decreta , id /Amstelodamensium adses-
sor non omisit etiam apud eundem Mau-
rerium ad suorum magistratuum consilia
approbanda quæ cum publicis decretis
pugnabant. Viderint alij qui nobis hoc ne-
gotium exhibuerunt , quousque ipsorum
cum externis commercia se protulerint.
Ego hoc rigide inquirere nolo : sed sancte
testor nihil mihi propositum fuisse nisi ut
maneret respublica in eo statu sub quo
eram natus. Neque vero ex quo reipubli-
cæ admotus sum aut dignitatem me aut
pecuniam, aut beneficium vllum ab exter-
no quoquam principe accepisse. Honos
qui ad me pervenit, vnus hic est, quod le-
gati tum Galliæ, tum Britanniæ me sibi in-
terdum convivam vocarunt , quod com-
mune habui cum multis tum qui supra tum
qui infra me erant.

*Eundem captivum signa dedisse offensis animi,
cum oppidum Brila in seßum est presidio ordina-
rij militis Federatorum, ne novus miles ibidem
conduceretur)* Hac de re interrogatus non
sum : atque adeo mirum est poni id in sen-
tentia. Res autem ita se habet. Cum no-
mine presbyterij segregis Brilani confessui
iudicum antiquiori libellus esset exhibi-

tus, hoc ferme cōtinens, apparituum brevi vtrius pugni essent duriores, multaque alia turbide gesta essent, ibidem consultatum inter magistratus fuerat de alterutro horum, aut de conducendis custodibus in ysum oppidi, aut de accipiendis præsidio centuriis non ingratis, quæ promitterent tutelam magistratuum locorumque publicorum adversus vim omnem. Dum pendet hæc deliberatio, Princeps Mauritius sub nocturno itinere, in salutis reipublicæ Hollandicæ curatoribus, Brillam contendit, & magistratu frustra connitente ut mora interponeretur, duas centurias immittere iussit, quarum altera magistratibus multis de causis invisa erat. Idem Princeps rogatus admodum, ut eas centurias patere loco iurisiurandi nude polliceri, magistratibus se parituras & imprimis vim omnem se propulsaturas, ut polliciti erant milites qui ante id oppidum infederant, dixit id sibi non placere, ceterum se provisurum nequid turbarum daretur: neque verò discessurum se oppido antequam centuriæ intrassent. Factum hoc non mihi magis doluit quam cæteris qui mecum in confessu erant reipublicæ curatorum: primum quia Princeps Mauritius & ante eum præfecti non solebant Haga discedere nisi salutis

Hollandiæ primoribus reive publicæ curatoribus: deinde quia mandata tum Principi, tum curatoribus reipublicæ Hollandiæ data id cōtinent vt de præfidiis Princeps cōstituat de consilio curatorum. Scio desuetudinem quandam huius rei obtēdi: sed Oldenbarneveldius sæpe testatus est solitum Principem de præfidiis mutandis secum conferre. Apud Frisios notum est non passuros reipublicæ curatores de præfidiis imperari quicquam se inconsultis. Puto apud Zelandos idem iuris habitum factitatumque. Tertium erat, quod in re publica nostra, præsertim extra belli tempora & demto obsidionis metu, vñtatum semper fuerat, vt oppidanis magistratibus commodaretur hætenus, ne præfidio acciperent centurias nisi quæ ipsis gratae essent: quia si secus fiat, non possunt non inde offensæ exoriri. Quartum est, quod magistratus oppidani ius habent à centuriarum ductoribus exigendi peculiare sacramentum ex lege septima federis Traiectini: multoque magis deposcendi nūdā pollicitationem obsequij auxiliique. Sed sine tali in sessione videbatur destinata mutatio magistratuum contra leges haud æque facile processura.

Quæ de re effecit ipse cum aliis quibusdam rei-

qui Hollandiæ præfuerunt. 445

publicæ Hollandicæ curatoribus ut ad Iohannem Oldenbarneveldium litteræ conscriberentur in recessu nescio quid occultantes) Ne hac quidem de re interrogatus sum. Id memini de literis ad Oldenbarneveldium scribendis verba primùm facta à Duickio scriba confessus, atque ita missas literas, ut ipse eas conceperat: ita ut ego ad eas literas nihil attulerim nisi nudam assensionem inter cæteros. Quid occultari hac in re suspicio sit quod ad Hollandiæ adfessorem missus est nuntius rei tam palam gestæ, mihi inde occultum est, ut suspicari id nequeam.

Similiterque ad oppida Hollandiæ) Mos est reipublicæ curatoribus, oppidis significare siquid rei maioris & exempli ad oppida pertinentis gestum est.

Atque ex ipsorum numero legati Brilam mitterentur qui Principi in negotio obfarent) Litteræ continebant, ut legati consilium Principi præberent secundum mandata confessui curatorum data. Mens hæc erat ut Brilæ rectores, pars fida reipublicæ, æquæ omnia obtinerent. opera in hanc rem à legatis data est: sed frustra. Quid vero ea res me magis tangit quam collegas alios?

Ipsam præterea captivum, quo magis ipsorum factio muniretur cum octo oppidorum legatis) Non factiosa fuisse consilia nostra, sed id

vnum vt potestas cui iuramento addicti
eramus salva esset, suprà annotatum est.

*Concepisse actum mandati die XIV Maij anno
CIC IO CXVIII quod oppida legatis suis dede-
runt*) Huius mandati dandi consilium à me
profectum non est. Imò maxima ex parte
conceptum est me absente, cum adessent
alij à Rotterodamo legati. neque memini
vel vnum verbum à me ad eam rem colla-
tum. Nam recordor me ex hoc opere ad
aliud quoddam vniversitatem Federatorū
spectans fuisse evocatum, & cum redirem
vidisse me mandatum conscriptum eodem
ferme tenore quo ante annos triginta le-
gati oppidorū acceperant.

*Cuius vi ac potestate ipsi nulla relatione ad alios
facta constituere possent*) Non hoc dicit actus
mandati: sed permissum hoc erat arbitrio
legatorum pro rerum magnitudine, prout
ex moram ferrent vel non ferrent, prout
ipsis constaret vel non constaret de mente
eorum qui ipsos miserant. Atque in eum
modum mandata dari solent missis ad con-
uentum.

*Per vias aut iam initas, aut etiamnum incun-
das f. Et o ipso resistendum*) Actus mandati sim-
pliciter ait resistendum, quod fieri sæpe
potest argumentis atque aliter. Atque in-
ter cætera ex hoc mandato placuit oratio:

qui *Hollandia præfuerunt.* 447
nem scribi tum ad proceres Federatos, tum
ad Principem pro tuendis magistratibus.

*Omnibus illis qui Synodum communem vellēt
promovere, aut qui conarentur discingere novum
militem ab ipsis cōductū, quod in neminem alium
directum esse poterat quam in Principem & pro-
ceres Federatos qui utrumque id negotium urge-
bant.) Captiose hoc eam in formam conce-
ptum & cum sequentibus continuatum
est, ut fides plebi fieret propositum fuisse
rektoribus nostris adversus verborum co-
natus vim solidam opponere, quod ab ip-
sorum mente abest longissime: Sed & à ver-
bis actus quæ primo narrant, cæpta fieri mul-
ta quæ cum summo imperio ac potestate procerum,
cum iure, libertate, legibus publicis oppidorumque
ac partium, cum federibus ac pactionibus inter
nationes factis pugnarent : quodque esset peius,
spargi rumores de vi Hollandia ac Vvestfrisia,
ac nominatim oppidis ibi quibusdam inferenda:
deinde potestas sit resistendi eiusmodi co-
natus. Revera consilium fuit, ut testari
possunt omnes qui tum conventui inter-
fuerunt, omnia in medium adferre quæ
pertinere possent ad componendas con-
troversias Ecclesiasticas, & tutandos magi-
stratus atque in iis rebus tantum concede-
re nationibus aliis ac Principi quantum
publica salus ferret : cui cōsequenter mul-*

æ conditiones latæ sunt, tum in conventu Holladiæ, tum apud Principem, tum apud Federatos. Quod si nequicquam tentatis istis omnibus ipso facto pergeretur ad constituendos magistratus atque pastores contra procerum decreta, tum ut cōsultaretur, satiusne esset defensionem aggredi (quæ habita erat legitima in Regem Hispaniæ tunc Principem harum terrarum, ut videre est tum in edicto eiurati principatus, tum in altero edicto quo Hollandiæ proceres anno CIO IO LXXXVII ius suum exponunt) an maioris periculi vitandi causa iniuriam pati, quod tandem prælatum est.

Ipsi que legatis liberum esset alios aliis cavere securitatemque præstare talibus promissis, ope, auxilio, damnorum (susceptione). Non hoc ait actus mandati, sed *promissis opis, auxilij damnorumque susceptionis.* Hæc promissio à legatis fieri poterat, ita tamen ut consultatio de modo auxilij maneret penes eos à quibus legati venerant: Atque adeo hîc rursus res inuertitur.

Qualia ipsi necessaria iudicarent. Hæc verba in actu mandati referuntur ad sola promissa, & additur *ad defendenda iura ac libertatem publicam, servandaque federa & pactiones.*

Qui proinde actus vim habebat federis inter ipsos

ipſos inſi:) Miſime vero: nam eo hic actus pertinebat vt bona fide implerentur ea ad quæ membra Hollandiæ ex præſcripto primitivi federis, atque etiam ex præſcripto Traiectini federis tenebantur; id eſt vt tuti eſſent magiſtratus contra vim & vt illegitima eorū deſtitutio prohiberetur. Vide hac de re Harlemoniſem profeſſionem. Nam actus hic mandati nihil aliud reiſa continet quam illa ipſa profeſſio; multaque decreta ante eum diem in conuentu facta. Similis damni communiter ſuſcipiendi promiſſio facta erat anno ciro LXXXVII. Fac etiam novum fedus fuiſſe. Iam ante Wilhelmum Principem Arauſionenſem dicentem audivimus, non omnia nova federa illegitima cenſeri poſſe, ſed ea demum quæ in perniciem iuris publici fierent. Belgicogermanicæ nationes devinctæ inter ſe erant vinculo pacis Gandavenſis. non eo tamen minus liberum ſibi iudicarunt nationum nonnullæ fedus inire propius & arctius Traiecti. Et hoc ipſum fedus Traiectinum non impedit, quo minus comprehenſæ in eo nationes inter ſe fedus arctius faciant aut vetera federa renovent, vt apparet ex decreto facto ab Hollandiæ proceribus die XVII Julij ciro LXXXIV quod ſic habet: *Cam reiſa compe-*

riant proceres Hollandia rempublicam Hollan-
dicam eiusque regimen bene ordinari non posse
nisi prius nobiles & oppida omnino perstent in-
federe quod anno CIO IO LXXVII re bene expensa
solemniter admodum inter Hollandos Zelandos-
que factum est: quo vinculo tum in tributis tum
in rebus aliis ea nationes concordēs retineri pos-
sunt: testati sunt nobiles atque oppida à se dicti
federis facti anno CIO IO LXXVII leges singulas
probari ac ratas haberi, obligaruntque se denno
quod in se est eis legibus staturos easque servatu-
ros, sic tamen ut opera detur ut Zelandi idem fa-
ciant atque etiam Traiectini: utque in eo federe
confirmādo diligenter ratio habeatur eorum qua
in federe Traiectino aut alibi sunt comprehensa
& ex eis augeatur idem fedus peculiare ac corro-
boretur, negotium datum est principi consessor
iudicum ceterisque iudicibus ut cum adfessorū
conventus Hollandia & quos alios ex oppidanis
adfessoribus ad se adsumunt, relegant capitulum
Federis inter Hollandos Zelandosque initi, tum
Traiectini atque inde formula instituatur fede-
tis inter dictas iam nationes faciendi.

Cui illigare etiam Traiectinos proceres labora-
tum est:) Nunquam cum proceribus Tra-
iectinis, aut quoquā eorum egi hac de re:
nec quicquam huius mihi cognitum fuit:
tātum intellexi Moersbergium ab Hoger-
betio postulasse exemplum actus mandati

qui Hollandiæ præfuerunt. 451

facti à Lugdunenſibus non addito quam ob cauſam. Quare omnino extra verum hoc mihi imputatur. Interim illud verum eſt, proceres Hollædiæ & Traiectinos obligatos fuiſſe inter ſe vt legitimũ regimen alij aliorum à vi defenderent, primum ex Traiectino federe cuius vinculo ſolvi non poterant ceſſatione aut detrectatione cæterarum nationum, quãdo fedus non tantum vniverſas obligat nationes, ſed & in ſolidum ſingulas ad ea quæ diximus præſtanda: tum vero ex alijs etiam pactiõibus quæ antiquatè non apparent: vt ea quæ facta eſt, cum proſanum omne imperium in Carolum Imperatorem tranſiret: deinde altera quæ inſita eſt, cum Traiectini poſt pacem Gandavenſem vicinis reconciliarentur, qua proceres Hollandiæ ſponderunt ſe eam ad rem ipsis adiutores fore: poſtremo ex eo quod proceres Hollandiæ, quo tempore Principi Mauritio mandata præfecturæ Traiectinæ ſunt data, promiſerunt auxilio ſe futuros vt leges mandatorum (in quibus prima eſt de religionis arbitrio) implerentur: vnde liquet opus non fuiſſe vt nova pactio vlla inter proceres Hollædos & Traiectinos iniretur.

Quorum nomine die III Iunij anno MDCCXVII ſecundum vetus Kalendarum ſimilis actus

mandati editus est: sed magistratus urbis Traiectinae, sentientes quorsum exposceretur, assensuri noluerunt, nisi certa lege quam sequente die X Junij addideritis, ne legati suis uti possestate concessa liceret eum in finem ut ad vim atque extrema veniretur, aut uti extra fedus commune nova pactiones fierent:) De eo quod hinc narratur nihil plane mihi cōpertum est, neque ad causam meam hoc pertinet. Si ita res acta est, male edocti fuerunt magistratus Traiectini de animo cordi qui nobis praeerant, cum alioqui satis intellecturi fuissent illa lege adscripta nihil fuisse opus. Nam propositum nostris erat stare federi Traiectino; &, si summa necessitas ingrueret, consultare an ad sui tutelam se componerent, ut clare supra demonstratum est.

Cumq; proceres Traiectini deprehenderent alendoin longū novo milite ararij sui rationes labare; ac propterea mense Junio anni MD CXVIII legatos de suis aliquam multos Hagam misissent, ut de missione dāda novo militi cum Principe Maurizio agerent, ipsum captivum cum Hanio & Hogerbesio iidem oppidorum adessoribus. Venisse dānum Ioannis Vsenbogardi: atque ibi ea cum Ledenbergia Traiectinorum scriba commentos, argumenta, ac rationes, quibus ceteri a Traiecto legati moverentur non aperire quod ipsis ea de re mandatum fuerat:) In hoc negotio multa de vero subijcentur: multa etiā narrantur ex-

tra verū. Ledenbergius me atq; alios duos
adseffores conventos voluerat domi Io-
hannis Vtenbogardi viri conspectu du-
dum fidei in Ecclesias, proceres Hollan-
diæ & ipsum Principem, quicum Leden-
bergio vetus notitia intercedebat, cum ego
Ledenbergium nunquam vidissem nisi in
via publica, aut in conventu Federatorum,
neque ullam cum ipso amicitiam contra-
xissem. In eam domum ventum ubi erat,
cœpit quidem Ledenbergius narrare que-
dam de propensione procerum Trajecti-
norum ad liberandos se novi militis onere,
si nempe id cum securitate ipsorum pro-
cerum consistere posset. nam plene illud
ac definite decretum fuisse ex eo non di-
dici. Illud simul intellexi, non abs re pro-
ceribus Trajectinis videri, si eo de negotio
Princeps compellaretur: destitute vero
mandatum ne hoc quidem persentire po-
tui. Mens esse hæc videbatur, proponere
missionem novi militis hac lege, ut centu-
riæ militis ordinarij tum Trajecti præsidij
agitantes (quæ extra suspicionem non erāt)
amoverentur, earumque in locum submit-
terentur aliæ, quarum stipendia à Trajecti-
nis solvi solerēt. Hac super re obiectæ sunt
difficultates non à nobis, sed à Ledenber-
gio metuente ne Princeps nollet proceri-

bus & magistratibus vrbanis quantum satis
 esset cavere, præferim de tuendo publico
 religionis statu secundum procerum con-
 stituciones: tum ne colloquium cum Prin-
 cipe, re infecta, tactum non maneret, atq;
 adeo magistratuum infringeret animos, si-
 mulque irritaret, tum ordinarium militem
 prodita in ipsum suspicione; tum novum
 militem missione tentata. Hæ rationes ip-
 sius erant, quæ nobis non spernendæ vide-
 bantur. nos vero nulla in medium attuli-
 mus argumenta aut rationes quæ legatis
 aliis exponerentur. Imo cum abiremus à
 Ledenbergio, mihi ne in mentem quidem
 veniebat futurum, ut legatos Traiectinos
 hac de re conveniremus. tantum diximus,
 nos negotium omne renunciaturos aliis
 qui ab oppidis nostris ad conventum missi
 erant: exploraturos quoque consilium Ol-
 denbarneveldij ut peritissimi rerum civi-
 lium.

Renuntiataque re Johanni Oldenbarneveldio

Ut consilium ipsius expleretur sicut dixi-
 mus, qui non multum nobis respondit, sed
 Ledenbergij rationes non levis momenti
 iudicabat, auctorque nobis erat, cum aliis
 oppidorum nostrorum legatis ageremus,
 & si ipsis consultum id videretur, etiam
 cum legatis Traiectanis ad consultandum

qui Hollandiæ præfuerunt. 455

an res Hollandicæ & Trajectinæ, tum in collatione cum Principe, tum in eo quod præterea faciendum restaret, communi consilio atque opera tractari posset, ad implendam fidem earum pactionum quas Hollandicæ ac Trajectinis intercedere iam diximus.

Ipsū deinde captivum cum cæteris duobus adfessoribus in iussu eorum quorū in ministerio erat, accessisse ad legatos Traiectinos in adibus Danielis Treseley. Hic silentio transmittitur Langius, optimus civis & dudum spectatæ virtutis, qui non tantum nobiscum Traiectinos legatos accessit, sed etiam ipse vna cum illis adfessoribus me compellavit, ut se committerer, iussu (quantum intelligere meminimus) legatorum ab oppidis, tum nostris, tum aliis quæ causam eandem tuebantur. nam ego occupatus in consessu reipublicæ Hollandicæ curatorum, conventui legatorum ab oppidis nostris non interfueram. Eos quod attinet quorum eram minister, ordinem scilicet Rotterodamensem, ei sæpe placuerat non dimittendos custodes nisi communiter. Imo ipsi de scribis suis vnum miserant Traiectum, ut ibi rectorum animos pertentaret & offerret consiliorum commercia. Quare hoc in negotio cum certam volūtatē eorum quibus suberam

(quam me probaturum quoque suscepi)
secutus fuerim, immerito accusor quid-

L. ad quam iniussus fecisse : Nam iuris notissimi
rem. est, ministris, præsertim qui absentium ge-
l. lega-
ti de-
pro-
curat.
Rom.
conf. runt negotia, non expectandum ad singu-
las circumstantias mandatum speciale : sed
ea quæ occurrunt regenda ab ipsis ex man-
dato generali & mandantium voluntate.

94. Cum ergo Traiectini legati iamiam essent
discessuri, nostrorum rectorum intererat,
ut ipsi illorū, illi ipsorum vicissim animum
intelligerent : cui fini, non ad aliquod ne-
gotium contrahendum, institutū erat istud
colloquium. Talia verò amica colloquia
inter ministros diversorum oppidorum aut
etiam nationum, ad tutelam legitimæ po-
testatis factorumque decretorum, illicita
esse, nulla cum ratione asseri potest; imo ne
mandato quidem opus est ad colloquia
eiusmodi. Sed qui huius nos incusant, ipsi
viderint quomodo æquis iudicibus appro-
bare possint, arcana illa & secreta consilia,
quæ nationum aliquot legati sociarūt cum
oppidis Hollandiæ nonnullis cōtra decre-
ta procerum Hollandiæ : simulque illa ar-
cana colloquia, quibus Amstelodamenses
& alij oppida quædam in suas partes per-
trahere studuerunt. In eo vero conspectis-
sima est iniquitas, quod mihi & adcessori-

bus illis hæc res datur crimini, cum Langius, me non invidente, ne conveniat ut quidem. atqui nihil dictum est nisi omnium nomine, re communiter consultata, nihil quod non communiter sit approbatum.

In hanc rem proprie congregatos) Nimirum ut nos audirent, quod nostræ dignitatis hominibus negari non solet.

Ibiq; usum acribus perniciosus & in rem ac quietem publicam nocentibus argumentis atque effatus) Iterum hîc vagatur calumniæ famæ nostræ malo. Nam argumenta illa atque effata exprimi debuērāt, ut iudicare lector posset, essentne illa acria, perniciofa, ac nocentia, an vëro æquâ ac salutaria. Multis in partibus sententiæ iniuria mihi facta est: nusquàm vero magis quam in huius colloquij narratione. Captatus est morbus meus ut hac de re interrogarer: interrogationes conceptæ sunt captiosum in modum: quæ respondi non ut volui perscripta: quamobrem huius præcipue partis recognitionem apud iudices petij, affirmans certo me scire, non huiusmodi fuisse mea verba, qualia mihi imputarentur. Et tamen ne secundum illam quidem extra iudicium factam ac præcipitatam quæstionem cōcepta sunt sententiæ verba: sed partim ex renuntiatione legationis perscripta à legatis Traic-

stinis, qui forte in largius omnia extenderunt, quo facilius eos à quibus missi erant ad retinendum novum militem permoverent, maxima vero ex parte ex privatis annotationibus vnius qui ab eo tempore decreta omnia se adiuvante facta rescindere, & proceres Traiectinos deserere constituerat, vt ex mutatione reipublicæ quæstum faceret. Ego contra provocavi ad testimonia non Hanii tantum & Hogerbetii, sed Langii quoque. Vt ergo generaliter primum quæ in eo colloquio acta sunt repetam, postulatū Hanii, Hogerbetii, Langii, legatos Traiectinos salutavi: exposui quæ in conventu Hollandiæ decreta erant aut deliberata: etiam sententiam octo oppidorum, vt exposita erat professione Harlemensi, ita vt ad eam nihil adderem. Eo autem tendebat expositio ista, vt legati Traiectini hac expensa considerarent an cum bono terræ Traiectinæ & cum mente procerum à quibus missi aderant, conveniret rem integrā servare, donec communis quædam securitatis inita esset ratio: quæ mens clare apparuit, cum antequam discessissent Traiectini legati, è conventu Hollandiæ triginta amplius, cum nobiles, tum oppidorum magistratus ad Principem Mauritium missi voce Oldenbarneveldij

qui Hollandiæ præfuerunt. 459

ipsi ostenderunt, nihil aliud armatorum hominum conductione quæsitum, quam sui tutelam contra vim: ex legatis autem Traiectinis compertum sibi eius nationis proceribus idem esse mentis: Proinde facile componi negotium posse, si Principi placeret peregrinos quosdam milites quibus haud satis fidebatur, amovere, urbemque Traiectum & oppida nonnulla Hollandiæ, ubi id opus esset, custodire indigena milite, quod fieri posset per centurias viginti magna cum gratia tot oppidorum optime meritorum de republica. Argumenta ac rationes quod attinet, quæ à me prolata dicuntur, persuadendis legatis ne quæ mandata ipsis erant aperirent, ea vero non id quod dicitur habuerunt propositum, sed demonstrare quæ facta essent hætenus ab Hollandiæ proceribus, ea facta secundum leges publicas. Ea verò argumenta atque rationes non aliæ fuerunt, quam illæ ipsæ quæ multis scriptis editis in vulgus explicabantur, multisque decretis erant approbatæ: puta nationi cuique ius esse imperandi de publico religionis statu secundum fœdus Traiectinum, & mandata præfecturæ Traiectinæ Principi Mauritio data: ius esse nationum atque oppidorum rectoribus securitati suæ prospicere contra vim

contraque mutationem cum legibus pugnantem. iudicent nunc omnes boni cives hæc argumenta ac rationes an eiusmodi sint, eiusmodi esse hic dicuntur.

Etiam auxilij pollicitatione) Auxilium plane nullum promissum est, sed dictum generaliter, ita nos confidere, proceres Hollandos adversum Traiectinos functuros officio fidelium sociorum, atque impleturos quæ federibus ac pactionibus contingerentur. Imo cum postularent Traiectini, ut à proceribus Hollandiæ, aut oppidis quibusdam mutuam pecuniam acciperent, diximus nihil citius à nobis promitti posse; sed his qui nobis præerant rem renuntiantem.

Ipsos persuasisse atque induxisse) Quod dictum à nobis est, non est dictum suadendi modo, sed ut legis ipsis expendere liceret, quid factu optimum esset. Et tamen consilium bona fide dare peccatum non est.

Ne Principi Maurisio aperirent quod mandatum ipsis erat) Imo vero quæ à nobis dicta sunt, eo pertinebant ut communiter res Principi aperiretur.

Sed Traiectum redirent) Id vero fecerunt legati nullo suasu nostro, imo ignaris nobis, ut quæ ex nobis intellexerant, tum quæ

qui Hollandiæ præfuerunt. 461

à delegatis è conventu Hollandiæ dicta apud Principem fuerant, & quomodo is difficilem se præbuiſſet, ſuis renuntiarent.

Magno periculo ac malo reipublica Traiectina atque urbis) Contra ſe res habet. nam ſi accepta fuiſſet æqua illa conditio de ſecuritate rectoribus præſtanda, mutata non eſſet contra leges reſpublica Traiectina, neque everſæ leges Eccleſiaſticae quæ magno conſenſu tum procerum, tum paſtorum perrogatæ fuerant.

In iis rationibus proceres Federatos ac Principem ab ipſo notatos ut adverſarios, averſos, malevolentes) Non ita ſe res habet. ſed de induſtria ad me traducendum confuſa ſunt; quæ dicta à me fuerunt de paſtoribus nonnullis aliſque è plebe vim ac ſeditionem contra rectores moventibus, ut Veteribus aquis, Huſdæ, Harlemi, Lugduni: quæque dicta à me fuerunt de proceribus Federatis ac Principem Mauritio, circa negotium indi-cendæ Synodi nationibus quibuſdam in-vitis, deque exauſtorâdo milite novo. Certus ſum, neque proceres Federatos, neque Principem Mauritium à me nuncupatos aut designatos nomine malevolentium, aut alio tantundem valente: ita ut hac in re inſignis mihi facta ſit iniuria.

Quibus cordate contra eundem eſſet atque in

ad primo loco impendenda reipublice vectigalia) Rursum hic connectuntur quæ super diversis rebus prolata à nobis sunt. Fieri potest ut dixerim, pacem ecclesiasticam inter dissentientes super notis controversiis ; ut rem Christianos decentem, animose defendi argumentisq; eo pertinentibus muniri iure posse ac debere etiam : neque minus ius nationis cuiusq; in sacra, uti à Traiectinis factum fuerat antehac, tum scriptis literis ; tum voce in conventu Federatorum. De vectigalibus nihil dixi, nisi ex professione Harlemensi ; oppidorum nostrorum mentem esse ; impendenda vectigalia tum ad propulsandos hostes externos, tum ad tuendos magistratus ac municipes contra seditionem ac vim. Quæ ratione etiam Lugdunenses nixi fuerant anno ciro ixxxvii, cum similiter dicerent, onus novi militis à se necessario conscripti ab omni Hollandia agnoscendum. Sed captiosum in modum concepta sunt sententiæ verba ; ut fides lecturis fieret dictum à me, publica vectigalia præcipuo loco impendenda contra proceres Federatos ac Principem, quod neque dictum fuit à me, neque in mentem mihi venit.

Missionem novi militis addituram infestis amicos) Dixi hoc præcipue respiciens ad reli-

qui Hollandiæ præfuerunt. 463

quias factionis anni circiter ex Traiecti, ac secundo ad peregrinos quosdam Harlemi & Lugduni.

Ipforumque factioni infligendam vulnus insanabile) Satis quivis intelligere potest à me vocem factionis non usurpatam. Dixi missionem novi militis nullo alio reperto ad securitatem præsidio (id quippe diserte additum) infligendam vulnus insanabile, nimirum quia rectorum mutatio, quantum prudentibus cōiectare licebat, eam sequebatur Traiecti, manaturo longius in Hollandiæ oppida, Harlemum præcipue Lugdunumq; exemplo. Immerito legitimum regimen factionis nomine appellari supra demonstratum est.

Et cum periculo coniunctam ne in discrimen maius res adduceretur) Quod dixi semel, multis hîc verbis repetitur, ex annotationibus diversis quas quisque fecit privatim, ut memoria suppetebat.

Commoturamque animos per alia oppida quorundam item res agebatur) Turbaturam oppidi quietem auctu licetiz: Sensus idem quem iam dixi: ita ut crebra hæc iteratio circumvenienda plebi sit, quasi aliud quid occultetur quam nobis propositum fuit.

In ordinario milite haud satis certum esse præsidium) Generaliter hoc dictum non est, sed

de quibusdam centuriis, præsertim exter-
nis: quamobrem curam adhibendam in di-
lectu centuriarum, quo rectoribus securi-
tas constaret. Dictum hoc à nobis partim
secundum ea quæ ex Ledenbergio intel-
lexeramus, partim ex periculo facto per
Hollandiam, ubi ordinum ductores non ul-
li ita edocti erant, ut sacramentum de pa-
rendo proceribus perstantibus in reforma-
ta religione extenderent ad excludendos
eos omnes qui pacem Ecclesiasticam super
controversiis de prædestinatione & capi-
tibus coherentibus tuerentur, quasi ipso-
rum iudicij esset, quid de religione statu-
dum esset à reipublicæ præsidibus, quod re-
vera erat potestatem sibi ascribere in eos
quibus obsequium ex sacramento debe-
bant. Sapientes omnes iudicent, an non
rectores nationum atque oppidorum cau-
sas habuerint cur non satis securitati suæ
cautum putarent, si talia præsidia aut acce-
ptarent aut retinerent.

Ostendendos hac in re animos) Aliis verbis
iterum hic repetitum quod ante positum
fuerat. De ostendendis animis dixi nihil,
nisi eo sensu qui suprà explicatus est.

*Oppida ac membra Hollanda, quorum item
res agebatur auxilio ipsis futura*) Hoc vero
neque confessus sum, neque verum est : a

qui Hollandia præsuerunt. 465

nova est, sed detorta repetitio eius quod iam dictum fuit, confidere nos proceres Hollandos adversum Traiectinos functuros officio fidelium sociorum, atque impleturos quæ federibus ac pactionibus continerentur. Consilium non erat oppidorum nomine quicquam cum Traiectinis agere: sed in ipso conventu dispicere, si de invenienda alia securitatis ratione cum bona omnium gratia non succederet negotium, ecquid Traiectinis commodari posset, pecunia credita, aut interposita fide.

Ac communiter rem exsecutura, & in eo persistura, nihilque omissura quod eò pertineret:) Neque dixi hoc, neque dixisse fassus sum: sed detorta iterum explicatio est eius quod ante dictum est de federibus ac pactionibus implendis.

Hollandos ita ærario suo consulturos ut Traiectinis quoque levamen inde accederet:) Et hoc non rectè narratur. Dixi in convetu Hollandiæ actum de ita ordinandis ærarij rebus, ut eius rei consequentia etiam Traiectinis levamento esse posset. Hoc autem pertinebat ad consultationem in qua tum versabamur de Gallicis copiis dimittendis ut in Galliam irent. Quanquam enim stipendium earum ab Hollandis pro mu-

tuo solvebatur, tamen nationes cæteræ, & in eis Traiectini, Hollandis pecuniam pro sua parte restituere tenebantur: quo onere levandi posthac erant si processisset abitio earum copiarum, quod consentienter satis toti conventui haud ita multo ante placuerat. Hæc vero mea mens fuit, ut in quæstione respondi.

Eosdem de militibus stipendia à se accipientibus ita constituturos, ut scirent cui fidendum esset, cui nō:) Non id facturos dixi, sed in conventu fuisse qui id faciendum vrgerent, quod verum erat. Multa enim oppida ita censuerant, percunctandum aperte ex militum ductoribus, vellentne proceribus ac magistratibus præsidio esse sine discrimine, tum qui in hanc, tum qui in illam partem de sacrorum controversiis sentirent. Non video quo colore id negari poterit.

Cum tamen captivus ipse fateatur se intra animum ita sensitse, expositionem dicti mandati idoneam fuisse viam qua multa mala vitarentur:) Multo iustius possem dicere, qui hæc ita concepit, fecisse hoc contra animi sui sententiam, cum rem aliter se habere non ignoraret. Ego optima fide testor, mandati eius expositionem mihi videri futuram fuisse non inutilem si res successisset, id

est si Princeps Mauritius obsecutus hactenus esset proceribus Traiectinis ut centurias illis dedisset acceptas ipsis, easque obligasset adesse proceribus, ac rectoribus contra vim omnem; etiam quæ æstum religionis sibi præscriberet: sed quia metus erat ne Princeps huic postulato non accederet, periculum erat in mandato aperiendo, quia res procerum Traiectinorum atque rectorum post detectum infelicititer mandatum multo futuræ erant loco deteriore, ob causas quas iam diximus. Quicumque autem futurus erat eventus, tutius certe & voluntati Rotterodamensium, de qua actum ante est, congruentius erat; patefieri consilium Hollandorum ac Traiectinorum communi nomine. Hoc sensi, hoc dixi: unde promptum est intelligi, quomodo narratio hæc instituta sit omissis rebus necessariis, meisque verbis corruptis; quasi id dissuasisset quod consultum mihi videbatur: quod à vero abest longissime.

Cumque Federati proceres à Principe Maurio petissent, & de suis legassent quosdam ut Traiectum proficiscerentur, ibique disinctionem novi militis, & indictionem Synodi communis è Federatis nationibus resque alias quasdam promoverent:) Notandum est, quod proba-

tum manifestissime supra est capite xiii, mandatum à Federatis proceribus datum Principi ac legatis suis de novo milite dimittendo non ultra pertinuisse quam ad amice persuadendos proceres Traiectinos ut ipsi eum militem dimitterent; non autem ut Princeps Mauritius aut Federatorum legati invitis proceribus Traiectinis militem iuberent militia abire.

ipsum captivum à paucis nobilium & trium oppidorum legatis, paucisque à reipublica Hollandica curatoribus, quibus id negotij à suis rectoribus datum non erat, passum se lagari ut cum Hogerbetio adessore atque aliis Traiectum proficisceretur:) Rei veritas dolose hinc tenebris involvitur. ipsa sic habet. Cum Proceres Hollandiæ mense Julio anni cio 10 cxviii convenissent; dieque eius mensis vicesimo quidam oppidorum legati domum abire vellent in dies aliquot; exquisitis sententiis placuit continuari conventum; rediri autem ad negotia die xxiv. Eo autem die xxiv habitus est conventus in loco maiorum; & cum à nonnullis oppidis legati abessent; curatores reipublicæ ex eisdem oppidis missi: quibus mandatum erat absentibus legatis adesse conventui, oppidi quisque sui locum occuparunt, sententiamque dixerunt prout

congruere existimabant ad rectorum sui oppidi mentem, more ante id tempus sæpius usurpato. Vere supra diximus tum secundum leges communes, tum secundum patriæ nostræ consuetudinem, hos qui oppidorum vicem sustinent non debere, neque vero posse peculiari mandato instrui ad negotia singula, quæ sæpe improvisa ingruunt, neque differri se patiuntur: sed ex mandato generali faciendum ab ipsis quod factu optimum censent. Constabat ergo conventus ex nobilitate, ex oppidis Harlemo, Delphis, Lugduno, Amstelodamo, Gouda, Rotterodamo & Alcmaria. Alia oppida quod attinet quæ necdum adveniant, noti iuris est absentes vocatos pro præsentibus haberi, & pro subscribentibus parti sententiarum maiori. Sententiæ autem præsentium omnes concordēs fuisse demōstrata Amstelodamensi. Perrogatum est legitime ac more maiorum ab adfessore Hollandiæ, literæque confectæ à Duickio procerum scriba, qui pœnam debiturus fuerat eo nomine, si usus esset procerum Hollandiæ sigillo ac manus suæ subscriptione ad literas, de quibus scribendis à proceribus decretum factum non esset. Præterea silentio in hac sententia prætereuntur res quædam partim ante gestæ, partim subse-

cutæ, quæ plane ad intelligendam huius legationis qualitatem sunt necessariæ. Nam primum legatio hæc nostra conveniebat cum decretis prioribus, quâdo pleno Hollandiæ conventu sæpe placuerat, non esse proceribus Federatis ius imperandi de milite ad nationum oppidorumq; custodiam conducto: tum verò officium esse nationū vteo in iure tuendo alia alijs essent auxilio. Legatio quoque nostra ter postea approbata est. Primum postridie quam digressi eramus, die scilicet xxv cum Moersbergius missus à proceribus Traiectinis ad conventum Hollandiæ iam integriorem postulasset vt ex Hollandia legati mitterentur, qui proceribus Traiectinis adessent: cui responsum à conuentu est, iam missos aliquos ei fini cui id poscebatur. Deinde cum die eodem xxv orationem habuissemus apud proceres Traiectinos, exemplo eius ad Hollandiæ conventum iam auctiorem transmissio, die xxviii ab ipso conventu rescriptum nobis est, quæ significata à nobis erant, atque institutum agendi modum placere, atque ita pergendum nobis ad mandata exsequenda: quod ipsum quod maiore auctoritate ac consilio pleniore fieret, collegæ nobis submittebantur Rui-chaverius reipublicæ Holladiæ curator; &

qui *Hollandia* praefuerunt. 471
consularis oppidi *Harlemi*, & *Ioannes*
Ioannides *Anglus* cognomento consula-
ris oppidi *Hornani*. Horum mandatum
nostri mandati confirmationem continens
sic habebat.

Die xxvij. Iulij anni CIOIOXVII.
Hollandia & Westfrisia proceres legarunt ad
negotia obeunda, quo proceres *Traiectini* inven-
tur in arcenda vi omni quae ipsorum voluntati
decretisque sit contraria, *Vessellium* *Boetselarium*
toparcham *Asprena*, *Martinum* *Ruichaverium*
curatorem reipublicae & consularem oppidi *Har-*
lemi, eos qui legati sunt ante hac *Franconem* *To-*
xenulitium, *Rumbaldum* *Hobergetium* *Iuriscon-*
sultum, *Didericum* *Iacobi* *Sconhovium* reipubli-
cae curatorem, *Hugonem* *Grotium* reipublicae cura-
torem, & *Iohannem* *Iohannid.* *Anglum* cogno-
mento consularem oppidi *Hornani*: promittunt-
que ratum à se habitum iri, quicquid ab eisdem
legatis ex mandato suo, decretoque aut hodie fa-
cto aut posthac faciendo ipsisque transmittendo,
aut factum iam est, aut postmodum fiet. Signatum
impresso sigillo.

Postremò ab itinere *Traiectino* reversi
legationem nostram conuentui renuntia-
vimus, ac pro opera navata gratiae nobis
actae sunt: perscriptumque pittacium de
solvenda impensa itineris, ac laboris remu-
neratione. Cum ergo manifestum sit, ne-

que semel, à conventu ipso testatum, legitime nos legatos, si quis arguere velit excessos mandati fines, id ab his qui nos legaverant, non ab alijs diiudicandum est: fin hoc dicitur, quod mandatum nobis erat id fieri ius non fuisse, non nos eo nomine, sed qui nos miserant appellandi sunt. nam iuraveramus nos cum primum in conventum admissi sumus, *legationes ac mandata nobis à conventu iniuncta à nobis pro viribus atque ingenij facultate fideliter impletum iri, & ut impleantur datum iri operam.* Quandoquidem verò omnis sævitia in nos exercita à multis imputatur profectiōi Traiectinæ (quā defugere per iurisiurandi religionem & necessitatem officij nobis liberum non fuit) quam inique nobiscum actum sit, vel hinc apparet, quod Ruichaverius, Schönhovius, Anglus qui omnia iuxta nos egerunt, non conveniuntur omnino: Torenvilitius autem qui ab initio legatus est nobiscum, nobiscum profectus, post mutatos etiam rectores in republica retinetur. Quanquam vero, ob eas quas diximus rationes, sufficere nobis debebat, allegasse mandatum, tamen, Hollandiæ procerum reverentia, demonstrabimus, quod mandatum erat, id iustum & æquum fuisse.

Atque ibi proceribus & urbis magistratibus

apem consiliumque offerrent:) nimirum pro capto nostro qui ferro pugnare non solebamus. Atque huius oblatæ opis pars erat, ut oraretur Princeps Mauritius, nequid iniussu procerum Traiectinorum agere institueret, sed ut gratam haberet communem aliquam iri rationem qua tam Hollandis quam Traiectinis rectoribus securitatis fiducia daretur. ea enim ratione inventa nihil fore quod militis novi missionem moraretur: quæ nos omnia Principi statim ut in urbem venerat, traditis ipsi procerum Hollâdorû literis, comiter significavimus.

Et si Princeps ac legati ab universitate Federatorum conarentur novum militem exauctore ingratia procerum Traiectinorum) quod scilicet extra mandata erat ipsis data, neque vero à proceribus Federatis per leges mandari potuerat, quando cura publicæ securitatis, ut pars præcipua imperij civilis, penes singulas est nationes.

ad id facto ipso prohibendum adiutores essent:) Noni ta: sed ut centurias Hollandis merentes procerum Hollandiæ nomine admonerent ex federe Traiectino & sacramento militari, ne sui usum præberent ad vim ullâ invitis proceribus Traiectinis, qua æquissima cautione vis omnis præveniri potuit.

Fatente ipso captivo sibi ac collegis suis propositum fuisse Traiectinis proceribus in ipsorum propositio morem gerere:) Nempe ut proceres Traiectini retinerent quæ tum habebant securitatis suæ præsidia, donec alia consensu communi reperta essent.

Et efficere ut ab ordinarijs militibus mos ipsis gereretur:) nempe ne quid contra per vim fieret: sed ut decretis procerum Traiectinorum de negotijs ad imperium civile spectantibus parerent secundum formulam sacramenti.

Cui rei literas secum tulerant ad ductores militis ordinarij Hollandiæ merentis conceptas ab Iohanne Oldenbarneveldio, at non lectas in illo qualicunque Hollandiæ conventu:) At argumentum literarum voce expositum probatumque fuerat: imò hoc ampliùs decem ante mensibus à reipublicæ Hollandiæ curatoribus literæ erant scriptæ ad ductores militum eodem tenore. Et post nos legatos, cum ductores alij cum Principe, aut eius accitû in urbem venissent, similes literæ ad eos scriptæ sunt, lectæ in conventu Hollandiæ, ab eo probatæ, nobisque transmissæ.

Quibus ad eas scribebatur, officium ipsorum esse stipendiorum solutoribus atque etiam proceribus nationum singularum apud quas degerent

qui *Hollandia* præfuerunt. 475

fidem & obedientiam præstare, & auxilium præbere, omnia decreta ipsorum observando & efficiendo ut observentur:) vox omnia extra literarum complexionem addita hic est, cum tamen satis constet non actum hic de decretis ad rem militarem pertinentibus, sed ad imperium publicum, tum in sacra, tum in profana, eiusque tutelam.

ita ut ipsis non liceat contra facere, aut tentare quicquid, pativè ut fiat tentetur ve.) certum est qui decreta alicuius servare tenetur, ei liberum non esse aduersus ea facere, aut quantum in se est ut fiat pati. At verò mandata quæ à Traiectinis proceribus Princeps ipse Mauritius accepit, hoc continent teneri Principem proceribus Traiectinis auxilio esse eorumque edicta decreta & constitutiones tueri, effectaque dare & curare ut effecta dentur. Tum verò militum sacramento hoc inest, ut teneantur fidem atque obsequium præstare proceribus nationum apud quas presidium agitant. Vide hac de re caput xi.

Ipsam captivum cum celeriter Traiectum venisset,) imperatum nobis erat ut iter quantum fieri posset celeraremus.

atque ibi in peculiari conventu cum Ledenbergio consultasset de argumentis ac conditionibus quæ proceribus Traiectinis proponi possent, ut novi militis siue custodis missionem non proba-

rent (ed impedirent,) Neque verum hoc est neque à me confessum. Res sic habet. Traiectum ut veneramus, Ledenbergium oravimus per nuntium, ut ad nos accederet. Cum accessisset, narravimus quorsum missi essemus, ac petiimus operam dare ut à proceribus Traiectinis quàm primum audiremur: quod ille recepit, addens gratissimum fore proceribus Traiectinis adventum nostrum. nam & missum iam Moersbergium ut legatos ex Hollandia postulare. Hoc illud omne est quod tunc actum est inter nos. En quid sit quod peculiaris conventus ac consultationis nomine notatur. De argumentis atque conditionibus dictum nihil est: sed tantum de mandatis ita ut data nobis erant. Neque vero mens nostra hæc erat, ut Traiectini proceres indefinite missionem non probarent, aut impedirent: sed omnem amicam ac vicinalem operam ipsis navare ut res integræ manerent, donec rectorum securitati cautum de communi consensu esset, ut iam diximus. Quoclarior appereat meum meorumque collegarum circa hanc rem cōsiliū, sciri oportet antequam Haga Traiectum mitterer, iniunctum mihi & aliis è conventu Hollandiæ nonnullis adire Federatos proceres, eosque orare ut differrent Traiectum

de suis legare, donec rediissent Traiectinorum ad ipsorum Federatorum conventum legati, qui tum abierant domum: quo tempore dixi Federatis proceribus, si placeret ipsis fidem dare rectoribus Hollandis ac Traiectinis de auxilio adversus vim omnem, etiam ea vi non excepta quæ nomine religionis velari posset, nihil obstiturum missioni novi militis. Sed qui aderant à nationibus legati sententiam suam super ea re promere defugerunt. Traiectum cum venissem, quæsi vi ex Ledembergio, an non excogitassent proceres Traiectini ratione aliquam quæ Principi & nationum legatis placandis esset. Respondit, se iudice rectius ea de re in Hollandia agi posse quam apud Traiectinos. Etiam hoc proposui, cum ex colloquio cum Principe intellexissem adventum nostrum minus gratum ipsi esse, an proceres Traiectini pati possent nos abire: sed illis hoc inconsultum videbatur. Bis autem cum Principe collocti sumus, ei que memoravimus id quod in conventu Federatorum ad concordiam prolatum fuerat, sed responsum quale optabamus, non retulimus. Contra deprehendebamus plane decretum Principi indictionem communis Synodi, & quæ porro ad eam rem necessaria iudicabat promoveri. In conven-

tum Traiectinorum procerum iterum ingressi, non sponte nostra, sed ipsorum vocatu, retulimus ad ipsos, quando rumor esset, plebi se regis ecclesie consilium esse de templis vnum manu facta invadere, multique ex Hollandia & in eis nonnulli ob turbidum ingenium oppidis exire iussi in urbem venissent, quantum conijcere licebat ad eam molitionem auxilio futuri, an non ex re ipsis videretur custodire urbis formam quandam præscribere & de ea cum Principe agere. Quæ omnia valde facientia ad docendum, quam longe mea meorumque collegarum mens abfuerit ab eo quod hic perverse traditur, in quaestione habita asserui, meque probaturum recepi, sed probandi copia mihi facta non est.

cum Hogerbetio alijsque criminis consortibus) Ita hic vocantur hi qui nobiscum legati erant ab Hollandiæ proceribus. Si criminis consortes fuerunt, cur non accusantur? Hoc vero manifestam arguit iniquitatem.

orationem habuisse in conventu procerum Traiectinorum:) ita ut mandatum nobis erat. Eadem oratio perscripta est missa ad Hollandiæ proceres, & ab eis probata ut suæ menti conveniens.

Opemque & consilium obtulisse ut dictam an-

qui Hollandiæ præfuerunt. 479

te est:) tantum respectu federis & peculiarium pactiorum, ut iam mox apparebit.

Additis etiam rationibus quæ adversum proceres Federatos & Principem Mauritium nescio quid occultabant) Hic iterum vagatur criminatio, neque exprimuntur rationes illæ quas expressas oportuit. Sed ut constet quā hoc à vero absit, ipsam orationē ita ut apud proceres Traiectinos habita est exhibebo.

Hollandiæ & Westfrisiæ primores nos, quorum infra scripta nomina apparent, huc legatos miserunt, ut vobis, nobiles potentesque proceres, ipsorum nomine omnia offerremus officia quæ à bonis amicis atque vicinis expectari par est, cum voto bene feliciterque gerenda reipublica: Certosque vos esse volunt, sicut ab ipsis hæcenus nihil omissum est quod ad servandam imperium, salutem, regimenque legitimum nationis Traiectinæ eiusque partium spectans suarum virium esset, ita nunc quoque se persistere semperque perstituros in eodem benevolo ac fideli animo.

Qua propter dolori ipsis fuit intelligere, quod cum mense Septembri anni qui exijt graves ac valide rationes liberaliter allata à vobis essent de conducto milite ad tutandum statum nationis atque urbis Traiectinæ per hæc tempora turbida ac periculosa, nihilominus nuper à quarundam nationum legatis in conventu Federatorum iterum consultari cæperit, ac decerni etiam proci-

randam eius militis missionem: cum tamen eisdem legatis ab integro Hollandia Vvestfrisiaque conuentu demonstratum esset, inter intra summi imperij ad nationem quamque pertinentis contineri etiam ius peculiariter prospiciendi tutelae suae, neque id ius federe Traiectino abdicatum translatumve esse, sed seruatum potius, tum lege federis prima sub iure ac libertate singularum nationum, tum VII & XXXII capite mandatorum quae data sunt senatui, ac proinde fas non esse nationibus quicquam in alias nationes imperare ea de re aut impedimento ipsis esse quominus suo arbitratu agerent: manifestum quoque esse iuris istius seruati usum ante & post belli tempora, cum ante, tum post initum fedus Traiectinum. His vero commonstrandis etiam ex conuentu Hollandiae delegati sunt qui Principem Atravisionensem conuenirent, ac sententia scripto tradita proceribus Federatis: & cum nationum aliarum legati perstantes in proposito senatus consiliū depoposcissent, ab Hollandia ac Vvestfrisia proceribus litera ad senatum directae sunt, quae ipsos memores facerent tum quod ius esset nationum singularum, tum quid mandata ipsorum ferrent. Iterumque retractato negotio in Federatorum conuentu ab Hollandia & Vvestfrisia legatis, saepe serio admodum ac connixe postulatum est, ne in ea deliberatione pergerent, sed legatos vestros opperirentur, qui tum omnes à conuentu aberant, sperato interim Hollandia

qui *Hollandia* praesuerunt. 481
tandia quoque & *Vestfrisia* conventum, qui so-
latus quidem aut intermissus non erat, imo vero
decreto facto continuatus, sed discessu quorun-
dam imminatus, ad suam plenitudinem reditu-
rum, ut negotium illud, quod duas nationes &
vicinas & tot inter se vinculis colligatae sum-
mopere spectaret, considerate expendere-
tur. Sed quia his omnibus posthabitis lecti sunt qui ad vos
mitterentur, *Hollandia* & *Vestfrisia* proceres
consilij quam ipsi non *Trajectino* tantum federe,
sed & multis pactio-
nibus vetustis obligati sint
ad defendendam vestram potestatem, vestrum-
que regimen, simul memoria recolentes amici-
tiam singularem, ac bonae fidei plenam neces-
situdinem quae inter se vosque perpetuo fuit exer-
citata, omittendum non putarunt, quin gnaros
vos facerent opera à se haecenus navata, ac du-
bitare vos vetarent se constanter perseveraturos
in proposito fideliter servandi fœderis *Trajecti-
ni*, aliarumque pactio-
num, omniaque conse-
rendi quae ipsorum in potestate sunt ad tuendum
imperium vestrum, libertatemque, jus ac securi-
tatem vestrae nationis, & partim eius singula-
rum. Tum vero hoc quoque oratos vos volumus;
ut hanc legationem ab optimis ac propinquis-
simis sociis venientem gratam habeatis, ac de no-
bis ita existimetis, nullam nos occasionem elabi-
passuros qua opera & obsequium nostrum proba-
ri vobis possint.

*Dictum die xxv Iulij anni cio id cxviii scđ-
dam novum Kalendarium, perscriptum vero ac
traditum die xxvii.*

Quid vero hic suspectum occultatur?
Sententiam nostram non obscure expres-
simus, ius consulendi suæ securitati à na-
tionum singularum proceribus nunquam
abdicatum diximus: quod verum esse pro-
batum supra est capite x.

*Quæ omnia eò pertinebant ut Traiectinis ad-
diceretur animis, ne sine consensu suo discingi no-
vum militem paterentur:)* Nihil ad eam rem
opus erat animis additis. nam satis docet
ipsa natura, nemini ut tale quid sine suo
consensu fiat volenti esse. sed eò tendebat
oratio, quod ipsa præfert, ut secundum im-
perata proceribus Traiectinis operam no-
stram deferremus.

*Cumque eodem venisset Princeps & Federato-
rum legati & orationem ex mandato habuissent,
ipsum captivum usum sui præbuisse in concipien-
da responsione quam darent Proceres Traiectini:)*

Quid autem in hac re peccatum est? venie
ad me Ledenbergius, satisque copiosè sen-
tentiam ac mentem procerum Traiecti-
norum mihi exposuit, meque rogavit ut
eum solum scripto complecterer, quando
ipsi nunc id per negotia minus vacaret, eo
consilio, ut quod scripturus eram ipse cum

qui *Hollandia* praefuerunt. 483

Trajectinorum procerum adfessore recognosceret, emendaret si opus esset, ac Trajectinis proceribus exhiberet. Morem ei gessi, ac cōceptam formulam collegis meis ostendi, qui eam placere sibi testabantur: deinde eam, si satis memini, adfessori procerum Trajectinorum & Ledembergio tradidi.

In qua ipse legatos noluit agnoscere ut legatos procerum Federatorum, qua tamen qualitate ipsi & literas fidem legationis facientes tradiderant & orationem habuerant: Nolle aut velle hac in re meum non erat, sed feci quod velle Trajectinos proceres ex Ledembergio didiceram. Responsum tale erat: Trajectini proceres cum cura expensis quae in convensu suo dicta sunt à Principe Avasionensi, & ab iis qui missi ad se sunt ex numero legatorum ex Geldaria cum Zutphania, ex Zelandia, Frisia Cislestiviana, Transsalona, Transflaviana ad convensum Federatorum, primum gratias agunt, & quae sequuntur. Apparet hinc ita temperata verba, ut qualitas quam sibi illi adscribebant directè nec tribueretur illis, nec negaretur. Cur vero directè eam qualitatem illis tribuere gravati sint proceres Trajectini, causas has fuisse suspicor. Primum, quia nomen Federatorum procerum iure praescribi posse non arbitrabantur, nisi in

negotiis ad federis communitatem pertinentibus, in quibus non est aut proprii in quaque natione regiminis tutela ac securitas, aut etiam de sacris imperium. Deinde quia decreta hæc legatio fuerat absentibus legatis Traiectinis qui pars conventus Federatorum erant; ac tum iusta de causa domum iverant, nimirum ut proceres suos edocerent ea quæ gerebantur & propiora mandata acciperent. Quamobrem, præsertim cum res hæc moram ferret (iam enim toto anno novus miles urbem custodierat, neque ullum inde incommodum) debuerant socii aut Traiectinorum reditum ad se opperiri, aut etiam nationem novis literis ad conventum evocare: ut habet lex xix federis Traiectini. Tertio, quia Hollandia, quæ apud Federatos merito magnam habere solet auctoritatem, in hoc decretum non assenserat, sed postulaverat Traiectinorum reditum expectari, quo & Transisalani initio ferri videbantur.

Ipsum captivum Traiecti cum esset operam posuisse in rebus procerum Traiectinorum) Ad id enim missi eramus ut in eorum rebus operam poneremus, offerendo quæ supra diximus, non potestatem arrogando, quod nec factum est à nobis.

qui Hollandia præfuerunt. 485

Et in separato conventu assensit ut Harteveldio centurioni imperium in novos milites daretur) Significaverant nobis proceres Traiectini aliquos à se delegatum iri qui nobiscum colloquerentur. Ex eo sæpe ad nos de proceribus Traiectinis aliqui venerunt. is hic dicitur conventus separatus inter sermones dixerunt quid facere constituissent nullo ad hoc nostro impulsu suasuve. id hic assentire dicitur, cum non possemus non audire quod dicere aliis libebat. Inter cætera dixerunt, sibi hoc visum, Harteveldio, ut qui inter centuriones primus ordine esset, ex communi consuetudine & ibi quoque servato hactenus more, in novos milites imperium generale deberi, si quis motus ex templorum, invasione aut aliunde oriretur. Id hic dicitur imperium dare. In verbis quam paucis quam multa obtorta: Tum vero quod hac in re meū est factum: adesse & audire non est quicquam facere.

Conatum quoque ipsum privatim vni consulum Traiectinorum persuadere ut novos milites retinendos censeret) Verum est, cum ex proceribus Traiectinis quidam ad nos convivē venissent, atque inter eos cōsul Pollio, quem audiebam anno ciorocx fidum fuisse legitimis rectoribus, sed in hac re ab alijs transversum agi, incidisse inter nos duos sermo-

nes an ex re esset dimittere novum militē, antequam rectorum securitati aliter satis cautum esset, quo super negotio quæ consideranda existimabam, congruenter menti procerum Hollandiæ & ordinis Rotterodamensis aperui. sperabam eo tempore breui omnia compositum iri communi cū gratia, quia Traiecti cum essem, intellexeram Bossizium è Gallia extra ordinem legatum advenisse, virum cui fama consentiens sapientiæ, experientiæ, probitatis, honoratæque laudem assignabat, & qui quāquam in Romanensi erat communione, apud Protestātes tamen tam in Germaniā quam in Gallia gratosus semper fuisset, ob quas virtutes simulque ob beneficia quæ Rex & eius parens, cuius nunquam interitura est memoria, patriæ nostræ contulerant, plane mihi persuaferam, sicut rectores nostri parati erant accipere omnes conditiones quæ transigendis controversiis, ita Principem quoque & aliarum nationum legatos in easdem cōditiones descensuros. Simul eidem consuli proposui quædam quæ ad ecclesiasticas disputationes sopiendas pertinere mihi videbantur. Quæ omnia cum sufficiant indicare animum meum cupidum pacis rerumque servandarum citra mutationem rectorum il-

qui Hollandia praefuerunt. 487

legitimam, in quaestione dixi & probaturum me recepi.

Etiam cum praefecto urbis consultaſſe quid faciendum eſſet, ſi Princeps ipſo facto ad militem exarmandam progredereſur) De hac conſultatione nihil mihi conſtat. neque hoc confeſſus ſum. De eo addubito an percūctando dixerim: Quid eſt quod fieri poſſet, ſi Princeps ipſo facto peragere exarmationem vellent? Ita enim iudicabam, ſi Princeps ipſe operam in ea re ſumeret, impediendi ſpem nullam oſtendi, ob eam qua iſ apud milites valeret auctoritatem. Sed Principem ad eam rem copiam ſui facturum non putabam ob cauſas multas: Primum, qua conſilium datum à ſenatu, cui tum Princeps interfuērat, tantum hoc habebat, amice permouendos proceres Traiectinos vt militem dimitterent: deinde quia ipſum Federati conventus decretum non vltius tendebat, quàm vt miſſio benigne procuraretur. Tertio, quia Princeps Mauritius, vt vicarius ac magiſter militum in terra Traiectina, obligatus erat proceribus Traiectinis legibus mandati inter quas hæc erat: *Princeps Mauritius, terram Traiectinam nemini ſubycito, neque ſemetipſum quantum ad Traiectinam praefecturam pertinet, niſi Federatis proceribus & Senatui, qui pro tempo-*

re ad regimen federatarum nationum constitutas est, idque in negotiis bellicis. Iam vero hæc res ad bellum non pertinebat, sed ad propriam rectorum securitatem. Quarto Ledemburgius dixerat certo se didicisse si Principis opera ad exarmandum novum militem posceretur, futurum ut se excusaret allegando quas diximus mandati leges.

Laborasse quoque ipsum ut proceres Traiectinos ad vim opponendam permoveret) Verum hoc non est, nec confessus ego hoc sum. Neque vero hoc sequitur ex his quæ proxime connectuntur.

Suadens ut ad portas curarent diligentes custodias, utque securitati suæ prospicerent, simulque basilica ibique excubitores ponerent ex municipalibus armatis :) Tantum generaliter dixi expedire bene agi custodias ut templorum invasio, seditio adversus rectores visque omnis arceretur. Nam his curatis omnes iudicabamus neminem quicquam per vim cœpturum. De basilica custodienda à me verba facta non sunt : sed è Traiectinis rectoribus quosdam tale quid dixisse puto, memores eorum quæ acta erant anno. CRD IO. CX.

Et intellecto centurionem Harbeveldium difficilem se præbere ad navandam operam contra proceres Federatos & Principem) Perperam

hoc narratur. Dictum tunc est, difficilem præbere se Harteveldium in recipiendo munere agendæ custodiæ, quæ ipsi à proceribus Trajectinis aut magistratibus vrbani mandanda esset: quam custodiã ad vim arcendam negabam ego adversus Principem quicquam facere. Hæc à me dicta ipsi illi qui præfuerunt quæstioni ex testibus à se auditis compererunt: & tamen ita res hic describitur, quasi miratus essem ab Harteveldio operam negari adversus proceres Federatos & Principem, cum tamen notissimum sit nihil proceribus Trajectinis propositum fuisse extra sui tutelam.

Dixisse captivum, esse hoc flagitium militare ac fidei desertionem qua neque ad decus neque ad bonum publicum pertineret: valdeque de hac re miratum esse) Verba ipsa non memini, sed in quæstione fidei testium rem permisi. Quod si dixi fidei desertionem aut flagitium militare esse, si qui per annum totum à proceribus Trajectinis æra recepissent, nunc operam denegarent in agenda custodia, quid in ea re à vero abeat, intelligere nequeo.

Eundem captivum ut etiam ordinarium federate communis militem ad similem vim opponendam permoveret) Etiam hoc exera confessionem & verum abit. Tam verba nostra quam mens ipsa huc tantum fereban-

tur ut milites ordinarij , qui non minus Hollandiæ (cui merent) quam federatæ communitatis milites dici possunt , moneantur nihil agere adversus decreta proccurum Traiectinorum in negotiis quæ non ad rem bellicam, sed ad proprium regimen nationis Traiectinæ eiusque securitatem pertinerent , congruenter mandatis quæ nobis data erant , & epistolis quas adferebamus.

Sacramentum illis suum prælegisse) Adfui cum id à legatis Hollandiæ fieret, ut mandatum ipsis erat. à me peculiariter nihil actum est hac in re.

Quod ipsum ita voluit interpretari) Ego vero sacramenti interpretationem nullam feci. tantum in peregrinorum quorundam gratiam, ut recte intelligere possent quod iuraverant, verbum verbo reddidi. Antequam vero epistolas militum ductoribus traderemus, ipsisque prælegeremus sacramentum, adieramus Principem, atque ei dixeramus distulisse nos hætenus id negotium : sed cum mandata ad nos repetita essent, ac metueremus ne culpæ nobis imputaretur segnitia, non posse rem à nobis ultra proferri. Dixi quoque militum præfectis, neque à Traiectinis, neque ab Hollandis controversiam ullam moveri adver-

qui Hollandia præfuerunt. 491

sus proceres Federatos aut Principem, sed id tantum ab illis curari ut suam potestatem integram servarent. Neque vero à nobis arrogari ius ullum imperij in ipsos præfectos militum, sed nomine procerum Hollandorum, à quibus stipendia acciperent, voce nostra moneri ipsos, nequid tentarent adversus proceres Traiectinos eorumque decreta in negotiis ad propriam ipsorum rempublicam spectantibus.

Non teneti eos parere communitati Federatorum ac Principi) Hi à nobis nominari hinc non sunt.

In his qua cum procerum Traiectinorum imperatis pugnarent) In negotiis pertinentibus ad proprium regimen nationis Traiectinæ.

Sed contra imperata ac decreta eorum quibus mererent) Nomine eorum quibus merebatur ad nulla eos imperata aut decreta astringimus. neque vero attinebat id fieri. Tantum monuimus nequid in terra Traiectina facerent adversum rectoribus Traiectinis in eo quod diximus negotiorum genere.

Et procerum Traiectinorum ipsis exsequenda, & ut exsequerentur alij dandam operam) Militum officium esse adesse proceribus ad decreta tuenda dicebant epistolæ quas ferebamus. Nos tamen eousque non processimus.

mus, cum satis nobis esset si a vi faciendæ eos abstineremus: quanquam haud dubie ad exsequenda etiam decreta obligabantur in negotiis eiusmodi, ut iam diximus.

Nec quicquam contra agendum ipsis tentandumve) Per vim. nam de eo agebatur.

Aut ut fieret patiendum) Dictum hoc à nobis non est. Et tamen congruebat hoc epistolis, federi, ac sacramento.

Comminatione addita de non persolvendis stipendiis si contra facerent) Ego tali comminatione usus non sum. sed ab aliis collegis meis generaliter dictum puto, quid proceribus Hollandiæ faciendi ius esset, si milites hac in parte sacramento non starent, sed proceribus Traiectinis impedimento essent in exercendo quod ipsorum esset imperio.

Ipsam quoque & criminis consortes) De hac appellatione criminis consortium dictum supra est.

Non veritos præfecto urbis præcipere me cui nisi ipsi) Nobis parendum non diximus: neque vero opus erat, ut iam indicatum est.

Et proceribus Traiectinis pareret) In negotiis dicti iam generis & de quibus solis hic quærebat. Nam in belli rebus diserte diximus ipsius esse officium parere Federatis proceribus Principi ac Senatui. Ego vero

qui Hollandiæ præfuerunt. 493
nihil hac in re peculiariter dixi.

Vtque animum (nam de vi opponenda plane ostenderes) Non de vi opponenda : sed de vi modis commodis prævenienda, vt dictum ante est sæpius.

Ipsū captivum pridie quam exauctoratus est novus miles literas quas habebant ad militum ordinariorum ductores tradere aggressos) Male cohærens dictio ostendit præcipitatum laborem in concipiendis sententiæ verbis, quod & supra annotatum est. Rem quod attinet ea gesta est eo ipso tempore quo facta est illa ad ductores militum admonitio hætenus memorata, ita vt causa non fuerit cur hoc factum ab illo sejungeretur. Tum vero gestum post repetita mandata, post additos nobis legatos alios, post simpliciter & aperte de mandatis edictum Principem, quæ omnes circumstantiæ ad rem vel maximè pertinentes non recte hîc subticentur.

Saltem ut quætos se continerent) Mendose hic adscribitur illud saltem cum ulterius, aut aliud quicquam à nobis concupitum non sit.

Quod si fieret, aiebant Ledemburgiis atque alij facile se voti compotes futuros quippe bene disposito per novos milites negotio) Nihil aliud ipsis in voto erat quam vim omnem evita-

re resque retinere eo in statu quo per annum integrum fuerant, ad conservandum statum civilem & ecclesiasticum.

Ipsam quoque capitulum secuta nocte sermonem conferuisse cum præfecto urbis cumque eo consultasse) Hoc & quicquid cohæret extra verum extraque mihi confessa memoratur. At res sic habet. Cum intellexissent proceres Traiectini ipsum Principem ad exarmandum novum militem accingi, (quod futurum ante non crediderant) expenso periculo constituerant potius iniuriam pati, quam ad extrema descendere. Præfectus urbis, à Principe accitus cum esset, noctu venit ad nos in lectulis cubantes; qua occasione haud satis scio, dixitque nobis iussum se venire ad Principem. Respondimus nos recte facturum si Principem accederet, & quod in se esset, id omne conferret quo res sine sanguine abiret. Deliberatum inter nos extra hæc nihil. confido præfectum urbis Ogleium, virum nobilem; dignitatis equestris; & nostræ reipublicæ fidum; non aliud quam quod dixi dicturum.

Quibus modis prohiberi posset ne Princeps plus militis in urbem induceret) Plane à vero abito quod hæc de re cum præfecto consultasse dicimus. Neque vero credibile id est, quã-

do proceres Traiectini constituerant iniuriam perpeti.

Et de eam in rem custodia disponenda ad portam Amersfordianam) Res diversæ confunduntur. Cum præfecto urbis eo tempore de porta Amersfordiana nihil est actum. Sed, cum primum Traiectum venimus, quibusdam procerum dixeramus videri Oldenbarneveldio, non abs re fore si custodiæ diligenter haberentur ad portam Amersfordianam, ne præsidium in urbem induceretur nisi consciis quos conscios esse oporteret. Quam ad rem notari convenit per Hollandiæ & Traiectinæ oppida, ut quæ in limite posita non sint, moris esse centurias præsidio missas extra portas haberi, donec inspectum sit diploma attributæ sedis. Goudæ, Gorichemi atque alibi insuper portis distinentur milites, donec aut iureiurando, aut pollicitatione fidem suam oppidanis magistratibus adstrinxerint. Tum vero etiam quæ sub Rege Hispaniæ, ac postea sub Archiduce fuerunt oppida, ut Ipera, Ducissilua, atque alia, ab his quoque sæpe recusata præsidia, neque id pro crimine ipsis imputatum. Albanicis temporibus urbs Traiectina aliaque oppida accusata eo nomine quod custodias auxissent, unde regius procurator inferobat

regium ab ipsis militem pro hoste haberi.
 Hornano quoque & Egmondano obiectum quod oppidis quibusdam auctores fuissent ne præsidia admitterent: Verum super his accusationibus & illationibus, ut iniquis admodum, graves tunc ortæ sunt querelæ. Adde iam in codicillis, quos Traiectini proceres Principi Mauritio dedere, hæc verba contineri: *Si necesse iudicatur ut præsidia aliqua in urbe oppidisve locentur; fieri id nequito nisi diplomate Principis & consensu procerum aut curatorum reipublicæ Traiectinæ si Princeps intra fines Traiectinos erit. Extra eos fines si erit Princeps, tum diploma ad proceres curatoresve transmittitur, ut ab eis curetur effectumque detur, nisi quid ipsis occurrat cur aliter faciendum sentiant, cuius tum Princeps illico monetur.* Postea: *Ipse, Princeps scilicet, generaliter ex consilio & voluntate procerum aut curatorum, urbem, oppida, castella terra Traiectina, quæque facta sunt, quæque facienda erunt, custodito, perque homines ex legibus idoneos, quos proceres Principi nominaturi sunt, custodiri facito.* Intelligo etiam urbis Traiectinæ nomine specialiter stipulatum ne præsidium recipiat nisi volentibus magistratibus. Ex quibus omnibus liquido apparet, nullum præsidium ignaris rectoribus (præsertim manentibus induciis & cum ab hostico Traiectum

qui Hollandia p̄fuerunt. 497

Trajectum longè abesset) secundum leges induci potuisse: at contra licuisse rectoribus excludere militem p̄sidio missum aut accitum, donec inspectis codicillis de ea re deliberatum esset.

ac vim nominasse si Princeps eam ob causam portas aperiri faceret:) Imo verò hoc tum dicebatur, velle Principem invitis proceribus & magistratibus Traiectinis portas malleo perfringere: qua occasione dixi me, si militarem & Proceribus Traiectinis dixissem sacramentum, libentius spectatorem eius rei quam adiutorem futurum. Vim an futuram id dixerim haud satis recordor. Illud scio. Hollandis ingenium non esse factum ad aulam, sine circuitione rem signant suo quamque nomine: & scapham non aliter quam scapham vocant.

Quæ actiones tetenderunt omnes) Facta quæ hætenus narrata sunt toties extra verum, nondum tamen sufficiebant concitando in nos plebis odium; nisi adderetur hæc atrox illatio. Si id efficere quod hic sequetur animus nobis fuit, mortem & quidem exquisitissimam eramus commeriti. Cur ea affecti non sumus, quandoquidem ut gratia nobis fieret non oravimus? Sin hoc dicitur, extra propositum nostrum im-

minuisse tamen ex nostris factis hæc mala, iam imprudentiæ rei sumus, quæ certè nec perpetua captivitate nec bonorum publicatione fuit luenda. Adde jam eadem sensisse rectores nostros ante nos reipublicæ admotos, ita ut huius rei auctores dici non possimus. Sed enim tantum abest ut ex factis nostris mala illa secutura fuerint, ut multo maiori cum ratione adversariis nostris (qui pro iudiciis se venditant) id possit reponi.

Ut non tantum urbs Traiectina sanguine misceretur:) Verum dixit qui mihi in carcere constituto dixit: *Proceres Federati* (id est homines octo ut dictum est antea:) *te in carcerem compegerant, voluntque civibus atque exteris causam facti sui approbare:* id est, quando eò iam deventum est aut tibi deprecanda est culpa, aut exspectandum iudicium infame. Captores nostri in illo non signato programme, quod statim à nobis captis prodijt, vulgaverant, futurum fuisse ut facto nostro urbs Traiectum sanguine misceretur. Dictum hoc erat: probari oportebat. Et ideo hæc verba sententiæ inserta sunt, sed plane contra veritatem. Nam bene ordinare custodias, ut factum erat antehac, & Hollandicas centurias monere nequid adversus legitimum re-

gimen Trajectinæ nationis tentarent, non ad cedes faciendas sed ad eas cavendas pertinebat. Sed ex consilio exarmandi militis invitis primoribus Trajectinis, imo etiam iniussu procerum Federatorum, ut legitimum regimen contra leges mutaretur, ex inductione præsidij in urbem non consentientibus quorum consensus requirebatur, potuerant cedes oriri, nisi bonitas Trajectinorum procerum, ei periculo prævertendo, successisset injuriæ.

Sed & respublica:) Rempublicam dileximus semper. Ostendunt id apertissime consilia omnia quæ unaquam à me sunt data, & libri editi ad tuendum ornandumque præsentem statum. Salva republica honores, existimatio, gloria, bona, amici salvi mihi esse poterant: ea si in periculum adduceretur, & ipse simul de omnibus quæ in hac vita homines cara habent, periclitabar. Vide de hac re quæ supra ad verba de turbando reipublicæ statu notata à nobis sunt. Maiores nostri ita sunt arbitrati, rempublicam salvam esse posse etiam si nationes aliæ Romanensem, aliæ Reformatam religionem amplexarentur: atque ipse Princeps Mauritius terram

Arausionensem pacatam regit ubi utraque religio colitur. Et nunc respublica constare non potuit, si temperata quædam libertas super istis controversiis adhiberetur; Minusne bene in rempublicam animatum fuit oppidum Goudanum, quàm oppida alia, quia Goudæ Remonstrantium dogma laudabatur: longe aliter Vvिल्helmus Princeps Arausionensis atque eius temporis proceres iudicarunt, nimio rigore in rebus sacrorum, cui nos pares non sumus, rempublicam in discrimen adduci.

Ipseque Princeps in summum adduceretur periculum) Principem colus semper & bona fide dilexi: neque ullam occasionem passus sum elabi qua id testatum facerem. Ostendunt id libri. sed & honos mihi obtigit ut in rebus privatis suis mea opera Princeps uti vellet, quam ipsi non displicuisse confido. Quod proceribus Hollandiæ & magistratibus Rotterodamensibus parui in negotijs de quibus alia erat Principis sententia, non est cur eo nomine mihi Princeps succenseat. Pars hæc est eius pro qua pugnavit libertatis. Potestatem quæ delata ipsi est imminutâ nūquam volui. poterat eam retinere & nationis cu-

qui Hollandiæ præfuerunt. 501
iusque proceribus suam relinquere. At qui
sui commodi causa Principem negotiis
ingesserunt adeo non apud nobiles tan-
tum & rectores sed & apud cives plurimos
odiosis, nunc ut novos milites exarmaret,
nunc ut legitimos rectores deiiceret, nunc
ut pastores pelleret, plebique adimeret
Deum ex animi sententia colendi potesta-
tem, hi sunt qui palam fecerunt sibi se stu-
dere, non Principi, cuius vitam sine vlla
necessitate aut ratione periculis obiece-
runt. Nos initio non credidimus Traiecti
Principem operæ suæ facturum copiam:
cum id facturum intelleximus, ut ipsi ce-
deretur consilium dedimus. Ego peculia-
riter Rotterodami laborem sumsi, ut con-
tra ius ac possessionem eius oppidi data
missione novo militi gratia Principis redi-
meretur, (scit ipse) idque ne ad extrema
truderemur. En vero quod huius facilitatis
nostræ pretium reportamus.

Ex quo caterisque ipsius coitionibus ac molitionibus secutum est.) Nihil à me non palam fa-
ctum est. Etiam quæ oppidorum legatis in
conventu suo peculiari visa fuerant, perla-
ta fuerunt in communem Hollandiæ con-
ventum. ad nullam rem coivi, sed explevi
officium obedientiæ quod Hollandiæ pro-
ceribus rectoribusq; Rotterodamensibus

debebam, firmo proposito bona fide observandi federa & pactiones pridem factas.

Si quid ultra ea quæ obiecta supra sunt & à me refutata obijci potuit, specialiter id expressum oportuit, non iis verbis ad quæ responderi non potest, nisi hoc vanum me neque coitionem neque pravas molitiones mihi conferre, ut qui hoc vnice egerim ut egregio publico per vias quam iustissimas irem consultum. Viderint an coitionis molitionumque immunes sint, qui in cœtibus arcanis constituerunt ecclesiasticum divorcium impellere, ut & pacem super controversis quæstionibus & ius magistratuum circa pastores eligēdos everterēt; quique in iisdem cœtibus decreverunt Synodum è nationibus communem obtinendam, ut factæ iam secessioni auctoritas circumdaretur: Quique privati cum essent contra magistratus se pactionibus mutuis colligarunt, imo magistratibus quæ vellent extorserunt, ut eos aggressi sunt ac pro libidine mutarunt; quique templa in quæ proceribus potestas erat privato ausu invaserunt.

Ut in procerum corpore procere alij) Non potest hoc nobis imputari, quibus hic semper animus fuit, decreta procerum Hollandiæ de negotiis ad ipsorum rempublicam

qui Hollandia præsuerunt. § 03

spectantibus tueri, proceribus federatis fidelem opem præstare in his omnibus quæ secundum federis leges ad ipsos spectabāt. Illi viderint an non in procerum corpore proceres alios fecerint, qui primi instituerunt, ut oppida quædam peculiariter convenirent idque ad impugnanda procerum decreta, qui alia oppida in eandem societatem pellexerunt, effeceruntque ut exemplum à procerum corpore membra discerpenti in Hollandia coeptum ad Transsylvanos manaret.

Imperium in imperio) Imo vero in Hollandia unum summum imperium secundum leges mores ac fœdus retinere conati sumus, permittentes Federatis arbitrium rerum belli. At vero oppida quædam colligere ut manu facta decretis publicis contra eatur, id vero meo iudicio est in imperio imperium ædificare.

Novaque fœdera in ipso fœdere ac contra fœdus erigerentur.) Dissentaneum & hoc à vero est. Provocamus ad fœdera, tum id quod inter Hollādos ac Zelandos primo initum est, tum id quod Traiecti factum est postea, quorum utroque ius summum imperij, etiam circa sacra, cuique nationi servatur: Verba à nobis stant. Mutatio, quæ quidem aptari possit his quæ nostro tempore con-

troverſa fieri cœperunt, nulla oſtenditur. Hortati ſumus alij alios & rotunde ſententiam expoſuimus ad ea federa obſervanda, non ad nova facienda. Qui federa & vim eorum intelligunt, facile iudicaturi ſunt; an non illi contra fedus faciant, qui invitis nationibus leges præſcribunt ex quibus eccleſiam gubernare debeant: qui nationum proceres & oppidanos magiſtratus vetant adverſus vim ac ſeditiones tutelæ ſuæ proſpicere: qui ſociorum in-gratiam edictum facere nolunt ſeditioſis vocibus factiſque comprimendis: qui militem ordinarium abducunt ab officio quominus proceribus nationis ac magiſtratibus oppidanis præſto ſit ac pareat in negotiis ad propriam ipſorum rempublicam ſpectantibus: qui edicta faciunt & in Hollandia evulgant proceribus Hollandiæ nolentibus: qui capiendos decernunt eos, qui ad Hollandiæ conventum miſſi ſunt, atque in fide publica ſunt Hollandiæ, & ad eam rem præſecti Hollandiæ operam abutuntur: qui nobiles oppidanosque rectorés contra leges honoribus deiciunt, qui oppida procul à limite ſita externis præſidiis inſident. invitis magiſtratibus ac municipibus, quæ præſidia militum numero vincunt quatuor illa millia de quibus Philippi I I principa-

qui Hollandia præfuerunt. 505

tu tanquam palam violato iure publico tam graves querelæ motæ sunt : qui iurisdictionem sibi arripiunt in cives ac ministros Hollandiæ , erecto novo tribunali contra leges & sine vlllo exemplo nisi temporum Albanensis præfecturæ.

Vtique in universum status civilis & ecclesiasticus perturbaretur :) Quominus de rebus divinis alij alia sentiant, sæpe nulla vi nullaque sapientia prohiberi potest. Certè à nobis id præstari nequibat, qui ad rempublicam venimus multo post quam & ortæ erant & celebres factæ controversiæ . Sed ad præveniendas quæ inde nasci possunt turbas valent remedia à nobis indicata : interdictio obtrectandi ad exemplum Palatinatus cum hortamento ad retinendam unitatem inter dissentientes : aut delectorum ex civili & ecclesiastico ordine labor ad transactionem, aut Synodus convocata ad conciliandas partes regente eam summa potestate, aut interpositio hominum sacra intelligentium , quibus moderatum sit ingenium, & qui se controversiis quam minimum immiscuerint. Contra vero turbis causæ datæ sunt dum repudiantur illa remedia, dum permittuntur in allocutionibus ad populum convitia , sæpe & calumniæ, dum infestis animis definitio procudi-

tur. Statum civilem quod attinet, cum imperturbatum haberi posse, quanquam alij alia sentiant super quæstionibus controversis rerum divinarum, & ante hoc ipso capite & superius capite quarto ac sexto demonstratum est. Si regendæ reipublicæ modus aspicitur, observatio federis non mutato aut statu qui per annos quadraginta bene cesserat, aut rectoribus quorum fides longis experimentis erat probata, turbis causam præbere non poterat: sed id poterant præcipites conatus ad ancipitia & ad vim in socios, quæ agendi ratio, ut verum dicam, venenosa est & hostibus in rempublicam nostram occasiones suppeditat. Qui ergo nunc sunt qui contenti suo fuerunt & qui illi qui res novas quæsierunt? Res manifesta est. sed semper habet lupo in agnum iurgij causam.

*Cur, inquit, turbulentam mihi fecisti aquam
Istam bibenti?*

Nec quicquam agno prodest respondere:

*Qui possum, quæso, facere quod quæreris lupo?
A te decurrit ad meos haustus liquor.*

Quidam cum alterum atrociter verberasset in ius eum vocare voluit & dicam scribere, quod caput durum haberet. Si de sensu federis convenire non poterat (quanquam aperta erant verba) proximum erat

qui Hollandia præsuerunt. 507

venire ad amicos communes, ut ad Reges Galliae, Britanniae, Sueonum & Principes Evangelicos. Speraveramus nos Bossizij adventu eò res perducendas, neque futurum ut adeo fastidiretur consilium Regis cuius tanta in rempublicam nostram merita exstarent. Sed ad ultima quæque impulsus est negotium, ne amicæ compositioni esset locus. Proinde neque per nos perturbatus est status reipublicæ, neque per nos stetit quominus exorta turbamenta placide sedarentur.

Exhaustiretur ærarium ac respublica usque ad decies non semel sumtus faceret:) Siquis fuit qui pecuniæ publicæ quæsitivè parcere, quique ex ea locupletatus minime est, cum me profiteri audeo: neque metuo testes citare omnes eos qui me noverunt, etiam inimicos. Si verò hoc dicitur, profusionem tamen ex nostro aut (ut dici oportuit) ex eorum qui nobis præerant factò secutam, ne hoc quidem verum est. Impendia novi militis, quæ anno longius non durarunt, tolerata non sunt à communitate federis, sed à republica Traiectina & per Hollandiam ab oppidis, neque possunt, quantum mihi dictat memoria, pertingere ad bis centena millia Florenorum. Multum hoc abest à sæpius decies. Conventus Hollandiæ (nam

& quod hi crebro haberentur, obtreccatione non caruit) non reipublicæ Hollandicæ sed propriis oppidorum sumtibus sustinentur: quodque habiti sunt tam crebri, illis est imputandum quibus nulla decreta unquam potuerunt satisfacere. Qui res patriæ nostræ intelligunt, iudicent an non causam potius dicere debeant de exhausto ærario & sumtibus factis usque ad decies non semel, primum nationes quæ iam per annos multos tributa ut postulata erant à præfectis & senatu polliceri abnuērunt, & tamen quæ erant pollicitata non pependerunt: tum qui vetuerunt ne copiæ Gallicæ ex quo à Gallia pecunia defecit, cum honore ac gratia ad suos ire permetterentur cum id postulatum esset: oppida præterea quæ centum millia florenorum & amplius reipublicæ Hollandicæ reliquabantur: illi etiam qui auctores fuerunt colligendæ Synodi cuius impendia maxima vitro iactitant, nimirum ad multos cives optimos opprimendos, & qui contra leges tribunal instituerūt quod non minus septuaginta millibus stetit, ut alia prudens taceam.

Dissensio ac diffidentia passim inter federatos ac populares sereretur:) Pax ecclesiastica inter sententiis discrepantes, & fides de ope

mutua inter rectores, veræ erant rationes non ferendæ sed eradicandæ tum dissensionum, tum diffidentiarum. Contra vero & dissensionum & diffidentiarum causa data est ex licentia declamandi apud populum etiam in magistratus, & quia obstitum est ne ei malo medicina adhiberetur: quia seditiosa ac famosa scripta vulgare impune licuit: quia de publica spoliatione ac vi alia ius dictum non est: deinde ex legationibus & colloquiis, quibus id actum est ut plura Hollandiæ oppida transirent in eorum partes qui se conventui, conventusque decretis opponebant.

Fœdus frangeretur:) Ante ad hoc crimen responsum est. Nationi cuique saluum relinquere ius summum imperij circa sacra ac profana, tutari publicos rectores, hæc vero federis præcipuæ sunt partes. Ut vni conventui paucorum hominum potestas omnis deferatur, federi non convenit, neque vero durable est. Quod Carolus Burgundiarum Dux, quod ex eadem domo alij, quod Imperator Carolus, quod Rex Philippus effectum dare non potuerunt, ut scilicet per omnes nationes nostras una duntaxat esset respublica vnumque imperium, id si hodie hæud satis succedat nihil mirandum est. Amant populi omnes gubernari secun-

Patria sibi tuenda imper feret:) Imo in hoc semper laboravimus ut fines tantis militum copiis custodirentur, quantas necessarias esse animo concipi poterat: utque munimenta omnia firma ac valida haberentur. Id videndum potius, an non patriam sibi tuenda imparem faciant, qui milites tuendis finibus necessarios non in hoc impendunt, sed ut decrevis Synodi vim addant, maximo cum dolore multorum millium; qui indicta ad patriam tutandam vñera promissa semper animo tulerunt.

Adductaque sit in periculum aut passionis ignominiosa:) Quam procul hoc semper ab animo meo abfuerit, scit omnipotēs Deus. Multos aliud scire arbitror, etiam eorum qui huic sententiae ferendae adfuerunt. Summum imperium libertatemque patriae in omnibus scriptis meis defendi: omnia mea consilia eò tetenderunt: quicquid ad patriae rem stabiliendam augendamque pertinebat, id fide optima & animo integro procuravi. Ecclesiae divortium, rectorum mutatio illegitima, bonorum civium oppressio, hæ vero sunt viæ quæ ad tam miserabiles exitus rempublicam solent perducere, non ecclesiae unitas, publici imperij defensio & in re pietatis moderata libertas.

qui Hollandia prefuerunt. 311

Aut pleni exitij :) Absit hoc à nobis qui incolumitatem nostram in patriæ salute positam habuimus. Qui à prima ætate vitam suam inquinaverunt, hi suspecti esse possunt, ne rem eò perducant, non qui à pueritia honestis studiis ac proborum hominum consuetudini se dediderunt. Deum veneror patriam ut sospitet. Quod si quid ei impendet mali ob cõtemptam veritatem salutiferam, ob ruptas leges iuratas ac feda, ob effusum sanguinem innoxium, illos non tenebit culpa qui perseverare voluerunt in statu publico quem Deus tamdiu secundaverat, qui æquissimas ad concordiam conditiones tulerunt, qui nihil fecerunt nisi publico vocatu, postremo qui ut sanguini parceretur, ad ferendam iniuriam se composuerunt. *nola*

Ac proinde in bene constituta republica toleranda non sunt, sed punienda ut aliis exemplo sint :) Concedo, imo etiam morte punienda. Hæc enim illatio iure sequeretur, si vera essent quæ proxime antecesserunt. At ea nihil minus quam vera sunt. Iudicabit suo tempore is cui perspecta sunt omnia.

Ob eam rem dicti iudices) Adversarij nostri contra leges in nos iudices dati, ut demonstratum supra est.

Ex æsto consilio visis expensisque omnibus qua

ad causam pertinebant quæque ipsos movere poterant:) Demto quod maxime erat necessarium, nostra scilicet defensione ut videre est capite XIV & XVI:

Ius reddentes nomine ac vice procerum Fœderatorum Belgicogermania:) Imo vero iniuriam facientes eorum nomine quibus in nos iurisdicção non erat, & quorum præterea causa agebatur, ut discere est ex capitibus XIII & XV:

Captivum eundem damnarunt, damnantque ad carceres perpetuos:) Ad poenam legibus moribusque adversam ut capite XVII probatum est. Sed nimirum id quoque faciendum ita fuit, ut crederet vulgus nullam nobis factam iniuriam ab illis qui nos per menses novem in tali custodia detinuerat, qualis apud nos post Albanica tempora audita non erat. Est quod nos solemur magnis exemplis. Iosephus Iacobi filius ad adulterium sollicitatus cum esset, diu in vinculis fuit, quia id facinus noluerat committere, tam insons eius criminis quam nos stupri in Hollandiam, quæ virginis habitu apud nos pingi solet. Elector Saxo & Hassiæ Comes diu in carcere habiti sunt tanquam Germaniæ perturbatores, ideò quod Concilio Tridentino intercessissent: nos quia eorum qui nobis præerant mandato

qui Hollandia præfuerunt. 531

dato Synodum Dordrechtanam probare non potuimus. Miltiades qui pro Athenarum libertate tam fortiter fecerat, in carcere exspiravit. Qui unquam fuerunt viri præclare de patria meriti in liberis præcipue civitatibus (quam tamen gubernationis formam non ideo aspernor gnarus esse & aliis sua incommoda) qui non aut interfecti sunt, aut vincti, aut in exilium eiectiones. Publicam libertatem animose tueri quicumque vis; scias minoris id non constare quam tuæ periculo.

Eoque fini deportandum in bene custoditum locum assignandum à proceribus Federatis atque ibi per omne vita tempus habendum asservandumque.) Hic adscriptum non est ne pater, frater aliique necessarij ad me adire permetterentur. ita tamen usurpatum est. Vide caput XVIII.

Bona vero eius publicanda pronuntiant:) Bona certe exigua, quæ aut ex annuo salario meo & redditu vxoriæ dotis comparata sunt, aut magno cum labore operis forensibus quæsitæ. Hoc saltem hinc apparuit quam ego ex publicis muneribus rem non auxissem. Iam pridem peregre oblatis mihi fuerant honores non aspernandi, nec infructuosi. sed patriam semper prætulimus. nec eam incuso, quando hæc mala, non patria

inferente, sed pro patria & cum patria ferro.

Actum in iudicum cœtu) Cœtu novo atque inaudito. Deus similes à patria avertat.

Hagæ Comitatus;) Quo in loco illorum, quibus nos secundum leges parueramus, summum imperium ac potestas erat.

Pronuntiaturq; die XVIII Maj CIO IO CXIX.) Serius nono mense post me captum: ipso pervigilio Pentecostes, quo die ante annos LI à confessu, quem sanguinarium vocamus, sententia in Comites Egmundaniū & Hornanum pronuntiata fuerat.

Iussu dictorum iudicum signatum H. Potsius.) Hoc vnum nomen est quod sententiæ subscribitur, eius qui tum ad lites procurator erat Principis, sed ad hanc causam scribæ usum præbebat, atque eo merito factus deinde est scriba confessus iudicum Hollandiæ vetustioris. Iudices nostri (de parte maiore loquor) ex hac re plus emolumenti quam gloriæ sperarunt, atque ideo nomina sua, quod fieri solet, sententiæ non addiderunt. Vide caput XVII.

CAPVT XX.

*De mea notitia cum aliis pariter
damnatis.*

CVM Oldenbarneveldio notitia mihi
caliqua, non familiaritas intercessit,
antequam in adsessionem Rotterodamen-
sem fratri eius successi. Quicunque in re-
publica erant, sapiente eius consilio uti so-
lebant: præcipue oppidorum adsessores.
Ego quoque oblata occasione usus sum,
non ut ex eius amicitia quæstum facerem
(neque vero feci) sed ut quod peritiæ per
annos mihi deerat, id supplerem ex insti-
tutione ipsius qui oppido Rotterodamen-
si per annos novem, reipublicæ vero Hol-
landicæ plus annis xxx in adsectoris officio
operam navarat, in expeditionibus fuerat
sæpe, legationes obierat maximas, redditus
publicos auxerat, societates cum externis
egregias publico nomine contraxerat, do-
mique ac foris magnam prudentiæ faman-
erat consecutus. Eo autem cupidior huius
amicitiæ fui, quod sermones eius omnes
ad potestatem procerum Hollandiæ tu-
randam pertinebant, eumque animum,

quem & in me esse sentiebam , omnibus occasionibus testatum faceret. Credidi eo ipsum melius mihi velle quod ita me animatum conspiceret. Mos agendi quo in conventu utebatur erat admirabilis , tum ob honorem quem habebat conventui, tum ob lenitatem, qua sententias dissidentes audiebat , rationum momenta ponderabat & ad concordiam reducebat : quod & plerunque feliciter ei successit, extra postremas de sacris controversias ob perpetuam adversationem. Quos mecum privatim de iis controversiis sermones habuit, ij à publicis non differebant, de tuendo imperio procerum quibus ministrabat, de ferenda sententiarum diversitate super controversiis, de prædestinatione & coheren-
tibus, adhibita commoda explicatione ac limitum designatione , de præveniendis aliis rerum divinarum quæstionibus. Sæpe mihi dixit post factum fedus Trajectinum ita passim habitum, ita tractatum, ut nationibus singulis ius esset de sacris non minus quam de aliis negotiis civilibus imperare ad suam quietem : oppidis hætenus non motam controversiam de sui tutela : Semper hanc nationum fuisse sententiam, officium esse militum in rebus ad belli dispositum pertinentibus parere proceribus Fe-

deratis, senatui, præfectis : at in negotiis ad
nationis oppidorumque regimen perti-
nentibus parere proceribus cuiusque na-
tionis & post eos oppidanis magistratibus.
Sæpe admodum contulimus inter nos quo
potissimum modo exortæ controversiæ
transigi possent salva legitima reipublicæ
constitutione & ecclesiastici corporis uni-
tate. Vnde etiam ab ipso & à me diversis
temporibus varia consilia sunt data , quæ
ego intra mentem meam & æqua & tem-
poribus apta fuisse iudico , sed quæ ab aliis
perpetuo sunt repudiata. Motum vllum in
ipso fuisse animi , quo Hispanis aut iis qui
Hispanicarum sunt partium gratum face-
ret, neque ex actionibus eius neque ex ver-
bis comperire potui. atque ideo valde mi-
hi doluit cum in carcere meo à nonnullis
qui tum quæstioni præerant, ac postea inter
iudices confederunt, affirmatè admodum
michi diceretur , in manibus se habere do-
cumenta earum rerum quæ continerentur
libellis nuper in Oldenbarneveldium edi-
tis, quibus nomen *Prævia detectio, Dissertatio*
necessaria, & Hispanici consilij artes, ac specia-
tim pecuniæ quam ab Hispanica parte
clam accepisset, quo tempore induciæ con-
trahebantur : cuiusmodi sermones eodem
tempore ab aliis quoq; habiti sunt ad Prin-

cipes ac legatos. Quod si ita fuisset, merito sane suspectas reddidisset omnes ei⁹ actiones, quas alioqui benigne interpretari par erat, non modo ob communem æquitatis regulam, verū etiam ob summam caritatem in patriam quam ille etiam privatus, ut Harlemi obsidio solveretur in militiam profectus voluntariam, postea confectis se suatore tot decretis, in corpus vnum redactis Indicanis societatibus, atque in eius corporis negotia prono studio, splendide testatam fecerat. Didici postea, sicut in tractatione causæ nostræ multa per obliquas artes gerebantur, ita & istud repertum ut ad defendendam causam bonam animus mihi excuteretur. Apparuit id primum ex sententia quæ tale nihil ipsi obiicit: deinde epistola post sententiam edita, tandi ut falsus rumor, quo tandiu circumventa plebs fuerat, post mortem quoque ipsius aleretur: quæ epistola nomen quidem præfert procerum Federatorū, sed opus erat quorundam è iudicibus qui tum conyēti Federatorum intererant: neque enim huius rei amplius quicquam scire poterant proceres Federati quam iudices ipsis renuntiaverant. Hæc ergo epistola à maxime infestis Oldenbarneveldio hominibus conscripta non de probationibus repertis lo-

quitur, sed de suspitione, nec quasi hostem respexerit, ut gratū ei faceret (qua etiam in re non addito) sed quasi eum respicere potuerit. Nam quod ascriptum est, tormentis abstentum ob gravem eius ætatem, minime est probabile, cum illi ipsi senectutem eius adeo non sint reveriti, ut paucos annos, qui ei restare poterant ad vitam in ministerio publico detritam, licitoris manu præsciderint, spretis etiam Galliæ regis precibus, cuius amicitia patria nostra tam valde indigebat. Utilitas publica (quæ & ipsa obtenditur) longè aliud exigebat. nam eius vel maximè intererat, ut cum hoste commercia (si qua fuissent) penitus recluderentur. Non leve profecto peccatum est, cui vitam ademeris eidem bonam quoque existimationem adimere falso rumore tam horrendi criminis. At certè si quis iudicio imperturbato rem hæc penitus inspexerit, inveniet ne veri quidem speciem adesse huic calumniæ. Namque Oldenbarneveldius honores maximos, neque mediocres divitias obtrinebat. domum quoque suam præclaris affinitatibus fundaverat. Qui ita sunt, hi res novas querere non solent. Tum vero nationes apud nos plures sunt, oppida multa quæ corpus federis constituunt: in his nonnulla in quibus Oldenbarnevel-

dius neque auctoritatem, neque amicos habebat. Solus rem tantam exsequi non poterat. Eorum qui honoribus nunc demoti sunt (quorum haud dubie opera indigisset) nemo eo nomine accusatur. imò omnibus sua existimatio illibata relinquitur. Ipsum Oldenbarneveldium sanctè semper asserentem audivi, quod & edita oratione & iam iam moriturus, tum apud pastores, tum apud mortis suæ spectatores testatus est, intactum se plane huius criminis: nihil in arcano sibi cum hoste actum: nulla inde ad se munera pervenisse nisi palam iuxta cum aliis nostrorum legatis quo tempore induciæ fiebant. Quod ipsam induciarum pactiōem attinet, ea cum fieret, admodum eram iuvenis: neque me immiscui negotio ad meum munus non pertinenti. Neque vero ita percognitæ mihi sunt opes viresque tum quas Rex Hispaniæ eo tempore, tum quas nostri habebāt, ut certo iudicare possim quid in ea re vtriusque boni malive situm fuerit. Hoc tantum scio, ex duabus sententiis quæ tum magnis argumentis magnisque auctoribus seuebantur, eam quæ erat mitior & humano sanguini parcebat, vtiliorem etiam visam, non Oldenbarneveldio tantum, sed & summi reipublicæ nostræ sociis Regibus

Galliarum ac Britanniarum, postquam in ipsorum consistorio res erat ampliter tractata. Manifestum & hoc est post factas inducias præclaris societatibus munitam ornatamque rempublicam & oppida exsoluta quæ pignoris nexu tenebantur. Sed & illud Oldenbarneveldio fuisse consilij, ut imperium patriæ externo cuiquam transcriberet, neque comperire neque credere potui: quia sermones ipsius, tam domestici quam publici omnes ad servandū penes proceres imperium pertinebant: quibus hoc addebat, si quæ insignes Hollandiæ partes existimarent è re esse publica ut Principi Mauritio potestas maior tribueretur, paratum se ea de re ad conventum referre, ut negotium hoc ritè atque ordine & animis concordibus tractaretur. Verum est, accepta ab ipso munera, non tantum ab Henrico Galliæ Rege, qui operam rebus suis adversis navatam iam regni plene compos regia liberalitate repensare voluit, sed & à Rege Britannię, tum per se, tum per liberos suos, sed nondum erant ea de re in republica nostra leges scriptæ: adde quod alij non minora acceperunt. Semper illum dicentem audiui, omnes amicitias ac societates diligenter colendas, præcipue autem Gal-

tum eius opus esset, in suam fidem ac tutelam receperunt. Tertiò, post orta sacrorum dissidia similibus malis redardescentibus denuo in fidem publicam receptum eius muneris ergo quo fungebatur, tum ob diu fideliter navatam operam consciis non tantum proceribus ipsis sed vniverſo genere humano, vt habent debereti tum facti verba. Neque vero tam gravis fuit eius auctoritas, vt non & ego & alij sæpe ab ipſo diverſum cenſeremus. Si quis plenius cognoſcere avert res eius geſtas atque animum, is interim videat orationem ad proceres Hollandiæ scriptam ab ipſo, & editam anno crio 10 cxviii, hiftoriam carceris eius vulgatam anno crio 10 cxx cui insertæ etiam sunt literæ ipsius quas clam diverſis temporibus è custodia omiſit, ac de cætero exspectet quod generi liberique eius, vbi commodum erit, pro memoria ipsius edendum iudicabunt.

Hanc noscitare primitus cœpi in Hollandiæ conventu, hoc pluris eius amicitiam faciens quod passim testimonium ei redderetur probitatis testatæ primum cum confessui curatorum rei maritimæ in oppido Rotterodamo scribundo adesset, ac postea cum magistratibus Harle-
 mensibus adsideret, ad id munus ab ipsis,

vocatus. Quæ dicta sunt ab eo aut mihi aut in oppidorum colloquio, ea congruebant cum his quæ publice in Hollandiæ conventu Harlempjesium nomine dicere iubebatur, pertinebantque ad pacem Ecclesiasticam retinendam inter pastores & populos vtriusque sententiæ, tuendamque potestatem procerum ac magistratuum. Sed & hoc ex Harlempjesibus missis ad conventum plane intellexi, quicquid huius, aut in conscribendo libro apologetico adversus acta confessus iudicium superioris ab eo factum est, id omne factum mandatis rectorum. Innocentia eius hinc quoque conspicitur, quod & liber iste apologeticus, & professio Harlempjesis & actus mandati datus oppidorum legatis (quæ ferme sunt capita quorum accusatur) omnibus notæ erant, ut quæ typis vulgata essent ante nos captos. Et tamen ipse post nos captos permissus est venire in conventum Hollandiæ: quin post mutatos quoque magistratus per menses duos liber incedere, nemine ipsi negotium exhibente. At postea cum spes esset illam immitem nostri custodiam ad ipsum ne se sisteret terrendum valituram, edicto citari cœpit: quo intellecto ipse ad laudatum exemplum Principis Arausionensis periculo se subduxit, scripto

interim complexus causas quibus ostenderet tum se ad iudicem non suum vocari, tum nullius se criminis teneri, speciatim etiam refellens quæ tum falso spargebantur, de coitione facta, de collegio oppidorum in quibus ipse atque alij vicibus præficerent, de auxilio Trajectinis promisso, atque alia quæ supra ex vero & ita vt ab ipso factum est à nobis sunt refutata. Addidit solennem testationem nunquam se ab Oldenbarneveldio, nunquam à nobis intellexisse quicquam quod non esset pro iure publico. Tamen effugere non potuit, quin exsilio in annos quindecim & bonorum partis dimidiæ publicatione mulsetaretur. Et quanquam omnes qui iudicio valent facile intelligunt eam pœnam neutiquam respondere crimini læsæ maiestatis, tamen ipse non minus quam nos anno post comprehensus fuit in ea pronuntiatione qua non Oldenbarneveldius tantum, sed & alij cum eo damnati eius criminis convicti dicebantur: ac nunc cogitur cum vxore, cuius pater olim libertatis ac religionis ergo exsulatum iuit, cumque liberis quieti suæ sedem quærere in locis exteris, ne hoc quidem ipsi concesso vt eo iure fruatur, quod lex notissima Harlemēsis indulget (quæ lex nullo delictorum discrimine etiam Al-

qui Hollandia præfuerunt. 527

banicis temporibus exercita est) de redimenda bonorum publicatione. Non dubito quin dux Holsatiæ , qui nunc cum in honorato ministerio habet, eandem in ipso fidem ac probitatem sit reperturus quam patriæ oppidoque Harlemo præstitit.

Angor animi cum ad Hogerbetium venio, cuius vincula ac mœror hoc magis me cruciant, quod supra officia multa quæ liber libero fecit, etiam in Lupesteniana custodia, prohibito nobis conspectu mutuo; solatus me sæpe est literis, indubitatis testibus tum probitatis ipsius, tû in Deum pietatis, quas virtutes tum ipse, tum vxor ipsius (quæ captivitati coniugis immortua est) omnibus vitæ suæ partibus ostenderunt, vt vsurpare de illis Claudiani illud liceat:

*Ceu sibi certantes sexus quid posset uterque
Hunc legère thorum.*

Digni ambo maioribus suis , quos ille habuit præcipuos ac rectores oppidi Hornani , illa vero Dordrechtanorum genere clarissimos. Ipse , postquam causas egerat, adfessor factus est Lugdunensium, deinde in confessu supremo iudicavit per annos viginti, ea sanctitate, vt perfectissimi iudicis exemplum haberetur. Extrema hac rei publicæ necessitate oratus ab oppido

Lugdunenſi vt vacuum adſeſſoris locum iterum impleret, aſſenſu procerum Hollandiæ eò ſe adduci paſſus eſt, neque longius octo menſibus id munus obiit, intra quod tempus iudicio horum hominum, quos affectus ſui excæcarunt commeritus eſt carcerem perpetuum & bonorum publicationem, cum tamen omnibus notum ſit res præcipuas quæ ipſi obiiciuntur decretaſ fuiſſe antequam ipſe ad rempublicam rediret, etiam novos milites Lugduni conductos. Alia geſta quod attinet mihi cum ipſo communia, (id vero ego in non exigua laudis parte pono, virum eum iudicans probitate cedentem nemini eorum quos in Hollandia novi) de eis ſupra reſponſum eſt. De tribus rebus quæ ipſi ſpecialiter obiiciuntur tantum eſt quod intellexi. Actum mandati legatis ſuis ad Hollandiæ conventum datum à conſulibus Lugdunenſibus, ſed vi decreti antecedentis facti ab ordine, quod eundem ſenſum continebat quem actus mandati. De negotio Wordano nihil aliud quam diſſertatum inter rectores Lugdunenſes, ſi magiſtratus Wordani impares ſe crederent ad vim (quæ ipſis ſpeciatiim comminata fuerat) propulſandam, rectius facturos ſi ſe pro tempore propriis cuſtodibus munirent

ex decreto facto iv Augusti die anni cix
156 xvii, quam si maius præsidium expos-
cerent, quando appareret ordinarios mili-
tes difficiles se præbere in iuvandis magi-
stratibus contra vim quæ religionis nomi-
ne velaretur : ei autem sermoni causam
fuisse ex cura quam antiquitus rectores
oppidi Lugdunensis pro oppido Vvorda-
no gessissent, quod eius quies ob vicinita-
tem ad se quoque pertineret : neque ta-
men ex eo sermone secutum quicquam
aut consilia cum magistratibus Vvordanis
sociata : Super subito neque prius signifi-
cato Principis Mauritiij adventu Lugdu-
num, deliberatum quidem inter magistra-
tus Lugdunenses præsentē Hogerbetio,
sed antequam ille in ipsorum esset mini-
sterio: sub idem tempus à custodibus exau-
dita verba quorūdam minacia, quibus im-
pulsos rectores ad oppidi pacem tutandam
municipum corpus armasse, constituto
etiam, mittendos ad Principem suo de nu-
mero, qui benigna nuntiatione curarent
ne ipse hanc rem acciperet sinisterius. Ve-
rū quia Princeps non Lugdunum, sed
alio iter deflexit, ideo id non peractum.
qua in re rectores Lugdunenses invenire
non posse quicquam à se peccatum, cum
ex actis publicis discant à maioribus olim

fuis Carolum Burgundum Principis filium
& missum à patre qui vice eius rempubli-
cam regeret, porta interclusum, quod me-
tuerent ne præsentia exsulum qui ipsum
comitabantur, oppidi quies turbaretur: ne-
que eos tamen eo nomine reos actos cri-
minis, quia quod in rebus eiusmodi bona
mente fit, ad cuiusquam contumeliam ac-
cipi non debet. Qualiscunque vero hæc
res habeatur, certe Hogerbetiam, ut &
multæ aliæ, non tangit.

Apud Iohannem Vtenbogardum habi-
tavi adolescens per annos aliquot, sollicitis
parentibus meis ut in Dei cultu educarer,
quamobrem Lugduni quidem apud Fran-
ciscum Iunium, Hagæ vero apud Vten-
bogardum me collocarunt. Gratias illi
magnas debeo tum Christianæ institutio-
nis, tum quod vitæ exemplo mihi prælu-
xit. Nec postea desij tum allocutionibus
eius ad populum interesse, tum inchoatam
amicitiam fovere, mirari solitus tum inge-
nium eius, tum eloquentiam quæ à Deo
eximia acceperat, quorumque nomine
iuxta virtutes alias ita placuerat Principi
Mauritio, ut non tantum in aula & castris
illo pastore sibi gratissimo vteretur, sed &
privatis eum rebus suis (ut intellexi) vellet
admovere, quod ab ipso comiter excusa-

rum est. Ex sermonibus factisque eius nihil aliud comperi, quam dogmati Remonstrantium ex animo esse addictum, ut quod non tantum divinis oraculis consentire crederet, sed & ad promovendam pietatem magni esse momenti: simul tamen paratum fide optima cum pastoribus aliter sentientibus fraternam unitatem servare, ferreque eos & ab eis ferri. De republica ostendit semper se mecum & cum alijs multis credere, procures Hollandiæ sibi colendos ut summam in se potestatem eorumque imperatis parendum secundum divina iussa, quod & perpetuo fecit. Colloquio, quod domi eius Ledembergius nobiscum habuit, non adfuit continenter: sed ingressus & à Ledembergio rogatus nobis adesse quietum se cōtinuit, nihil ad rem quæ agebatur locutus quod ego meminerim. Cæteras res quod attinet quarum accusatur, de ijs se defendit libris editis, reddito etiam testimonio quid de nostris consiliis ex ore nostro intellexisset. Tamen hic quoque nobiscum damni ac probri consors fuit, multis calumnijs petitus, edicto vocatus ad iudices, actus in exilium, bonis insuper publicatis: quodque plus, secuta post sententiam pronuntiatio ipsum quoque crimini Maiestatis involvit.

Cum alijs multis eiusdem sententiæ pastores, qui itidem nunc ob sententiæ suæ professionem coguntur patria carere, aut clam eam usurpare perpetui carceris periculo, notitia mihi intercessit : atque eos inveni viros eruditos, pios & magistratum suorum reverentes. Semper auctor illis fui ut dogma de cuius veritate ac utilitate persuasi in animo suo essent super prædestinatione & rebus coherentibus ad frugem bonam & semota acerbitate proponerent, atque vltiores controversias declinarent, quo pax ecclesiæ, ubi superebat, retineri, ubi luxari aliquatenus coeperat, hoc facilius restitui posset.

Danielem Treselium, qui primus fuit inter operas scribæ Federatorum, vix novi antequam exsilio coniungeremur. Cum hic speciatim exemptus sit ab eorum numero qui in maiestatem deliquisse arguuntur, satis intelligere non possum, quibus rebus vocatio ad iudices & sententia in eum lata (nam causam nō continet, ut nec illa Hanij & Vtenbogardi) nitatur. Quod sermonis ac literarum commercium habuerit cum his qui ad conventum Federatorum missi erant, in quibus erat & Oldenbarneveldius, eosque certos fecerit de his quæ de die in diem gerebantur, id ve-

qui Hollandia præfuerunt. 533

ro nec scribam Arsenium, nec ceteros eius conventus participes latuit: ne que ei interdictum vnquam est. Id scio non adfuisse eum colloquio quod domi ipsius inter nos & legatos Traiectinos habitum est.

Iamque expleto officio quod mihi, quod coniugi, quod liberis, quod aliis debebam, in monumentum & nostræ & venturis ætatibus, Deum optimum precor, vt quicumque in me aut alios peccarunt iis id clemens ignoscat: patriam meam mihi dilectissimam sospitet adversus pernitiem internam externamque: Principi Mauritio indulgeat vt eam patriam feliciter cum civium caritate & gratia gubernet: dogma ad pietatem pertinens intra hominum mentes fœcundet; meque & alios eandem ob causam dura sustinentes aura cœlesti fulciat, vt crucem qua nos honestat non tantum feramus patienter, sed & ea exciti vitam nostram emendemus magis magisque, ac tandem immensa ipsius miseratione ex hoc lachrymoso ergastulo vindicati partem accipiamus eius gloriæ quam Dominus noster, vnicus salutis auctor, nobis peperit.

F I N I S.

Summa Privilegij.

LUDOVICI XIII. Gallie & Navar-
ræ Regis, cautum est Privilegio ne
quis intra decennium typis mandet, neve
vendat librum cui titulus est, *Apologeti-
cus eorum qui Hollandia præfuerunt, &c.* Au-
thore HYGONE GROTIQ I. C. præ-
ter Nicolaum Buon Bibliopolam Pari-
siensem, qui secus faxit, pœna mulcabi-
tur, uti latius patet in ipso Diplomate dato
27. Iulij 1622. sub signato

GOISLARD.

*Ad rectius intelligenda ea qua pagina
29. & pag. 154. dicta sunt, pertinet hoc
recens edictum factum a proceribus
Frisia.*

V B E N T proceres Oltergox, VVe-
stergox & Septemsiluanæ, moti iu-
stis rationibus atque edicunt, ne qua
• Synodica decreta vim aut effectum ha-
beant priusquam a nationis proceribus ap-
probata fuerint.

Cumque pastores nonnulli subinde, ac
nuper etiam in Bokuerdiensi Synodo ausi
sint regulas Ecclesiastici regiminis in com-
muni Synodo Dordrechtana constitutas
in hanc terram introducere & ad vsum cō-
ferre, cum tamen ex regulæ his in locis ad
effectum perduci nequeât, multisq. in par-
tibus pugnent cum legibus publicis, atque
adeo in conuentu nationis huius solenni
decreto trium membrorum reiectæ sint :
quæ res damnum contemptumque & igno-
miniam adfert ipsis proceribus.

Eam ob rem vetant atque interdiciunt
diserte proceres omnibus pastoribus ne
dictas regulas Ecclesiastici regiminis in vl-

lo Synodico aut vicinali cætu proponant,
conentur veintroducere aut ad usum cō-
ferre. Si quis proposuerit, aut tale quid ma-
chinatus fuerit, eum volunt haberi turba-
torem pacis publicæ, & pro negotij quali-
tate puniri. Procuratori autem publico in-
iungunt in hanc rem intentum esse, & ius
publicum nationis aduersus peccantes tu-
cri. Quod si ad hæc euertenda delegati rei-
publicæ curatores sollicitentur a delega-
tis Synodi aut alijs, iubentur eidem reipu-
blicæ curatores huic decreto obsequi. A-
ctum decretumque in hoc statō conuentu
procerum in basilica procerum Leonar-
diæ. x. Iulij, cio 15c xxix.

Errata.

Sic reponenda.

In Epistola.

Pag. Pag.	7. 14.	lign. l.	10. 13.	ieiecere in fallor	ieiecere ni fallor
P.	4.	l.	7.	Itaque	Ita plerique
P.	10.	l.	3.	aliorum	altarum
P.	41.	l.	17.	sui	suæ
P.	61.	l.	6.	eis	eius
P.	67.	l.	9.	lect.	fect.
	<i>ibid.</i>	l.	19.	& omnis	omnis
P.	73.	l.	12.	fuert	fuit
P.	75.	l.	1.	Affricano	Arauficano
P.	76.	l.	8.	tolerabiles	an tolerabiles
P.	82.	l.	11.	sic	hi
P.	84.	l.	25.	vitrumque	vitumque
P.	86.	l.	13.	peccatorum	pacatorum
P.	93.	l.	2.	Ecclesiæ	Ecclesiæ
P.	94.	l.	9.	Paulin. Mediol.	Paulin ⁹ Mediolan ⁹ sem
P.	113.	l.	24.	eam	tam
P.	115.	l.	25.	inter	intra
P.	116.	l.	25.	tentorio	tutorio
P.	118.	l.	19.	mea opera	mez opera
P.	119.	l.	13.	maxima	maximo
P.	123.	l.	15.	agere	egere
P.	129.	l.	8.	edixissent	edicerent
P.	144.	l.	7.	ne in	in
P.	147.	l.	22.	curam	vitam
P.	151.	l.	18.	A moliendis	A moliendis
P.	154.	l.	1.	multa	multum
P.	155.	l.	8.	ius	vis
P.	158.	l.	23.	retinet	retineat
P.	163.	l.	7.	consentium	consentium
P.	167.	l.	19.	se	de
	<i>ibid.</i>	l.	29.	ac	at
P.	170.	l.	22.	Episcopi	Episcopij
P.	174.	l.	21.	ferreret	ferueret
P.	175.	l.	19.	perdidicerat	perdidicerat
P.	181.	l.	29.	neque	neque
P.	242.	l.	16.	omnes	omne
P.	254.	l.	28.	soluij	solui
P.	257.	l.	11.	intest	inter
P.	292.	l.	10.	nulla	villa
P.	351.	l.	7.	sententia	sententia
P.	464.	l.	29.	a	ac noua
P.	473.	l.	6.	gratam	gratum
	<i>ibid.</i>	l.	7.	iri	iniri
	<i>ibid.</i>	l.	23.	Non ita	Non ita
P.	487.	l.	16.	qua	quia
P.	500.	l.	15.	colus	colui
P.	505.	l.	29.	infestis	infestis